

მეცნიერ სანიქიქე

რომის გვიანდელი ჩესკუბლიკა

საქართველოს სსრ- უმაღლესი და საშუალო სპეციალური
ვანათლების სამინისტროს მიერ დამტკიცებულია დამხმარე
სახელმძღვანელოდ პედაგოგიური ინსტიტუტების
სტუდენტებისათვის.

პროფ. ლევან სანიკიძის წინამდებარე გამოკვლევა „რომის
გვიანდელი რესპუბლიკა“ ეხება რომის ისტორიის საინტე-
რესო პერიოდს, რომისა და აღმოსავლეთის ურთიერაობას,
იმას, თუ რა გავლენა იქონია აღმოსავლეთთან ურთიერ-
ობამ რომის სოციალ-ეკონომიურ და პოლიტიკურ ცვლ-
რებაზე.

ძე. წ. 11--1 საუკუნეების რომის სახელმწიფოში
მონათმფლობელური სისტემის აყვავებას ოლიგარქიულ-
რესპუბლიკური სისტემის კრიზისი და დაცემა მოყვა. ნაშ-
რომში დიდი ყურადღება ეთმობა იმას, თუ რა როლი შეას-
რულა რესპუბლიკური სისტემის რღვევაში და იმპერიის წარ-
მოშობაში აღმოსავლეთთან (განსაკუთრებით ელინისტურ
და ამიერკავკასიის ქვეყნებთან) ურთიერთობამ.

ნ ა წ ი ლ ი პ ი რ ვ ე ლ ი

თ ა ვ ი პ ი რ ვ ე ლ ი

რომი და ალგოსაჰდეთი ძველი ნაღმალკიხისხვის III ს-ის ბოლოს

„რომის ერთადერთი ტალანტი — ესაა მსოფ-
ლიოს დაპყრობა“

შ ა ნ - შ ა კ რ უ ს ო .

I. რ ო მ ი

ქალაქმა რომმა ძვ. წ. III საუკუნის პირველ მეოთხედში მთლიანად დაასრულა იტალიის დამორჩილება და უაღრესი აქტიურობით დაიწყო ბრძოლა ხმელთაშუა ზღვაზე გაბატონებისათვის. რისთვისაც მას პეტოქეობა მოუხდა მეორე, დიდი „იმპერიალისტური“ ტრადიციების მქონე მონათმფლობელურ სახელმწიფოსთან — კართაგენტთან.

თითქმის ერთი საუკუნე შეეწირა რომსა და კართაგენს შორის ატეხილ „პუნიკურ ომებს“.

პირველმა პუნიკურმა ომმა (264—241) რომს წილად არგუნა პირველი დიდი გამარჯვებანი აპენინის გარეთ. მის ხელში გადავიდა კუნძული სიცილია, ხოლო მალე ამის შემდეგ, სარდინია და კორსიკა. რომმა მოწინააღმდეგეს დიდი კონტრიბუცია დაადო და მტკიცედ შეუდგა კართაგენელთა გამოდევნას ხმელთაშუა ზღვის ეკონომიური და სტრატეგიული პუნქტებიდან.

მაგრამ კართაგენი კვლავ დადგა ფეხზე. ბ ა რ კ ი დ უ ლ მ ა (ჰამილკარ ბარკა) სამხედრო პარტიამ დიდძალ რომაულ-იტალიურ საომარ რესურსებს, აფრიკულ-კართაგენულის გარდა, დაუპირისპირა ახალი დიდი საომარი რეზერვი — პირენეის ნახევარკუნძული.

კართაგენელებმა სარევანშო ბრძოლა განაახლეს, როგორც კი მათ სათავეში ჩაუდგა გენიალური ჰ ა ნ ი ბ ა ლ ი .

მეორე პუნიკური ომი (218—201) უმძიმესი და უსამინელესი იყო

მთელ ანტიკურ სამხედრო ისტორიაში. ამ ომში დაისვა საკითხი უკელაზე შევეთრად და გადაკრით: ვინ უნდა უკარნახოს კანონები მსოფლიოს — რომმა, თუ კართაგენმა. პანიბალს — ტიცინუსის, ტრებიას, ტრაზიმენის და, განსაკუთრებით, კანეს სახელოვან ბრძოლათა და უბრწყინვალეს გამარჯვებათა კავალერს — უფლება ჰქონდა ეფიქრა, რომ მოახლოვდა დღე რომაული ძუ-მგლის დასამარებისა და ფინიკიური მელკარტის აღორძინებისა. პანიბალის თექვსმეტწლოვანმა იტალიურმა ლაშქრობებმა იტალია რომს ხელიდან ვერ გამოჰგლიჯა. ბოლოს, უძლეველი ფინიკიელი იძულებული შეიქნა იტალიიდან წასულიყო და მშობლიურ აფრიკის მიწაზე, ქ. ზამასთან (იქაც როგორც მთავარ გმირს), მიანაწილეობა მიეღო თავისი სამშობლოს უმძიმეს ტრაგედიაში.

რომმა საბოლოოდ ჩამოართვა თავის მეტოქეს მსოფლიო ბატონობის პრეტენდენტობის კვერთხი. კართაგენი, უძლიერესი მსოფლიო სახელმწიფო. უბრალო, კოლონიურ მოხარკე ქალაქად გადაიქცა. კართაგენთან ერთად, რომის ხელში აღმოჩნდა ყველა კართაგენული სამფლობელო.

ეს კი იმას ნიშნავდა, რომ III—II საუკუნეების მიჯნაზე, რომის პოლიტიკური და ეკონომიური მბრძანებლობის ქვეშ მოექცა მთელი ხმელთაშუა ზღვის აუზის დასავლეთი ნახევარი.

აქვე გადაკრით ისმება მეორე განსაკუთრებული მნიშვნელობის საკითხი რომის საგარეო პოლიტიკაში და, საერთოდ, მაშინდელ საზოგადოებათა ისტორიაში. ეს არის რომის ექსპანსიის გაგრძელება აღმოსავლეთის მიმართულებით — რამეთუ „გაერთიანდნენ დასავლეთი და აღმოსავლეთი“ — ირი ორგანული ნაწილი ერთი მთლიანი „მსოფლიო ურთიერთობის დიდი წყლის გზისა“.

ამ „მსოფლიო გამთლიანების“ პრეტენზიით გამოდის რომი მეორე პუნიკური ომის მეორე დღესვე, რომაული მახვილი და დიპლომატია აღმოსავლეთისკენ შებრუნდა...

რომისა და აღმოსავლეთის ურთიერთობათა პირველი ფურცლები ვერ კიდევ „პანიბალის ომის“ წლებიდანვე გადაიშალა. როგორც მოალოდნელი იყო, რომაელთა პირველი აღმოსავლური ლაშქრობა ბილკანეთის მიმართულებით დაიწყო. ეს იყო ე. წ. ილირიული ომები.

ილირიელი მეკობრეების ხშირი თავდასხმები იტალიის სანაპიროებზე და აღრიატიკზე მცურავ რომის სავაჭრო ნომადლებზე, შეიქნა საბაზი რომაელთა პირველი „აღმოსავლური დაინტერესებისა“.

230 წელს რომის ხელისუფლებამ ელჩები გაუგზავნა ილირიის დე-

დოფალ ტექტას და მოითხოვა მეკობრეთა ალაგმვა. ზვიადმა დედოფალმა კანდიერი უარით გაისტუმრა ელჩები; ერთი მათგანი ილირიელებმა მოჰკლეს კიდეც. ტექტას იმედი ჰქონდა მაკედონიის მხარდაჭერისა, მაგრამ ეს იმედები არ გაუმართლდა. როცა (229 წ.) რომაელთა სამხედრო ძალებმა (200 გემი და 22.000 მეომარი) ადრიატიკის ზღვა გადალახეს და ბალკანეთს მიაღწენ, სწორედ მაშინ მოკვდა მაკედონიაში ილირიის მოკავშირე მეფე დემეტრე მეორე და პელას სასახლის კარზე ჯერ არაეინ იცოდა ვის ჩაუვარდებოდა ტახტ-გვირგვინი. ამ დროს ბერძნები რომაელთა მხარეზე დადგნენ. მომდევნო 228 წელს ტექტამ დაზავება ითხოვა. მან აღუთქვა რომს, შეწყვეტდა ყოველგვარ კონტროლს და თავდასხმას ადრიატიკის ზღვაზე და იტალიაზე. ამას გარდა, რომაელებმა ილირიის დედოფალს ჩამოართვეს ჩრდილო-დასავლეთ ბერძნული კუნძულები და ქალაქები (კორკირა, აპოლონია, ეპიდამნი და სხვ.) და ილირიის სამხრეთი ოლქები. ყველა ესენი სამმართველოდ გადასცეს რომის მხარეზე გადასულ დემეტრე ფაროსელს. ეს პირველი „socius et amicus populi Romani“ („მოკავშირე და მეგობარი რომაელი ხალხისა“) აღმოსავლეთში, ვალდებულებას კისრულობდა, საპირო შემთხვევაში, სამხედრო ძალით მიშველებოდა რომს.

აქედანვე იწყება რომის ბერძნულ-მაკედონური პოლიტიკა. ილირიის განადგურებისათვის ბერძნები ხელგაშლით შეხედნენ დასავლეთიდან მოვლენილ დამპყრობლებს. მთავარი მაინც ის იყო, რომ ბერძნები რომაელებში მაკედონიის წინააღმდეგ მებრძოლ-მოკავშირეებს ვარაუდობდნენ. ათენში და კორინთოში რომაელები ნამდვილ ელინებად მონათლეს და პანელინურ ღღესასწაულთა უპირველეს საპატიო სტუმრებად გამოაცხადეს.

მაგრამ არც მაკედონიას ეძინა. მცირე დაბნეულობისა და სასახლის კარის აშლილობის ლიკვიდაციის შემდეგ, ანტიგონე დონმა ქვეყანა ენერგიულად დარაზმა ბალკანეთში ახალი სახიფათო ძალის პარალიზებისათვის. მაკედონიის მეფეს კვლავ მორჩილებაში ჰყავს საბერძნეთის მთავარი ოლქები, განსაკუთრებით, პელოპონესი. როგორც მეგობრულ ურთიერთობას მტრული დამოკიდებულებით სცვლის, აგრეთვე, დემეტრე ფაროსელი. იგი უკავშირდება ანტიგონეს, ხოლო, აქ უკანასკნელის სიკვდილის შემდეგ, მაკედონიის ახალგაზრდა მეფეს — ფილიპე მეხუთეს.

219 წელს რომაული ფლოტი და კონსულთა ორივე არმია ხელახლა მიაღწა ბალკანეთის დასავლეთ სანაპიროებს. ფილიპე მეხუთე მაკედონელმა, საბერძნეთის გართულებული საქმეებით ხელებშეკრულმა, ვერ მოახერხა დახმარებოდა მოკავშირეს. დემეტრე დამარცხდა და მაკედონიაში გაიქცა. ილირია რომის მორჩილებაში შევიდა.

მომდევნო 218 წელს „საგუნტის ცეცხლმა“ ჰანიბალმა ალპების გადალახვა და იტალიაში შეჭრით რომს თავზარი დასცა.

ხოლო ჰალკანეთის ქვეყნების მმართველთ აზრადაც არ მოსვლიათ, ეპარგებლათ რომის მიმე მდგომარეობით და შეერთებული ძალით შემოიღონ ყველაზე სასიფათო მსოფლიო დამპყრობლებს. მათი მთავარი საზრუნავი იყო არა რომაული საფრთხის აცილება, არამედ ურთიერთმტრობა და ურთიერთსისხლისღვრა.

ერთადერთი პოლიტიკოსი. ეინც რომის წინააღმდეგ ერთადერთ რეალურ ძალად ხმელთაშუა ზღვის აუზის ყველა ხალხთა გაერთიანებას სთვლიდა, იყო ჰანიბალი.

ამ საოცნებო (და ყოველთვის განუხორციელებელი) კოალიციის ერთ-ერთ მნიშვნელოვან რგოლად დიდი ფინიკელი მაკედონიას მიიჩნედა და ყოველნაირად ცდილობდა, რაც შეიძლება მალე ჩაეტარებინა მაკედონიის მეფე რომის წინააღმდეგ ბრძოლაში. ფილიპე კი მერყეობდა, შიშობდა, ზომავდა და ვერ სჭრიდა. არც რომის მტრობას იშლიდა და ვერც კართაგენთან შეკავშირებას ბედავდა. მხოლოდ კანესთან მოპოვებულმა დიდებულმა გამარჯვებამ (216) ჰანიბალს საშუალება მისცა დაეყოლიებინა ფილიპე რომის წინააღმდეგ გამოსვლაში. 215 წელს დაიდო კავშირი, რომელიც ითვალისწინებდა რომის წინააღმდეგ კართაგენისა და მაკედონიის ერთობლივ ბრძოლას.

ასე დაიწყო ე. წ. „პირველი მაკედონური ომი“ (215—205).

რონი ადვილად გაუსწორდა კართაგენისა და მაკედონიის უდიდეს და უსახურ კავშირს, რომლის რატიფიცირებაც კი არ მოხერხებულა. ფილიპეს არც უფიქრია ჯარებს გადასხმა იტალიაში. იგი ილირიას ეპოტინებოდა. 214 წელს რომაელებმა ფილიპე სასტიკად დააპატიმრეს აპოლონიასთან გამართულ საზღვაო ბრძოლაში. მეფე იძულებული შეიქნა საკუთარი ფლოტი დაეწვა და მაკედონიაში ხმელეთით დაბრუნებულიყო.

რომმა თავის უძლეველ მახვილს გვერდით დაუყენა მრავალგზის ნაცადი დიპლომატიური „divide et impera“ („გაჰყავი და იბატონე“). რომაელი დიპლომატები საუკეთესოდ იყენებენ მუდმივ მტრობას მაკედონელებსა, ბერძნებსა, ილირიელებსა, დარდანებსა, ათამანებსა და სხვ. შორის. რომაელებმა მთავარი კურსი აიღეს ბერძნულ პოლიტიკურ ერთეულებში ყველაზე ძლიერ ეტოლიის კავშირზე, რომელსაც გაუთავებელი ომები ჰქონდა მაკედონიასთან. 212 წელს დაიდო კავშირი რომსა და ეტოლიას შორის. ამ შეთანხმების საფუძველზე ცხადდებოდა ერთიანი შეტევები მაკედონიის წინააღმდეგ ზღვაზე (რომაელები) და ხმელეთზე (ეტოლიელები).

შემდეგ, რომმა მაკედონიასთან ბრძოლაში ჩაითრია დანარჩენი

ბერძნებიც (სპარტელები, მესენიელები, აქეელები და სხვ.), ბოლო აზიიდან — პერგამოსის მეფე ატალ პირველი.

მაკედონია სრული განადგურებისაგან იხსნა იტალიაში პასდრუბალის შექრამ (207), როცა რომი იძულებული გახდა მთელი ძალები დაეძაბა ახალი „ფინიკიური პანდორის“ გასანადგურებლად. ეტოლიის კავშირმაც რომი მიატოვა და მაკედონიასთან შერიგებას ცდას შეუდგა.

რომს აღმოსავლეთში გენერალური შეტევებისათვის არ ეცალა. მართალია, პასდრუბალი განადგურდა, მაგრამ პანიბალი ჯერ კვლავ ფეხზე იდგა. ამიტომ რომი თანხმობით შეხვდა მაკედონიის საზავო სურვილს. ამრიგად დამთავრდა (205) „პირველი მაკედონური ომი“. ომმა მიაღწია იმყამინდელი გეგმის განხორციელებას: მაკედონიისა და კართაგენის კავშირი სავსებით ფიქტიური გახდა.

ასეთი პროლოგით, სამხედრო-პოლიტიკური და დიპლომატიური კენწლოებით დაიწყო რომისა და აღმოსავლეთის ურთიერთობა ძვ. წ. III საუკუნის მიწურულში.

ხოლო, როცა კი III საუკუნე და კართაგენის სიძლიერე ისტორიას ერთად ჩაბარდა, ახალი საუკუნის დადგომისთანავე რომი ახალი დიდი ისტორიული ეპოქის ზღურბლზე: აღმოსავლეთთან რადიკალური ურთიერთობის ზღურბლზე შედგა.

რომის წინ აღმოსავლეთის პოლიტიკური რუკა იდო...

2. აღმოსავლეთი

აღმოსავლეთ სამყაროში აქ იგულისხმება ელინისტური ქვეყნები და ამიერკავკასია, რომელთაც მეტ-ნაკლები ხანგრძლივობით მოუხდათ რომთან ურთიერთობა 200—60 წლებში.

რომთან ურთიერთობის მოხსენებულ ქრონოლოგიურ რკალში განსაკუთრებული, უპირველესი როლი შეასრულეს ელინისტურმა ქვეყნებმა, ამათგან კი — ბალკანეთისა და დასავლეთ აზიის ხალხებმა. პარალელურად, შედარებით დამოკიდებული მდგომარეობა ეკირა ეგვიპტეს, სოლო, ბოლოს, ელინისტური სამყაროს სრული განადგურების კვალდაკვალ, რომთან ურთიერთობაში ებმებიან ამიერკავკასიის ქვეყნები.

ამიტომ კომპენდური წესით მაინც უნდა მოიხაზოს ყველა ამ ქვეყნის სილუეტი რომთან რადიკალურ ურთიერთობათა დაწყების წინა პერიოდში.

ა) ელინისტური სახელმწიფოები

ალექსანდრე მაკედონელის ლაშქრობებმა საფუძველი დაუდეს ძველი მსოფლიოს ახალ, სამასწლოვან ეპოქას, რომელმაც ისტორიაში ადგილი დაიკავა ელინიზმის სახელწოდებით. იგი წარმოიშვა ელინურ-ბერძნული და ძველ-აღმოსავლური სოციალ-ეკონომიური, პოლიტიკური და კულტურული ელემენტების შერწყმის საფუძველზე. ელინისტურმა სახელმწიფოებმა საფუძველი დაიდეს ხმელთაშუა ზღვის აღმოსავლეთ აუზში და წინა აზიაში, ალექსანდრე მაკედონელის მსოფლიო მონარქიის ნანგრევებზე.

ეს ქვეყნები, პირველ რიგში, იყვნენ ტიპური კოლონიალურ-მონათმფლობელური სახელმწიფოები. მონობაზე დამყარებული კოლონიალიზმი და იმპერიალიზმი ახასიათებდა როგორც კლასიკურ საზერძნეთს, ასევე კლასიკურ ძველ-აღმოსავლურ დესპოტიებს. ახლა ეს საერთო თვისებები თავს იყრიან ელინისტურ სახელმწიფოებში.

მონათმფლობელობა, როგორც სოციალურ-კლასობრივი სისტემა, ახალ საფეხურზე აღის. ე. წ. დიადოხოსთა და ეპიგონთა ხანგრძლივი გაუთავებელი ომების მთავარი შინაარსი მოსახლეობის მასობრივი მონადქცევა იყო. მონა, როგორც სამუშაო ძალა გაბატონებულ მდგომარეობას იჭერს სამეურნეო ცხოვრების ყველა სფეროში.

ხშირი ომები ხელს უწყობენ აგრეთვე ფართო ფულად და სავაჭრო-სავაზნო ურთიერთობათა განვითარებას.

პოლიტიკური წყობის თვალსაზრისით, ელინისტურ სახელმწიფოებში თავს იყრიან ბერძნულ-პოლისური და აღმოსავლურ-დესპოტიური ელემენტები. მასში ქალაქები ინარჩუნებენ ავტონომიას, ზოგიერთი სახის პოლიტიკურ და ეკონომიურ პრივილეგიას, მაგრამ ისინი სავსებით ემორჩილებიან ელინისტ-მონარქის უზუნაეს ხელისუფლებას, რომელიც ამავე დროს, გულისხმობს განუსაზღვრელ სუვერენულ მბრძანებლობას მთელი სახელმწიფოს მიწაზე. საგადასახადო სისტემაზე, არმიაზე და სხვ. ელინისტურ სახელმწიფოებში იქმნება ახალი უმაღლესი არისტოკრატია, რომელიც პირველ რიგში შედგება მაკედონელი და ბერძენი დამპყრობლებისაგან, მაგრამ მალე მას უერთდებიან ადგილობრივი „ელინიზებული“ მდიდარი ფენები.

ელინისტური არისტოკრატის ძლიერება ეყრდნობოდა მსხვილ ნოსურ შრომაზე დამყარებულ მონათმფლობელობას, ფულად მეურნეობას, ვაჭრობას, მეცანსეობას და სხვ.

ასე რომ, ელინისტურ სახელმწიფოთა მწარმოებლური ძალები, მონები და თავისუფალი მოსახლეობის საშუალო და უღარიბესი ფენები

ნები, ორმაგი (მაკედონელ-ბერძენ დამპყრობთა და ადგილობრივ მონათმფლობელთა) ექსპლოატაციის ულლის ქვეშ იმყოფებოდნენ.



ელინისტური სისტემის ძირითადი ჩონჩხი იყო მაკედონია. მაგრამ იგი მართლაც და ჩონჩხი-და დარჩა. მაკედონიისა და, საერთოდ, ბალკანეთის მოსახლეობა დააქნინა და გააჩანაგა ხანგრძლივმა, უმძიმესმა ომებმა. მსოფლიოზე ბატონობამ სისხლისაგან დაკალა ელინიზმის პატარა ბუდე. შემდეგ, ქვეყანა განადგურებამდე მიიყვანა დიადოხოსთა გაუთავებელმა ომებმა და, ბოლოს, შეუჭრივებელმა მოსისხლეობამ თვით ბერძნებსა და მაკედონელებს შორის. III საუკუნის 70-იან წლებში მაკედონია ააოხრეს ჩრდილოეთიდან შემოჭრილმა კელტურმა ტომებმა (ვალატებმა).

ძვ. წ. III საუკუნის ბოლოსათვის ბერძნულ-მაკედონური სამყარო ასე წარმოგვიდგებოდა: კონტინენტალური საბერძნეთის ჩრდილო ოლქები მტკიცედ ეპყრა ხელთ მაკედონიას. მას გარდა, ორი დამოუკიდებელი, მაგრამ შინაგანად არამყარი გაერთიანება იყო: ეტოლიის კავშირი შუა საბერძნეთში და აქეის კავშირი სამხრეთში, პელოპონესში.

ეტოლიის კავშირი აერთიანებდა შუა საბერძნეთის ბერძნული ქალაქების უმრავლესობას. მასში სამხრეთ საბერძნეთიდანაც შედიოდა ზოგიერთი ქალაქი (მესენია, ელიდა). შემდეგ იყო აქეის კავშირი, რომელშიც თავდაპირველად შედიოდა პელოპონესის ზოგიერთი ქალაქი, მათ შორის კორინთო და ჰეგარა.

III საუკუნის ბოლოსათვის სამეფო ხელისუფლება გაუქმდა ჩრდილო-დასავლეთ ბერძნულ ქვეყანაში — ეპირში. აქ შეიქმნა რამდენიმე ოლქის კავშირი, რომელსაც სათავეში სამი სტრატეგოსი ედგა.

ეს „სიმახიები“ ერთი მეორის ქიშხსა და მტრობაში ხარჯავდნენ ისედაც დაწრეტილ და გაპარტახებულ ძალოვნებს. ფილიპე მაკედონელი მოხერხებულად იყენებდა მათს ურთიერთმტრობას საბერძნეთში თავისი ბატონობის შესანარჩუნებლად. ფილიპე განსაკუთრებული თავგაძოდებით ებრძოდა ანტიმაკედონური განწყობილების მქონე ეტოლიის კავშირს. 220 წელს აქეის ლიგის მხარდაჭერით მაკედონიის ძეგემ სამეკდრო-სასიცოცხლო ბრძოლა გაუმართა ეტოლიის ფედერაციას. ეს იყო, ე. წ. „მოკავშირეთა ომი“, რომელმაც საშინელი სოცვა-ჟლეტით, ტყვევნა-გაყიდვითა და მძარცველობით სულ გააჩანაგა საბერძნეთი.

ცალკე, მუდამ „დამოკლეს მახვილის“ ქვეშ არსებული დამო-

უკიდებლობით ცხოვრობდნენ ათენი და სპარტა. ათენი ეგვიპტესთან კავშირში ჰქონდა მაკედონური საფრთხისაგან თავის დაზღვევისა. სპარტა, ელიადა და მესენია ეტოლიას უერთდებოდნენ მაკედონიასთან და მეზობელ აქეასთან ბრძოლისათვის.

ბერძნულ სამყაროში განსაკუთრებული მდგომარეობა ეკირა რიადოსს. იგი ჯერ კიდევ უძველესი კრეტა-მიკენის ეპოქიდან აღმოჩნულეთ ხაელთაშუაზღვეთის ცენტრალურ სავაჭრო პუნქტად ითვლებოდა. ეს დიდი ეკონომიური მნიშვნელობა მას არც კლასიკური საბერძნეთის პეგემონობის პერიოდში დაუკარგავს, ხოლო ახლა, ელინისტურ ხანაში, როდოსის ეკონომიური სიმძლავრე უმაღლეს ხარისხში შედის.

205 წელს ბალკანეთისა და მცირე აზიის შესაყარზე პოლიტიკური წონასწორობა თითქოს აღდგენილ იქნა. ფილიპე მაკედონელი დასავლეთიდან რომელიღაც მძლავრ, „ელევა-მეხთტეხით და სისხლის ნაღვრით“ მომავალ საშიშროებას გრძნობდა, და ამიტომ რომთან დაზავება აუცილებლობად მიიჩნია. ფილიპემ ახლა, როცა ჰანიბალის სამშობლოს დღეები დათვლილი იყო. კარგად იცოდა, ის „დასავლური საფრთხე“ რომი იქნებოდა, მაგრამ მას ისიც სწამდა, რომ ჯერ რომს, მეორე პუნქტური ომით მუხლმოკვეთილს, ნაადრევად უნდა მიეჩნია აღმოსავლეთის სისხლიანი ომების გზაზე შეღვრმა. მაკედონია არ იყო კართაგენი და არც ფილიპე იყო ჰანიბალი. მაგრამ ალექსანდრე მაკედონელის მახვილით საფუძველდადებული დიდი დამპყრობლური ტრადიცია, რომელიც ახლა ხელთ ეპყრა ფილიპე მეხუთეს, უეჭველად დიდ საშიშ მორალურ ფაქტორად ჩანდა მაკედონის მეთაქეთა თვალში.



ეგვიპტე — „ეს პირველი სკოლა მსოფლიოსია“...¹ — ელინისტურ სამყაროს განსაკუთრებულ ვარიანტს წარმოადგენდა. ამ ქვეყანაში ელინისტური სული თითქმის მხოლოდ ალექსანდრიის სახელგანთქმული ბიბლიოთეკისა და მუზეონის გარშემო ტრიალებდა. ხოლო, ნილოსის ველის მაგისტრალურ ხაზზე იგი უცხო მოვლენად რჩებოდა.

მაგრამ პტოლემეური დინასტიის პირველ წარმომადგენელთა (პტოლემე პირველი ლაგოსი, პტოლემე მეორე ფილადელფოსი და პტოლემე მესამე ევერგეტი) ენერგიული მოღვაწეობით მოხერხდა ძლიერი ახალი ტიპის (ელინისტური) სახელმწიფოებრივი სისტემის შექმნა, რომელიც ალექსანდრე მაკედონელის გარდაცვალებიდან თითქმის ასი

¹ Жа и-Ж а к Руссо, Избр. соч., т. 1, 1961, 47.-

წლის მანძილზე ურყევად ინარჩუნებდა პირველობის კვირთხს ხმელ-
თაშუა ზღვის აღმოსავლეთ აუზში.

მტკიცე ეკონომიურ ბაზაზე დაყრდნობით პტოლემეები ახერხებენ
ფართო საგარეო პოლიტიკის წარმოებას სამი კონტინენტის შესაყარ
გზა-კვანძში. ეგვიპტური სამხედრო და სავაჭრო ფლოტი ერთდრო-
ულად ფლობდა ეგეოსის სამხრეთ ნახევრის სტრატეგიულ და ეკო-
ნომიურ კომუნიკაციებს. III საუკუნის 70-იან წლებში ეგვიპტე წარ-
მატებით ებრძოდა სელევკიდურ სირიას. ამ ომების შედეგად პტო-
ლემეებმა დაისაკუთრეს მცირე აზიის ნახევარკუნძულის სამხრეთი რა-
იონები, კარია-იონიის ქალაქებას (პალიკარნასი, კნიდოსი, მილეტი,
სამოსი), კიკლადური კუნძულების უმრავლესობა, კვიპროსი. სან-
ხრეთ სირია (კელესირია) და მთლიანად ფინიკია. პტოლემეები ცდი-
ლობდნენ თავიანთი გავლენა კონტინენტურ საბერძნეთზეც გადაეტა-
ნათ. ისინი ზელს უწყობდნენ ყოველგვარ ანტიმაკედონურ მოძრა-
ობას ბალკანეთზე. განსაკუთრებული აქტივობით ეხმარებოდნენ სპარ-
ტისა და ათენის გამოსვლას მაკედონელთა წინააღმდეგ.

248 წელს ეგვიპტის ტახტზე ავიდა პტოლემე მესამე ევერ-
გეტი, რომელმაც გამეფებისთანავე განაახლა ომი სელევკიდებ-
თან, სირიისათვის. პირველი შეტევების შედეგად ეგვიპტელებმა აზი-
ელებს წაართვეს სირიაც და შუამდინარული სამფლობელოებიც, მაგ-
რამ სელევკიდებისა და მაკედონელების ახალმა კავშირმა შეაფერხა
ეგვიპტის წინსვლა. ანტიოქე მეორის ჯარები წარმატებით
უტევდნენ სმელეთიდან, ხოლო ანტიგონე მაკედონელმა საზღვაო
ბრძოლაში, კუნძულ ანდროსთან, კიდევ ერთხელ გაანადგურა
ეგვიპტელთა ფლოტი.

219 წელს დაიწყო ახალი ომი ეგვიპტესა და სირიას შორის. ეგ-
ვიპტის გამარჯვებას არავინ მოელოდა, რადგან მაშინ სახელმწიფოს
სათავეში იდგა უქნარა, ლოთი და გარყვნილი პტოლემე მეოთხე ფი-
ლოპატორი (221—203). მაგრამ ეგვიპტელმა დიპლომატებმა მო-
ახერხეს ვენერალური ბრძოლის ერთი წლით გადადება და არმიის
მომზადება. 218 წელს მოწინააღმდეგენი ერთმანეთს შეხვდნენ ქა-
ლაქ რაფიუმთან, ნილოსის დელტის ნაპირას. ბრძოლა დამთავრდა
ეგვიპტელთა გამარჯვებით, მაგრამ პტოლემე მეოთხეს ბრძოლის გაგრ-
ძელება აღარ უფიქრია. მან დამარცხებულ მოწინააღმდეგესთან ზა-
ვი შეკრა და კელესირიის შემოერთებით დაკმაყოფილდა.

აფრიკისა და აზიის გზა-კვანძზე დროებითი წონასწორობა დამ-
ყარდა. ეგვიპტე ტრადიციულ სიძლიერეს და პრესტიჟს თითქოს ინარ-
ჩუნებდა...



ელისისტურ სახელმწიფოთაგან ტერიტორიულად ყველაზე ვრცელი იყო სირია, სადაც ბატონობდნენ სელევკიდები — მათი დინასტიის დამაარსებლის, სელევკოს ნიკატორის (308—280) შთამომავალი.

სელევკიდური სირია გაშლილი იყო ძველი აქემენიდური სპარსეთისა და შემდგომ ალექსანდრე მაკედონელის მსოფლიო მონარქიის ემეტეს ტერიტორიაზე.

მეფობის რამდენიმე პრეტენდენტის სიკვდილის შემდეგ, სელევკიდური მონარქიის ტახტზე დაჯდა ანტიოქე მესამე (223—187), რომელმაც რამდენიმე ლაშქრობა წარმატებით მოაწყო აღმოსავლეთში. ამ გამარჯვებათათვის მან მიიღო ეპიტეტი „დიდი“. პირველი წარმატებებით გათამამებულმა მეფემ სცადა დიდ მაკედონელის დროინდელ საზღვრებში აღედგინა თავისი იმპერია. აღმოსავლური ლაშქრობების შემდეგ მან მახვილი მიმართა სამხრეთ-დასავლეთით ეგვიპტის წინააღმდეგ. პირველი წარმატებების შემდეგ ანტიოქე გენერალურ ბრძოლაში მოწინააღმდეგეს შეხვდა ქ. რაფიუმთან. მას 82.000 ქვეითი, 6.000 მხედარი და 102 სპილო ჰყავდა. ბტოლემე მეოთხე ფილოპატორმა ბრძოლაში მოიყვანა 70.000 ქვეითი, 5.000 მხედარი და 73 სპილო.

რაფიუმის ხოცვა-ჟლეტა ეგვიპტელთა გამარჯვებით დამთავრდა. ანტიოქემ კელესირია და ფინიკია ისევ დაჰკარგა.

ეგვიპტესთან ბრძოლაში ხელმოცარულმა „დიდმა“ მეფემ გადაწყვიტა მსოფლიოს დაპყრობის უახლოეს პუნქტებად გაეხადა: მცირე აზია, ეგეოსის სამყარო და ბალკანეთის მთელი ნახევარკუნძული.

ამ დიდი გეგმების განხორციელებისათვის ბრძოლაში ალექსანდრე მაკედონელის ეპიგონი გაცილებით უფრო მძლავრ მეტოქეს შეხვდა. ეს იყო რომი.



მცირე აზიას თავისი დიდი ტრადიციული ცივილიზაციით, ეკონომიური ცხოვრებით, ეთნიკური მრავალსახეობით და პოლიტიკური თავგადასავლით განსაკუთრებული ადგილი ეჭირა ელისისტურ სამყაროში.

ჯერ, თვით ალექსანდრე მაკედონელს ერთნაირი სიმტკიცით ვერ ნიჟიკიდებინა ფეხი მცირე აზიის ყველა კუთხეში, ხოლო, როცა დიდი დამპყრობელი გარდაიცვალა და დიადოხოსები და ეპიგონები ერთიმეორის ხოცვა-ჟლეტას შეუდგნენ, მცირე აზიის პოლიტიკური რუკა კალეიდოსკოპური სისწრაფით იცვლებოდა და მოზაიკური უერ-ფურით იკინძებოდა.

მცირე აზია ჯერ ალექსანდრეს მემკვიდრეების პერიდიკას, ეგვიპტისა და ლისიმახეს საომარ ასპარეზს წარმოადგენდა. შემდეგ, ამ ყოველმხრივ მდიდარი ქვეყნის დაპყრობას ცდილობდნენ ელინისტური სამყაროს დიდი „ტრიუმვირნი“ — ეგვიპტე, სირია და მაკედონია, ხოლო სელევკიდებმა შოახერხეს კიდევ ბელთ ეგდოთ კარია, კილიკია და კაპადოკიის ნაწილი.

ძვ. წ. III საუკუნის დასაწყისში მცირე აზიაში უკვე ნათლად გამოინაკვთა რამდენიმე პოლიტიკური შენაერთი: პერგამოსი, ბითონია, გალატია, კაპადოკია და პონტო.

პერგამოსის ქვეყანა მოიცავდა მცირე აზიის დასავლეთ ნაწილს. აღმოსავლეთით მისი საზღვრები ებჯინებოდა ტავრის მთებს, დასავლეთით კი, ეგეოსის ზღვა ესაზღვრებოდა. აქაური ბერძნულ-იონური ქალაქები პერგამოსის ვაჭრობა-ზღვაოსნობის ცენტრებს წარმოადგენდნენ. შიდა ქალაქი — პერგამონი კი, სახელმწიფოს პოლიტიკური ცენტრი იყო.

ქვეყნის ყველაზე ნაყოფიერი ველი, კაიკუსი, საშუალებას იძლეოდა მრავალმხრივი მეურნეობის გაშლისათვის. აქ მისდევდნენ სოფლის მეურნეობას, მეხილეობა-მებაღეობას და მესაქონლეობას. პერგამოსი ხორბლეულის ექსპორტით მეორე ადგილზე იდგა ეგვიპტის შემდეგ. იდას მთებიდან პერგამოსელები ღებულობდნენ ხე-ტყეის და ფისს, რომლებიც გაჰქონდათ მაკედონიასთან საკონკურენციოდ. აქვე მისდევდნენ მეცხვარეობას, ზრდიდნენ ცხენებს კავალერიისათვის. იმავე მთებში მოიპოვებდნენ ვერცხლს, სპილენძს, ცოტაოდენ ოქროსაც, ხოლო რკინას ღებულობდნენ პონტოდან.

მცირე აზია ყოველთვის ცნობილი იყო შალის ნაწარმით, ხალჩებით. ყველგან იცნობდნენ პერგამონში მოქსოვილ, ოქრო-მკედით ნაქარგ ფარდებს. აქვე მისდევდნენ საღებავთა წარმოებას, ქსოვილთა შეღებვას. ამ დროს იქნა მოპოვებული მინერალური საღებავები — *rubrica sinopensis* და *sandarake*, რომლებმაც სულ მალე მსოფლიო გავრცელება პოვეს.

პერგამოსი მსოფლიოში ცნობილი გახდა პერგამენტის ქალაქით, რომელმაც საგრძნობლად დასცა პაპირუსის ფასი...

პერგამოსის სამეფოს სათავეში ედგა ატალიდების დინასტია. მათი პირველი წარმომადგენელი, ეგემენ I ატალის ძე, ტახტზე ავიდა 263 წელს. გამეფების მომდევნო წელს მან სარდთან სასტიკად დაამარცხა მის წინააღმდეგ დაძრული ანტიოქე პირველი და თავის სამეფოს სამუდამოდ დაუმკვიდრა დამოუკიდებლობა. ამის შემდეგ, ეგემენი ოცდაორი წლის მანძილზე ისე განაგებდა ქვეყანას, რომ იმ სისხლიან ქარიშხალში, რასაც საფუძვლად ეგვიპტის, სირიისა და მაკედონიის უწყვეტი კიდილი ედო, არსად პერგამოსის მეფე მოხსენებული არ

იყო არც ვისმეს მტრად და არც ვისმეს მოყვარად. პერგამოსი აღმოჩნდა რალაცნაირ წყნარ ოაზისად, უშიშარ თავშესაფარად, და სწორედ ევმენზე შეიძლება ითქვას: bene vixit, qui bene latuit (კარგად ის ძლიერდება, ვინც კარგად იმალება).

პერგამოსის სამეფო განსაკუთრებით გაძლიერდა და აყვავდა მომდევნო მეფის, ატალ პირველის დროს (241---197). ატალმა თავის სიძლიერე ქვეყანას ამცნო გალატების განადგურებით (228). ამ გამარჯვებისათვის მიიღო მან მეფის ტიტული. ერთ ხანს იგი წარმატებით ებრძოდა სელევკიდებს. შემდეგ, მათთანვე ბრძოლაში მარცხი განიცადა, მაგრამ პერგამოსელი ახალ საორიენტაციო გზაზე დადგა: რითაც, მისი ფიქრით, „იხსნა“ კიდევ თავისი ქვეყანა.

პერგამოსის ეს ახალი პოლიტიკური კურსი რომისკენ მიემართებოდა.

მცირე აზიის უკიდურეს ჩრდილო-დასავლეთ ნაწილში, პროზოპტიდის, ბოსფორისა და ევქსინის პონტოს სამხრეთ-დასავლეთ სანაპიროებზე, ჩამოყალიბდა ბითინიის ელინისტური სახელმწიფო.

ბითინიაც მდიდარი ქვეყანა იყო. მას იცნობდნენ მაღალნაყოფიერი სახნავ-სათესი ველ-მინდვრებით, ნოყიერი საძოვრებით, ხეტყით, მთა-მადნეულით და სხვ. სასოფლო-სამეურნეო პროდუქტებისა და სამთამადნო წიაღისეულის სიუხვე ხელს უწყობდა ვაჭრობისა და ფულადი მეურნეობის განვითარებას. ბრწყინვალე გეოგრაფიული მდებარეობა — აზიისა და ევროპის შემაერთებელი გზა-კვანძის ფლობა — უაღრესად ზრდიდა ბითინიის მსოფლიო ეკონომიურ და პოლიტიკურ-სტრატეგიულ მნიშვნელობას.

ბითინიის ქალაქები — პერაკლეა (შავი ზღვის სამხრეთ-დასავლეთ სანაპიროზე), ქალკედონი (ბოსფორის სრუტეში), კიზიკი და ასტაკი (ორივენი პროპონტიდის სანაპიროზე) — მსოფლიო ვაჭრობის ცენტრებად ითვლებოდნენ. ისინი მთავარ რგოლებს წარმოადგენდნენ აღმოსავლეთიდან და შავი ზღვის აუზის ყველა კუთხიდან მომავალ სავაჭრო-ეკონომიურ ურთიერთობათა ჩაკვედში.

ბითინიის დამოუკიდებელი სახელმწიფოს გამოცხადების თარიღად ითვლება 297 წელი, როცა აქაურმა სატრაპმა ზიპოიტმა თავი დამოუკიდებელი ბითინიის მეფედ გამოაცხადა.

ბითინიის შემდეგმა მეფემ, ნიკომედე პირველმა კავშირი შეჰკრა იონიის თავისუფალ ბერძნულ ქალაქებთან და ეგვიპტის მეფე პტოლემე ფილადელფოსთან. იმავე დროს ნიკომედემ შეტევაზე გადმოსული სელევკიდების წინააღმდეგ დასახმარებლად მოუხმო აზიის ყველა ხალხთა საერთო მტრებს — გალატებს. სელევკიდებმა ამჯერად ვერ გაბედეს ბითინიის ხელის ხლება.

ნიკომედემ და მისმა მემკვიდრეებმა ხელი მიჰყვეს ახალგაზრდა

სახელმწიფოს პოლიტიკური, ეკონომიური და კულტურული აღმავლობის საქმეს. ელინისტური ცივილიზაციის ცენტრი შეიქმნა ქალაქი ნიკომედია (რომელიც სატახტო ქალაქად დააარსა ნიკოქედე პარველმა).

ძვ. წ. II-საუკუნის დამდეგს ბითინიას განაგებდა მეფე პრუსია მეორე, რომლის დროსაც აღმოსავლეთში ფეხი შემოდგეს რომაელებმა.

ერთადერთი ქვეყანა მცირე აზიაში, რომელიც ელინიზმისაგან შორს დარჩა, იყო გალატია.

ახალი პოლიტიკური გაერთიანება გალატია დასახლებული იყო სამი ძირითადი კულტური ტომით — ტროკმები, ტოლისტოსაგები და ტევტოსაგები. მათ ჯერ კიდევ ვერ დაედწიათ თავი თემურ-გვაროვნული წყობილების ძლიერი გადმონაშთებისაგან.

ამ კულტურმა ტომებმა სამკვიდრო საცხოვრებლად აირჩიეს მცირე აზიის ცენტრალური მიწები, სადაც ძველად მითოლოგიური დროიდან, არსებობდა ფრიგიის ქვეყანა.

გალატთა საცხოვრებლები მიუვალ ციტადელებს წარმოადგენდნენ. ქვეყანა ყოველი მხრივ მოკვეთილი იყო ზღვისაგან და ამდენად საეპრო-საზღვაო ურთიერთობისაგანაც. სამაგიეროდ. გალატებმა პირველხარისხოვანი სამხედრო ორგანიზაცია შექმნეს. ისინი მუდმივ საფრთხეს უქმნიდნენ მეზობელ ქვეყნებს. ესმოდნენ მათ. ძარცვადნენ და ძარცვა-გლეჯვას მთავარ საქმიანობად იხდიდნენ. ხშირად გალატები მოქირავნე მეომრებად მიდიოდნენ ელინისტურ სახელმწიფოთა შორის წარმოებულ უწყვეტ ომებში.

მცირე აზიის პოლიტიკურ ცხოვრებაში დიდ როლს ასრულებდა კაპადოკია.

კაპადოკია უძველესი სახელწოდება იყო მთელ აღმოსავლეთ მცირე აზიისა. შემდეგ საკუთრივ კაპადოკიად იქცა მცირე აზიის ნაწილი, რომელსაც აღმოსავლეთიდან ეკეროდა სომხეთი. ჩრდილოეთიდან — პონტო, დასავლეთიდან — გალატია (უძველესი ფრიგია) და სამხრეთიდან — სელევკიდთა სახელმწიფო.

კაპადოკიაც, გალატიის მსგავსად, მოწყვეტილი იყო ზღვებს, რომლებიც იმ დროს ეგერეიგად დიდმნიშვნელოვან როლს ასრულებდნენ მსოფლიოს ხალხთა ეკონომიური ცხოვრების ინტენსიურ აღმავლობაში.

კაპადოკიის დამოუკიდებელი სახელმწიფო შეიქმნა III საუკუნის 60-იან წლებში, როცა ადგილობრივმა სპარსელმა სატრაპმა არიარათუმ დამოუკიდებელი მეფის გვირგვინი დაიდგა თავზე.

არიარათიდების დინასტიის მმართველობის ხანა და მთლიანად კაპა-

დოკიის პოლიტიკური თავგადასავალი მკიდროდ არის დაკავშირებული პონტოს სახელმწიფოს ისტორიასთან.

პონტოს სახელწოდებაში ძველი ბერძნები ჩვეულებრივ შავი ზღვის — ევქსინის პონტოს — სამხრეთით მდებარე ქვეყნებს გულისხმობდნენ, ხოლო მცირე აზიის იმ ნაწილის აღსანიშნავად, რომელსაც ჩვენ საკუთრივ პონტოს ვუწოდებთ, ეს სახელი პირველად გაჩნდა ელინისტურ ეპოქაში, როცა მცირე აზიის ამ ნაწილში სახელმწიფო ჩამოყალიბდა.

გეოგრაფიულად პონტო მოიცავდა ოლქებს მდინარე კოროხიდან (აპსარი) მდინარე პართენიონამდე, მცირე აზიის მაღლობების ჩრდილოეთ ნაწილს და მდინარე ევფრატის ზემო დინების მიდამოებს.

ამ ტერიტორიაზე ადრიდანვე ხალიბები, ტიბარენები, კოლხები, მოსანიკები, მაკრონები, დრილები, ტაოხები და სხვა ქართველური ტომები ცხოვრობდნენ.

პონტოს სახელმწიფოს ზღვის სანაპირო ზოლზე ცნობილი ბერძნული კოლონიები — ამასტრისი, სინოპი, ამისოსი, თემისკირა, პოლემონია, კოტიორა. ტრაპეზუნტი და სხვ. — ჰყვოდნენ, მათ თავიანთი ეკონომიური და სტრატეგიული მნიშვნელობით არ ჩამორჩებოდნენ ქვეყნის შიგნით მდებარე ქალაქები: გაზელიონი, ფასემონი, ამასია (შემდგომში მითრიდატე ევპატორის სატახტო ქალაქი), ძელა, გაზიურა, კომანა, ქაბეირა და სხვ.

ხალხი უმთავრესად ციტადელებით გამაგრებულ სოფლებში ცხოვრობდნენ და ქვეყანაც მთლიანად მოღვნილი იყო მიუვალ ციტადეებზე აგებული ციხე-ქალაქებით, რომლებიც განძეულობის შესანახსა და შიშინაობის დროს საიმედო თავშესაფარს წარმოადგენდნენ. სტრაბონი, თვითონ წარმოშობით პონტოელი, მრავლად მოიხსენიებს ასეთ ციხე-ქალაქებს.

პონტოს მთიანეთი დაბურული იყო გაუვალი ტყეებით, სადაც უხვად მოაპოვებოდა გემთსაშენი და სხვა საოჯახო ინვენტარისათვის გამოსადეგი სე-ტყე. იქვე მრავლად იყო ბეწვიანი გარეული ცხოველები და, რაც მთავარია, მთები მდიდარი იყო მთა-მადნეულით (რკინა, სპილენძი, ვერცხლი და სხვ.), რომლის დამუშავებლაც ადრიდანვე ეწეოდნენ იქ მცხოვრები ქართველური ტომები.

ასეული წლების განმავლობაში პონტოს ქარაიები ეზიდებოდნენ ლითონს ასირიაში, ბაბილონიაში, სირიაში, ფინიკიასა და პალესტინაში, პროპონტის-დარდანელისა და მცირე აზიის დასავლეთ სანაპიროებისაკენ.

პონტოელებს სახანა-სათესი ფართობები შედარებით მცირე ჰქონდათ, მეტწილად მდინარეთა (აკამპსი, აპსარი, რიზე, გისე, ტრიპოლისი, მელანთიუმი, თერმოდონი, ირისი, ლიკოსი, ლიკასტი, პალი-

სი) მიდამოებში და ზღვის სანაპირო ზოლზე. მაგრამ რაც ჰქონდათ, საკმაოდ ნაყოფიერი იყო.

პონტოს ტერიტორიები ცნობილი იყო მესაქონლეობით (განსაკუთრებით, მცხვარეობა და სხვ.), სასოფლო-სამეურნეო პროდუქტებით (განსაკუთრებით, ყურძენი, ღვინო, ზეთი), ხილით (ნიგოზი, ბალი) და არომატულ-ეთეროვან მცენარეთა სიუხვით. პონტო, დიდ ქალაქთა და ციხე-სიმაგრეთა გარდა, მოფენილი იყო მჭიდროდ დასახლებული სოფლებით. ამასთან მდებარე მდიდარ დაბლობს ეწოდებოდა „ხილიოკომონი“, რაც „ათასსოფლოვან ველს“ ნიშნავს. მითრიდატეს მეორე ომის დროს, როგორც ქვემოთ დავინახავთ, რომაელთა სარდალმა მურენამ ერთი შეტევისას ოთხასი პონტოური სოფელი ააოხრა.

IV—III საუკუნეების მიჯნაზე მომზადდა ნიადაგი შავი ზღვის სამსრეთით მცხოვრებ ქართველურ ტომთა დამოუკიდებელი პოლიტიკური ერთეულის ჩამოყალიბებისათვის.

პონტოს სამეფოს მმართველი დინასტიის ერთ-ერთი წარმომადგენელი — მითრიდატე (337—302), ალექსანდრე მაკედონელის სიკვდილის შემდეგ ერთ-ერთი დიადოხოსის — ანტიგონეს ბრძანებით სიკვდილით დაისაჯა. ისეთივე ბედი ელოდა მის შვილსაც, აგრეთვე მითრიდატედ წოდებულს. მაგრამ ამ უკანასკნელმა ტახტის მემკვიდრის, დემეტრიოსის ხელშეწყობით, მოახერხა სიკვდილისაგან თავის დაღწევა¹. იგი რამდენიმე მხედრის თანხლებით გაიქცა პაფლაგონიაში. გამაგრდა ოლგასიის მთაზე მდებარე მიუვალ ციხე-სიმაგრე კიშიატაში და აქედან მოუწოდა მდინარე ჰალისის ორივე მხარეზე მცხოვრებ მოსახლეობას და იქ მყოფ მაკედონურ გარნიზონებს, გადასდგომოდნენ ანტიგონეს და მიმხრობოდნენ მას. მითრიდატემ ამ მოწოდების პასუხად მართლაც მიიღო მხარდაჭერა, რის საფუძველზეც მან პონტოს დამოუკიდებლობაც გამოაცხადა და გამეფდა კიდევ მითრიდატე პირველის სახელწოდებით.

დიადოხოსებს შორის გაუთავებელი ომების პერიოდში პონტოს სამეფო გაფართოვდა და გაძლიერდა. ამ ომების დასასრულს მითრიდატეს ხელში უკვე ვხვდავთ ანკირას და მის გარშემო მდებარე ფრიგიის ველებს. აგრეთვე, მას შემოუერთებია ამასტრისი და, ამრიგად, პონტოს სამეფოს დასავლეთი საზღვარი მდინარე პართენიონამდე მისულა.

მითრიდატე პირველის გარდაცვალების შემდეგ ტახტზე ასულა არიობარზანი (226—256), რომელსაც განხეთქილება მოსვლია გალტებთან. იგივე გალატები მტრულად ეკიდებოდნენ მომღვენი

¹ დაწვრილებით იხ. ლ. სანიკიძე, პონტოს სამეფო, 1956. გვ. 13 და შემდეგ.

მეფის, მითრიდატე მეორის (256—210) დროინდელ პონტოსაც. ისინი შეესივნენ აგრეთვე ჰერაკლესა. რომელმაც შიმშილობის დროს პური გაუვზავნა პონტოურ ქალაქს ამისოსს. ჰერაკლელებმა დიდი გამოსასყიდით იხსნეს თავი გალატიელთაგან.

იმავე დროს, სისხლისაგან დაცლილი სელევკიდები იძულებული არიან სცნონ ახალგაზრდა პონტოს სამეფოს დამოუკიდებლობა. ისინი პონტოელ მეფეებთან მეგობრობასა და მოყვრობასაც კი ეძებდნენ.

სელევკოს კალინიკემ, რომელიც დიდ გასაქირში ჩავარდა, ერთის მხრივ, პტოლემე ევერგეტის შემოტევისაგან და, მეორე მხრივ, აჯანყებული ძმის ანტიოქე ჰიერაქსისაგან, კავშირი დასდო მითრიდატე მეორე პონტოელთან, ცოლად მისცა თავისი და, რომელსაც მზითვად გაატანა დიდი ფრიგია. ასევე, შემდგომში ცნობილმა ანტიოქე მესამემ მოყვრობა-მეგობრობა გააბა მითრიდატესთან. მან ცოლად შეირთო პონტოელი მეფის ასული.

მითრიდატე მეორის მეფობის უკანასკნელი წლებიდან ცნობილია მისი ცდა სინოპის ხელში ჩაგდებისა. ეს ცდა მარცხით დამთავრდა. სინოპმა ჯერჯერობით დამოუკიდებლობა შეინარჩუნა.

ამის შემდეგ კარგა ხნის მანძილზე პონტოს სამეფოს ისტორია წყაროთა უკმარისობის ბურუსში იძირება. ეს იმ დროს, როცა რომაელებმა პირველად შემოდგეს ფეხი აზიაში და პონტოც ერთბაშად ამოიპარათა აღმოსავლეთის პოლიტიკურ ასპარეზზე, იმ დროისათვის ყველაზე დიდმნიშვნელოვან საკითხთან (რომთან ურთიერთობა) დაკავშირებით...

ბ) ამიერკავკასიის ქვეყნები

ამიერკავკასიამ ერთდროულად შეასრულა კატალიზატორისა და შემაჯამებლის როლი რომის იმ დიდი სოციალ-ეკონომიური და პოლიტიკური ცვლილებების პროცესში, რომელშიც წამყვანი როლის შესრულება დაიწყო ელინისტურმა სამყარომ.

ამ მხრივ, იბერია-კოლხეთთან და ალბანეთთან ერთად, მნიშვნელოვანი ადგილი უჭირავს ძველ სომხეთს.

სომხეთი თავისი გეოგრაფიული მდებარეობითა და ბუნებრივი სიმდიდრით ძველთაგანვე იქცევა მეზობელი ქვეყნების ყურადღებას. მის მკვიდრ მოსახლეობას განუწყვეტელი ბრძოლის წარმოება უხდებოდა შემოსეულ მტერთა წინააღმდეგ.

სომხეთი დიდხანს იმყოფებოდა სელევკიდთა ბატონობის ქვეშ, განსაკუთრებით მისი სამხრეთ-დასავლეთი (სოფენა) და სამხრეთი ნაწილები. 190 წელს მაგნესიასთან ანტიოქე მესამის მარცხით ისარ-

გებლეს მისმა სარღლებმა, სომხეთის გამგებლებმა, არტაქსიამ (არტაშეს) და ზარიადრემ (ზარხს) და სელევკიდების შემდგომ მორჩილებაზე უარი განაცხადეს. არტაქსია გამეფდა სომხეთში, ზარიადრე — სოფენაში. ამავე დროს, სელევკიდების ვასალობისგან თავი გაითავისუფლა მცირე სომხეთმა, სადაც გამეფდა მითრიდატე.

არტაშეს პირველს ხელი მიუყვია თავისი სამეფოს სახელმწიფო ორგანიზაციისათვის, სამხედრო ძლიერებისა და ეკონომიური ამაღლებისათვის. მას ახალი სატახტო ქალაქი აუგია არაქსის დაბლობზე, სატრანზიტო გზების ერთ-ერთ გზაჯვარედინზე. ქალაქს მეფემ თავისი სახელის მიხედვით უწოდა არტაშატა (არტაქსატა). არტაშესი ცდილობდა, თავისი სახელმწიფოსათვის სოფენაც შემოეერთებინა. მაგრამ კაპადოკია და პონტო, რომელთაც აფიქრებდათ სომხეთის გაძლიერება, ხელს უშლიდნენ არტაშესის ამ წამოწყებას. სოფენაც უფრო კაპადოკიისკენ ეკირა ორიენტაცია და სომხეთის მხრიდან შემოტევის შემთხვევაში მის კალთას აფარებდა თავს.

სომხეთის პოლიტიკური ისტორიისათვის დიდი მნიშვნელობა ჰქონდა პარტიის სახელმწიფოს წარმოშობას. პარტიელები იმთავითვე ცდილობდნენ სომხეთის ხელში ჩაგდებას. ამავე დროს სელევკიდები კვლავ ფიქრობდნენ სომხეთის დაბრუნებას. პარტიის ძლიერმანევრემ, მითრიდატე მეორემ (124—89) დაიწყო ომი სომხეთის დასამორჩილებლად. სომხეთის მაშინდელი მეფე, ტიგრან პირველი (არტაშეს პირველის ძე) დაპარცხდა და იძულებული გახდა მტრისათვის დაეთმო თავის სამფლობელოთა სამხრეთი ნაწილები და მასთან, პარტიის სასახლის კარზე მძევლად გაეგზავნა თავისი ძე და მემკვიდრე ტიგრანი.

ახალგაზრდა ტიგრანმა მძევლობიდან ახალ ტერიტორიათა დათმობით დაიხსნა თავი. პარტიიდან დაბრუნებისა და გამეფებისთანავე მან ხელი მოჰკიდა სომხეთის აღზევებისა და ამაღლებისათვის თავგამოდებულ ბრძოლას. ტიგრანი შეიქნა სომხეთის ცალკე, დაქუცმაცებულიად არსებულ სახელმწიფოთა გამაერთიანებელი. ჯერ მან სომხეთს შემოუერთა სოფენა, შემდეგ რამდენიმე წარმატებითი ლაშქრობა მოაწყო სამხრეთის მიმართულებით. ტიგრანის სამეფოს სამხრეთ და აღმოსავლეთ საზღვრებად იქცნენ ოზროენა, კორდუენა, ალიაბენა და ატროპატენა, ხოლო, ჩრდილოეთიდან — ალბანეთი და იბერია. სომხეთის ახალი გაერთიანების გარეთ რჩებოდა მხოლოდ მცირე სომხეთი, რომელიც ამ დროს პონტოს სამეფოში შედიოდა. სომხეთის საგარეო პოლიტიკის მნიშვნელოვან მომენტს წარმოადგენდა კავშირი ტიგრანსა და გაძლიერებულ პონტოს მეფე მითრიდატე ევპატორს შორის. ეს კავშირი განპირობებული იყო დიდი ეკონომიური და პოლიტიკური ინტერესებით.

დამოყვრებული მოკავშირენი (ტიგრანმა ცოლად შეირთო მითრი-
დატეს ასული კლეოპატრა) ცდილობენ ფეხი მოიკიდონ მცირე აზიის
ცენტრალურ რაიონებში (ამის შესახებ დაწერილებით ქვემოთ გვექ-
ნება საუბარი). ტიგრანი არ ივიწყებდა სამხრეთელ მტერს — პართიას.
მან პართიის მეფეს — არტაბან მეორეს — წაართვა ის სამოცდათი
ოლქი, რომლებიც ადრე ტიგრანმა გაიღო მძევლობიდან თავის და-
სახსნელად. პართიის დამარცხების შემდეგ ტიგრანმა დაიწყო შეტე-
ვები სამხრეთ-დასავლეთის მიმართულებით, სადაც სულს ლევდა
სელევკიდთა უაღრესად შევიწროებული მემკვიდრეობა.

ტიგრანმა სცადა დიდი დამპყრობლური პოლიტიკის წარმართვა
დასავლეთის მიმართულებითაც, მაგრამ იგი სწორედ აქ წააწყდა ყვე-
ლაზე დიდ გადაულახავ წინააღმდეგობას.

წყარო ამ წინააღმდეგობის იყო რომი...



ამიერკავკასიის სახელმწიფოთა შორის ცენტრალური მდგომარე-
ობა ეჭირა ქართულ იბერიას, იგივე ქართლის სამეფოს.

წერილობითი წყაროების უსრულობის პირობებში, თითქმის
სრულიად შეუძლებელი ხდება იბერიის სისტემატური ისტორიის
აღდგენა რომაელთა შემოკრამდე განვლილ ეპოქაში. მაგრამ მეცნი-
ერების ხელთარსებულ მდიდარი არქეოლოგიური მასალები მრავ-
ლისმეტყველნი არიან ამ ქვეყნის მძლავრ ეკონომიურ, პოლიტიკურ
და კულტურულ ცხოვრებათა ზოგად ხაზებში წარმოსადგენად.

მტერიც და მოყვარეც ძველი დროიდანვე მოხიბლული იყო იბე-
რიის ბუნებრივი სიმდიდრეებით, მისი სიუხვითა და მშვენიერებით.
ამიტომაც იგი მუდამ წარმტაც საგანს წარმოადგენდა მრავალრიცხო-
ვან და მრავალსახოვან მტერთა აგრესიისათვის. ეს კი, თავის მხრივ,
ხელს უწყობდა ადგილობრივ მოსახლეთა მემორული სულის ჩამო-
ვალბებას და გავრცელებას. თითქმის ყოველი წყარო, რომელიც
კი კავკასიელ იბერიელებს შეჰხებია, იბერიელის მსაზღვრელ სი-
ტყვად ყოველთვის ხმარობს: „მრისხანე“, „მეომარი“, „ძლიერი“, „ამ-
ტანი“ და სხვ. ბრძოლის ხელოვანთაგან განსაკუთრებული პოპულარო-
ბით სარგებლობდნენ იბერიელი შუბოსნები. პლუტარქე გადმოგვცემს,
რომ, როცა ტიგრან სომეხთა მეფეს ლუკულუსთან ბრძოლა ჰქონდა (არ-
სანიასთან), ყველაზე წინ იბერიელი შუბოსნები დააყენა, რადგან მას
ყველაზე მეტად მათი იმედი ჰქონდა, როგორც პირველხარისხოვანი
შეომრებისა¹.

იბერიელთა ტრადიციული პოლიტიკური დამოუკიდებლობის საქ-

¹ Plut. Luc. 31.

ვეყნო პოპულარობაზე მეტყველებს იგივე პლუტარქეს თქმა იმის შესახებ, რომ იბერიელები „არ ემორჩილებოდნენ არც მიდიელებს, არც სპარსელებს და მაკედონელთა ბატონობაც მათ თავიდან აიცილეს“¹.

ძველთაგანვე იბერია-ქართლის „ომფალოსს“ (კიპი) წარმოადგენდა მცხეთა და მისი ახლო რაიონები. „იგი სხვადასხვა მხრიდან (დასავლეთ საქართველოდან, მესხეთიდან, სომხეთიდან, აზერბაიჯან-დან და ჩრდილოეთ კავკასიიდან მდ. არაგვის ჩაყოლებით) მომავალი გზების შესაყარზე მდებარეობდა. მცხეთაზე გადიოდა აგრეთვე მსოფლიო მნიშვნელობის სავაჭრო გზა, რომელიც ინდოეთიდან ხმელთაშუა ზღვისაკენ მიემართებოდა შავი ზღვის ნავსადგურების გავლით. ინდური საქონელი მდ. ამუ-დარით ჩაჰქონდათ კასპიის ზღვაში (რომელსაც ერთვოდა იმჟამად ეს მდინარე) და იქიდან მტკვარით ამოჰქონდათ აღმოსავლეთ საქართველოში. აქედან კი უკვე ხმელეთით — სურამის უღელტეხილით — ეზიდებოდნენ დასავლეთ საქართველოში, სადაც საქონელი მდ. რიონით შავი ზღვის სანაპირო ქალაქებამდე კერძოდ, ფაზისამდე (ახლანდელი ფოთი) აღწევდა, რომელიც იმდროისათვის მნიშვნელოვან ნავსადგურად იქცა...“

ამას გარდა, მცხეთას და მის მიდამოებს, თავდაცვის თვალსაზრისით მეტად ხელსაყრელი მდებარეობა ეჭირა. ეს იყო ძალიან ხელსაყრელი ადგილი მრავალი ურთიერთდაკავშირებული ციხე-სიმაგრის ასაგებად“².

ძვ. წ. IV საუკუნის ბოლოდან იბერია-ქართლის სათავეში დგება ფარნავაზიანთა დინასტია. ქვეყანა განსაკუთრებით ძლიერია ძვ. წ. III საუკუნეში. ამ დროს იბერია „არა მარტო მთელ თანამედროვე აღმოსავლეთ საქართველოს მოიცავდა, არამედ მის მოსაზღვრე ოლქებსაც ფლობდა. მას ეკუთვნოდა, კერძოდ, გვიანდელი მესხეთი, აქარა. ამ რაიონში ქართლის სამეფო შავი ზღვის ნაპირზე გად-ოდა“³.

იმავე პერიოდში იბერიელმა მეფეებმა წარმატებით ილაშქრეს აღმოსავლეთის მიმართულებით და დაიმორჩილეს ალბანეთის ის ოლქები, რომლებიც აღმოსავლეთიდან ეკვროდნენ ქართლს.

დაახლოებით ასეთი პოლიტიკური ჰაბიტუსით დახვდა იბერია რომაელების გამოჩენას აღმოსავლეთში.

ჩვენთვის საინტერესო ეპოქაში, მეორე სახელმწიფოებრივი გაერთიანება კოლხეთი დასავლეთ საქართველოში არსებობდა.

¹ Plut. Pomp. 34.

² ნ. ბერძენიშვილი, ვ. დონდუა, მ. დუმბაძე, ი. კაპარავა, გ. შელიქიშვილი. შ. მესხია, პ. რატინი, საქართველოს ისტორია, 1958, გვ. 33—35.

³ იქვე.

კოლხეთიც მოძმე იბერიის ანალოგიური სოციალ-ეკონომიური, პოლიტიკური და კულტურული ცხოვრებით ცხოვრობდა. იგი აწ მოხსენიებულ მსოფლიო სავაჭრო-სატრანზიტო გზა-კვანძის ერთ ცენტრალურ მონაკვეთს წარმოადგენდა. ქვეყნის უმეტესი ნაწილი უხვი და მრავალფეროვანი სასოფლო-სამეურნეო რაიონებისაგან შედგებოდა. ხორბლელს გარდა მოჰყავდათ სელი და კანაფი. მალალ დონეზე იღვა მევენახეობა, მეღორეობა და მებალეობა-მებოსტნეობა, ქვეყანა ცნობილი იყო მეფუტკრეობით, თაფლით და ცვილით. კოლხეთის მთასა და ბარში მრავალი სახის მესაქონლეობასაც მისდევდნენ (მსხვილფეხა პირუტყვთა ჯოგი, ცხენთა რემა, ცხვრის ფარა, ძროხათა მროწლე, თხის არვე და ღორების კოლტი). ძველმა კოლხებმა სახელი გაითქვეს ხელოსნობით, განსაკუთრებით ტილოს წარმოებით და ოქრომკმედლობით. ზღვის სანაპირო ზოლზე ვაჭრობასა და აღებმიცემობას ხელს უწყობდნენ ბერძნული ფაქტორიები. ვაჭრობა და ფულადი მეურნეობა გაცხოველებული იყო შიდა რაიონებშიც. ამაზე მეტყველებს კოლხეთის ერთიანი ფულადი ერთეულის — „კოლხური თეთრის“ გავრცელება მთელ დასავლეთ და სამხრეთ-დასავლეთ საქართველოს ტერიტორიებზე.

რომაელთა მოსვლის ეამს კოლხეთს დამოუკიდებლობა უკვე დაკარგული ჰქონდა. იგი პონტოს სამეფოს მორჩილებაში შედიოდა. ასე რომ, კოლხები პონტოელ ქართველებთან ერთად შეხვდნენ დასავლეთიდან მოსულ დიდ დამპყრობლებს¹.



ამიერკავკასიის ქვეყნებს შორის ყველაზე ნაკლები საისტორიო წყაროები მოგვეპოვება ალბანეთის შესახებ. ეს იყო კასპიის ზღვასა და იბერიის შორის მდებარე ქვეყანა, სტრაბონის თქმით, უალრესად ნაყოფიერი და მოსავლიანი².

ალბანელები მისდევდნენ მიწათმოქმედებას, მესაქონლეობას (ცხენების, აქლემების, ხარ-ძროხისა და თხების მოშენებას) და ზოგაერთი სახის ხელოსნობას (სამუშაო და საომარი იარაღის მკეთებლობა, დაბალბა და სხვ.). ალბანეთის ეკონომიურ და პოლიტიკურ მნიშვნელობას ზრდიდა მისი მდებარეობა აღმოსავლეთ-დასავლეთის დიდ შემაერთ მაგისტრალზე.

სტრაბონი ალბანეთში ოცდაექვს ენაზე მოლაპარაკე ტომს მოითვლის. ტომთა სათავეში დამოუკიდებელი ზელადები იდგნენ, მაგრამ

¹ ძველი კოლხეთის შესახებ დაწვრილებით იხ. Мелонишвили Г. А., К истории древней Грузии, 1958.

² Str. XI, 2, 19.

ძვ. წ. პირველი საუკუნისათვის უკვე ხორციელდება მთელი ალბანეთის უმაღლესი პოლიტიკური ძალაუფლების კონცენტრაცია ერთი მეფის ხელში. ასეთივე ფორმით დახვდნენ ისინი მათ ქვეყანაში რომაელების მოსვლას¹.



ამ გეგარად: ახლა დიდ მსოფლიო დამპყრობელს წინ ედო აღმოსავლეთის მრავალი ფერით აქრელებული პოლიტიკური რუკა.

და ეს მაშინ. როცა რომაულ მანვილს ყოველთვის წინ მიუძღოდა და გზას უწვალდავდა სახელგანთქმული, მრავალნაცადი დიპლომატიური დევიზი: divide et impera!

რომს ახლა აღარც კი სჭირდებოდა ამ დევიზის წინასწარი განხორციელებისათვის, ჩვეულებრივ, დაძაბული ფიქრი და ზრუნვა. აღმოსავლეთი თვითონ იყო დათიშულ-დაფლეთილი და საჭირო ერთიანობას მოკლებული: იგი, პოლიტიკურად დაქსაქსული, ელოდებოდა დასავლეთიდან „ელეა-ნთხევით“ და „მეხთა-ტეხით“ დაძრულ „მგლის ნაშიერთ“.

თ ა ვ ი მ ა თ რ ა

რომისა და ელინისტური სამყაროს კარიკატული უპროპაგანდისტოების დასაწყისი

1. როგორ დაიწყო „მეორე მაკედონური ომი“

პოლიტიკური წონასწორობა, რომელიც რაფიუმის ბრძოლის შემდეგ არსებობდა მაკედონია-სირია-ეგვიპტეს შორის, უეცრად დაირღვა 203 წელს, როცა გარდაიცვალა პტოლემე IV-ფილოპატორი, უქნარა, მოსახლარი და გარყენილი მეფე ეგვიპტისა. სასახლის კარზე მოპარპაშე ზნედაცემულმა მედროვეებმა თავიანთი პოლიტიკური პროზიციების გამაგრების მიზნით 202 წლამდე მოახერხეს მეფის სიკვდილის დაფარვა. როცა ყველაფერი გაშვდებოდა და ეგვიპტის ტახტზე გარდაცვლილი მეფის მცირეწლოვანი ვაჟი პტოლემე მეხუთე ეპითანე დაჯდა, ფილაპე მაკედონელმა და ანტიოქე სირიელმა ისარგებლეს ეგვიპტის სასახლის კარის სისუსტით და მუდამ ერთმა-

¹ ძველი ალბანეთის შესახებ დაწერილებით იხ. Тревер К В., Очерки по истории и культуры Албании IV в. до н. э. — VII в. н. э., 1959.

ნეთში სამტროდ შემართულმა გვირგვინოსნებმა საიდუმლო კავშირი შეკრეს პტოლემეების სამფლობელოთა გასანაწილებლად.

ანტიოქე მესამეს პირველ რიგში ევვიპტესთან მუდამ სადავო კელესირია და კუნძული კვიპროსი აინტერესებდა, ფილიპე მეხუთეს კი — აფრიკის კირენადან დაწყებული, მთელი ეგვიდა კიკლადებით, მცირე აზიური იონიითა და პროპონტიდის უკიდურეს ჩრდილო სანაპიროებით დამთავრებული.

მეფეები სწრაფად შეუდგნენ თავიანთ სამხედრო გეგმათა განხორციელებას. ანტიოქემ ერთის დარტყმით გაანადგურა ევვიპტელთა გარეები და კელესირიას დაეუფლა. მხოლოდ ქალაქ ღაზას მდგარამ წინააღმდეგობამ შეაყოვნა ანტიოქე ევვიპტის კარიბჭეებთან.

ამასობაში ფილიპე მეხუთემ, ბითინიის მეფე პრუსიასთან კავშირით მხარგამაგრებულმა, საზღვაო და სახმელეთო ძალები დასძრა ჰელესპონტისა და პროპონტიდის სანაპიროთა დასაპყრობად. ჯერ, თრაკიის პირზე მაკედონელებმა ხელთ იგდეს ქალაქი ლისიმახია, რომელიც ეტოლიის კავშირში შედიოდა. შემდეგ აიღეს ბიზანტიონის მფარველობის ქვეშ მყოფი პერინთი. პრუსიამ ფილიპეს ხელშეწყობით დაიმორჩილა ქალკედონი და კოსი.

ეგეოსის ჩრდილო ნაწილისა და ჰელესპონტ-პროპონტიდის საჯაქრო-ეკონომიურ არტერიასთა გადაჭრამ შიმშილისა და გაკოტრების საფრთხის ქვეშ დააყენა ბერძნული ქალაქები, განსაკუთრებით, ათენი და როდოსი, რომლებიც ჩრდილო-აღმოსავლეთის ქვეყნებთან მჭიდრო სავაჭრო ურთიერთობით ირჩენდნენ თავს. ამას გარდა, საერთო აღშფოთებას იწვევდა დამპყრობელთა უსაზღვრო სისასტიკე და აღვირახსნილობა დაპყრობილ თავისუფალ ქალაქთა მიმართ. მაგალითად, ქალაქი კოსი ფილიპემ, როდოსელთა შუამდგომლობის მიუხედავად, საძირკვლამდე დააქცია და მთელი მისი მოსახლეობა მონად გაპყიდა. ასეთივე ბედი ეწია თასოსს და ლამპსაკს. შემდეგ ფილიპე მიადგა კარიის ბერძნულ ქალაქებს, რომლებიც უახლოეს კავშირ-ურთიერთობაში იყვნენ როდოსის რესპუბლიკასთან.

როდოსი გადაჭრით დადგა მაკედონელთა აგრესიის აღკვეთის გზაზე. როდოსმა სტრატეგოს თეოფილისკეს მოწოდებთ, ფილიპეს ომი გამოუტყხადა. როდოსის გვერდით დადგა პერინთის დაკარგვით აღშფოთებული ბიზანტიონი. იმავე დღეებში მათ შეუერთდა პერგამოსის მეფე ატალი, რომელიც კარგად ხედავდა რა საფრთხესაც უქმნიდა მის მცირე აზიურ სამეფოს მეტოქე-მეზობლის, ბითინიის კავშირი მაკედონიასთან და მათი ერთობლივი იერიშები ქალაქების დასაპყრობად. ბოლოს, ხანგრძლივ ნეიტრალიტეტზე ხელი აიღო ათენ-

მა და ისიც მაკედონური აგრესიის წინააღმდეგ აღმართული საბრძოლო დროშის ქვეშ დადგა.

მოკავშირეებმა ფილიპეს წინააღმდეგ საომრად საკუთარი ძალები არასაკმარისად ჩასთვალეს და უფრო ძლიერი დამხმარე ძალის მიმხრობა გადაწყვიტეს.

ასეთ ძალად მიჩნეული იქნა რომი, რომელმაც ეს ეს არის ძლევა მოსილად დაამთავრა ომი კართაგენთან (201).

უკვე კარგა ხანი იყო, რაც მაკედონიის საწინააღმდეგოდ დარაზნულ ბერძნულ კოალიციას რომი თავის მოკავშირე ქვეყნად მიჩნდა. ასევე, ეგვიპტის სასახლის კარსაც მაკედონიისა და განსაკუთრებით სელევკიდური სირიის მხრივ ხელყოფის თავიდან ასაცილებლად, მთხოვნელის თვალი მუდამ რომისკენ ექირა.

და აი, 201 წელს, სასტიკი „ჰანიბალის ომის“ დასასრულის მომდევნო დღეებში, რომის ფორუმზე გამოჩნდნენ ელჩები აღმოსავლეთიდან — ეგვიპტის, როდოსის, პერგამონისა და ათენისაგან.

რომიდან მაკედონიაში გაეშურა ელჩობა, რომლის მთავარი ამოცანა იყო, რომის მხარეზე უზრუნველყო „ჩაგრული საბერძნეთის“ კავშირი და ფილიპესთვისაც ისეთი ულტიმატური ხასიათის მოთხოვნები წაეყენებია, რომლის მიღებას მეფე კატეგორიული უარით შეხვედებოდა და უკვე დაწყებული ომიც ძალაში საბოლოოდ დარჩებოდა. სანამ რომელი ელჩები -- მარკუს ემილიუს ლეპიდე, გაიუს კლავდიუს ნერონი და პუბლიუს სემპრონიუს ტუდიტანი — ფილიპესთან გამოცხადდებოდნენ, მანამდე პროპრეტორმა მარკუს ვალერიუს ლეინმა 38 ხომალდი შეიყვანა ეგეოსის ზღვაში „მოკავშირე“ ბერძნების დასახმარებლად და მაკედონიასთან საომრად. ეს იყო თავისებური პოეზიული ომისა. რომელიც ჯერ ფორმალურად არც კი გამოცხადებულა. რომაული ელჩობის მოსვლამდე ფილიპემ უკვე მოასწრო რამდენიმე ბრძოლის გადახდა ბერძნებთან და მათ მოკავშირე მცარე აზიელებთან. რომის ხელისუფლებას აღმოსავლეთში ელჩობისა და დიპლომატიურ მოლაპარაკებათა შედეგებისათვის არ დაუტოვია. ელჩობას ფეხდაფეხ მოჰყვებოდა კონსული პუბლიუს სულპიციუს გალბა. მან ორი ლეგიონით, ათასი ნუმიდიელი ცხენოსნით, სპილარებითა და ფლოტით ბრუნდიზიუმიდან გადალაზა აღრიაკის ზღვა და ფეხი შედგა ბალკანეთის მიწაზე, აპოლონიის მახლობლად.

ასე დაიწყო 200 წელს ე. წ. „მეორე მაკედონური ომი“. ასე გადადგა რომმა გადაწყვეტი ნაბიჯი აღმოსავლეთის მუდმივად რთულ პოლიტიკურ და სოციალურ საქმეებში. დადგა ახალი საუკუნე და, მასთან ერთად, ანტიკური დროის საერთაშორისო ურთიერთობათა

ახალი საფეხურიც „დასავლეთისა და აღმოსავლეთის“ ურთიერთობაში, რომი მსოფლიო მოქმედების ახალ გზას დაადგა...

ომები ბალკანეთზე პირველი ორი წლის განმავლობაში დღენდ და უშედეგოდ მიდიოდა, ხოლო 198 წელს რომში გადაწყდა საგანგებო ზომების მიღება მაკედონიის განადგურების მიზნით.

ამ დროის რომში, სციპიონ აფრიკელის შემდეგ, ტ. კვინტიუს ფლამინიუსი ყველაზე ღირსეული პიროვნება იყო მათ შორის, ვისაც უნდა შესძლებოდა აღმოსავლეთის გართულებული პოლიტიკური სიტუაციისთვის თავის გათმევა. ფლამინიუსმა ადრე გამოიჩინა თავი, როგორც ნიჭიერმა სარდალმა, შორსმხედველმა პოლიტიკოსმა და მოქნილმა დიპლომატმა. მიუხედავად იმისა, რომ მას ჯერ ქვესტორობისთვის საჭირო ოცდაორი წელიც არ შესრულებოდა და, მაშასადამე, საკონსულო ასაკისათვის (43 წელი) ვერ მიეღწია, აღმოსავლეთის საკითხმა დღის წესრიგში დააყენა კონსტიტუციური შეზღუდვის გაუქმების აუცილებლობა და იგი 198 წელს წამოყენებული იქნა კონსულის კანდიდატად. ფლამინიუსის „ნაადრევი“ კონსულობა სხვა მხრივაც არღვევდა რომაულ-რესპუბლიკურ კონსტიტუციას: კონსულად შეიძლებოდა გასულიყო მხოლოდ ის, ვისაც გავლილი ჰქონდა ქვესტურა, ედილობა, ან პრეტურა, ფლამინიუსს კი ჯერ არც ერთი მათგანის რწმუნება არ ჰქონია. ამიტომაც მისი კონსულად არჩევის საკითხი რომში მიმდინარე სოციალური ბრძოლის ერთ-ერთ საბაზად იქცა. ახალგაზრდა ფლამინიუსი წარმოშობით და მრწამსით ნამდვილი არისტოკრატი-პატრიციუსი იყო და მაშასადამე, არისტოკრატიული ოლიგარქიული ბირთვის, სენატის არჩეული. ბუნებრივად, რომის ქვედა ფენები პოპულარები, ალმაცურად უქვეროდნენ „ნაადრევად აფრენილ“ პოლიტიკურ მოწინააღმდეგეს. უეჭველად ასეთი განწყობილების შედეგი უნდა ყოფილიყო სახალხო ტრიბუნების, მარკუს ფულვიუსისა და მანიუს კურტიუსის გამოსვლა. „ისინი საშინელებად მიიჩნევდნენ იმას, რომ ახალგაზრდა კაცი, ჯერ გამოუცდელი სახელმწიფო მმართველობის საიდუმლოებებში, კანონთა წინააღმდეგ, ძალით მიიღტვის ხელისუფლების მოპოვებისაკენ“¹. თუმცა ლივიუსი წერს, რომ ფლამინიუსი უკვე იყო ქვესტორი, მაგრამ ეს მაინც არ ართმევდა საბაბს სახალხო ტრიბუნებს გამოსულიყვნენ „რესპუბლიკური კონსტიტუციის“ დასაცავად, რადგან არც ედილობა და არც პრეტურა ფლამინიუსს გავლილი არ ჰქონდა. ტიტე ლივიუსიც წერს: „არჩევნები ბრკოლდებოდა ტრიბუნების მ. ფულვიუსისა და მ. კურტიუსის წინააღმდეგობის გამო, რადგან ისინი ნებას არ იძლეოდნენ, ტ. კვინტიუს ფლამინიუსს კონსულობა მოეპოვებინა პირდაპირ ქვესტურიდან. ისინი ამბობ-

¹ Plut. Tit. 2.

დნენ: „ქვესტორობისა და ედილობის თანამდებობებს აღარაფრად აგდებენ და აღარც ერთი თანამდებობიდან მეორეზე თანდათანობით აღარ გადადიან. — რომ ამით აჩვენონ თავისი უნარიანობა, — არამედ კეთილშობილი ადამიანები კონსულობისაკენ მიილტვიან საშუალებდო თანამდებობებზე გადახტომით, და სურთ პირდაპირ დაბალიდან მაღალი (თანამდებობა) დაიჭირონ“¹, აქ განსაკუთრებულ ყურადღებას იპყრობს სახალხო ტრიბუნების პროტესტი იმის გამო, რომ „კეთილშობილი ადამიანები აღარად აგდებენ კონსტიტუციურ განაწესს და „ხტუნობით“ (transcendendo) უნდათ ხელისუფლების სათავეში მოქცევა. ამ პასაჟში მაშინდელი რომის სოციალური ბრძოლის სურათი ნათელია. ამასვე მიუთითებს ის, რომ ტიტე ლივიუსი ფლამინიუსის კონსულად არჩევა-არარჩევისათვის ბრძოლას ნათლავს როგორც „ჭიდილს საზოგადოებრივ მოედანზე (res ex campresli cerfamine)“².

შემდეგ „საზოგადოებრივი მოედნიდან“ საქმე გადავიდა სენატში, სენატიდან სახალხო კრებაზე და, ბოლოს და ბოლოს, ამდენი გადასვლ-გადმოსვლის შემდეგ, მომავალი „აღმოსავლეთის გმირი“ გავადა კონსულად — როგორც consul armatus — კონსული მეომარი აღმოსავლელი გვირგვინოსანის წინააღმდეგ ბრძოლაში. თუ ვისმეს შეეძლო საბერძნეთში ელინური სამყაროს „გამათავისუფლებლის დროშა“ გადაეტანა, ამის ყველაზე მეტი პრეტენზია ტიტე კვინქციუს ფლამინიუსს ჰქონდა, რადგან მას უკვე კარგად იცნობდნენ როგორც თავგამოდებულ ელინოფილს, ელინური და ელინისტური კულტურის დიდ თავყანისმცემელს...

ფლამინიუსს, იმ არმიებისა და საზღვაო ძალების გარდა, რაც ბალკანეთზე უნდა ჩაებარებინა, დამატებით ნება ეძლეოდა დაეკომპლექტებინა ახალი ლეგიონები რვაათასი ქვეითი მეომრისა და რვაასი მხედრის რაოდენობით. აქედან რომაელი იყო სამიათასი ქვეითი და სამასი ცხენოსანი, დანარჩენი — „მოკავშირე“-ლათინები.

ფლამინიუსი არმიის შეკრებისთანავე გაემართა აღმოსავლეთისაკენ. მან ჯერ ჯარები გადაიყვანა კორკირაზე, მერე გადავიდა ეპირში და სწრაფი მარშით გაჩნდა ფილიპეს პირისპირ. აქ ის ძველი და ახალი არმიების შეერთება-რეორგანიზაციის პარალელურად შეუდგა მტრის პოზიციების და ახლო-მახლო ადგილმდებარეობათა რეკოგნოსირებას.

19: წელს ფლამინიუსსა და ფილიპეს შორის რამდენიმე შეტაკება მოხდა, მაგრამ ამას გადამწყვეტი შედეგი არ მოჰყოლია.

¹ Liv. XX. II, 7.

² იქვე.

2. მაკედონიის პირველი განადგურება

აღმოსავლეთის საკითხი შემდგომ წელს კიდევ უფრო მწვავედ დაისვა სენატსა და კომიტეტებზე. ჩვეულებრივი წესით, რომელიც კონსტიტუციის მიხედვით, ახალი წლისათვის რომელიმე დიდ ქვეყანასთან დაკავშირებული საქმის წარმოება, განსაკუთრებით კი მასთან სამართი მოქმედების ხელმძღვანელობა, უნდა დაკისრებოდა ახლად არჩეულ კონსულს, ხოლო გასული წლის იგივე მაგისტრატს ჩვეულებრივად მის ვადაგასულ რწმუნებებთან ერთად უნდა მოეხსნა მთავარსარდლობის ინსიგნიებიც. მაგრამ ახლა აღმოსავლეთის საკითხმა ისევ მოითხოვა „ჩვეულებრივი კონსტიტუციის“ დარღვევა და ახალი „არჩვეულებრივი“ ღონისძიების გატარება. მოვუსმინოთ ტიტე ლივიუსს.

„როცა კონსულები (იგულისხმებიან ახლად არჩეული კონსულები, გაიუს კორნელიუსი და გაიუს მინუციუსი, ლ. ს.) კენჭის საყრელად ემზადებოდნენ იტალიასა და მაკედონიასთან დაკავშირებით. სახალხო ტრიბუნები, ლ. კომპიუსი და გ. ფულვიუსი, წინ აღუდგნენ და აბობდნენ: „მაკედონია ძალიან შორეული პროვინციაა და აქამდე მასთან ომში მთავარი დაბრკოლება ის იყო, რომ კონსული დაიწყებდა თუ არა მოქმედებას, მაშინვე უკან ვიძახებდით, ომის მთელის ძალებით წარმოების პერიოდში. უკვე მეოთხე წელია, რაც მაკედონელებს ომი გამოვუცხადეთ. სულპიცეუსმა წლის უდიდესი ნაწილი მეფისა და მისი ჯარის ძებნაში გაატარა. ვილიუსი სწორედ ამ დროს იქნა გამოწვეული, როცა ზნად იყო ზტერას შეპნოდა: ა' ე, რომ ვერც მან მოასწრო რაიმეს გაკეთება.“

კვინქციუსმა კი წლის უდიდესი ნაწილი, საღვთო საქმეებთან დაკავშირებით. რომში გაატარა, თუმცა საქმეს მაინც ისე წარმართავდა, რომ პროვინციაში როგორმე ადრე მისულიყო. ახლა, როცა ის თითქმის გაეშურა დასაზამთრებლად, და, როგორც ამბობენ. ისე კარგად მომზადებულა სამოქმედოდ, თუ მას მემკვიდრე ხელს არ შეუშლის, ალბათ მომდევნო ზაფხულში ომსაც დაამთავრებს“¹.

მაშასადამე, სახალხო ტრიბუნთა სამართლიანი განსჯის მიხედვით, აღმოსავლეთის (ამჯერად მაკედონია-საბერძენეთის) საკითხის გადასაჭრელად არ კმარა ერთწლიანი კონსულატი; მისთვის აუცილებელ საჭიროებას წარმოადგენს ერთი პიროვნებისადმი ისეთი მაგისტრატურის მინიჭება, რომლის რწმუნებებიც რომის რეპუბლიკური კონსტიტუციის ფარგლებს გასცილდება. რაც სახალხო ტრიბუნთაგან ითქვა, კიდევაც იქმნა. ახლად არჩეულ კონსულებს, გაიუს კორნელიუსს და გაიუს მინუციუსს, სამმართველოდ მისცეს მხოლოდ:

¹ Liv. XXXI, 29.

იტალია, „ცინქციუსს კი ძალაუფლება გაუგრძელეს მანამ, სანამ მას სენატის დადგენილებით კონსულობის შემცვლელი არ დაენიშნება“¹.

ასე, რომ ფლამინიუსი, რომლის „ნაადრევი კონსულობაც“ დარღვევა იყო რომაულ-რესპუბლიკური პრინციპებისა, ახლა ხელმეორე მაგალითი შეიქმნა იმავე პრინციპების კიდევ უფრო საგრძნობი უგულვებელყოფისა და უკუგდებისა. იგი უკვე არჩეული ორი კონსულის გვერდით, თვითონ კონსულის უფლებებით განაგრძობს მთავარი-არდლობას და საერთოდ პოლიტიკურ თავკაცობას აღმოსავლეთში.

ამ „მესამე კონსულს“ ნუმიდიელი მეფის, მასინისასგან გამოგზავნილი დახმარების გარდა, ბალკანეთზე ახალ დამხმარე ძალად გაუგზავნეს 5.000 ლეგიონერი, 300 მხედარი და 3.000 მეზღვაური. თან ფლამინიუსს დამატებით ორი ლეგატიც დაუნიშნეს. ესენი იყვნენ წინა წლის კონსულები, პ. სულპიციუს გალბა და პ. ვილიუსი.

ენახოთ, როგორ გაამართლა ამ ერთი პერსონასადმი მინიჭებულმა საგანგებო რწმუნებებმა და მის საფასურად რა საჩვენებლობა მოუტანა რომს „რესპუბლიკური კონსტიტუციის“ დარღვევამ, — „ცვლილებამ, რომელიც დაკავშირებული იყო მრავალ უხერხულობასთან“².

ორთვიანი ზავი იწყებოდა. მოწინააღმდეგენი გამალებით ემზადებოდნენ სელახალი შეჯახებისთვის. ფილიპეს განსაკუთრებით აფიქრებდა მისგან გეოგრაფიულად და პოლიტიკურად დაშორებული სამხრეთ საბერძნეთი, სადაც აქეის ლიგა რომთან კავშირში ეძებდა დაკარგული „ელევთერიის“ აღდგენას. სამხრეთ საბერძნეთის ქალაქთა შორის კვლავ კორინთო და არგოსი ჩიებოდნენ ყველაზე მნიშვნელოვან სტრატეგიულ პუნქტებად მიმდინარე ომში. ამიტომ მაკედონიის მეფემ ჭერ არგოსის საკითხის გადაქრით ორი კურდღლის მოკვლა სცადა: ჩამოეშორებინა იგი რომის კავშირისაგან და მისი მეოხებით, პელოპონესში მისთვის დაკარგული აქეის ნაცვლად, ახალი მოკავშირე გაეჩინა. მან არგოსი ლაკედემონელ ტირანს, ნაბისს შესთავაზა იმ აირობით, თუ რომთან ბრძოლაში მაკედონელები გაიმარჯვებდნენ, ნაბისი ფილიპეს უკანვე დაუბრუნებდა არგოსს, ხოლო თუ დამარცხდებოდა, ლაკედემონელი დაინარჩუნებდა მას. ამავე დროს, ლაკედემონთან კავშირის გაძლიერების მიზნით, მაკედონიის მეფე დამოუყრებას (დამზახლებას) სთავაზობდა ნაბისს. თანაც, ფილიპეს იმედს ლაკედემონთან კავშირზე ისიც აძლიერებდა, რომ ნაბისი საომარ მდგომარეობაში იყო აქეისთან, რომის მოკავშირესთან. ნაბისმა არგოსი მართლაც ჩაიბარა, მაგრამ ეს მოხდა თვით არგოსელთა სურვილის წინააღმდეგ; იარაღის ძალით, მტრობით, ძარცვით

¹ Liv. XXXII, 28.

² М о м м з е н Т., История Рима, т. I, М., 1956, 672.

და რეპრესიებით აიღეს არგოსი ლაკედემონელებმა. ასე, რომ მათაშორისი ომით ბერძნები კვლავ ასუსტებდნენ ერთიმეორეს და ამით დამპყრობს — მაკედონია იქნებოდა ის თუ რომი — გამარჯვების მეტ შანსებს აძლევდნენ. თვითონ ფილიპესთვისაც, არგოსთან დაკავშირებული, თითქოს კარგად დაწყებული საქმე, იმთავითვე ცუდად დატრიალდა. არგოსი მეფის სურვილისამებრ თითქოს „საიმედო ხელს“ ჩაბარდა, მაგრამ იმავე ხელმა მაშინვე მაკედონელთა წინააღმდეგ საომარი მახვილის ლესვა დაიწყო. ნაბისმა „ელჩები გაუგზავნა კვინქციუსს ელატეაში და ეგინაზე გამოსაზამთრებლად მყოფ ატალს, და აცნობა მათ: რომ არგოსი მის ხელში იმყოფება, და თუ კვინქციუსი მოვა თათბირზე, მაშინ ნაბისსაც ექვი არ ეპარება, რომ ისინი მორიგდებიან“¹.

ამრიგად, ამ წელსაც (197), ბალკანეთზე ამ მეოთხე რომაულ ექსპედიციის დროს, კვლავ სრული დაქუცმაცებულობა, ურთიერთქიშპი, სისხლის ღვრა ბალკანეთის ხალხებს შორის, და არა მარტო მაკედონელებსა და ბერძნებს შორის (რაც შეიძლება, ბუნებრივადაც ნაითვალოს), არამედ თვით ბერძენთა შორისაც. ე. ი. არცერთი მხრიდან არ ჩანს ოდნავი, მკრთალი ტენდენციის მსგავსი რაიმე ერთიანი ფრონტის შეკერისა დასავლეთიდან მოწოლილი ძლიერი დამპყრობელის წინააღმდეგ. პირიქით, რომაული ვეშაპის მსხვერპლნი იმ ცეცხლზედვე ასხამენ ნავთს, რომელშიც თვითონ უნდა ჩაინთქნენ. რასაც ახლა ტიტე კვინქციუს ფლამინიუსი ნატრობდა, მოწინააღმდეგეც იმას უსრულებდა. უკეთესს რას ისურვებდა: აქეის კავშირის მიმხრობის შემდეგ მას პელოპონესში ლაკედემონი აფიქრებდა და ახლა თვით ლაკედემონის მბრძანებელი ითხოვდა რომაელ სარდალთან კავშირს, თუნდაც ეს კავშირი მორჩილებასაც უდრიდეს. მერე, კავშირს სთავაზობს ის, ვისაც ახლა ხელში უჭირავს არა მარტო უჭიათი და გულღობო სპარტა, არამედ პოლიტიკური ჭირვეულობით ცნობილი არგოსი. ამრიგად, ფილიპეს მოქნეული ხელით მართლაც მოიკლა ორი კურდღელი, მაგრამ არა მის სასარგებლოდ, არამედ მისი მოსისხლე მტრის სასარგებლოდ.

ფლამინიუსმა, ატალის რჩევით, თავი არ დაიმდაბლა და არგოსში არ ეახლა ნაბისს. მან სიკიონში დაუნიშნა პაემანი ლაკედემონელ ტირანს. მოლაპარაკებაში ფლამინიუსსა და ნაბისს გარდა მონაწილეობდნენ ატალი და აქეის არქონტი ნიკოსტრატე. მოლაპარაკება დიდხანს არ გაგრძელებულა. მისი შინაარსი მოკლედ, სპარტელთათვის საყვარელი ლაკონიურობით გამოხატა რომაელმა პოლიტიკოსმა და დიპლომატმა: „რომაელი მოითხოვს ორ რამეს: პირველი, — რომ

¹ Liv. XXXII, 39.

შეწყვიტოს ომი აქელებთან და მეორე, — გაუგზავნოს მას დახმარება მეფე ფალიპეს წინააღმდეგ¹.

კიდევ უფრო „ლაკონიური“ იყო ნაბისის პასუხი: „იგი ასე მოიქცევა“ და ასეც მოიქცა: აქეასთან ზავი დასდო, ხოლო რომაელებს დამხმარე ძალად კრეტელთა რაზმები მისცა.

სამხრეთ საბერძნეთში ერთადერთი ქალაქი, რომელიც ჯერ კიდევ იდგა რომის მოწინააღმდეგე ბანაკში, იყო კორინთო. სანამ ფლამინიუსი ელადის ამ ერთ-ერთ „ბორკილთაგანს“ შეეხებოდა, კორინთომ მოახერხა კიდევ უფრო გაეფართოებინა თავისი პოლიტიკური გავლენა შუა საბერძნეთში. იგი რომაული კოპორტების თანხლებით შევიდა ბეოტიაში, რომელსაც ნეიტრალური პოზიცია ეკირა. მივიდა ბეოტიის ცენტრალურ ქალაქ თებეში, სადაც მისი მოთხოვნით მოწვეული იქნა კრება, რომელზედაც დაისვა საკითხი რომის ხალხთან ბეოტიის „მოკავშირეობა-მეგობრობისა“ და ფილიპეს წინააღმდეგ ერთობლივი ბრძოლის შესახებ. აქეთკენ მოუწოდებდნენ ბეოტიელებს მეფე ატალი, შემდეგ (მას შემდეგ, რაც მოხუც ატალს სიტყვის თქმისას გული წაუვიდა) აქეელი არისტენი და, ბოლოს, ფლამინიუსი. დასასრულ დიკეარქე პლატეელმა წარმოადგინა პროექტი კანონისა „რომაელებთან მტკიცე კავშირის დადების შესახებ. საწინააღმდეგო სიტყვის თქმა ვერაფერ ვერ გაბედა (nulla contra dicere audente) და პროექტმაც კანონის ფორმა მიიღო“².

პირველ ღონისძიებათა ჩაშლის შემდეგ, იმედგაცრუებული ფილიპე მხნეობას მაინც არ ჰკარგავდა და კვლავ თავგამოდებით ემზადებოდა ომის განახლებისათვის. ძალიან უჭირდა მეფეს ხანგრძლივ ომებში გაჩანაგებული არმიის შეესება. „გამუდამებულმა, მრავალთაბათა მანძილზე გაგრძელებულმა ომებმა გაანადგურა მაკედონიის მოსახლეობა. ფილიპეს ბრძანებით, „ჯარში იწვევდნენ მოსწაელებს თექვსმეტი წლის ასაკიდან და ვადაგასულ ნამსახურთ, რომელთაც კიდევ ოდნავი ძალა შერჩენოდათ³. ასე ჩამოყალიბდა ოცდაექვსათასიანი მაკედონური არმია.

თითქმის ამდენივე მეომარს მოითვლიდა რომელიც სარდალიც, ეტოლიური მხედრობის რიცხოვრივი უპირატესობით.

მცირე შეტაკების შემდეგ მოწინააღმდეგენი ერთმანეთს შეხედნენ გადამწყვეტ ბრძოლაში.

197 წლის ივნისი. სახელოვანი ბატალია კინოსკეფალესთან, თესალიაში. ძირითადი წყაროები, — პოლიბიოსი, ტიტე ლივიუსი და პლუტარქე, ასე წარმოგვიდგენენ ამ ბრძოლის სურათს:

¹ Liv. XXXII, 39.

² Liv. XXXIII, 2; Plut. Tit. 5.

³ Liv. XXXIII, 3.

რომელთა სარდალმა მტრის პოზიციებისა და ადგილმდებარეობათა დასაზვერავად, გაგზავნა ათი ტურმი მხედრობა და ათასამდე მსუბუქად შეიარაღებული მეომარი. ნოსლ-ღრუბლიან დილით კინოსკეფალეს („ძალის თავები“) ბორცვებთან რომელი მწვერავეები მოულოდნელად წააწყდნენ მაკედონელთა საგუშაგო პოსტებს. ორივე მხარემ დაუყოვნებლივ აცნობა თავიანთ სარდლებს, თვითონ კი სათანადო განკარგულების მიღებამდე ჩაებნენ ბრძოლაში. მაკედონელებმა მალე უკუაქციეს მოწინააღმდეგენა. მაგრამ ფლამინინუსმა თავისიანებს დროზე შეაშველა ხუთასი ეტოლიელი მხედარი და ორი ათასი ლეგიონერი, ორი ეტოლიელი სტრატეგოსისა და ორი სამსედრო ტრიბუნის მეთაურობით. ახლა მაკედონელები დამარცხდნენ, თავი შეაფარეს ბორცვზე გამართულ პოსტებს და ფლიპეს სასწრაფოდ აცნობეს მდგომარეობა. მეფემაც არ დააყოვნა. მან უმაღლეს აფრინა თესალიურ-მაკედონური მხედრობა ჰერაკლიდესა და ლეონის მეთაურობით; მათვე აახლა დაქირავებული მეომრები ათენაგორის სარდლობით. სკვლავ მაკედონელთა სასარგებლოდ შემოტრიალდა საქმე. რომაელები იძულებული გახდნენ დაეტოვებინათ კინოსკეფალეს ბორცვები. ისინი სრული განადგურებისაგან იხსნა ეტოლიურმა მხედრობამ, რომელმაც დიდის სიმამაცითა და სიმედგარით შესძლო შეეკავებინა მაკედონელთა ძლიერი მოწოლა. ამასობაში, ფლამინინუსმა საომრად გაამზადა მთელი არმია. ფლიპესაც მისიანებმა მოახსენეს, რომ მოწინააღმდეგე გარბის, „დღეს შენი დღეა, შენი ბედნიერება“ და ხელსაყრელ მომენტს ხელიდან ნუ ვაუშვებო. მეფემ ბრძანა, არმია სასწრაფოდ გამოეყვანათ და დაერაზმათ... მოწინააღმდეგენი მცირე საომარი პრელუდიის შემდეგ გადაწყვეტ სამკედრო-სასიცოცხლო ბრძოლას შეუდგნენ... რომაელმა სარდალმა მარჯვენა ფლანგის წინ სპალოები ჩაამწკრივა, თვითონ კი მარცხენა ფლანგი დასძრა კინოსკეფალესკენ; მაგრამ მეფემ თავისი მარჯვენა ფლანგით აასწრო ბორცვზე. რომაელებმა ვერ გაუძლეს მჭიდროდ შეკრული მაკედონური ფლანგის ზემოდან დაწოლას და იძულებული შეიქნენ უკანდახვევა დაეწყოთ. მაგრამ რომაელთა მარჯვენა ფლანგმა სპილოების მეშვეობით სასტიკად დაამარცხა მოწინააღმდეგის მარცხენა ფლანგი. აქედანვე ერთ-ერთმა სამხედრო ტრიბუნმა, როკა დარწმუნდა მარჯვენა ფლანგის სრულ გამარჯვებაში, მოხსნა მისი სარდლობის ქაეშ მყოფი ოცი მანიპული და ზურგიდან თავს დაესხა უკვე გამარჯვებაში დარწმუნებულ მაკედონელთა მარჯვენა ფლანგს. ასეთმა მანევრმა გადაწყვიტა კიდევ ბრძოლის ბედი. წინ გაჭრილმა მაკედონურმა ფლანგამ, მისი რიგების სიმჭიდროვისა და მასიურობის გამო, ვერ მოახერხა შემობრუნება და ზურგიდან დაცემული მტრის მოგერიება. იგი, — ერთადერთი ნაწილი, რომელსაც აქამდე

წარმატება ჰქონდა „ორმხრივი შეტევის შუაში აღმოჩნდა: წინიდან რომაელთა მარცხენა ფლანგი, ხოლო ზურგიდან სამხედრო ტრიბუნის მანიპულები. მაკედონელებმა გამარჯვების ყოველგვარი იმედი დაკარგეს, იარაღი დაყარეს და, ვინც სიკვდილს გადაურჩნენ, უგზო-უკვლოდ მიმოიფანტნენ. დაპარცხებულმა მეფემ გაღარჩენილი არმიის ნაწილთ გაქცევით უშველა თავს.

5.000 მაკედონელი დაცვა ბრძოლაში. 5.000 ტყვედ ჩავარდა. ფლამინუსმა მხოლოდ 700 მეომარი დაქარგა.

რომაელებს დიდძალი დავლა ჩაუეარდათ ხელთ. მტრის დევნა დაასრულეს თუ არა, შემობრუნდნენ და მათ საყვარელ ძარცვა-გლეჯას და მაროდობას მიჰყვეს ხელი. ამ საქმეში რომაელებს თანამებრძოლ ეტოლიელებთანაც კი მოუეიდათ უთანამოება. რომაელთაგან „ზოგიერთებმა ხელი მიჰყვეს დახოცილთაგან საქურვლის ახსნას, სხვები ტყვეებს აგროვებდნენ ერთ ადგილზე. ხოლო უმრავლესნი გაიფიქრნენ მტრის მანაკის გასაძარცვად. აქ რომაელებმა ნახეს უკვე ეტოლიელები, რომლებიც შექრილან ბანაკში მათზე ადრე და, სათვალეს რა წართმეულად მათი კეთილი სამართლიანი ნადავლის წილი, დაუწყეს გაკიცხვა ეტოლიელებს... მეორე დღეს ერთ ადგილზე შეკრიბეს ტყვეები და ჯერ კიდევ დაუტაცებელი ნადავლი“¹.

ფლამინუსმა „წესრიგი“ შეიტანა ნადავლის განაწილებაში: მან ტყვეებისა და ნაალაფარის ნაწილი ვაჟყიდა, ხოლო ნაწილი მეომრებს დაუთმო.

რაც შეეხება ეტოლიელებს. მათთან სარდალს ახლა, კინოკეფალეს ბრძოლის მეორე დღეს, ახალი ანგარიში ჰქონდა...

3. მაკედონის განადგურების შემდეგ. „ელემენტერიის“

რომანული მარინანი

sunt verba et voces, praclereaque nihil.

Horatius.

ეს „სიახლე“ მარტო ნადავლის დატაცების დროს როდი გამოუჩენიათ რომაელებს ეტოლიელთა მიმართ. „მიღების დროს ტიტე მათ სვდებოდა ქედმალურად და დუმილით იცილებდა თავიდან საერთო-სამოკავშირეო საქმეებს. ხოლო თავის გეგმებს ის ანხორციელებდა პიროვნულად ან საკუთარი მეგობრების მეოხებით“². ასე, რომ „ეტოლიელები უკვე აღარ იყვნენ წინანდელ პატივში“³.

¹ Polyb. XVIII, 27; Liv. XXXIII, 10.

² Polyb. XVIII, 14.

³ Liv. XXXIII, 11.

ეტოლიელთაღმი რომაელთა დამოკიდებულებაში ასეთი მეტა-
მორფოზი კიდევ უფრო შესამჩნევი მაშინ გახდა, როცა მაკედონელმა
გვირგვინოსანმა თავი მთლიანად დამარცხებულად სცნო და რომაელ
სარდალს დაზავება სთხოვა. ფლამინინუსთან „გამოცხადდა მეფის
შიკრიკი, როგორც ჩანს, დროებითი ზავის სათხოვნელად, ვითომ
ბრძოლაში დაღუპულთა დასასაფლაველად; სინამდვილეში კი ელ-
ჩობის გაგზავნის ნებართვის სათხოვრად. რომაელი დათანხმდა რო-
გორც ერთზე, ისე მეორეზე და, თავის მხრივ, დაუმატა კიდევაც:
„დაე, უთხრას მან (შიკრიკმა) მეფეს, რომ „ის სულით დამშვიდებუ-
ლი იყოს (bono animo esse)“. ამ სიტყვებმა ძალიან გაანაწყენა
ეტოლიელები. ისინი იბუტებოდნენ და ბუზღუნებდნენ: „გამარჯვე-
ბამ დიდი ცვლილება გამოიწვია მთავარსარდალში. სანამ ბრძოლა
არ მომხდარიყო, ის ჩვეულებრივად ყველაფერს მნიშვნელოვანს მო-
კავშირებს ატყობინებდა, ხოლო ახლა ისინი (მოკავშირე-ეტოლიე-
ლები) გაქევებული არიან ყოველგვარი თათბირისაგან. კონსული
ყველაფერში მოქმედებს საკუთარი მოსაზრებებით. ის უკვე ცდი-
ლობს გააბას ფილიპესთან კეთილმეგობრული ურთიერთობა. ახ-
ლა, როცა ეტოლიელებმა თავის თავზე გადაიტანეს მთელი ომის სიმ-
ბიმე 'და უსიამოვნებანი, რომაელი სარდალი ითვისებს მშვიდობის
სიკეთესა და ნაყოფს“¹.

რა იყო მიზეზი ბერძენ მოკავშირეთა მიმართ რომაელთა ასეთი
უმაღურობისა? ეტოლიელები ფლამინინუსის პოლიტიკის ახალი
კურსის ახსნას მოსყიდვაში ეძებდნენ: ისინი ფიქრობდნენ, რომ ტი-
ტეში ასეთი გარდატეხა ფილიპეს მიმართ მოხდა მოქრთამვით, რომ
ფილიპეს, შექმნილი მდგომარეობის გავლენით, უნდა შეეძლია დიდი
თანხა, ხოლო ტიტე ვერ გაუძლებდა ცდუნებას. რომაელის მიმართ
მექრთამეობაში ბრალის დადება საფუძველმოკლებულად არ ჩაით-
ვლება, რადგან ამ დროის რომი უკვე აღარ წარმოადგენს ძველი,
ზნეობრივი სისპეტაკის მქონე ცინცინატების რომს; ამის შესახებ
ჩვენ ქვემოთ უფრო დაწვრილებით ვილაპარაკებთ, ხოლო აქ ფლამი-
ნინუსის მიმართ ასეთ უღირს საქციელში ბრალის დადება უსაფუძ-
ვლოა, რადგან ყველა წყარო ერთხმად აღიარებს რომაელი სარ-
დალის მორალურ სიწმინდეს. ესეც რომ არ იყოს, ფლამინინუსი,
როგორც დაკვირვებული დიპლომატი, მოხერხებული დემაგოგი,
ელისური სამყაროს „გამათავისუფლებელი“, არ დაუშვებდა ანგარე-
ბისთვის დაეღუბა ყველაფერი, რისთვისაც იგი აღმოსავლეთში იყო
ჩამოსული. რომაელი სარდალი, თავის მხრით, თვით ამხელდა ეტო-
ლიელთა სიხარბესა და ანგარების მოყვარულობას: „საერთოდ, ტი-
ტეს აბრაზებდა ეტოლიელთა სიხარბე“². მაგრამ ეს მანც არ იყო

¹ Liv. XXXIII, 11.

² Polyb. XVIII, 34.

მთავარი მიზეზი იმისა, რომ „ეტოლიელები ძველ პატივში აღარ იყვნენ“. უეპქველად, ეტოლიელებისადმი რომაელთა „გულ-გაგრილების“ საქმეში დიდ როლს ასრულებდა ისიც, რომ ეტოლიელები გაიძახოდნენ, კინოსკეფალეს ბრძოლა ჩვენ მოვიგეთ, ფილიპე ჩვენ დავემარცხეთ, მაკედონიასთან ომის მთელი სიმძიმე ჩვენს კისერზე გადავიტანეთ, ხოლო გამარჯვების ნაყოფს და დიდებას რომაელები ითვისებენო. მაგრამ მაინც მთავარი ის იყო, რომ ფლამინიუსი ფიქრობდა: „ფილიპეს დამარცხების გამო, როცა განადგურებულია მაკედონიის სამეფოს ძლიერება, ეტოლიელები იქნებიან მბრძანებელნი (dominos) საბერძნეთისა“¹.

მაშ, ყველაფერი ნათელია: სანამ საჭირო იყო, სანამ ფილიპე მაკედონელის სიძლიერე აშკარა იყო და მის წინააღმდეგ წარმატებით საბრძოლველად ბალკანეთზე ადგილობრივ პოლიტიკურ ერთეულთა მხარდაჭერა რომაელთათვის სასიცოცხლო ინტერესს წარმოადგენდა, ეს უკანასკნელნი არაფერს ზოგავდნენ ასეთი მოკავშირეების (ამ შემთხვევაში, ეტოლიელების) მხარდაჭერის მისაღებად. მაგრამ ახლა, როცა მაკედონია დამარცხებულია და მისი ბატონობის პრეტენზიები ბალკანეთზე მთლიანად მოხსნილია, რომაელები არ დაუშვებენ, რომ იმავე ბალკანეთზე იგივე პრეტენზიათა კავალერები გამოჩნდნენ, ოუნდაც ასეთ პრეტენდენტებად რომაელთა გუშინდელი „მოკავშირეებიც“ იყვნენ. ეტოლიელებს პირველი სილა იმიტომ მოხვდათ, რომ სწორედ ისინი პირველნი გაიძახოდნენ, მაკედონია ჩვენ დავემარცხეთ და მისი მბრძანებლობის შემცველნი ბალკანეთზე ჩვენ უნდა ვიქნეთო. უფრო მეტიც: „ეტოლიელები შეურაცხყოფილად გრძობდნენ თავს იმის გამო, რომ მაკედონია, მათი სურვილის წინააღმდეგ მეფეს არ ჩამოერთვა და ჯილდოდ მათ არ გადაეცა...“² მათი მიაშიტური მსჯელობით გამოდის, რომ რომაელები, ჰანიბალის ომში დაღლილ-დაქანცულნი, აღმოსავლეთში მიტომ ჩამოსულან, ფილიპეს ბალკანეთზე მბრძანებლობის კვერთხი წაართვან და ეტოლიას მიართვან. ცუდად უფიქრიათ! რომი ბალკანეთზე ბალკანეთის დასამორჩილებლად ჩამოვიდა და იგი ყველას დაამსხვრევს, ვინც ამ საქმეში წინ აღუდგება — მაკედონიასაც, ეტოლიასაც და ყველას, ყველას. ეტოლიელების პრეტენზიები რომაელთათვის რა ბედენაა, როცა რომის დაპყრობათა უფართოეს ორბიტში თვით ეტოლიაც უნდა ჩაინთქას. ბერძნულმა პოლიტიკურმა ერთეულებმა (მათ შორის, ეტოლიამ) ვერ გაიგეს, რომ აქაც „ერთეულებად“ დარჩნენ და ერთიანი ფრონტის უქონლობისა და ურთიერთმტრობის წყალობით კვლავ ერთებს ასხამდნენ რომაელთა ფართო საექჰანსიო გეგმებს. რომი

¹ Liv. XXXIII, 11.

² Just. XXX, 4.

აქაც ჩვეულებრივი. ნაცადი დიპლომატიით მოქმედებს: მისგან და საპყრობად ხელდადებულ ქვეყანაში არ დაუშვას რომელიმე პოლიტიკური ერთეულის აღზევება და გაძლიერება, „დაჩაგრულთა მფარველის“ დროშით ებრძოლოს გაძლიერებას პრეტენდეტს — სულ ერთია, ვინც უნდა იყოს იგი, მაკედონია თუ ეტოლია. მაშ, ეტოლიამაც თავისი დამოუკიდებლობით პასუხი უნდა აგოს იმ პრეტენზიებისათვის, რაც მას წამოცდენია იმავე მისწრაფებებისათვის განადგურებული მაკედონიის შემდეგ. ამიტომ რაკი ფლამინიუსს „ასურდა ფილიპეს ჩამოგდების შემდეგ საბერძნეთის მბრძანებლებად ეტოლიელები დაეტოვებინა“¹ კონსული მრავალ შემთხვევაში ვახვეთქცოდა ისე, რომ ეტოლიელები კიდევაც ყოფილიყვნენ და კიდევაც მოსჩვენებოდნენ როგორც ყველაზე მეტად არაარაობა და უსწრებელი“².

მაგრამ ფლამინიუსს არც ის ავიწყდებოდა, რომ ეტოლიის კაცებისათვის ერთბაშად ხელის კვრაც არ გამოდგებოდა, რადგან ეს რომაულ-„გამათავისუფლებლურ“ პოლიტიკას სახელს გაუტეხდა. ამიტომაც ის ჯერჯერობით „სულგრძელობითი დიპლომატიით“, ვითომ უყურადღებოდ არ ტოვებს ეტოლიელთა პრეტენზიებს. ასეთივე დიპლომატიური ტაქტით „ელინი ხალხების გამათავისუფლებელმ და მეგობარმა“, მას შემდეგ რაც მოწინააღმდეგეს წინასწარ თხუთმეტდღიანი დაზავება უწყალობა, მაკედონიის მეფესთან საზავო მოლაპარაკების გამართვამდე, წინასწარი თათბირი გამართა „მოკავშირეთა“ წარმომადგენლებთან. „როცა მოკავშირეები შეიკრიბნენ და საბჭო შედგა, წამოდგა რომაელი სარდალი და ყოველ მათგანს წინადადება მისცა წამოეყენებინა პირობები, რომლის მიხედვითაც უნდა დადებულყო ზავი ფილიპესთან. მეფე ამინანდერმა რამდენიმე სატყვიით გამოთქვა ზომიერი მოთხოვნები და დააბოლოვა იმით, რომ ყველას სთხოვდა, ეზრუნათ, რამეთუ საბერძნეთიდან რომაელები წასვლის შემდეგ, ფილიპეს რისხვა თავს არ დასტყდომოდა მას რადგან ათამანები თავისი სისუსტისა და მაკედონიასთან მეზობლობის გამო თავიდანვე იოლი დაპყრობის საგანს წარმოადგენდნენ მაკედონელთათვის. ამინანდერის შემდეგ ადგა ეტოლიელი ალექსანდრე, მადლობა გადაუხადა ტიტეს იმისათვის, რომ მოკავშირენ ზავისათვის შეკრიბა და ყველას ცალ-ცალკე მისცა წინადადება თავისი მოსაზრების გამოსათქმელად; მერე დაუმატა: ტიტე სრულებითაც არ იცნობს საქმის ვითარებას და ძალიანაც სცდება, თუ ფიქრობს, რომ ფილიპესთან საომარი მოქმედების შეწყვეტით ის უზრუნველყოფს მშვიდობას რომაელთათვის და თავისუფლებას ელინთათვის;

¹ Polyb. XVIII, 34.

² Liv. XXXIII, 11.

შეეძლებელია ერთიც და მეორეც. თუ ტიტუს სურს სავსებით განახორციელოს მშობლიური სახელმწიფოს მიზნები და შეასრულოს ალექსანდი, მიცემულნი ყველა ელინისადმი, მაშინ მან უნდა აირჩიოს ერთადერთი საშუალება მაკედონელთა დამშვიდებისა — ფილიპეს გადმოგდება ტახტიდან. ხოლო ეს სულაც არ არის ძნელი საქმე, თუ კი ხელიდან არ იქნება გაშვებული ნამდვილად მოხერხებული მომენტი. დიდხანს ლაპარაკობდა ალექსანდრე ამ მიმართულებით...¹

მაშასადამე, ბალკანეთის ხალხთა მთავარი მიზანი არის მაკედონიის სრული განადგურება და ფილიპეს ძალაუფლების დამხობა; წინააღმდეგ შემთხვევაში მათ მარცხნაქამი მეფისაგან ელით საშინელი აზგარიშსწორება მაკედონელთა ღალატისა და რომაელებთან კავშირისათვის. მაგრამ საქმეც იმაშია, რომ, რაც ბერძენ მოკავშირეებს სურთ, სწორედ ეს რომაელებს არ სურთ. რომაელები ბალკანეთზე მართლა იმასთვის ხომ არ ჩამოსულან, რომ შეასრულონ „ალექსანდი“, მიცემულნი ყველა ელინთადმი“. მათ მაკედონიის დათრგუნვა იმდენად სჭირდებოდათ, რამდენადაც მისი პრეტენზიები ბალკანეთზე საკუთარი ინტერესებით უნდა შეეცვალათ. ეს იმასაც ნიშნავს, რომ ნაკედონიის სრული განადგურებით მის ადგილზე სხვა რომელიმე ადგილობრივი სახელმწიფო არ აღზევდეს ბალკანეთზე მბრძანებლობის პრეტენზიებით. ამიტომ სწორედ ის არ უნდა მოხდეს, რასაც მაკედონური შურისძიების საფრთხით დამფრთხალი ათამანებისა და ეტოლიელების წარმომადგენლები მოითხოვენ; — მაკედონია მხოლოდ იმ დონეზე უნდა იქნეს დაყვანილი, რომლიდანაც იგი ბალკანეთზე რომის მეტოქეობას ვერ შესძლებს, მაგრამ დანარჩენი ბალკანელი ხალხების მიმართ ის მუდამ უნდა იქნას „დამოკლეს მახვილი“, რამეთუ არც ერთმა მათგანმა არ გაბედოს ის, რასაც აქამდე ბედავდა თვითონ მაკედონია. ამიტომ ეტოლიელი ალექსანდრე ცდებოდა, როცა ამბობდა, რომ „ტიტე სრულებითაც არ იცნობს საქმიონ მდგომარეობას“. პირიქით, ფლამინიუსი ყველაზე კარგად ერკვეოდა მდგომარეობაში. მან მხოლოდ ფორმალურად მიიწვია და მოუსმინა თავის „მოკავშირეებს“. ნამდვილად კი მან მაინც ის ჰქნა, რაც თავის დიპლომატიური ცბიერებით სავსე სიტყვაში თქვა: „რომაელებს ჩვევად არა აქვთ გაანადგურონ მტერი ომის დაწყებისთანავე, რის დასამტკიცებლადაც მოაგონათ ჰანიბალი და კართაგენელები. რომელთაგან რომაელებმა უსაშინელესი თავდასხმები განიცადეს. მაგრამ შემდგომ, ჰქონდათ რა სრული უფლება მოქცეოდნენ კართაგენელებს თავის შეხედულებათა შესაბამისად, რომაელებმა მაინც არ გასწირეს ისინი დასაფუძვლად. თვითონ მას (ტიტეს) არასოდეს აზრად არ ჰქონია ფილიპესთან ომი ეწარმოებინა სამკედრო-სასიციო-

¹ Polyb. XVIII, 36; Liv. XXXIII, 12.

ხლოდ. პირიქით, ის მზად იყო შეეწყვიტა საომარი მოქმედება, თუ ფილიპე ბრძოლის წინ დაეთანხმებოდა მის მოთხოვნებს (!). ამიტომ, განაგრძობდა ტიტე, მას უყვირს, რომ ყველა აქ დამსწრე, მიუხედავად იმისა, რომ მონაწილეობენ სამშვიდობო მოლაპარაკებაში, განწყობილი არიან ასე შეურიგებლად. ნუთუ ეს იმიტომ, რომ ჩვენ გავიმარჯვეთ? მაგრამ ასეთი მოქმედება სრულიად უაზროა. სანამ მტერი ომობს, მამაც მოწინააღმდეგეს შეშენის იმოქმედოს მტკიცედ და გააფთრებით; დამარცხების შემთხვევაში მოიქცეს ღირსეულად და არ დაეცეს სულით, ხოლო გამარჯვებულს შვენის ზომიერება, სიმშვიდე და შეწყალება. თქვენი ასლანდელი მოთხოვნები კი ამის სრულ წინააღმდეგობას წარმოადგენს. ბოლოს, ელინთათვისაც სასარგებლოა მაკედონელთა სამეფოს მხოლოდ დამდაბლება და არა მისი სრული გაუქმება, რადგან უამისოდ მათ (ელინებს) მალე მოუხდებათ გამოცდა თრაკიელთა და გალატთა თავდასხმებისა, როგორც ეს სხვა დროსაც მომხდარა. საერთოდ, თვითონ მან და სხვა აქ დამსწრე რომაელებმა გადაწყვიტეთ, განაგრძო ტიტემ, სენატის დასტურით, ვაჩუქოთ ზავი ფილიპეს, თუ იგი შეასრულებს ადრე წაყენებულ მოთხოვნებს, ხოლო, ეტოლიელებს უფლება ეძლევათ, ისეთი გადაწყვეტილება მიიღონ, როგორც მათ მოეპრიანებათ¹.

მაკედონიის არსებობის შენარჩუნება თრაკიელების, გალატების თუ ილირიელების შემოჭრის საშიშროებაზე მითითებით საფუძვლიანი მოტივი იყო. მაგრამ უსაფუძვლოა, საერთოდ, ფლამინიუსის დიპლომატიური გადაწყვეტილებიდან გამოტანილი დასკვნა; ფლამინიუსს არ შეეძლო დათანხმებოდა იმას, რომ დიდი რომის სახელმწიფოს თავის თავზე აეღო ჯალათის როლი ეტოლიის კავშირის მრისხანების დასაშოშმინებლად. ამას გარდა, მისი „ელინური სიმპათიებიც“ მოხდენილი და რაინდული მეფის სასარგებლოდ იყო მიმართული და, ბოლოს, მისი ნაციონალური სიამაყეც იბღალეობდა ეტოლიელთა ტრაბახით, რომლებიც თავის თავს თვლიდნენ „კინოს-ეფალეს მძღველებად“. ჯერ ერთი, რომის სამხედრო-პოლიტიკური, სისხლით მორწყული, დამპყრობელური ისტორია უპირველეს ყოველსა ხალხთა დამონებისა და უმკაცრესი ჯალათობის ისტორიაა. შესაძლოა, რომელმე სციპიონს, თუ ტიტე ფლამინიუსს, ან ტიტე ფლავიუსს ოდესმე სადმე, მოწინააღმდეგის დადი კულტურული მონაპოვრების უღეთო ნგრევის დროს თვალი ნიანგის ცრემლით აეესოთ, მაგრამ მით უფრო ამ მხრივ ფერმკრთალია და უსახური ყოველი ეპითეტი რომაელთა „კეთილშობილებისა“ და „სულგრძელობის“ გამოსახატავად. მეორეც. — ამ შემთხვევაში ყოველგვარ დამაჯერებლობას მოკლებულია დამარცხებული მაკედონიის მიმართ რომაული პოლიტიკური კურსი

¹ Polyb. XVIII, 37; Liv. XXXIII, 12.

ავსნათ ფლამინიუსის პირადი თვისებებით, მისი „ელინური სემპათიე-ბით“. ეს უკანასკნელი რომაელ სარდალს რომაულ-დიპლომატიური მანევრირებისათვის სჭირდებოდა. საერთოდ კი, თუ მაინცა და მაინც მის პირად ხასიათზე ვილაპარაკებთ, ფლამინიუსის ხასიათის პოლიტიკური სემწიფე სწორედ იმაში მდგომარეობდა, რომ იგი მთელის სისრულით გამოხატავდა და ანხორციელებდა რომის აგრესიული წრეების მიზანსწრაფეებს აღმოსავლეთში ამ პირველი გენერალური ლაშქრობის დროს. მან კარგად იცოდა, რასაც აკეთებდა და ამიტომ დაბეჯითებით ამბობდა: მე ყველაფერს ვაკეთებ სენატის გადაწყვეტილებებითო...

ფლამინიუსის სიტყვას დიპლომატიურ ცბიერებასთან ერთად არც პირდაპირობა აკლდა. პირდაპირობა, რომელიც მუქარას უდრიდა. იგი მიმართული იყო „თაყვანი ეტოლიელებისადმი“. ჩვენ, რომაელები ასე ვადგენთ, ხოლო ეტოლიელები დაე, ისე მოიქცნენ, როგორც მათ მოეპრიანებათო. ასეთი განცხადების ქვეტექსტი ის იყო, რომ ეტოლიელებს და ყველას, მათი მაგალითით, თვითნებობა ზვირად დაუჯდებათ. რომისა და მაკედონიის საომარი კიდილი ასეთი შინაარსის ზავით დამთავრდა: „ყველა ბერძნულმა ქალაქმა, როგორც ევროპაში ასევე აზიაში, ისარგებლონ თავისუფლებით და თავისი საკუთარი კანონებით; იმ ქალაქთაგან, რომლებიც იმყოფებოდნენ ფილიპეს ძალაუფლების ქვეშ, მან უნდა გამოიყვანოს თავისი გარნიზონები და ამგვარად გაწმენდილი ქალაქები გადაეცეს რომაელებს ისთმოს დღესასწაულამდე... ფილიპემ ტყვეები და გაქცეულები უნდა გადასცეს რომაელებს, ასევე მათ უნდა გადასცეს ყველა ბაქნიანი გემი, გარდა ხუთისა, და ერთი სამეფო ხომალდისა, რომელიც იმ სიდიდისა იყო, რომ მოძრაობა არც კი შეეძლო (მასში თექვსმეტრიგოვანი ხოფები იყო): ფილიპეს ამიერიდან აღარ უნდა ჰყავდეს 5.000 შეიარაღებულ ჯარისკაცზე მეტი და არც ერთი სპილო. აეკრძალოს მას ომის წარმოება მაკედონიის გარეთ სენატის ნებართვის გარეშე. ფილიპემ რომაელ ხალხს უნდა გადაუხადოს ათასი ტალანტი: ნახევარი ახლავე, ნახევარი ათი წლის მანძილზე, თანაბარ ნაწილებად... ამ პირობებით აყვანილიყვნენ მძევლები, მათ შორის დემეტრიოსი ძე ფილიპესი“¹.

ამგვარად, ეს ზავი თითქმის ასლი იყო მეორე პუნიკური ომის ბოლოს კართაგენისადმი წესილი უმძიმესი საზავო მოთხოვნებისა: კართაგენისებრ მხოლოდ ნომინალური დამოუკიდებლობა დაუტოვეს მაკედონიას; მან კართაგენისებრ ღაპკარგა ყველა ოდინდელი და ახლანდელი სამფლობელოები: კართაგენისებრ განაარაღებულსა და და-

¹ Liv. XXXIII, 35; Polyb. XVI, 44; Plut. Tit. 9; App. Hist. Rom IX, 9.

ხარკულს წაერთვა ხელახალი აღორძინების ყოველგვარი უფლება და შესაძლებლობა და, რაც მთავარია, პანიბალის სამშობლოსებრ, ალექსანდრე მაკედონელის სამშობლომ დაჰკარგა დამოუკიდებელი საგარეო პოლიტიკის წარმოების უფლება; ეს კი ნამდვილად ნიშნავდა ფაქტიური დამოუკიდებლობის დაკარგვას. რომაელები „საგარეო პოლიტიკის წარმოებად“ თვლიდნენ იმასაც, თუ ვინმე დაბეჩაებულნი ჭეყვანა მტრის თავდასხმის მოგვრებებს შეეცდებოდა. მაშასადამე, მაკედონიას, ისე როგორც კართაგენს, თავმდასხმელის მოგვრების უფლებაც არ ჰქონდა. კართაგენს რომაელებმა მუდმივ თავმდასხმელად და მხოხარად ნუმიდიელი ხასინუსა დაუყენეს. ხოლო მაკედონიის თავზე მათ რამდენიმე „დანაკლეს მახვილი“ დაჰკიდეს. — სულერთია, ვინ იქნებოდა ეს. დარდანები, თრაკელები, ილირიელები, თუ მათ შორის ყველაზე ძლიერი პერგამოსის სამეფო. ამ უკანასკნელის შესახებ საზავო ხელშეკრულებაში საგანგებო მუხლაც კი იყო შეტანილი: „ფილიპეს აეკრძალოს ომის წარმოება ეგემთან. ატალის იესთან“¹. ე. ი. პერგამოსის ახალ მბრძანებელს (ახლადგარდაცვლილი ატალის ტახტზე მისი შვილი ეგემნი დაჯდა) შეეძლო რომაული ძუძგლის ჩრდილქვეშ თავი მშვიდად ევრძნო და საჭირო შემთხვევაში მაკედონიის (ან სხვათა) წინააღმდეგ „ახიუტრა მასინისობაც“ კი გაეწია.

ყურადღებას იპყრობს საზავო ხელშეკრულებაში საზგასმით ნათქვამი: „იმ ქალაქთაგან, რომლებიც იმყოფებოდნენ ფილიპეს ძალაუფლების ქვეშ, მან უნდა გამოიყვანოს თავისი გარნიზონები და ამგვარად გაწმენდილი ქალაქები უნდა გადაეცეს რომაელებს ისთმოს აღესასწაულამდე“, ე. ი. ეს უნდა მოხდეს მაინცა და მაინც ისთმოსის საზეიმო ასპარეზობამდე. ისთმია ყოველ ორ წელიწადში აღრიან გაზაფხულზე იმართებოდა კორინთოს ყელზე, ისთმოსზე, და იგი ისეთივე პანელინურ ხასიათს ატარებდა, როგორც ელიდური ოლიმპიადები. სწორედ აქ, ისთმიის მრავალხალხოვან შეკრებესათვის გადაწყვიტეს რომაელებმა დიპლომატიურ-დემაგოგიური ფარსის გათამაშება: საქვეყნოდ გამოეცხადებინათ საბერძნეთის განთავისუფლება. ამიტომ აჩქარებდნენ ფილიპეს ბერძნული ქალაქების გაწმენდას და რომაელებისათვის გადაცემას, რომ, თავის მხრივ, რომაელებს გათავისუფლებული ქალაქები ელინთათვის სადღესასწაულოდ „მიერთმიათ“. წყაროები ასე გადმოგვცემენ იმ „ღირსსახსოვარი დღის“ ამბავს: „...მალე დადგა ისთმია, სადაც თავი მოიყარა თითქმის მთელი მსოფლიოს წარჩინებულმა ხალხმა. მთელს საკრებულოზე გაისმოდა ხანგრძლივი და ნაირნაირი მითქმა-მოთქმა: ზოგი ამბობდა, რომ რო-

¹ Liv. XXXIII, 30.

მელები ყველა ადგილზე და ქალაქზე არ აიღებდნენ ხელს; სხვები დიდი სიმტკიცით ირწმუნებოდნენ, რომ რომაელები საუკეთესო ადგილებს დათმობენ, სოლო თავისთვის მოსაჩვენებლად დაიბრუნებენ ჯვარგის ადგილებს... როცა ხალხი სადღესასწაულოდ მოედანზე შეიყარა, წინ წამოვიდა მაცნე, მესაყვირის თანხლებით, დააწყყარა ხალხი და გამოაცხადა: „რომ სენატი და სარდალი კონსულის უფლებით, ტიტე კვინტიუსი, ფილიპეზე და მაკედონელებზე გამარჯვებულა, უძღვნიან თავისუფლებას კორინთელებს, ფოკიდელებს, ეგბეელებს, თესალიელებს, პერებებს, აქეელებს, მაგნეტებს; ნებას აძლევენ მათ, არ იყოლიონ (სხვისი) გარნიზონები. არ გადაიხადონ ხარკი და იცხოვრონ მამაბაბეული კანონებით“. მაშინვე, პირველივე სიტყვებისთანავე, ატყდა საშინელი სმაური ამის გამო, ზოგმა ვერ გაიგონა მაცნეს მიერ გამოცხადებული, სხვებს კი სურდათ ხელმეორედ მოესმინათ ეს სიტყვები. დანსწრეთა უმრავლესობა ყურებს არ უჭეროდა და მაცნეს სიტყვები თითქოს სიზმარში ესმოდათ, — იმდენად მოულოდნელი იყო ეს ამბავი მათთვის. ამიტომ ყველანი ხმამაღლა მოითხოვდნენ, რომ მაცნე, მესაყვირესთან ერთად, ისევე ასულიყო მოედნის შუაზე და გაემეორებინა წინათ ნათქვამი, იმიტომ რომ ხალხი, არ უჭერებდა რა გაგონილს, სურვილობდა, არა მარტო გაეგონა, არამედ კიდევაც დაენახა გამომცხადებელი. როცა მაცნე ხელმეორედ ავიდა მოედნის ტრიბუნაზე და როცა მესაყვირემ სიწყნარე დაამყარა, გამოაცხადა იგივე, იმავე გამომსახველობით, როგორც ადრე. — ამას მოჰყვა ისეთი ქუჩილი ტაშ.სტეკნა, რის წარმოდგენაც ძნელია თანამედროვე მკითხველისათვის.

„როცა ტაშისცემა მიწყნარდა... ყველანი როგორც ექსტანში მყოფნი გაუჩქარებლად ლაპარაკობდნენ ერთმანეთში, ან თავის თავთან, ხოლო ასპარეზობის დამთავრების შემდეგ აღტაცებისა და მადლიერების გრძნობებით მოჰარბებულმა ხალხმა კინალამ გასრისა ტიტე. საქმე იმაშია, რომ ზოგ დამსწრეთაგანს სურდა შეეხედა სახუში და მასალმებოდა მას, როგორც თავის მსხნელს: სხვები ცდილობდნენ შესებოდნენ მის ხელს, ხოლო ხალხი ესროდა მას გვირგვინებსა და ბაფთებს და კინალამ ნაკურნებლად აქციეს იგი. როგორ არაჩვეულებრივადაც არ უნდა მრგვეჩვენოს ეს მადლიერების მოზღვაგება, იგი მაინც ვერ შეესაბამებოდა საქმის სიდიდეს. იყო რაღაც განსაცვიფრებელი იმაში, რომ რომაელებმა და მათმა სარდალმა ტიტემ გადაწყვიტეს თავის თავზე გადაეტანათ ხარჯები და ყოველგვარი საშიშროებანი ელანთა განთავისუფლების გულისათვის. რაღაც დიადი იყო იმაში, რომ მათ პრძოლის ველზე სამხედრო ძალებთან ერთად გამოიტანეს შესაბამისი გადაწყვეტილებაც, მაგრამ ყველაზე სასიხარულო ის იყო, რომ ამ დიდებული მიზნის მიღწევისას ბედისწერას არ დაუშვია არავითარი

დაბრკოლება. პირიქით, უკლებლივ ყველაფერი ხელს უწყობდა ამ ერთი მომენტის დადგომას. როცა მაცნეს ერთი სიტყვის წარმოთქმით თავისუფლება მიიღო ყველა ელინმა, როგორც აზიელებმა, ასევე ევროპელებმა, უფლებით: არ იყოლიონ გარნიზონები, არ გადაინადონ ხარკი, იცხოვრონ საკუთარი კანონებით¹.

..და არა მარტო დიდი იყო იმ წუთებში საყოველთაო აღტაცების გამოხატვა; მრავალი დღის განმავლობაში მსჯელობა, მითქმა-მოთქმა. გამომსახველნი მადლიერებისა: „განა, მოიძებნება ქვეყანაზე ხალხი, რომელიც საკუთარი ხარჯების, შრომა-ჯაფისა და ხიფათის გადატანით, ეწევა ომს სხვების გასათავისუფლებლად. და ამას იგი აკეთებს არა მუშობელი ხალხებისათვის: ან ახლობელთათვის, ან ადგილმდებარეობათა პირობებით შეერთებულთათვის, არამედ იგი გადალაბავს ზღვებს იმისათვის, რათა მთელი დედამიწის სფეროზე არ იქნეს უსაპართლო მბრძანებლობა, და იმისთვისაც, რათა ყველგან ძალა ჰქონდეს სამართალს, პატიოსნებას, კანონს“². ბერძნებმა იქვე „გადაწყვიტეს ქალაქებში აღმართათ მისი (ფლამინიუსის) ქანდაკებანი. მათ გაგზავნეს ელჩები ოქროს გვირგვინებით კაპიტოლიუმში, რათა მათ გამოეთქვათ მადლობა და ჩაეწერათ თავისი თავი რომის მოკავშირეთა რიცხვში...“³ მალე ცალ-ცალკე ყველა ბერძნულ ქალაქს ვამოუცხადეს თავისუფლება; ზოგი მათგანი რომელიდაც პოლიტიკურ შენაერთს მიაკუთვნეს. მოკავშირეობისათვის თავ-თავისი წილი მიიღეს პლევრატმა (დაუნარჩუნეს ილირიული ქალაქები — ლიხნიდი და პართოსი, რომლებიც მანამდე ფილიპეს ეკუთვნოდა), ამინანდერმა (შეინარჩუნა ციხე-სიმაგრეები. რომლებიც ფილიპეს წაართვა ამ ომში) და განსაკუთრებით ევმენმა, რომელსაც რომაელებმა მისცეს ორი დიდი ქალაქი, — ორეოსი და ერეტრეა. თვითონ ფილიპეს რომაელებმა ურჩიეს ელჩები გაეგზავნა სენატში და „რომაელი ხალხის მოკავშირეობა და მეგობრობა“ ეთხოვა. რამეთუ რომში „არ იფიქრონ, რომ იგი, ფილიპე, უცდის, — ხომ არ იწყებოთ რაიმე მოპარობა ანტიოქეს მხრიდან და ეძებს მოვლენათა ხელსაყრელ მდინარეებს საომარ მოქმედებათა გასახლებლად“⁴. მეფისადმი ეს „თავაზიანი რჩევა“ რასაკვირველია, მუქარა იყო. ისიც „სიამოვნებით“ დათანხმდა და ამრიგად, ფილიპეს საბოლოო შებოქვით, რომაულ დიპლომატიას შეეძლო მაკედონიის მხრივ ანტიოქეს იზოლირების საქმე მასთან მომავალ ომში განხორციელებულად ჩაეთვალა...

მაგრამ ჯერ ისევ ელადის „გათავისუფლების“ საკითხს დავუბრუნდეთ.

¹ Polyb. VIII, 46; Liv. XXXIII, 32—33; Plut. Tit. 10; App. His Rom. IX, 9.

² Liv. XXXIII, 33.

³ App. Hist. Rom. IX, 9.

⁴ Liv. XXXIII, 35; Polyb. XVI, 46.

როგორადაც არ უნდა აქარბებდნენ წყაროები, მაინც დასაჯერებელია ბერძენთა გულწრფელი სიხარული და უკიდევანო აღტაცება. თავისუფლების აღტყინებით გამოწვეული. 338 წლის ქერონეის ბრძოლის დღიდან, მას შემდეგ რაც ფილიპემ და ალექსანდრემ საბერძნეთს თავისუფლება წაართვეს, იდგა ასორმოცდამეორე წელი ელადის პერმანენტული მონობისა და სიბეჩაივისა. ელადის კლასიკური სიდიადე ისტორიის მტერიან თაროებზე ესვენა. მაკედონური უღლის სიმძიმე და მოურჩენელი შინაგანი სოციალ-ეკონომიური და პოლიტიკური ტკივილები საუკუნენახევრის მანძილზე სულს ჰხდიდა საბერძნეთს. ელინთათვის სანუკველი „ელევთერიის“ დაკარგვა სწორედ თვით ელინურობის დაკარგვას ნიშნავდა. და აი, ახლა როცა აქამდე არავითარი ცდით არ მოხერხდა თავისუფლების აღდგენა, გამოდიან საბერძნეთისთვის სრულიად უცხო რომაელები და აცხადებენ, რომ საბერძნეთი ამიერიდან თავისუფალია და ბერძნებს დღე-რიდან შეუძლიათ „იცხოვრონ მამაპაპეული კანონებით... საკუთარი წესებით“. ამიტომ სრულიად ბუნებრივი, სარწმუნო და გასაგებია ბერძენთა აღტაცება. იგი გასაგებია არა მარტო იმდროინდელი ბერძენებისათვის, არამედ ყველა დროის ადამიანისთვის.

მაგრამ რომაელთაგან ნაბოძები „ელევთერია“ ფაქტიურად იყო „ფსევდოელევთერია“. ამიტომ რომაელთა უმადურობით აღშფოთებული და ბოღმამორეული ეტოლიელები საქვეყნოდ გაჰკიოდნენ: „ცარიელი სიტყვებია, მხოლოდ თავისუფლების მოჩვენებითობით დაფარული. რატომ უნდა გადაეცეს რომაელებს ქალაქები, და რატომ არ არიან დასახელებული, რომელია ეს ქალაქები, ხოლო სხვები დასახელებულია და ნაბრძანებია მათი გათავისუფლება (რომაელებზე) გადაცემის გარეშე; თავისუფლებიან მხოლოდ ის ქალაქები, რომლებიც აზიაში არიან შაშინ, როცა ისინი უშიშარ მდგომარეობაში არიან... ხოლო ქალაქები, რომლებიც საბერძნეთშია, დასახელებულნი არ არიან, ისევ უჭირავთ (რომაელებს): კორინთო, ჯალკიდა, ირეოსი, მათთან ერეტრეა და დემეტრიადა“¹. მერე, „ეტოლიელებმა აშკარად დაიწყეს ქალაქების აღლევება და ტიტეს ხმამაღალი ბრალდება მოთხოვნით, — მოეხსნა საბერძნეთისათვის ზორკილები (კორინთო, ჯალკიდა, დემეტრიადა)... და ეკითხებოდნენ ბერძნებს, — მოსწონთ მათ ახლანდელი ხუნდები, უფრო გაშალაშინებული, მაგრამ უფრო მძიმე, ვიდრე ისინი, რომელთაც ადრე ატარებდნენ; და ისევ წინანდებურად თვლიან ტიტეს თავის კეთილისმყოფელად იმისათვის, რომ საბერძნეთს ფეხები გაუხსნა და კისერში თოკი ჩააბა?“².

¹ Liv. XXXIII, 31.

² Plut. Tit. 1.

ეტიოლოგიები ცამდე მართალნი იყვნენ. ბევრმა ბერძნულმა პოლისმა თავისუფლება მართლაც მიიღო, მაგრამ ეს სწორედ რომ „ჯერჯერობით“ იყო, რადგან რა თავისუფლების გარანტია უნდა ჰქონოდათ მათ, როცა საბერძნეთის უდიდეს სტრატეგიულ პუნქტებში ბერძნული გარნიზონების ნაცვლად რომაული ბანაკები განლაგდნენ. ამათგან ყველაზე მნიშვნელოვანი სამი ქალაქი — კორინთო, ქალკიდა, დემეტრიადა — საბერძნეთისთვის, მაკედონური ბორკილების ნაცვლად, რომაულ ხუნდებად იქცნენ. მხოლოდ იმ განსხვავებით, რომ ახალი ძველზე უფრო შალაშინგაკრული იყო: საბერძნეთს ფესებიდან ქველი ბორკილები ახსნეს და კისერზე ახალთახალი უღელი დაადგეს. ფლამინინუსსა და მის თანამოაზრეებს შესაძლოა გულწრფელად სურდათ ყოფილიყვნენ დიდი ელინური კულტურის სამშობლოს ნამდვილი გამათავისუფლებელი; ელინოფილობის გარდა ფლამინინუსს აქეთყენ უბიძგებდა მისი განუზომელი პატივმოყვარეობაც. მაგრამ ბერძნული ქალაქების ის ნაწილი, რომელმაც თავისუფლება მიიღო, მალე უნდა გამხდარიყო „მოკავშირე-მეგობრული“ საყრდენი, კარზე მომდგარი ახალი აღმოსავლური საშიშროების წინააღმდეგ. სირიის მეფე ანტიოქე უკვე ევროპაში იდგამდა ფეხს და თუ რომაელები არ დაასწრებდნენ, ელადის გამათავისუფლებლის დროშას მათ ხელიდან გამოსტაცებდათ ელინისტი გვირგვინოსანი.

მაშასადამე, რომაულ დიპლომატიას ისე უნდა მოეხერხებინა, რომ ერთი მხრივ, საბერძნეთის „მოკავშირეობა-მეგობრობაც“ შეენარჩუნებოდა და „გამათავისუფლებლის“ ეპითეტის ქვეშ კიდევ უფრო განემტკიცებინა იგი; ხოლო მეორე მხრივ, შეენარჩუნებინა საბერძნეთის „სამი ბორკალი“ ბალკანეთზე მბრძანებლობისთვის. ორივე ეს მიზანი ჯერჯერობით ერთ რამეს ემსახურებოდა: აზიიდან მოსული საფრთხის აღკვეთას, ესეც „ჯერჯერობით“ იყო, ხოლო შემდგომ იგივე მიზნებს გაცილებით ფართო მასშტაბის შედეგები უნდა მოეტანათ რომისათვის.

ასეთი თავისუფლება მიიღო საბერძნეთმაც, — „ელევეთრია“ სისლიანი და კოშმარიანი. „გამათავისუფლებელმა“ თავისთვის და თავის სამშობლოსთვის სასარგებლოდ და ბედნიერად დაასრულა პირველი ლაშქრობა აღმოსავლეთისაკენ, ხოლო საბერძნეთისათვის „თავისუფლების თავლის თვე“ დასაწყისშივე სისხლისა და სიმწრის თვედ იქცა. ელევთერიის ლეკარი გამოცხადებით ეგზალტირებულ ბერძნებს ხელთ შერჩათ მათ მიერვე ფლამინინუსის სახელზე მოჭრილი ოქროს მონეტა „გამათავისუფლებლის“ გამოხატულებით და მისი გვარის წარწერით, რომელსაც სამოქმედო ასპარეზად მხოლოდ საბერძნეთი ჰქონდა (რადგან რომაულ მონეტაზე სარდლის გამოხატვა ჯერჯერობით დაუშვებელი იყო) და დარჩა საბერძნეთს ეს მონეტა

„გამათავისუფლებლის“ დამცინავი გამომეტყველებით, როგორც სიმბოლო „ელეფანტის“ რომაული ვარიაციისა — დამონებისა, და-
უღვლისა. დაბორკილებისა.

მამ. რომის აღმოსავლური პოლიტიკის პირველი ეტაპი წარმტყ-
ბით დამთავრდა. მისი მთავარი შედეგი ბალკანეთზე და ევრიდაზე
ფესის დადგმა იყო. ახალი დიდი სავაჭრო-ეკონომიური და მონათა
წარტყევენის ასპარეზი ემატებოდა რომს. ფლამინიუსის ტრიუმფს
ბრწყინვალეობას და სიდიადეს ამღევდა აღმოსავლეთიდან წამოღე-
ბული უმდიდრესი ნადავლ-ნაძარცვი. ეს იყო პირველი დიდი სამბ-
ტომი იმისა, რომ რომის სახელმწიფო ხაზინას აღმოსავლეთიდან ახა-
ლი დიდი „წყალწყვის“ ფინანსურ-ეკონომიური რეზერვუარი შე-
უერთდა.

ფლამინიუსი თავისი ლეგიონებით ბალკანეთიდან იტალიაში ბრუნ-
დებოდა ზეიმით, ძლევამოსილ. ნაძარცვ-ნატყევევებით და სისხლიანი
ნაკვალევებით. ბრუნდინიუმიდან „თვით რომამდე, თითქმის მთელი
იტალიის სიგრძეზე, მათი სვლა იყო საზეიმო, და სიდიდე ნადავლისა.
რომელიც წინ მიუძღოდათ, თითქმის მათსავე რიცხვს უტოლდებოდა.
როგორც კი კვინქტიუსი რომს მიეახლა, სენატორ მისთვის ქალაქჯა-
რეთ შეიკრიბა, რათა მოესმინა ამბავი მისი გამბრობისა და იქვე სი-
ამონებით გადაწყდა მიენიჭებიათ მისთვის სავსებით დამსახურებუ-
ლი ტრიუმფი. სამი დღე გაგრძელდა იგი. პირველ დღეს მოჰქონდათ
აღჭურვილობა, ისრები, ბრინჯაოსა და მარმარილოს ქანდაკებები..
მეორე დღეს ოქრო და ვერცხლი, როგორც დამუშავებული სახით ასევე
ზოდებად და მონეტებად. დაუმუშავებელი ვერცხლი იყო 18.000
გირვანქა, ხოლო დამუშავებული — 270. მრავალი ჭურჭელი ყოველ-
ნაირი სახისა, დიდი ნაწილი ამონეკილი გამოსახულებებით და ზო-
გიერთნი საოცარი ხელოვნებით ნაკეთები. მრავალი იყო აგრეთვე
გამოსახულებანი ბრინჯაოსი. აქვე იყო ვერცხლის ფარები. ვერცხლი
მონეტებად იყო — 84.000 ატიკური მონეტა; მათ უწოდებენ ტეტ-
რადრაქმებს. ყოველ ვერცხლში იყო სამი დინარიუსი. ოქრო იყო
3.714 გირვანქა და ერთი ფარი მთლიანად ბაჯალლო ოქროსი. ფილი-
პეს ოქროს მონეტები — 14.514. მესამე დღეს მოჰქონდათ ოქროს
გვირგვინები, ნაძღვნევი ქალაქებისაგან, — ასეთი იყო 114. შეიარევე
მოწყავდათ სამსხვერპლო ცხოველები. ეტლის წინ მოდიოდა მრავა-
ლი წარჩინებული ტყვე და მიძევალი; მათ რიცხვში დემეტრიოსი, ძე
მეფე ფილიპესი და ლაყედემონელი არმენეს, ძე ტირანი ნაბისისა.
მათ შემდეგ ქალაქში შემოვიდა კვინქტიუსი. მის ეტლს მოჰყვებოდა
მრავალი მეომარი, რომლებიც გაწვეული იყვნენ ყველა პროვინცი-
იდან. ყოველ ქვეით მეომარს მიეცა 250 ასის, ცენტურიონს ამის

ორმაგი, ხოლო მხედარს — სამმაგი. საზეიმო სვლაში განსაკუთრებული შესამჩნევი იყვნენ მონობიდან გათავისუფლებული, თავგადაპარული რომაელები¹.

— * —

თ ა ვ ი მ ე ს ა მ ე

რომაელთა პირველი „აზიური ნიალსვლა“

1. როგორ დაიწყო „სირიის ომი“

„ელადის გამათავისუფლებლის“ ტრიუმფს აღმოსავლეთიდან, ჯერ შეუმშრალ სისხლიან ნაკვალევთა გარდა, ფეხდაფეხ მოჰყვა ახალი საომარი ნალარის ხმა. იგი ჯერ შორეული და ყრუ იყო, მაგრამ პერსპექტივით უფრო საშიში და ძნელად თავგასართმევი, ვიდრე „მაკედონური ომი“. იგი მოასწავებდა კვლავ ახალი ეტაპის დასაწყისს საერთოდ რომის საგარეო პოლიტიკაში და, კერძოდ, რომ-აღმოსავლეთის ურთიერთობაში. ამ ფაქტს რომის ისტორიისათვის განსაკუთრებული მნიშვნელობა უნდა ჰქონოდა არა მარტო სამხედრო-პოლიტიკური თვალსაზრისით, არამედ მორალური თვალსაზრისითაც, რამდენადაც ამჯერად საქმე ეხებოდა აზიას. რომაელთა პოლიტიკურ ცხოვრებაში პირველად დაისვა საკითხი აზიელებთან ურთიერთობისა, მეორე, — რომაელ-აზიელთა ეს პირველი შეხვედრა მახვილთა ჯვარედინით უნდა დაწყებულიყო.

რომაელთა პირველმა დიდმა ნაბიჯმა აღმოსავლეთისკენ, მათმა წარმატებულმა ლაშქრობებმა ბალკანეთზე, კიდევ უფრო გაამწვავა დასავლურ ხმელთაშუაზღვეთისა და აღმოსავლურ-აზიურ მხარეთა შორის ძველთაგანვე არსებული ალარმისტული განწყობილება, რომელიც საბოლოო ფორმით მაშინდელ მსოფლიოზე გაბატონებას გულისხმობდა. ის, რაც ოდესღაც ალექსანდრე მაკედონელის რომელიღაც „დასავლური ლაშქრობების ნისლოვანებაში“ ბუნდოვნად გამოკრთოდა, ნათლად გამოიკვეთა დიდი დამპყრობელის შორეული მიმბაძველ-ეპიგონის, ანტიოქე სირიელის საგარეო პოლიტიკაში. სწორედ სელევკიდური სირიის მბრძანებელი ანტიოქე მესამე იყო ის, ვინც აზიელთაგან პირველი იღებდა ხელთ უმძიმეს მახვილს დასავ-

¹ Liv. XXIV, 52; Plut. Tit. 13—14.

ლეთიდან დაძრულ მძლავრ მეტოქე-დამპყრობელთან სამკედრო-სასიცოცხლო ბრძოლაში. ალექსანდრესეულ შარავანდედზე მეოცნებე გვირგვინოსანს, რომელსაც სახელოვან წინაპართან საერთო ჯერჯერობით ეპითეტ „დიდის“ გარდა არაფერი ჰქონდა, კარგად უნდა შეეგნო რა უდგა კედლად მის ხვალისდელ მოწინააღმდეგეს: მთელი ხმელთაშუაზღვის აუზი (უკიდურეს აღმოსავლეთის გარდა) უმდიდრესი ტერიტორიებითა და მრავალრიცხოვანი ხალხებით დასახლებული ქვეყნებით გარშემორტყმული, უმძიმეს ბრძოლებში მძლეთა-მძლეობით მორალურად აღზევებული, რომელთაგან განსაკუთრებული სხივცემით კიაფობდა განადგურება ჰანიბალური კართაგენისა და „გათავისუფლება ელადისა“. ასევე რომსაც დიდი შეგნებითა და პასუხისმგებლობით უნდა სცოდნოდა, რა მოწინააღმდეგესთან ექნებოდა ჭიდილი პირველ აზიურ ლაშქრობაში: უზარმაზარი მსოფლიო სახელმწიფო სელევკიდებისა, გადაჭიმული ეგეოსიდან და ფინიკიიდან ფენჯაბამდე და სინდეთამდე, და ამ ქვეყანას, სავსეს ამოუწურავი რესურსებით. მორალურ გვირგვინად თავს ედგა შემკვიდრეობა ელინისმისა, ბრწყინვალე ცივილიზაციისა, რომელსაც საფუძველი დაუდო დიდმა ალექსანდრემ მაკედონელმა.

მთელი „მაკედონური ომის“ მანძილზე იგრძნობოდა რომისა და სირიის შეჯახების აუცილებლობა; ამის თავდები იყო ორმხრივი დამპყრობლური ლტოლვა, — სირიისა ევროპისაკენ და რომისა აზიისაკენ. ამჯერად წინააღმდეგობათა კვანძი ბერძნულ სამყაროზე იყო შეკრული და ანტიოქეც უპირველეს ყოვლისა იპყრობდა მცირე აზიურ ბერძნულ ქალაქებს „იმ საბაბით, რომ ისინი მას ეკუთვნიან როგორც აზიის მმართველს; ადრევეც ხომ, — ამტკიცებდა იგი — ისინი აზიის მეფეებს ემორჩილებოდნენო“¹. იგივე: როგორც ელინისტი-გვირგვინოსანი, თავის თავს ჰელენური სამყაროს ბატონ-პატრონად და მეურვედ თვლიდა, მაშინ როცა ელადაში მას რომაელებმა ჩამოასწრეს გამათავისუფლებლის დროშით.

რომსა და სირიას შორის ურთიერთობის გამწვავებასა და ომის დაჩქარებაში დიდი როლი შეასრულა ჰანიბალმა. რომელიც რომის საკვირბოროტოდ ჯერ კიდევ ცოცხლობდა და კვლავ დიდის ენერჯიით იბრძოდა „ჰანიბალის ფიცის“ განსახორციელებლად; ე. ი. ზამას ტრაგედიის შემდეგ ახალ იარაღს ეძებდა რომთან სარევეანშო ბრძოლის გასაახლებლად. როცა ჰანიბალი სუფეტად აირჩიეს და ისიც კართაგენის აღორძინების საქმეს დიდი ნიჭიერებითა და ენთუზიაზმით ჩაუდგა სათავეში, მისი მოწინააღმდეგე კართაგენელი კონსერვატორები რომს ატყობინებდნენ. „ეითარცა მხეცნი, რომლებიც არა-

¹ App. Syr. 2.

ციტარი ძალით არ დაწყნარდებიან, ისე ამ კაცის სული რჩება მრისხანე და დაუოცებელი (*inimicitia et insolentia*). მას აწუხებს სიმშვიდე: იგი ამბობს, რომ სახელმწიფოს აქ უმჯობესოდ სძინავს (*fortior in quiete*) და იარაღის ყლარუნის გარეშე შეაძლებელია მისი გამოღვიძება (*haec sine armorum sonitu excitari potest*)¹. რომაელებმა უამაროდ კარვად იცოდნენ, რომ ჰანიბალი „მეტი არ დამშვიდდება, სანამ ხილასლა არ აღანთებს ომს მთელი იტალიის სურგით“. როცა ჰანიბალის ტარებმა მათი დიდი თანამეგობრე რაბელი ცეცხლის საღრთის ქვეშ დააყენეს, რომაელთა მოსისხლე ჰანიბალი კართაგენიდან გაჩინარდა და ფინიკიაზე გავლით სირიის სამეფო სასახლის კარზე დაინდა. მთელმა ქვეყანამ იცოდა, რა მიზანი ჰქონდა ჰანიბალის მოსვლას ანტიოქესთან. რომელმაც რომთან ბრძოლების უბადლო გმირი თა სწორუბივარი სარდალი მიიღო „როგორც იმერთთაგან გამოგზავნილი ძღვენი“². ყველამ იცოდა, რომ ადრიდანე ჰანიბალი ანტიოქის წიკრიკებსა და წერილებს უგზავნიდა და მეფისგანაც მას საიდუმლოდ მოსდიოდა ელჩები. ე. ი. ჰანიბალსა და ანტიოქეს შორის რომის საწინააღმდეგო ბრძოლისათვის მოლაპარაკება ადრევე დაწყებულია. ხილო ახლა, 195 წელს, როცა ჰანიბალი უკვე სირიის სასახლის კარზე იყო, რომის ხელისუფლებას ეჭვიმუტანლად უნდა ეგულისხმა, რომ ანტიოქე რომთან საომარ გეგმას უკვე გულდასმით ამუშავებდა იმ კაცთან ერთად, რომელიც თავისი „სატანური ნიჭიერებით“ მხოლოდ რომის საზიანოდ იყო ამ ქვეყნად მოვლენილი. მართლაც, ჰანიბალის ჩამოსვლამ კიდევ უფრო წააქეზა „მეფე, რომელსაც ჯერ კიდევ ვერ გადაწყვიტა რომთან ომის დაწყება. ჰანიბალის მოსვლამ მცირე როლი როდი შეასრულა, მიეცა ბიძგი (*moliendum adv. nos*) მისი სულისათვის“³.

ანტიოქე ჰანიბალს ეფესოში შეხვდა, სწორედ იმ დღეებში, როცა სირიის მეფე ეგვიპტესთან ურთიერთობის საქმეებს აწესრიგებდა. როგორც ითქვა, მან რომაელებს განუცხადა, რომ ეგვიპტის მეფესთან შეგობრობა და მოყვრობა მაკავშირებს და ჩვენს ურთიერთობაში რომის ჩარევა ზედმეტი იქნებაო. ეგვიპტის გარდა, სხვა მეზობელ მეფეთა შემოკავშირებაც მოუწადინებია რომის მეტოქეს: „ცდილობდა რა დაეფარა“ რომთან ომის დაწყების განზრახვა, იგი წინდახედულად ქორწინებით იკავშირებდა ახლო მეზობელ მეფეებს: ეგვიპტეში პტოლემესთან გაგზავნა კლეოპატრა, სირად წოდებული, და თან მზითვად გაატანა კელესირია, რომელიც (ადრე) თვითონ წაართვა პტოლემეს: ეალერსებოდა ყმაწვილს (პტოლემეს), ეგებ

¹ Liv. XVIII, 45; App. Syr. 4.

² Just. XXXI, 3.

³ Liv. XXXIII, 49.

იგი რომთან ომის დროს წყნარად ყოფილიყო. ანტიოქიდა გაუგზავნა არიარათეს. კაპადოკიის მეფეს, და კიდევ ერთი (ქალი) მასთან დარჩენილი, — ევმენს, პერგამოსის მეფეს¹. ანტიოქე „მოყვრადქცეული“ ეგვიპტისაგან, რომაელებთან ომის დროს, ნეიტრალურ პოზიციას მაინც მოელოდა. ასევე, ალბათ, კაპადოკიისგანაც. განსაკუთრებით მას აინტერესებდა პერგამოსის მეფის, ევმენის პოზიცია, რადგან ახსოვდა თუ რა დიდი როლი შეასრულა პერგამოსის სამეფომ რომაელთა სასარგებლოდ მაკედონიის წინააღმდეგ ბრძოლაში. მაგრამ ანტიოქეს ცდას. — ჩაეთრია პერგამოსი რომის საწინააღმდეგო კოალიციაში — ნაყოფი არ მოუცია.

ჰანიბალი უკვეელი მოწამე იქნებოდა ანტიოქეს ცდებისა -- შეკრულიყო მტკიცე აზიურ-ეგვიპტური კოალიცია რომის წინააღმდეგ საბრძოლველად. იგი ითვალისწინებდა აზიელ მეფეთა შორის მუდმივ ქიშპსა და შეურიგებლობას და ამიტომ ანტიოქეს რომთან საომარი გეგმის თავისეულ ვარიანტს სთავაზობდა. ანტიოქემაც მას შემდეგ, რაც რომმა კატეგორიული უარი სთქვა მის აზიურ და ევროპულ დაპყრობათა ცნობაზე. ჰანიბალი მოიხშო და მასთან ერთად შეუდგა საომარ გეგმათა გარჩევას. ჯერ თვითონ ფიქრობდა, თავს დასცემოდა საბერძნეთს და იქედან დაეწყო რომაელებთან ომი. მაგრამ ჰანიბალმა ეს გეგმა დაიწუნა იმ მოტივით, რომ საერთოდ ღარიბ და ახლახან ომებით სულ გაოხრებულ და ამოგდებულ საბერძნეთზე დაყრდნობით, იტალიის დაუმრეტელ საომარ რესურსებზე დაფუძნებული რომის განადგურების ცდას მხოლოდ და მხოლოდ საკუთარი ქვეყნისა და თავის გაწირვა მოჰყვებოდა შედეგად. ამიტომ პირველ ყოვლისა, ჰანიბალის აზრით, აუცილებელი იყო შექრა თვით იტალიაში, ე. ი. დარტყმა შიგ რომის გულში; „მისი მოსაზრება ყოველთვის ერთი და იგივე იყო: აუცილებელია ომის წარმოება თვით იტალიაში. იქ გარედან მოსული მტრისთვის ყოველთვის მოიპოვება ომიც და საომარი რესურსებიც“². მაგრამ ვაი, იმ მოწინააღმდეგეს, ვინც თვით არ დაასწრებს იტალიაში შექრას და რომს საშუალებას მისცემს, იტალიიდან გამოიპრეს იტალიისვე უზღვევი საომარი საშუალებებით: „თუ საშუალება მივეცი, რომაელმა ხალხმა იტალიის მთელი ძალებით და ჯარებით ომი აწარმოოს იტალიის გარეთ, მაშინ ვერც ერთი მეფე და ვერც ერთი ხალხი ვერ მოერევა რომაელებს“³. კართაგენელ სარდალს იტალიაში მოულოდნელი შეჭრისა და მისი, — როგორც რომის საომარი საფუძვლის, — აოხრება-აკლების თექვსმეტწლოვანი გამოცდილება ჰქონდა და იგი ახლა ფიქრობდა ამ დიდი გამოცდი-

¹ App. Syr. 5.

² Liv. XXXIV, 60.

³ Liv. XXXIV, 60; Just. XXXI, 3.

ლების გამოყენებას იმ ახალი დამატებითი საომარი რესურსებით, რაც მას არ ეყო რომის გასანადგურებლად მეორე პუნჯიურ ომში. ამრიგად, ჰანიბალი ამბობდა, „რომ საბერძნეთი. უკვე დიდი ხნიდან დაწინწკნილი, იოლი დასაძლევია ანტიოქესათვის; რომ ომები ყველასათვის. წარმოებული საკუთარ ქვეყანაში. უაღრესად მძიმეა, რადგან მათგან წარმოიშობა შიმშილი; ხოლო ომები (საკუთარი) ქვეყნის გარეთ, გაცილებით იოლი (თავგასართმევია). ანტიოქე ვერასოდეს ვერ შესძლებს რომაელთა ძალის გატეხვას საბერძნეთში, რადგან რომაელებს უხვად ექნებათ სურსათი და მომარაგება. ამიტომ მან ურჩია ანტიოქეს, დაეპყრო იტალიის რომელიმე ნაწილი და იქედან დაძრული შეებოდა რომაელებს“¹.

ბოლოს, ჰანიბალის განსჯის კონკრეტული დასკვნა იყო პიხი საომარი გეგმის პრაქტიკული ნაწილი: იგი ანტიოქესგან ითხოვს 10 000 ქვეით მეომარს, ათას მხედარსა და ას გემს. ამ ძალებით იგი შეიჭრება იტალიაში: იმავე დროს ფეხზე დააყენებს კართაგენს, რომლის „ხალხი უკვე დიდი ხანია უკმაყოფილოა და არავითარი ერთგულება არა აქვს რომაელებისა“. ჰანიბალი დარწმუნებული იყო, კართაგენელი ხალხი „მაშინვე აღივსება სიმამაცითა და იმედით, თუ გაიგონებს, რომ მე კვლავ ვანგრევ იტალიას“. იმ შემთხვევაში, თუ კართაგენის საომრად გამოყვანა რაიმე მიზეზით არ მოხერხდა, ჰანიბალი მეფისგან მიცემული საომარი ძალებით მაინც შეიჭრება იტალიაში, „ხოლო მეფე მთელი დანარჩენი ძალებით უნდა გადავიდეს ევროპაში... საბერძნეთში...“

ანტიოქემ ძალიან მოიწონა კართაგენელის საომარი გეგმა. ჰანიბალმაც თავის თანამემამულეთა ომში ჩაბმის ცდით დაიწყო. მან ტიროსში მონახა ვინმე არისტონი, კაცი სანდო, მოქნილი და მოხერხებული და გავზავნა იგი კართაგენში ბარკიდული პარტიის წარმომადგენლებთან, რამეთუ ამ უკანასკნელთ ჰანიბალის საომარი მოწოდების მიხედვით მთელი კართაგენი დაეყენებიათ ფეხზე რომთან საომრად. მაგრამ კართაგენში არისტონის ჩასვლისა და მისი მიზნების შესახებ უმაღლვე შეიტყვეს ოლიგარქებმა, ჰანიბალისა და საერთოდ ბარკიდთა მემორული პარტიის მოსისხლე მტრებმა. მათ სასწრაფოდ მოახდინეს ჰანიბალური წამოწყების პარალიზება: არისტონი სამართალში მისცეს და, თუმცა მან ცბიერი ხრიკით მოახერხა თავის დაძვრენა, საომარი განგაში კართაგენში დასაწყისშივე დააჩუქს. ჰანიბალის მოწოდების ხორცმესხმას ხელს შეუშლიდა, აგრეთვე სწორედ იმ დღეებში ნუმიდელი მასინისას მორიგი მახარბი თავდასხმა კართაგენზე. წელში გადრეკილ ქალაქს კვლავ რომის „იმედი“ ჰქონდა მასინისას ასალაგმავად, ხოლო, რომთან ახალი „პუნიკური ომის“ და-

¹ App. Syr. 5.

საწყებად ძალს არ შესწევდა, ყოველ შემთხვევაში, ჯერჯერობით მაინც.

ჰანიბალური განსჯის ამ ერთი რგოლის ჩაეარდნამ შეაფერხა საერთო საომარი გეგმის განხორციელებისათვის მოქმედება. რომის ხელისუფლებასაც უურადლებიდან არ გაუშვია საშიში დელგმის აბორგება აზიის პორიზონტზე, რომს იმჯერად არ შეეძლო მახვილის კვეთებით გაეფანტა აღმოსავლეთით დაძრული ღრუბელი, რადგან მისი მახვილი ესპანელებთან და გალბოიებთან ომებს ჰქონდათ დაქერილი. ამიტომ ჯერჯერობით, დრომდე, რომაულ დიპლომატიას ისევე „ბაწრით უნდა ეთრია“ აზიის საკითხი. სირიასთან საომარი მოქმედება უნდა შეყოვნებულიყო, თუნდაც იმის საფასურად, რომ ანტიოქეს სრული მოქმედების ასპარეზი მისცემოდა თვით აზიაში. ეს პირველი შემთხვევა იყო, როცა რომი აზიის შინაური საქმეებიდან უკან ისედა, მაგრამ ეს მხოლოდ „ჯერჯერობით“ იყო, — მხოლოდ დიპლომატიური მანევრი.

სწორედ ამ მიზნით იქნა გაგზავნილი აზიაში რომაული ელჩობა სახელოვანი სციპიონ აფრიკელის მეთაურობით. ელჩობას ანტიოქეს „შეკაეების“ გარდა სხვა მისიაც ჰქონდა შესასრულებელი. მას უნდა დაეზვერა აზიელთა საომარი სამზადისი, მათი საომარი გეგმები და საბრძოლო რესურსები. კიდევ ერთი მეტად მნიშვნელოვანი საქმე უნდა გაეკეთებინათ რომაელ დიპლომატებს აზიაში: როგორმე, რაიმე გზით განსეთქილება ჩამოეგდოთ ანტიოქესა და ჰანიბალს შორის.

ელჩობა ეფესოში ჩავიდა და დიდი დახვეწილი დიპლომატიით შეუდგა თავისი მისიის შესრულებას. ამ დროს ანტიოქე პისიდიის შემოტყვიცებით იყო გართული და სანამ ის ეფესოში „სტუმრების“ შესახვედრად მივიდოდა, რომაელები ყველაფერს ნაცადი თვალთ ზომავდნენ და მიუძღვდარი აღლოთი ყნოსავდნენ. შემდეგ ანტიოქეც მოვიდა და აუდიენცია მოუწყო რომაელებს, რომაელებმაც მას ასეთი დიპლომატიური განაცხადი წარუდგინეს რომის სენატისაგან: „დაე, ანტიოქე არ გადავიდეს ევროპაში, რამეთუ ამით რომაელები არ დააყენოს აუცილებლობის წინაშე, — თვით გადავიდნენ აზიაში“¹. ამჯერად ანტიოქესათვის რომის მხრივ ხელის გახსნა დიდი მიღწევა იყო. მაგრამ იქვე მეფეს ერთი რაიმე არ მოეწონა: რომაელების სიახლოვე ჰანიბალთან (!). თვითონაც ამჩნევდა, ამბავიც დაახვედრეს და მომავალში, — სანამ რომაელები აზიაში იყვნენ, — ნათლად ჰხედავდა, რომ ჰანიბალი თავის ძველ მოსისხლეებთან ატარებდა მთელ დღეებს. განსაკუთრებით სციპიონი არ იშორებდა თავის უპირატეს მეტო-

¹ Just. XXXI, 4.

ქეს და მასთან „ტკბილი, მეგობრული“ ურთიერთობით თვალებს უყვებდა გაოგნებულ მეფეს. რომაელები ხმამაღლა (ანტიოქეს გასაგონად!) „ჰკიცხავდნენ“ ჰანიბალს, რომ იგი ტყუილუბრალოდ გამოიქცა თავისი სამშობლოდან, სადაც მას არავისგან არავითარი საფრთხე არ ემუქრებოდა. „საყვედურებით ავსებდნენ“ რომაელთადმი უნდობლობისათვის; ებოდიშებოდნენ მათდაპირ წარსული მტრობისათვის და ქება-დიდებას ასხამდნენ მის ნიჭს და გამირობას. ბოლოს, როცა ჰანიბალმა სციპიონი თავისთან სტუმრად მიიწვია, რომაელმა კართაგენელს ასეთი მრავლისმეტყველი პასუხი გასცა: მე შენთან სიამოვნებით წამოვიდოდი, „რომ არ იყო ანტიოქესთან, რომლის ურთიერთობა რომაელებთან საკმაოდ საეჭვოა“¹.

ამ გზით რომაელებმა მიაღწიეს თავის საწაღელს: ანტიოქემ ჯერ აღმაცერად და მალე მტრულადაც დაუწყო ცქერა ჰანიბალს.

რასაკვირველია, ჰანიბალისადმი ანტიოქეს უნდობლობაში დიდ როლს ასრულებდა შურიანობაც, რაც ყოველ „დემობორ“-დესპოტს მუდამ თან სდევს ხოლმე.

მაშასადამე, რომაელებმა შესძლეს, ანტიოქეს ხელში უენებელეულოთ ის საშიში იარაღი, რასაც დიდი კართაგენელი მსედარტმთავრის ჭამხედრო ხელგუნება ერქვა. ეს, რასაკვირველია, თავისებურ კვალს დაამჩნევდა მომავალ საომარ მოქმედებებს.

მაგრამ რომაელებმა ვერ შეძლეს მოესპოთ ომის დაჩქარების ასეთი აქტიური ფაქტორი, როგორც ეტოლიის კავშირი იყო, ეტოლიელები კინოსკეფალეს ბრძოლის მეორე დღიდანვე არც ერთი წუთით არ ღალატობდნენ რომის წინააღმდეგ თავგამოდებული ბრძოლის პოზიციას.

მაშასადამე, ომს კვლავ საბერძნეთის საკითხი აჩქარებდა. საბერძნეთი იყო განხეთქილების ვაშლი რომსა და მაკედონიას შორის. საქმე იმაშია, რომ საბერძნეთი საბოლოოდ გაერკვა იმ წილხვედრში, რაც მას „მაკედონურმა ომმა“ არგუნა. „თავისუფლების თავლის თვეები“ მწარედ დაიწყო და უფრო მწარედ და შესამად დასრულდა. „ელეკთერიალ“-თქმული რომაული უღელი მაკედონურ ბორკილზე მძიმე გამოდგა. ელადა კვლავ განმათავისუფლებლის. — ნამდვილი განმათავისუფლებლის — ძიების გზაზე იდგა. შესაძლო იყო ელადის განათავისუფლების გამირობა ყველაზე მეტად ელინისტ გვირგვინოსანს მოხდენოდა. შესაძლო იყო ისიც, ანტიოქე მარტო საბერძნეთს არ დაჯერებულყო და ბალკანეთი იტალიაზე ლაშქრობის პლაცდარმადაც გაეხადა. რომში ხმა მოვიდა: „როგორც კი ანტიოქე ეტოლიაში გაჩნდება, მაშინვე გაგზავნის ფლოტს სიცილიაში“.

ომს მშვიდობისკენ ვერავითარი ძალა ველარ შემოაბრუნებდა, და

¹ App. Syr. 11.

192 წელს დაიწყო „სირიის ომი“. ანტიოქემ ევროპული ლაშქრობა დაიწყო 10.000 ქვეითი მეომრით, 500 მხედრით, 6 სპილთით და 40 ზომალდით. მას საბერძნეთში პირველ შეჭრისთანავე „ტრიუმფალური სვლის“ იმედი გაუტრუვდა. 192 წელს მხოლოდ კუნძული ევბეა ჩაიგდო ხელში. ამიტომ იგი მომავალი წლისათვის ხელახლა შეუდგა სტრატეგიული გეგმის დამუშავებას. შეჰყარა სამხედრო თათბირი, რომელზეც, როგორც იქნა, ჰანიბალიც მიიწვია და მისი აზრის მოსმენაც ინება, ჰანიბალმა თქვა:

მეფის მთავარი შეცდომა ის არის, რომ ეტოლიელებს დაუჭერა და ადგილობრივი ბერძნული პოლისების მხარდაჭერის იმედით, საკუთარი ძალებით არ ჩავიდა ევროპაში. პირველი შეცდომა კი საომარ მსვლელობაში ყველაზე უმძიმესი შეცდომაა, რადგან „სხვა ხალხებთან ომებში ყველაზე მთავარია მოპოვებული იქნას პირველი მოგება სიჯრცესა და დროში“¹. დიდი შეცდომაა ისიც, რომ საომარ მოქმედებათა ასპარეზად არჩეულა საბერძნეთი. რა იმედი უნდა გვექონდეს ჩვენ ამ ღარიბი, ომებისაგან გაჩანაგებული და რომაელუბისაგან დაშინებული ბერძნებისა. ვაქეთა, ჩვენ დაგვემორჩილენ ევბეელები, ბეოტიელები და თესალიელები; მაგრამ სად არის გარანტია, რომ ისინი რომაელთა შემოჭრისთანავე ისევ რომის მხარეზე არ გადავლენ? მაშასადამე, — არავითარი იმედი ბერძნებისაგან, მათ შორის არც ეტოლიელებისა და ათამანებისაგან. ბალკანეთზე მხოლოდ ერთი პოლიტიკური და სამხედრო ძალა, რომელსაც შეუძლია გადამწყვეტი როლი შეასრულოს საომარ მსვლელობაში, ეს არის მაკედონია; „ფილიპესთან შეკავშირებით, შემძლია გაბედულად ვთქვა. — წარმატებაში არავითარი ეჭვის შეტანა არ შეიძლება“; „ამ ომში მას (ფილიპეს) შეუძლია იმ მხრისკენ გადასწონოს, ვის მხარეზედაც იგი დადგება“. მაშასადამე, აზიისა და მაკედონიის ერთიანი ჯრონტი აუცილებელია რომის წინააღმდეგ საომრად. უკიდურეს შემთხვევაში, — თუ მაკედონიასთან ერთიანობა მიუღწეველი იქნება, ის მაინც უნდა იქნეს მიღწეული, რომ მაკედონია მოწინააღმდეგის ბანაკში არ აღმოჩნდეს; მაგალითად, თუ მეფის ძე სელევკოსი, რომელიც ახლა ლისიმახიაში იმყოფება, მაკედონიას შეუტევს, ფილიპე იძულებული გახდება თავისი სამფლობელოების დაცვაზე გადავიდეს და რომთან საომარ მხარდაჭერაზე ვეღარ იფიქროს. ბოლოს, რაც მთავარია, რომის უეჭველი განადგურება შეიძლება მხოლოდ იმ შემთხვევაში, თუ ძირითადი საომარი ასპარეზი საბერძნეთის ნაცვლად გაიმართება იტალიაში. მხოლოდ და მხოლოდ იტალიაზე დარტყმით შეიძლება რომის განადგურება. მეფეს რომ ჩემთვის თავიდანვე დაეჯერებინა — განაგრძობს კართაგენელი — „რომაელები ახლა გა-

¹ Just. XXXI, 5.

იგონებდნენ არა ქალკიდის დაქერას ევბეაზე და ევროპის ცინე-სი-
მაგრეთა აღებას, არამედ (ისინი შეიტყობდნენ), რომ ომის ხანძარი
მოედო ეტრურიას, ლიგურიას და ცისალპიურ გალიას და, — რაც
განსაკუთრებულ თავზარს დასცემდა მათ — ჰანიბალი იტალიაში!“
„...თუ ვინმე დაესხმის თავს რომაელებს თვით იტალიაში, იგი შეს-
ძლებს მათ დამარცხებას მათივე საკუთარი სიმდიდრეებით, მათივე
ძალებით, მათივე იარაღით, რაც თავის დროზე შეძლო თვით ჰანი-
ბალმა. ასევე, ვინც მათ განკარგულებაში დატოვებს იტალიას რო-
გორც ძლიერების წყაროს, ისევე შეცდება, ვითარცა იგი, ვინც მო-
სურვოს აღმა შეაბრუნოს ან ჩაახშოს მდინარე არა სათავეში, არა-
მედ იქ, სადაც დაგუბებულა წყალთა სიმრავლე... თავისი ქვეყნის
საზღვრებს გარეთ ისინი (რომაელები) უძლეველნი არიან, თავი-
ანთ სამშობლოში — მოწყვლადნი. უფრო ადვილია წაართვა მათ
ქალაქი (რომი), ვიდრე ბატონობა (დაპყრობილ სამფლობელოებზე),
უფრო იოლია წაართვა მათ იტალია, ვიდრე პროვინციები“. ამიტომ
საჭიროა: მეფემ აზიიდან გადმოიყვანოს მთელი თავისი სახმელეთო
არმიები და საზღვაო ძალები, თავისი ალალითა და ყველა საჭირო საბ-
რძოლო რესურსებით: მოაწყოს იტალიაში შექრა სამი მხრიდან, —
კორკირა-ბრუნდიზიუმის, აფრიკა-სიცილიისა და სარდინიის მხარე-
ებიდან; თვით მეფემ დასცეს ბანაკი საბერძნეთის დასავლეთ სანა-
პიროთა ცენტრალურ ნაწილში, საიდანაც ერთის მხრივ მეთვალყუ-
რეობის ქვეშ ეყოლება საბერძნეთი, ხოლო მეორეს მხრივ არ დაუშ-
ვებს რომაელთა გამოსვლას იტალიიდან ბალკანეთზე. აქედანვე მეფე
საჭიროების შემთხვევაში თვითონაც შეიჭრება იტალიაში, ან ასეთი
შეჭრის შიშის ქვეშ ეყოლება მოწინააღმდეგე.

ანტიოქემ და მისმა სასახლის კამარილიამ მხოლოდ მოისმინა დიდი
კართაგენელის ეს საფუძვლიანი საომარი მონასაზრი. სუსტი ადამი-
ანების შური და ქიშპი დიდი ტალანტისადმი, მით უფრო უცხოელი-
სადმი, რასაკვირველია, მნიშვნელოვან როლს შეასრულებდა ჰანი-
ბალის გეგმის მიუღებლობაში, მაგრამ მთავარი მაინც ის იყო, რომ
იმ პირობებში საერთოდ შეუძლებელი იყო ჰანიბალის ფართო მას-
შტაბის სტრატეგიის განხორციელება. ჯერ ერთი, ერთიანი აღმოსავ-
ლური ფრონტის შეკვრა არ მოხერხდებოდა თვით ელინისტურ მო-
ნარქიათა ბუნების მეოხებით; სირიისა და მაკედონიის მეფეთა შერი-
გება შეუძლებელი იყო. რაც შეეხება აზიიდან იტალიაში შეჭრის
ჰანიბალურ გეგმას, მას ვერც კი შეჰბედავდა ისეთი პოლიტიკოსი,
როგორც ანტიოქე მესამე იყო.

ერთადერთი, რაც ჰანიბალის გეგმიდან მიიღეს, იყო ის, რომ
ერთ-ერთი სტრატეგოსი, პოლიქსედინე მეფემ გაგზავნა აზიაში,
ნთელი სახმელეთო და საზღვაო ფლოტის გადმოსაყვანად.

ანტიოქემ მთელი ყურადღება თესალიაზე გადაიტანა. მან აიღო ქალაქი ფერე და აქ დაბანაკებულმა შეიერთა ეტოლიელები და ათამანები. მერე, კინოსკეფალესთან დახოცილი მაკედონელების ძვლები დააკრძალვინა, თითქოს ამით მაკედონელთა გულს მოიგებდა და ფილიპეს ავტორიტეტს შეარყევდა. საპასუხოდ ფილიპემ, რომელიც კიდევ მერყეობდა და უყურებდა, ვის მხარეზე დამდგარიყო, მაშინვე გადაწყვიტა რომაელთა მხარე დაეჭირა და, მოიწვია რა მათი სამხედრო მეთაური ბებიუსი, ახლო მყოფი საჯარისო ნაწილის უფროსი, ჰიილო იგი რომელიღაც ციხე-სიმაგრეში და ხელაბლა მისცა რომაელებს საზეიმო აღთქმა, რომ მათი უტყუარი მოკავშირე იქნებოდა ანტიოქეს წინააღმდეგ. რაღა თქმა უნდა, რომაელები სისარულით შეხვდებოდნენ მაკედონიის მეფის ასეთ გადაწყვეტილებას: ბებიუსმა მას დაუწყო შექება ასეთი გადაწყვეტილებისათვის და გაბედა მაკედონიის გავლით თესალიაში ვაეგზავნა აპიუს კლავდიუსი ორი ათასი ქვეითი მეომრით.

ანტიოქემ აიღო ცაზე-სიმაგრეები კრანინი, კიპერა, მეტროპოლი-სი და მიადგა თესალიის დიდ ქალაქს, ლარისას. მან აქაურ მცხოვრებ-თა დასაშინებლად წინ სპილოები გაირეკა და ყოველის მხრით შემო-ცრტყა ქალაქს, მაგრამ როცა აპიუს კლავდიუსი რომაული ჯარით გამოჩნდა, მეფე შეშინდა, ლარისას ალყა მოხსნა და დემეტრიადამი დაბრუნდა. აქედან იგი ისევ ქალკიდაში ჩავიდა და დარჩენილი ზამთარი სიპარმაგეში ფენშედგმულმა მეფემ ქალკიდელ გოგონას-თან ქორწინება-ღროსტარებასა და ნადიმ-ღრეობას შეაღია. მისი ჯარებიც მთელი ზამთარი უსაქმურების, უღისციპლინოებისა და დეზერტირების ბანდებად იქცნენ.

რამდენადაც უზრუნველად და უფიქრელად შეხვდა ომის დაწყე-ბას ანტიოქე, იმდენადვე დიდის ენერჯითა და შორსხედვით შეუდგა საომარ სამზადისს რომი. იგი, მოწინააღმდეგის დაუკვირებლობისა და სიბეცის მიუხედავად, აზიის მბრძანებელს მაინც სერიოზულ მო-წინააღმდეგ სთვლიდა და დიდი ომისათვის საჭირო ყველა დეტალს ითვალისწინებდა. ჯერ რომის ხელისუფლება აკვირდებოდა ყველა იმ პუნქტს, საიდანაც ასეთი მძიმე ომის მომენტში მოსალოდნელი იყო რაიმე აფეთქება მისი მბრძანებლობის წინააღმდეგ. ამიტომ ყველგან, ასეთ საეკუო ადგილებში სამეთვალყუროდ ვაგზავნილა იქნენ ჯარები პრეტორთა სარდლობით. რომაული სამხედრო ბანა-კები განლაგდნენ იტალიაში, კართაგენში, ესპანეთსა და საბერძნეთ-ში, სადაც ჯერ კიდევ ადრე რომაელთა საომარი ექსპედიციის ნი-ადაგის მზადებას ტიტე ფლამინიუსი შესდგომოდა, ხოლო მერე მარკუს ბებიუსი ვადავიდა იქ ჯარებით. შიშა მაკედონიის მხრიდან მალე მოიხსნა, რადგან, როგორც ვთქვით, ანტიოქეს პოლიტიკური

სიბეცის წყ-ლობით, ფილიპემ საბოლოოდ გაწყვიტა მასთან ურთიერ-ობა და მისსავე წინააღმდეგ საომრად რომს შეუერთდა. რომის ხელისუფლებას არც ის ავიწყდებოდა, რომ ანტიოქეს ბანაკში იმ-ყოფებოდა ჰანიბალი, და სანამ ის ცოცხალი იყო, — მიუხედავად იმისა, რომ ანტიოქე ვერ იყენებდა ბედისგან მიჩიჩებულ ამ უბასრეს მანჯილს — მაინც მოსალოდნელი რჩებოდა იტალიაში „ჰანიბალური პანდორის“ განმეორება. ამიტომ იტალიის სანაპიროები, განსაკუთრებით ბრუნდიზიუმის მხარე, სამხედრო ბანაკებითა და ფლოტით გაავსეს.

ანტიოქეს წინააღმდეგ სალაშქროდ რომს გამზადებული ჰყავდა 20 000 რომაელი ლეგიონერი და ორი ამდენი „მოკავეშირე“-იტალიელი, ე. ი. სულ 60 000 მეომარი.

191 წლისათვის რომში ერთ-ერთ კონსულად აირჩიეს მანიუს აცილიუს გლაბრიონი, რომელსაც წილად ხედა მთავარსარდლობა ანტიოქეს წინააღმდეგ ომში. კონსულის არმია ხანგრძლივი ოპისათვის იქნა მომარაგებული ყოველნაირი სურსათითა და საომარი საჭურველით. მიუხედავად იმისა, რომ იტალიას პურის მარაგი აკლდა, რომის მოთხოვნით გლაბრიონის არმიისათვის კართაგენიდან და ნუმიდიიდან ვადაზიდეს პური საბერძნეთში. რომაელები დიდის ენერჯიით ამზადებდნენ საზღვაო ფლოტსაც, რომელსაც სათავეში ედგა პრეტორი გაიუს ლივიუსი.

2. ომის პირველი წლები

191 წლის გაზაფხულზე კონსულმა მანიუს აცილიუს გლაბრიონმა 20 000 ქვეითი ლეგიონერით, 2 000 მხედრით და საბრძოლო სპილოებით, ბრუნდიზიუმიდან გადალახა ადრიატიკი და ბალკანეთზე, აპოლონიასთან დასცა ბანაკი. მან ქვეითი არმია ჩააბარა სამხედრო ტრიბუნებს, მარკუს პორციუს კატონს და ლუციუს ვალერიუს ფლაკუსს და სასწრაფოდ გაგზავნა ისინი ლარისაში; თვითონ კი კავალერიით მივიდა ლიმნეაში, სადაც მას ფილიპე მაკედონელი და პრეტორი მარკუს ბებიუსი ელოდებოდნენ. გლაბრიონმა შეიერთა ისინი და სწრაფი მარშით შეუდგა თესალიის ქალაქებიდან აზიელთა, ეტოლიელთა და ათამანთა გარნაზონების განდევნას. სულ მოკლე ხანში მთელი თესალია ისევ რომაელთა ხელში აღმოჩნდა.

ანტიოქე თითქოს ახლა გამოფხიზლდა. იგი მიხვდა თავის შეცდომებს. განსაკუთრებული სინანულით გაიხსენა ჰანიბალის გეგმა, და ერთდროულად დაინახა როგორც ამ გეგმის საზრისიანობა, ისე მისი განხორციელების უამგასულობა. პოლიქსენიდე, რომელიც აზიაში იყო გაგზავნილი ძირითად საომარ ძალთა გადმოსაყვანად, აგვიანებ-

და. ასე, რომ ჰანბალის გეგმიდან ეს ერთადერთი მიღებული პუნ-
ქტიც იშლებოდა. მაგრამ რაკი არას არგებდა „გვიანლა თითზე კბე-
ნანი“, ანტიოქე მაინც შეეცადა, რაიმე გზით მოეხდინა მოწინააღ-
მდეგის წარმატებათა პარალიზება. მეფემ მის ხელთ არსებული ჯა-
რებით, სულ 10.000 ქვეითი მეომრით, 500 მხედრითა და 4.000
ეტოლიელთ, — გადაინაცვლა ჩრდილო და შუა საბერძნეთის შესა-
ყარში და სახელგანთქმულ თერმოპილეს ხეობაში გამაგრდა. იგი
არ დასჯერდა აქ არსებულ ბუნებრივ სიმაგრეებს და ბანაკი ორ-
რიგოვანი მიწაყრილებითა და ქვის კედლებით შემორაგვია. მეფემ გა-
ითვალისწინა ისიც, რომ დაახლოებით 290 წლის წინათ, აქ, თერ-
მოპილეს კარებში ჩამდგარ ლეონიდესა და მის სამას სპარტანელს
სპარსელებმა ზურგიდან, ე. წ. „ატრაპონის“ ბილიკით შემოუარეს
და ორმხრივი შეტევის ქვეშ მოაქციეს. ანტიოქემ „ატრაპონის“ ვა-
სამაგრებლად გაგზავნა ეტოლიელთა ერთი ნაწილი. დანარჩენი ორი-
ათასი ეტოლიელი მეფემ თერმოპილეს მახლობლად მდებარე ქ.
პერაკლეაში ჩააყენა. ბრძოლა თერმოპილეს ხეობაში გაიმართა.

როგორც კი რომაელები ბანაკიდან გამოვიდნენ და საომარი
წყობით მოწინააღმდეგისკენ დაიძრნენ, ანტიოქემაც გამოიყვანა არ-
მია და თავის ბანაკის წინ დარაზმა მტრის დასახვედრად. წინა ხაზზე
მსუბუქად შეიარაღებულნი დააყენა, შემდეგ მაკედონური ფლანგის
წყობით შეკრული გრძელშუბოსანი მეომრები („სარისოფორები“).
მარცხენა ფლანგზე — მოისარნი და მოშურდულენი, მარჯვენაზე —
წინ სპილოები და უკან კავალერია. მეორე რიგში ჩადგნენ ქვეითი
არმიის ძირითადი ნაწილები.

ბრძოლა დაიწყო აზიელთა წარმატებით, ჯერ მათ მოიგერიეს რო-
მაელთა თავდასხმები, შემდეგ კი ხელჩართულ ბრძოლაში აშკარად
დასჯაბნეს ისინი. რომაელები საბოლოო მარცხისაგან იხსნა მარკუს
აორციუს კატონის საომარმა ოპერაციამ, რომელიც მან მოაწყო
მტრის ზურგში, „ატრაპონიდან“. იგი მოულოდნელად თავს დაესხა
აქ გამაგრებულ ეტოლიელებს, გაანადგურა ისინი და ასევე მო-
ულოდნელად მიიტანა იერიში აზიელთა არმიის ზურგზე. ამგვარად.
მეფე ორმხრივი შეტევის მარწუხებში მოექცა და ბრძოლამაც რო-
მაელთა სასარგებლოდ იბრუნა პირი. ანტიოქეს არმია თითქმის
მთლიანად განადგურდა. ბრძოლაში თვითონ მეფეც დაშავდა: შურ-
დულიც გატყორცნილი ქვა პირში მოხვდა და კბილები ჩააყრევინა.
მსოლოდ ხუთასი კაცის თანხლებით დატოვა მან ბრძოლის ველი. იგი
გაიქცა ჯერ ელატეაში, შემდეგ ქალკიდაში, იქედან ეფესოში. რო-
მაელებმა ხელი მიჰყვეს მტრის მდიდარი ბანაკის „ათვისებას“.

იმავე დროს, რომაელთა ფლოტმა პრეტორ ატილიუსის შეთა-

ურობით, კუნძულ ანდროსთან ხელთ იგდო ანტიოქეს რამდენიმე ხონალი.

გლაბრიონმა გამარჯვებისთანავე რომში აფრინა თერმოპილეს ბრძოლის უპირველესი გმირი მარკუს პორციუს კატონი, რომელმაც ამცნო „მსოფლიო მბრძანებელს“ ანტიოქეს ძლევის ამბავი. რომი სანდლიანი ზეიმ-ღრეობითა და მსხვერპლწირვით შეხვდა აზიელებზე პირველი გამარჯვების ამბავს. რომაელი „ხალხი სიამაყით აღიესო, რომ მისი ძალაუფლებისა და მბრძანებლობის წინ გართხმულია მთელი ხმელნი და ზღვანი („Ironematos de tou demon hos pasas des kai thallasas krafein dinamenon“)¹. გლაბრიონი ჯერ ევბეაზე გადავიდა და ქალაქი ქალკიდა დაიპირა, შემდეგ ისევ შუა საბერძნეთში დაბრუნდა და მიადგა ჰერაკლეს, სადაც ეტოლიელები იყვნენ გამაგრებულნი. სასტიკი იერიშების შემდეგ რომაელებმა ჰერაკლეა აიღეს, გაძარცვეს და დაანგრის, მცხოვრებთა დიდი ნაწილი, განსაკუთრებით ეტოლიელები, გაყლიტეს, დანარჩენები მონებად აქციეს. ტყვედ ჩავარდა ეტოლიელთა სტრატეგოსი დემოკრიტეც, რომელმაც ომის დაწყებამდე ტიტე ფლამინიუსს უთხრა, დეკრეტს მაშინ მიიღებ, როცა ეტოლიელები ტიბრის პირზე დაეცემთო ბანაკს...

შემდეგ, გლაბრიონმა და ფილიპე მაკედონელმა ბერძნული ოლქები სამარცვაოდ და საპარტახოდ გაიყვეს. რომაელები ეტოლიის მიწა-წყლისა და სოფელ-ქალაქების ძარცვა-ტყვევნას შეუდგნენ, ხოლო მაკედონელები — თესალიისას. გლაბრიონის მეომრები ისე იყვნენ ნაძარცვითა და ნაალაფევით დატვირთულნი, რომ მოძრაობაც აღარ შეეძლოთ; იყო შემთხვევები, როცა ეტოლიის მთებსა და ვიწრობებში მიმავალნი, ნაძარცვით დამძიმებულნი, საცალფეხო ბილიკებზე თავს ველარ იმაგრებდნენ, წონასწორობას ჰკარგავდნენ და უფსკრულებსა და ციცაბობებზე ცვიოდნენ. 191 წელიც მიიწურა და გლაბრიონის კონსულობისა და მთავარსარდლობის რწმუნებებსაც ყავლი გაუვიდა. ანტიოქეს დამარცხების შემდეგ, რომაელმა სარდალმა სახმელეთო ბრძოლები უღიმღამოდ ჩაატარა.

ჰ. პირველი აზიური სახელმწიფოს განაღვრება

რომის მთელი ყურადღება პირველი აზიური ლაშქრობისადმი იყო მიპყრობილი, ევროპიდან აზიაში გადასვლა უნდა წარმართულიყო არანაკლები პასუხისმგებლობით, ვიდრე ეს მოეწყო ალექსანდრე მაკედონელის აზიური ლაშქრობების დროს. ამიტომ, ბუნებრივია, ყველაზე სერიოზულ საკითხად იდგა, ვინ უნდა ყოფილიყო მთავარსარდალი ამ მეტად საპასუხისმგებლო ლაშქრობაში. ბუნებრივია

¹ Plut. Cato Maior, 14; Liv. XXXVI, 21; App. Syr. 20.

ისიც, რომ ყოველი საღი გონება ჰანიბალისა და ანტიოქეს წინააღმდეგ მეომარ სარდლად ისევ ჰანიბალის მძლე პუბლიუს კორნელიუს სციპიონ აფრიკელს. გაითვალისწინებდა. მაგრამ ამჟერად არ მოხერხდა ზამას სახელოვანი გმირის არჩევა კონსულად. რომაული კონსტიტუცია კატეგორიულად კრძალავდა ზედიზედ ერთი კაცის არჩევას უმადლეს თანამდებობაზე. ათი წლის შუალედი მაინც უნდა გაეღლო კაცს მაგისტრატურიდან მაგისტრატურამდე. ხოლო სციპიონი უკანასკნელად 194 წელს იყო კონსულად. ოთხი წლის შუალედი კი საკმარისი არ იყო ხელახალი არჩევისათვის. რომის პოლიტიკური ისტორიის პრაქტიკაში ეს კონსტიტუციური შეზღუდვა რამდენჯერმე დაირღვა და განსაკუთრებით, ისევ სციპიონის სასარგებლოდ; მაგრამ სწორედ სციპიონის „განსაკუთრებულობა“ აშფოთებდა რომაელ „რესპუბლიკელებს“. იგი მეორე პუნიკური ომის დროს ათი წელი იყო შეუცვლელ უმადლეს მაგისტრატად (კონსული, პროკონსული, მთავარსარდალი): ე. ი. მას ათი წელი ჰქონდა imperium consulare. ეს კი იგივე „რესპუბლიკელებისაგან“ რესპუბლიკური კონსტიტუციის უხეშ დარღვევად და აშკარა „ტირანიად“ ითვლებოდა. ათი წლის შუალედი კვლავ უგულვებელყოფილი იქნა, როცა სციპიონი 194 წელს ისევ აირჩიეს კონსულად: იგი ხომ უკანასკნელად 201 წელს — კართაგენის განადგურების წელს — იყო კონსულისა და მთავარსარდლის რწმუნებებით აღჭურვილი. სციპიონის ერთპიროვნულ მაგისტრატურას და საერთოდ მის „ტირანიას“ ქვემოთ საგანგებოდ შევეხებით, ხოლო ახლა ყურადღებას ვაქცევთ, თუ შეიძლება ასე ითქვას, თავისებურ „პოლიტიკურ თაღლითობას“, რაც მაშინდელ რომში მოხდა აზიურ ლაშქრობაში მთავარსარდლობის თაობაზე. 190 წლისათვის კონსულებად აირჩიეს ლუციუს სციპიონი და გაიუს ლელიუსი: პირველი იყო ძმა დიდი სციპიონ აფრიკელისა, ხოლო მეორე მისი უახლოესი მეგობარი და მარჯვენა ხელი ჰანიბალის წინააღმდეგ ბრძოლაში. მათი არჩევისთანავე იგრძნობოდა, რომ, რომელიც არ უნდა ყოფილიყო consul armatus ანტიოქესა და ჰანიბალის წინააღმდეგ ომში, სულ ერთია, პირველი აზიური ლაშქრობა მაინც „სციპიონური შარავანდელით“ უნდა ყოფილიყო ვზავაკვლევული. ამაზე მეტყველებს თუნდაც ტიტე ლივიუსის ცნობა: რომში „სურდათ გამოეცაღათ. მეფე ანტიოქეს უფრო გამოადგებოდა დამარცხებული ჰანიბალი, თუ რომაელ კონსულებს და ლეგიონებს გამარჯვებული (სციპიონი) აფრიკელი“¹.

აფრიკულ წარმატებათა აზიაში გადატანა უფრო სრულყოფილად მაშინ მოხერხდებოდა, თუ აღმოსავლურ საქმეთა წარმართვის რწმუნ-

¹ Liv. XXVII, 1.

ნებებს მიიღებდა ლუციუს სციპიონი, რომელიც მისი დიდი ძმის ნებას უფრო იოლად დაემორჩილებოდა, და არა შედარებით თავისუფალი ნიქსასა და ენერგიის მქონე გაიუს ლელიუსი. ასეც მოხდა: აღმოსავლური ლაშქრობის მთავარსარდლობა მიიღო კონსულმა ლუციუს სციპიონმა, ხოლო მის ლეგატად დაინიშნა მისი ძმა პ. სციპიონ აფრიკელი. ამგვარად, მოხერხდა ისე, რომ არც რესპუბლიკური კონსტიტუცია „გააჯავრეს“ და აზიური ლაშქრობის საქმეც საიმედო ხელს ჩააბარეს. „რესპუბლიკელებმა“ თავი დაინუგეშეს, რომ რომის ტრადიციული პოლიტიკური ხელმძღვანელობის ფორმის ხელშეუხებლობა დაცული იქნა. მაგრამ მართლაც რომ მხოლოდ ფორმალური მხარე იქნა დაცული, თორემ ფაქტიურად კვლავ სციპიონურმა „ტირანიამ“ გაშალა ფრთები. ყველამ იცოდა, როგორც კი ძმები საქმეს შეუდგებოდნენ, ფორმალურ და ფაქტიურ რწმუნებებს ერთმანეთს გაუცვლიდნენ. პუბლიუს სციპიონი გვევლინება როგორც ფაქტიური მთავარი გმირი აღმოსავლეთის საქმეებისა, ხოლო კონსული ლუციუსი, როგორც მისი ფორმალური მხლებელი. 190 წლის გაზაფხულისათვის სალაშქროდ ყველაფერი მზად იყო.

სციპიონების არმია 30.000 ქვეით შეიმარსა და 500 მხედარს მოითვლიდა.

და აი, რომაელები უკვე აზიაში არიან. დასავლეთ ევროპამ პირველად შედგა ფეხი აზიის მიწაზე.

ანტიოქემ ზავის დადება სცადა. მოლაპარაკებისათვის რომაელთა ბანაკში გაგზავნა ბიზანტიელი ჰერაკლიდე, რომელმაც სციპიონებს მეფისაგან ასეთი საზავო პირობები შესთავაზა: ანტიოქე ხელს იღებს სმირნაზე, ტროადის ალექსანდრიაზე, ეოლიდისა და იონიის ყველა ქალაქზე; ამას გარდა, იგი რომს გადაუხდის ომით გამოწვეული ხარჯების ნახევარს. ანტიოქეს ელჩი არწმუნებდა რომაელებს ზომიერების დაცვის აუცილებლობაში, — დაკმაყოფილებულიყვნენ ისინი ევროპაში დაპყრობილი ქვეყნებით.

მაგრამ „ღვთისსწორმა“ რომაელებმა არ ინებეს „მოკვდავ არსთა“ მსგავსად დაკმაყოფილებულიყვნენ „მცირედი ევროპულით“ და აზიაში მტკრედ ფეხჩადგმის მიზნით ანტიოქეს ისეთი საზავო პირობები წაუყენეს, რის მიღებაც მეფეს არასგზით არ შეეძლო. სციპიონების მოთხოვნა ასეთი იყო: ანტიოქემ უნდა გადაეხადოს საომარი ხარჯები მთლიანად, ჩააბაროს რომს საზღვაო ფლოტი მთლიანად, დააბრუნოს ტყვეები და ემიგრანტები, ხელი აიღოს არა მარტო ელადასა და იონიაზე, არამედ მცირე აზიის ყველა სამფლობელოზე ტავრის მთის დასავლეთით და სამხრეთით, ე. ი. ანტიოქე დაკმაყოფილდეს მხოლოდ და მხოლოდ საკუთრივ სირიის ტერიტორიით. შემდეგ ჰერაკლიდე შეეცადა ცალკე პუბლიუს სციპიონის გულის

მოგებას. ახლა ანტიოქე სციპიონ აფრიკელს ჰპირდებოდა მისი ვაჟის განთავისუფლებას, რომელიც ომის პირველ წელს საბერძნეთში ხელთ ჩაუვარდათ აზიელებს. ამას გარდა, მეფე პანიბალის მძლევებს აღუთქვამდა „იმდენ ფულს, რამდენსაც პუბლიუსი თვითონ განსჯის“¹ ზღვრავდა, და შემდგომში თავის ხაზინასაც აძლევდა მას პირად სარგებლობაში, ოღონდ კი დახმარებოდა იგი მეფისაგან წაყენებული პირობების მიღებაში“².

ბუნებრივია, პუბლიუს სციპიონი უარზე დადგებოდა. ანტიოქეს და მის ელჩს უნდა სცოდნოდათ ის საზავო პირობები, რაც რომაულმა სანჯედრო საბკომ ასე კატეგორიულად წამოაყენა, თვით სციპიონ აფრიკელის კარნახით იყო შედგენილი, ამიტომ ანტიოქეს შემოთავაზება სციპიონისგან უარყოფილი იქნა. ჯერ ერთი, სციპიონ აფრიკელს იმედი ჰქონდა „შვილს დაიბრუნებდა იარაღით, როგორც ეს მის ღირსებას შეეფერებოდა“³; და მეორეც, ანტიოქეს უნდა შეეგონა, რომ მას. თუკი მართლა საომარი მოქმედების შეწყვეტა სურდა, ძალიან დააჯვიანდა საზავო მოლაპარაკების გამართვა. რომ მას, ვთქვათ, ზავი ეთხოვა მანამ, სანამ ხელთ ეპყრა ლისიმახა და თრაკიის ზერსონესი, მაშინ კიდევ შესაძლებელი იყო მისთვის რაიმე ხელსაყრელი შედეგი მოჰყოლოდა საზავო მოლაპარაკებას. მაგრამ ახლა, როცა რომაულმა არმიებმა ყოველგვარი დაბრკოლების გარეშე ჰელესპონტი გადმოლახეს და აზიაში ფეხი მოიკიდეს — ე. ი. როცა ანტიოქემ მოწინააღმდეგეს საშუალება მისცა მისთვის, როგორც ცხენისათვის, არა მარტო ლაგამი ამოედო, არამედ ზურგზედაც მოსჯლომოდ⁴ — რომაული სარდლობა აღნიშნულ საზავო მოთხოვნაში ოდნავ შეღავათსაც კი არ დაუშვებდა. ამიტომ სციპიონი ურჩევს ანტიოქეს, „მიიღოს წაყენებული პირობები, სანამ მას უფრო მძიმე მოთხოვნების შესრულება მოუხდებოდეს“⁵.

ანტიოქესაც, რასაკვირველია, არ შეეძლო უსისხლოდ დათანხმებულიყო რომაელთა მოთხოვნებს. ისე, როგორც ადრე ფილიპე მაკედონელი, ანტიოქეც სთვლიდა, რომ ომის წაგების შემთხვევაშიც კი რომაელები უფრო მძიმე საზავო პირობებს ვერ წაუყენებდნენ. ამიტომ მეფემ რომაელთა შტაბის მოთხოვნას უპასუხა, რომ იგი „ჯერ კიდევ ისე არ დამარცხებულა, შესაძლებელი იყოს მისი სამეფოს წართმევა, და, რომ ასეთი წინადადებანი ომისკენ მოწოდებაა და არა ზავისკენ (მისწრაფება)“⁶.

დადგა პირველი დიდი ბრძოლის დღე აზიაში, აზიელებსა და რომაელებს შორის.

¹ Polyb. XXI, 15; Liv. XXXVII, 36; App. Syr. 29; Just. XXXI, 7.

² Polyb. ileid.; Liv. ileid.; App. ileid.

³ App. Syr. 29.

⁴ Just. XXXI, 7; Polyb. XXI, 15; Liv. XXXVII, 36; App. Syr. 30.

მაელებს შორის, — 190 წლის შემოდგომაზე, ქალაქ მაგნეზიასთან, სპილას მთის მახლობლად.

ანტიოქეზე ბრძოლის ველზე მოიყვანა არმია, რომელიც სულ შედგებოდა 75—80.000 მეომრისაგან. აქედან: 16.000 მძიმედ შეიარაღებული ფალანგიტი, 20.000 მსუბუქი მეომარი, 12.000 მხედარი, სხვადასხვა ტომის ათასეულები, ცელებით აღჭურვილი ეტლოსნები და სპილოები (ორმოცდაათოთხმეტი).

სციპიონ აფრიკელი ველარ გამოუძღვა რომაულ არმიას ბრძოლის ველზე. იგი ავად გახდა და ელეაში დარჩა, მაგრამ ბრძოლის ხელმძღვანელობა ხელიდან მაინც არ გაუშვია. მან თავის ძმას, კონსულ ლუციუს სციპიონს, მისეული საომარი ინსტრუქციით, სამხედრო მრჩევლად და ბრძოლის ფაქტიურ ხელმძღვანელად თან აახლა კონსულიარი გნეუს დომიციუს აპენობარბი.

ლუციუს სციპიონი და დომიციუსი სათავეში უდგნენ არმიას, რომელიც რიცხობრივად ორჯერ მაინც ჩამორჩებოდა მოწინააღმდეგის არმიებს, მაგრამ ბრძოლისუნარიანობით გაცილებით სჯობდა ანტიოქეს საბრძოლო ძალებს, ისინი „იყვნენ ნაირსახოვანნი, რომლებიც არ გავდნენ ერთმანეთს, არც გარეგნობით, არც შეიარაღებით“¹.

რამდენიმე დღის ურთიერთზეერვისა და წაქეზების შემდეგ მოწინააღმდეგენი საომრად გამოეწყყვნენ.

ანტიოქემ ცენტრში დააყენა მაკედონური ფალანგა, დაყოფილი ათ ნაწილად. თითოეულ ნაწილში ათასექვსასი კაცით, ისე, რომ ყოველ მათგანში ფრონტით იდგა ორმოცდაათი მეომარი, ხოლო სიღრმით — ოცდათორმეტი; ყოველ ნაწილს ერთმანეთისგან ჰყოფდა შათსავე ფლანგებზე ჩარიგებული წყვილი სპილო, სულ ოცდაორი. სპილოები მიუვალ ფალანგიტურ კედლებზე იდგნენ, როგორც ცახე-კოშკურები, რომლებშიც ხუთ-ხუთი მეომარი იყო გამაგრებული. ფალანგიტთა ორივე მხარეს მეფეს დაყენებული ჰყავდა მძიმედ შეიარაღებული გალატიელი მხედრები, ე. წ. „კატაფრაქტები“. აქვე იდგა სამეფო გვარდია — კავალერია, რომელსაც სირიელები აგემას უწოდებდნენ. უკიდურეს მარჯვენა ფლანგზე განლაგებულნი იყვნენ მოისარი მხედრები და მეფის რჩეული კოჰორტა, ე. წ. „ვერცხლისფარიანები“ („არგირასპიდები“). მარცხენა ფლანგზე იდგნენ სხვადასხვა ტომის მეომრები, ტექტოსაგები, ტროკმები, ტოლისტობოიები, არიარათესაგან გამოგზავნილი კაპადოკიელები, აქაც ფლანგს ჰკეტავდა მხედრობა, რომელსაც „პეტერთა კავალერიას“ უწოდებდნენ. კიდევ უფრო ჰრელი და მრავალ-ტომოვანი იყვნენ მსუბუქად შეიარაღებული მეომრები. აქ შედიოდნენ ფრიგიელები, ლიკიელები, პამფილიელები, პისიდიელები, კრეტელები, ტრალელე-

¹ Liv. XXXVII, 40.

ბი, კარიელები, კილიკიელები, ლიდელები, არაბები, მიზიელები, ელიმეები და სხვ. არმიის წინ მეფემ ჩაამწყრივა ცელებით შეკურვილი ეტლები. თვით ანტიოქე სათავეში ჩაუდგა თავისი განლაგების მარჯვენა მხარეს, მარცხენა ფლანგი ჩააბარა შვილს, სელევკოსს და დისწულ ანტიპატრეს; ცენტრალური ფლანგიტური ნაწილები და სპილოები მიანდო თავის სარდალს ფილიპეს, ხოლო მსუბუქად შეიარაღებულნი — მინდისსა და ზეკსისს.

სციპიონმა და დომიციუსმა, როგორც ყოველთვის, ცენტრში, ე. ი. მოწინააღმდეგის ფლანგის პირისპირ, — ჩააყენეს ლეგიონები, წმინდა ქვირიტულ-რომაული წარმოშობისა; მათ ორივე მხრიდან მოჰყვებოდნენ ლათინი და იტალიელი მეომრები. მარცხენა ფლანგზე დადგნენ პერგამოსელთა და აქეელთა ჯარები. მარჯვენა ფლანგს იჭერდნენ რომაელი, იტალიელი და პერგამოსელი მხედრები. სულ უკან, სარეზერვო ნაწილებში, ჩააყენეს თექვსმეტი სპილო. რადგან ეს აფრიკული სპილოები რიცხვითაც და სიდიდითაც მოწინააღმდეგის ინდურ სპილოებს ჩამორჩებოდნენ, ამიტომ რომაელ სარდლებს მათი ბრძოლაში გამოყვანა აღარც კი სურდათ. სამხედრო ბანაჟის დაცვა დაევალათ მაკედონელებსა და თრაკიელებს. ცენტრს, ე. ი. რომაულ ლეგიონებს, სარდლობდა კონსული სციპიონი, მარცხენა ფლანგს — დომიციუსი, ხოლო მარჯვენას — მეფე ევმენი.

ბრძოლის ბედი დასაწყისიდანვე გადაწყვიტა მეფე ევმენის შეტევამ რომაელთა არმიის მარჯვენა ფლანგიდან. მან მსუბუქად შეიარაღებული ჯარებით, შუბოსნებით, მოისრებით და მოშურდულეებით გააფთრებული თავდასხმა მოუწყო მოწინააღმდეგის წინ ჩარაზმულ ყველაზე საშიშ ძალას, ცელებით გაწყობილ ეტლოსნებს. ევმენის ბრძანებით, მისი მეომრები, პირველ ყოვლისა, უშენდნენ უცხენებს. დაჭრილ-დაკოდილი, გაშმაგებულნი ცხოველები აირ-დაირიენენ. უგზო-უკვლოდ დაქსაქსულნი და დაფეთებულნი ისევ თავისიანთა რიგებში შეიჭრნენ და მათი საომარი წყობაც არივ-დარიეს. ჯერ ეტლოსანთა გაფანტვა-განადგურებამ პანიკა და უწესრიგობა გამოიწვია აქლემებზე ამხედრებულ არაბთა რაზმებში და სპილოებში, მერე, გაცოფებული სპილოები, ცხენები, აქლემები, პანიკით ზარდაცემული მეომრები და მცელავი ეტლები, ერთიან მასად მიაწყდა უკან მდგარ გალატიელ „კატაფრაქტებს“, რომლებმაც აღჭურვილობის სიმძიმისა და წყობის სისწირის გამო ვერ მოახერხეს მანევრირება და ამიტომ ვერც მოულოდნელად მოვარდნილ საფრთხეს გაუმკლავდნენ. სანამ „კატაფრაქტები“ გონს მოეგებოდნენ. ევმენმა რომაული კავალერიაც ჩააბა შეტევაში და სულ მალე ანტიოქეს არმიის მარცხენა ფლანგი განადგურებულ იქნა. ამავე მხრიდან ევმენმა ახალი ძალით შეუტია ანტიოქეს ძირითადი ძალების, ფლანგიტური არმიის გა-

შიველებულ ფლანგს. მაგნეზიის ბრძოლა ნამდვილი „ფლანგების ბრძოლა“ იქცა: იმ დროს, როცა ანტიოქეს მარცხენა ფლანგი ევმენის შეტევისგან ნადგურდებოდა, თვითონ ანტიოქემ თავისი მარჯვენა ფლანგი პირველხარისხოვანი კავალერიით წარმატებით დასძრა რომაელთა მარცხენა ფლანგისკენ. ამ უკანასკნელმა დაიწყო უკანდახევა და მალე გაქცევაც. უკუქცეულებმა თავშესაფარად მიამურეს სამხედრო ბანაკს, სადაც სარეზერვო ნაწილებით იდგა სამხედრო ტრიბუნი მარკუს ემილიუს ლეპიდუსი. მან სასწრაფოდ გამოიყვანა რეზერვები და, პირველ რიგში, მახვილით ხელში, წინ აღუდგა ბრძოლიდან უკუქცეულ თანამემამულეებს. მალე სარეზერვო ორი ათასი მეომარი და გამოქცეულები შეერთდნენ და მხნელ მიუბრუნდნენ წინსვლით გულმოცემულ ანტიოქეს. იმავდროულად ევმენმა ანტიოქეს წინააღმდეგ კავალერიის ნაწილით გაგზავნა თავისი ძმა ატალი. სირიის მეფემ ეს ერთადერთი წარმატებაც დაჰკარგა და დამარცხებულმა ბრძოლის ველს ზურგი აქცია. ასლა. ორივე ფლანგზე გამარჯვების შემდეგ, რომაელები მთელი ფრონტით ესწმოდნენ და ანადგურებდნენ მოწინააღმდეგეს. ანტიოქეს მეომართაგან განსაკუთრებით ბევრი დაიღუპა გაქცევის დროს. „გაქცეულთათვის უაღრესად დამღუპველი იყო თვით მათი მრავალრიცხოვნება. რადგან ბრბოებში არეულნი იყვნენ ეტლები, სპილოები და აქლემები, წესიერ წყობაზე არამც თუ ხსენება აღარ იყო, არამედ მეომრები, როგორც ბრძოლები, ერთიმეორეს ასკდებოდნენ და მრავალნი ცხოველთა ფესქვეშ იღუპებოდნენ“¹. გაქცეულები მიილტვოდნენ ბანაკში თავშესაფარად. მაგრამ რომაელებმა ანტიოქეს ბანაკიც აიღეს და ხელი მიჰყვეს მის ძარცვა-გლეჯას და ხოცვა-ჟლეტას. „რომაელებმა ორივე ფრთაზე გამარჯვებულებმა, სხეულთა ბორცვებზე (per acervos corporum)... სირბილით მიამურეს ბანაკს საძარცვავად (pergunt ad castra diripienda)... ბანაკში მოწინააღმდეგეთაგან განადგურდა კილამ მეტი, ვიდრე ბრძოლაში“².

ბრძოლა დამთავრდა. სარდში გაქცეულმა ანტიოქემ თავისი არმიის ორი მესამედი მაგნეზიის მისადგომებთან მიაზარა მიწას. 50.000 ქვეითი და 3.000 მხედარი დაჰკარგა სირიელმა გვირგვინოსანმა, 11 000 კაცი ტყვედ იგდეს რომაელებმა, ასევე მათ ხელში ჩაუვარდათ თხუთმეტი სპილო. რომაელებმა მხოლოდ 300 ქვეითი ჯარისკაცი და 24 მხედარი დაჰკარგეს. ევმენმაც რაღაც 25 მეომარი დაჰკარგა თავის პერგამოსელთაგან. ბოლოს, „გამარჯვებულები, რომლებმაც გაძარცვეს მტრის ბანაკი (direptis hostium castris), დიდი ნადავლით (cum magna praeda) დაბრუნდნენ თავიანთ ბანაკში“³.

¹ Liv. XXXVII, 43.

² *ibid.*

³ *ibid.*, 44.

ანტიოქენს ზავი ითხოვა. მისი ელჩები სციპიონების შტაბში გამო-
ცხადნენ და მოკრძალებით იკითხეს: „რა უნდა გააკეთოს მეფე ანტი-
ოქემ, რომ იგი გახდეს რომაელთა მეგობარი?“ „რით შეგვიძლია
ჩვენ, წაშალოთ მეფის შეცდომა და ვიყილოთ ზავი და პატიება გამარ-
ჯებულისაგან?“

რომაელ სარდლებს საზავო პირობები წინასწარ ჰქონდათ მოფიქ-
რებული. პუბლიუს სციპიონმა ასე ჩამოაყალიბა იგი: რომი მოითხოვს,
აღსრულდეს ის, რასაც მაგნეზიის ბრძოლამდე მოითხოვდა სირიის მე-
ფისგან. სახელდობრ, ანტიოქემ სამუდამოდ უნდა აიღოს ხელი ყველა
ევროპულ და აზიურ სამფლობელოზე „ტავრის გამოღმა“, ე. ი.
აღარასოდეს გაბედოს ბერძნული პოლისებისა და ეცირე აზიური ტე-
რიტორიების ხელყოფა; მაშასადამე, სირიის მეფე უნდა დაქმავიფილ-
დეს მხოლოდ სირიაზე მბრძანებლობით. ამას გარდა, რომაელები „უმა-
ტებენ რა ძალიან მცირეს“, მოითხოვენ: ანტიოქემ რომს ჩააბაროს
ფლოტი და სპილოები და აეკრძალოს ამიერიდან მათი ყოლა, რომის
მიერ დაწესებული რიცხვის ზევით; სირიის მეფე გადაიხდის სამხედრო
კონტრიბუციას 15.000 ევბუური ტალანტის რაოდენობით; აჭედან ხუთასს
დაუყოვნებლივ. ორიათას ხუთასს სენატისაგან ზავის რატიფიკაციის
შემდეგ, ხოლო დანარჩენ თორმეტი ათასს თორმეტი წლის განმავლო-
ბაში — ყოველ წელს ათას-ათასი ტალანტი; ანტიოქემ პერგამონის
მეფეს, ემენს უნდა გადაუხადოს ატალის დროინდელი ვალი პურისა
და ტალანტის სახით; ამავე დროს, რადგანაც „რომაელი ხალხისათვის
წმენილობა შეუძლებელია იქ, სადაც იმყოფება ჰანიბალი“, რომაელები
მოითხოვენ ჰანიბალის ჩაბარებას; რომაელთა ხელს უნდა ჩაპარ-
დნენ, აგრეთვე, სხვა „ომის გამჩაღებელნი“: ეტოლიელი თოასი, აკარ-
ნანიელი სინასილოსე, ქალკიდელი ფილონი და ევბულიდე, ბოლოს
ყველა ამ მოთხოვნათა სრულყოფითა და დროულად აღსრულების
საგარანტიოდ რომაელი სარდლობა თავისი არჩევით სირიელთაგან
აიყვანს ოც მძევალს.

ანტიოქეს, რასაკვირველია, სხვა გამოსავალი არ ჰქონდა და მო-
წინააღმდეგისაგან წაწოცხებული ეს უმძიმესი პირობები უნდა მიეღო.
ორივე მხარემ რომში ელჩები გაგზავნა ზავის სარატიფიკაციოდ. მანამ
კი რომაული არმია სირიის სამეფო ხაზინის ზარჯზე რჩებოდა აზიამი.
ანტიოქეს 3.000 ტალანტი დაუჯდა მტრის არმიების შენახვა. ამგვარად,
სელევკიდური სირია, ეს უზარმაზარი სახელმწიფო, თავისი ტერი-
ტორიალური სიდიდითა და სახელოვანი მაკედონელის მონარქიის უშუ-
ალო მემკვიდრე, ერთის დაკვრით დასცეს ძირს დასავლეთიდან შემოქ-
რილმა მძლავრმა მახვილსნებმა. სირია სამუდამოდ ჩამოშორდა
ფართო საერთაშორისო ურთიერთობის ასპარეზს. ამიერიდან უფრო
თვალსაჩინო როლს ის პოლიტიკური ერთეულები ასრულებდნენ, რომ-

ლებიც სელეკციური მონარქიის დამსხვრევის შედეგად აღმოცენდნენ აზიაში. „სიონის ომს“ მეორე უღრესად მნიშვნელოვანი მხარეც აღმოჩნდა. მაგნეზიასთან სირიელი მბრძანებლის მარცხმა ბიძგი მისცა აღმოსავლეთში ანტიელინისტური მოძრაობის დაწყებას, რასაც სელეკციურ-ელინისტური სამყაროს კატასტროფული დარღვევა მოჰყვა. იმავე მაგნეზიის ბრძოლის წელს იდროევს არტაშესმა და ზარადრემ და სელეკციურ მონარქიას სომხეთი ხელიდან გამოჰგლიჯეს. მალე ამის შემდეგ, იგივე მონარქიის აღმოსავლეთი ნაწილი ცალკე სახელმწიფოდ იქცა, პართიის სახელწოდებით. თვით ანტიოქე მესამე, ბოლოს და ბოლოს, ანტიელინისტური ტენდენციის წინააღმდეგ ბრძოლას შეეწირა მსხვერპლად.

განთავისუფლდნენ მცირე აზიის ბერძნული ქალაქები: მილეტი, სმირნა, კოლოფონი, ერითრა, კლაზომენი, ქაოსი, კიმა, ფოკეა, ღარდანი და ილიონი. ბუნებრივია, ეს იყო განთავისუფლება ანტიოქეს ბატონობისაგან, ხოლო რომაული „მფარველობის“ კალთა ფაქტიურად, რომაული სუვერენიტეტის უფლებით, იშლებოდა აზიურ-ელინურ სამყაროზედაც. მთავარი ამჯერად ის იყო, რომ ეს ქალაქები არასოდეს არ უქმნიდნენ საფრთხეს აღმოსავლეთში რომის ჩამოსახლებას და ამჟამადაც ისინი „ელევეთრიის“ აქტივ მხოლოდ მოკავშირედ ეგულებოდა რომს.

ბერძნულ ქალაქთა განთავისუფლება როდოსის თხოვნის დაკმაყოფილებაც იყო. ეს კიდევ უფრო განადიდებდა ამ სავაჭრო რესპუბლიკის ეკონომიურ წინსვლას. მაგრამ ამას გარდა, როდოსმა რომაულ-დეცემვირული კომისიისაგან მიიღო მის ახლო მდებარე მცირე-აზიური ლიკიისა და კარიის სამხრეთი ნაწილები. ე. ი. როდოსელებმა, აზიურ-ბერძნულ ქალაქებთან ეკონომიური შემჭიდროების გარდა, აზიის კონტინენტზე პოლიტიკური პლაცდარმიც გაიჩინეს. ასეთი ჯილდო როდოსს იმდენად აძლიერებდა, რომ ოდნავ საფრთხესაც ვერ უქმნიდა რომის პოლიტიკას აზიაში. პირიქით, ასეთი „სულგრძელობით“ და „დიდსულოვნებით“ როდოსი რომის პოლიტიკურ ზრახვათა თანამესანგრედ ჩაითვლებოდა აღმოსავლეთში.

რომმა განსაკუთრებული ერთგულებისათვის — საგანგებოდ დააჯილდოვა მეფე ევმენი. პერგამოსის სამეფოს შეუერთდა ხერსონესი და ლისიმახია ევროპაში, ხოლო აზიაში მთელი ფრიგია, ლიდია, ეფესო და ლიკია-კარიის ჩრდილოეთი ნაწილები. ამას გარდა, ანტიოქეს დაეკისრა ევმენისათვის გადაეხადა ძველი მამა-პაპეული ვალი 350 ტალანტის რაოდენობით და ახალი კონტრიბუცია 127 ტალანტის ოდენობით. აგრეთვე, დამარცხებულ სირიელს პერგამოსელი-სათვის უნდა გადაეცა სპილოები, სამეფო ტყეები და სხვ. ამგვარად, მაგნეზიის ბრძოლის შედეგებიდან ყველაზე მეტი პერგამო-

სის მეფეს ერგო. ევმენს შეეძლო ატალიდთაგან თავი ყველაზე სე-
ბედნიერ და მორკმულ მპყრობელად ჩაეთვალა. რომმა პერგამოსის
გაძლიერებით აღმოსავლეთში, აზიაში, საკუთარი საყრდენი გააძლი-
ერა. ამიერიდან რომისათვის პერგამოსი იგივე შეიქნა აზიაში, რაც
მისთვის ნუმიდია იყო აფრიკაში¹. მაშასადამე, პერგამოსი აღმოსავ-
ლეთში ყველაზე ძლიერ პოლიტიკურ ერთეულად იქცა, მაგრამ მისი
გაძლიერება მაინც არ მისულა იმ საზღვრებამდე, რომლის იქით იგი
საფრთხეს შეუქმნიდა რომის ექსპანსიას. პირიქით, პერგამოსის „ზო-
მიერი გაძლიერება“ თვით რომის ინტერესთა განხორციელებას ემ-
სახურებოდა აღმოსავლეთში.

ასეთი იყო „აღმოსავლური ზავი“, რომელიც საბოლოოდ გაფორ-
მებული, 168 წელს სახეიმოდ გამოცხადდა ქალაქ აპამეაში.

პირველი დიდი აზიური ლაშქრობით მოპოვებული დიდი გაწარ-
ჩეება მსოფლიოს მბრძანებლებმა ლუციუს სციპიონ „აზიელის“ დი-
დებული ტრიუმფით დაასრულეს; ფორუმ რომანიუმში ველარ იტევ-
და აზიიდან ჩამოტანილ პირველ დიდ ნაძარცვ-ნაალაფარს:

„სახეიმო სელის დროს მოჰქონდათ სამხედრო ნიშნები 234: ქა-
ლაქთა გამოხატულებანი 134; სპილოს ეშვები 1.231; ოქროს გვარ-
გვინები 234; ვერცხლი წონით 137.420 გირვანქა; ატიკური ტეტრად-
რაქმა 224.000; ცისტოფორები 331.700; ფილიპეს ოქროს მონეტა
140.000; ვერცხლის ვაზები (სულ ნაირსახოვანი სამკაულებით) წო-
ნით 1.424 გირვანქა; ოქროს ვაზები (წონით) 1.024 გირვანქა; (ტრი-
უმფატორის) ეტლის წინ მოჰყავდათ მეფის სარდლები, პრეფექტები
და პორფირის ტარების უფლების მქონე სხვა პირები, სულ 32. მე-
ომრებს დაურიგდათ, თითოეულს 25 დენარიუსი, ორმაგად ცენტური-
ონს; სამმაგად მხედარს; ტრიუმფის შემდეგ მათ მიიღეს ჯამაგირი
მთლიანად და პური ორმაგად. აზიაში ომის შემდეგ გაცემული იქნა,
აგრეთვე, ორმაგი ხელფასი“².

მალე აზიურ ნადავლს მიემატა საბერძნეთიდან ჩამოტანილი ნა-
ალაფარი. კონსულ მარკუს ფულვიუს ნობილიორის ტრიუმფზე მოჰ-
ქონდათ:

„ოქროს გვირგვინები (წონით) 112 გირვანქა; ვერცხლი 83.000
გირვანქა; ოქრო (ზოდებად) 243 გირვანქა; ატიკური ტეტრადრაქმა
118.000; ფილიპეს მონეტები (ოქროს) 12.422; ბრინჯაოს ქანდაკე-
ბანი 285, მარმარილოს (ქანდაკებანი) 230; აურაცხელი იარაღი, —
როგორც თავდაცვითი, ისე შეტევითი, — და ასევე აურაცხელი სხვა
სახის ნადავლი; შემდეგ: კატაპულტები, ბალისტები, ყოველნაირი
საალყო მანქანები; მოჰყავდათ მტერთა ბელადები, ზოგი ეტოლი-

¹ Liv. XXXVIII, 59.

² ibid.

ვლები, ზოგი კეფალენიელები, ზოგიც მეფისა, ანტიოქესგან მიტოვე-
ხულნი, — სულ 27; ამ დღეს მ. ფულვიუსმა ჯერ კიდევ ქალაქში
შესვლამდე, ფლამინიუსის ცირკში, დაურიგა: ტრიბუნებს, პრეფექ-
ტებს. მხედრებს და რომაელ და მოკავშირე ასმეთაურებს სამხედრო
საჩუქრები. ნადავლიდან მეომრებს დაურიგა. თითოეულს 25 დენა-
რიუსი, ორმაგად ცენტურიონს და სამმაგად მხედარს¹.

ბალკანურ სიმიდირეს კვლავ აზიური ფუფუნება მოჰყვა. ახლა
კონსული გნეუს მანლიუსი მოდიოდა აზიაში ნაძარცვ-ნატყვევებით:

„თავისი საზვიამო სელის დროს გნეუს მანლიუსმა შემოიტანა ოქ-
როს გვირგვინები (წონით) 212 გირვანქა; ვერცხლი წონით 229.000;
ოქრო (ზოდებად) 2.103 გირვანქა; ატიკური ტეტრადრაქმები 127.000;
ფილიპეს ოქროს მონეტები 16.329; მრავალი კელტური შეიარაღება
და ყოველნაირი ნადავლი შემოტანილი იქნა საზიდრებით. ცისტო-
ფორები მოჰქონდათ 250.200. (ტრიუმფატორის) ეტლის წინ მოჰყავ-
დათ მტრის ბელადები, სულ 52; თითოეულ მეომარს დაურიგდა 42
დენარიუსი. ასმეთაურს — ორმაგად; ამას გარდა, მრავალმა მეომარ-
მა, სხვადასხვა განაყოფიდან, მიიღო სამხედრო ჯილდო...“²

მანლიუსის მიერ აზიიდან ჩამოტანილი ფინანსებით რომის ხე-
ლისუფლებამ ადვილად მოახერხა მოქალაქეთათვის დაებრუნებინა
ტრიბუტუმი (tributum) ძალდატანებითი სესხი, რომელსაც სენატი
ხალხისგან ღებულობდა რაიმე დიდი ღონისძიების განსახორციელებ-
ლად.

თუ მანამდე რომის სახელმწიფოს მუდმივი ბიუჯეტი არ ჰქონდა
და იბუღებული იყო მოსახლეობისაგან სესხი აელო, ახლა, აღმოსავ-
ლეთიდან ჩამოტანილი აურაცხელი სიმდიდრის სახით, მას საშუალება
ეძლეოდა, მუდმივი სახელმწიფო ბიუჯეტით, ნაკლებ დამოკიდებუ-
ლი ყოფილიყო მტრულად განწყობილი populus-ისაგან.

პირველი აზიური ლაშქრობის წარმატებით დასრულებას შედეგად
ისიც მოჰყვა, რომ აღმოსავლეთში ფულადი მეურნეობისა და ფულ-
წარმოების მთლიანი ბატონ-პატრონი რომაელები გახდნენ; მაგალი-
თად, საბერძნეთში ამიერიდან ოქროს მონეტის გამოშვება მთლიანად
შეწყდა და ეს საქმე მხოლოდ რომაელ სარდალთა პრივილეგიად
იქცა.

აზიაში მორალური რომაელმა ჯარისკაცებმა ახალი სული. სიმ-
დიდრე და ფუფუნებითი ცხოვრების წესები ჩამოიტანეს რომში.
ლივიუსი წერს:

„აქამდე ჩვენთვის უცხო ფუფუნების შეპრა ქალაქში იწყება აზი-
ური ჯარის ჩამოსვლით. ამ დროს პირველად მოიტანეს რომში ბრინ-
ჯათი მორთული საწოლები, ძვირფასი საფენები, ფარდები და სხვა

¹ Liv. XXXIX, 5.

² იქვე, 7.

ქსოვილ-საგები და იმ დროისათვის მხოლოდ უმდიდრეს ადამიანთა სახლ-კარის შესაფერისი მაგიდები (ერთ ფეხზე) და ბუფეტები. ამიერიდან სანადიმო ტკბილსიამობა კიდევ უფრო იზრდებოდა მომღერლების, არფისტებისა და მეფოკუსეების მეშვეობით. თვით ნადიმთა მოსაწყობად დაიწყეს გაცილებით მეტი ხარჯების გამოყოფა, ვიდრე ეს ადრე იყო“. მაგრამ ეს ჯერ თითქმის არაფერი იყო იმ აურაცხელ სიმდიდრესთან და ფუფუნებით ცხოვრებასთან, რაც ამიერიდან უნდა დაძრულიყო აღმოსავლეთიდან, განსაკუთრებით, აზიიდან.

თ ა ვ ი მ ა ო თ ხ ი

რომაული „ვიჩანის“ დასაწყისი და აღმოსავლეთის საკითხი

რომის (სოფლიო მბრძანებლობის გრანდიოზული შენობა ახლაც) სუთ დიდ ბოძს ეყრდნობოდა: იტალია, ესპანეთი, კართაგენული აფრიკა, ბერძნულ-მაკედონური ბალკანეთი და დასავლეთი აზია. ამათგან, პირველის (იტალიის) გამოკლებით, რომის მსოფლიოზე გაბატონების ყველა საძირკვლის ჩაყრა, ძირითადად კორნელიუსების სციპიონური შტოს სახელთანაა დაკავშირებული. განსაკუთრებით, ძვ. წ. 260 წლიდან მოკიდებული, რომის სამოქალაქო და სამხედრო ხელისუფლებაში თითქმის ყოველთვის სციპიონები დომინანტობენ. თუნდაც, მარტო კონსულები ჩამოვთვალოთ:

გნეუს კორნელიუს სციპიონ აზინა — ებრძოდა კართაგენელებს პირველ პუნიკურ ომში; კონსული 260 წელს.

პუბლიუს კორნელიუს სციპიონი — დაიმორჩილა სარდინია და კორსიკა, კონსული 259 წელს.

პუბლიუს კორნელიუს სციპიონი — პირველი რომაელი სარდალი, რომელიც შეხვდა ჰანიბალს; კონსული 218 წელს.

პუბლიუს კორნელიუს სციპიონ აფრიკელი — ჰანიბალის მძლეველი.

ლუციუს კორნელიუს სციპიონ აზიელი — მთავარსარდალი „სირიის ომში“, კონსული 190 წელს.

ამას გარდა, სციპიონთა საგვარეულოს წარმომადგენელნი მრავალგზისი მფლობელნი არიან პრეტორობისა, ქვესტორობისა, ედილობისა, ცენზორობისა და სხვა მაგისტრატურებისა. თითქმის ორასწლოვანმა ისტორიამ სციპიონების გვარს რომში დაუმკვიდრა „მამამთავრობისა“ და „ქეგემონობის“ რეპუტაცია. სციპიონების საგვარეულოს ასეთი პოსტულატური სახელმწიფოებრივი მეთაურობა, დამყარებული დიდ ეკონომიურ, პოლიტიკურ და მორალურ სიძლიერეზე

და მრავალრიცხოვან კლიენტელაზე, თითქმის ყველა ძირითად პრინციპში ეწინააღმდეგებოდა რომის ოლიგარქიულ-რესპუბლიკურ კონსტიტუციას. ამიტომ „რესპუბლიკელები“ რომელიმე ერთი რჩეული გვარისა თუ პიროვნების „გამორჩევას“, აღზევებას, — მით უფრო, „ზეალზევებას, — მამამთავრობასა და ჰეგემონიას კი არა, — უბრალოდ. ძალდატანებით დიქტატორობას, ანუ „ტირანიას“ უწოდებდნენ და თავგამოდებით ებრძოდნენ მას.

სციპიონური გვარის „ტირანობის“ ფონზე განსაკუთრებული სიმკვეთრით მოსჩანდა პირველკაცობა პუბლიუს კორნელიუს სციპიონ აფრიკელისა, იმ ერთადერთი სციპიონისა, რომლის სახელთანაც დაკავშირებულია ესპანეთის, კართაგენისა და აზიის დაჩოქება მგლის ღერბის წინაშე.

რესპუბლიკური კონსტიტუციის მიხედვით ედილის თანამდებობაზე კაცი ვერ გავიღოდა, თუ მას 43 წლის ასაკისათვის არ მიუღწევია: ხოლო 25 წლის სციპიონი უკვე კონსულის რწმუნებებით აღკურვლილი გაეშურა ესპანეთის დასამორჩილებლად (211 წ.).

რესპუბლიკური კონსტიტუციის მიხედვით შეუძლებელი იყო ყოველწლიურად ერთი და იგივე კაცი ყოფილიყო უმაღლესი მაგისტრატურის პოსტზე — შუალედი უნდა ყოფილიყო არა ნაკლები ათი წლის ხანგრძლივობით; სციპიონი კი ჯერ ხუთი წელი განუწყვეტილად, შეუცვლელი პროკონსულის უფლებებით მთავარსარდლობდა რომაულ არმიებს და განაგებდა მთელი პირენეის ბედ-იღბალს. უფრო მეტიც, 205 წელს მისი ხუთწლოვანი პროკონსულობა უფრო მაღალი პოსტით, კონსულობით შეიცვალა, ხოლო მომდევნო ოთხი წელი, მეორე პუნიკური ომის დასასრულამდე, ისევ პროკონსულობით გაგრძელდა. ე. ი. მანამდე არნახული და არგაგონილი ამბავი მოხდა რომის რესპუბლიკის ისტორიაში: ათწლოვანი შეუცვლელი და უწყვეტი „ტირანობა“ ერთი კაცისა, თუნდაც კაცი იგი იყოს სციპიონი, მძლეველი კართაგენისა და ჰანიბალისა.

მაგრამ სციპიონის ეს „პერმანენტული ტირანია“ კვლავ გრძელდებოდა. 199 წელს იგი არის ცენზორი, ხოლო 194 წელს სციპიონი ისევ კონსულად აირჩიეს. იმავე დროს, 199 წლიდან ის არის princeps senatus, მაშასადამე იმავდროულად princeps civitatis — პირველი კაცი მთელს სახელმწიფოში.

ბოლოს, ყველაფერ ამას მოჰყვა სციპიონის ნომინალური ლეგატობა და ფაქტიური მთავარსარდლობა აზიის წინააღმდეგ პირველ ლაშქრობაში.

თვით სციპიონი ახალგაზრდობის წლებიდანვე ცდილობდა, მისი ნიჭი და უნარი ხალხის თვალში „ღვთისაგან გადმოვლენილ“ ბუნებად აღიარებულიყო. იგი „განცვიფრებას იწვევდა არამარტო იმ დი-

დი თვისებებით, რომელთაც მართლა ფლობდა, არამედ იმითაც, რომ ქაბუჯობის აღრიან წლებიდანვე შეეძლო საოცარი ხელოვნებით ეჩვევებინა ისინი (თავისი „დიდი თვისებები“, ლ. ს.). ჰქონდა რა საქმე უბრალო ხალხთან, იგი ვითომ მოქმედებდა ხან ღამეული მოჩვენებებით, ხან ზეციდან შთაგონებით... ამას იმისთვის ამბობდა, რომ მისი ბრძანებები, როგორც ორაკულისგან შთაგონებულნი, დაუყოვნებლივ შესრულდებოდა. წინასწარ შეაჩვია მოქალაქენი ყველაფერ ამას, და როგორც კი სციპიონმა მომწიფებული კაცის ტოგა წამოიხსა, ყოველ დღე, როგორც პირადი, ასევე საზოგადოებრივი საქმის დაწყების წინ, მიდიოდა კაპიტოლიუმზე, იუპიტერის ტაძარში და იქ ეძლეოდა ხანგრძლივ, მდუმარე მკვრეტელობას. ეს ბუნებრივი თუ განგებისი ჩვევა სციპიონს გაჰყვა მთელი მისი სიცოცხლის მანძილზე, და იგი ბევრისთვის წარმოდგენდა დამტკიცებას ხალხში გავრცელებული ხმის შესახებ — თითქოს სციპიონი ღვთაებრივი წარმოშობისაა!¹ სციპიონზე უკვე ვრცელდებოდა ლეგენდები და ზღაპრები მსგავსად „ღვთის ძე“ ალექსანდრე მაკედონელისა. „ღვთაებრივი ქაბუჯი“ მოხერხებული, მრავლისმეტყველი პოზიორობით ცდილობდა განემტკიცებინა მისი „გამაღმერთებელი“ წარმოდგენანი. „თვით სციპიონი არ ცდილობდა უარეყო ეს ხმები — არც უარყოფდა და არც ადასტურებდა; მას შეეძლო ისე ორაზროვნად ეთქვა, რომ კიდევ უფრო გაეძლიერებინა რწმენა ამ ხმების („ღვთაებრიობის“) შესახებ“². ანდა, ხშირად, არამცთუ „ორაზროვნად“ სდუმდა, არამედ თავის ჯარებს შთააგონებდა რწმენას, რომ თითქოს ყველა მისი გეგმა ყალიბდება ღვთაებრივი აღმაფრენის მონაწილეობით“³.

პარალელურად სციპიონის „ღვთაებრივი ტირანობისა“, უეჭველად მისი დიდი გავლენიანობისა და ისევე „ღვთაებრიობის“ ხელშეწყობით, 202 წლიდან 192 წლამდე, ე. ი. ათი წლის განმავლობაში, კორნელიუსების საგვარეულოს წარმომადგენლებს შვიდჯერ ეკირათ კონსულის პოსტი.

რასაკვირველია, ერთი გვარის ან ერთი პიროვნების „განსაკუთრებულობა“ სახელმწიფოში უაღრესად მტრულ რეაგირებას გამოიწვევდა „რესპუბლიკის“ დამცველთა შორის, რომელთა დასაყრდენს სენატი წარმოადგენდა.

თვითონ სციპიონი ანგარიშს არ უწევდა სენატორ-„რესპუბლიკელთა“ უქმყოფილებას. რაც ჯერ კიდევ აშკარა ბრძოლაში არ დაზარდილიყო. ტიტე ლავიუსს მოყვანილი აქვს ერთი შემთხვევა.

¹ Liv. XXVI, 10.

² ibid.

³ Polyb. X, 2.

როცა სციპიონი შეეცადა კიდევ, „პატივი ეცა“ სენატორთათვის. ეს იყო სციპიონის ბოლო კონსულობის დროს (194 წ.):

კონსულმა ცირკში ჩვეულებრივი სანახაობა (circenses) მოუწყო ხალხს. მაგრამ „არაჩვეულებრივი“ აქ ის იყო, რომ სენატორები განსაკუთრებულ ადგილებზე, „ლოკებში“ მოთავსდნენ. „პირველად უცქერდნენ (სანახაობას) სენატორები ხალხისაგან გამოცალკევებული ადგილებიდან“¹. მაშასადამე, სციპიონს სურდა თავისი „განსაკუთრებულობა“ სახელმწიფოში გამოეხატა „განსაკუთრებული პატივისცემით“ სენატისადმი. რასაკვირველია, „ტირანის“ ასეთი უბრალო, არაფრისმთქმელ, თითქმის ცინიკურ რეჟერანსს არ შეეძლო ზავი ჩამოეგდო „ოლიგარქიასა“ და „მონარქიას“ შორის.

პირიქით, სენატს შეეძლო სციპიონის ეს „ღონისძიება“ დემაგოგიურ და პროვოკაციულ ნაბიჯადაც მოენათლა. ამის საბუთი ჰქონდათ სენატორებს, რადგან ხალხი უკმაყოფილებითა და აღშფოთებით შეხვდა ცირკში მათდამი „განსაკუთრებულ პატივისცემას“: „ეს, ისე როგორც ყოველგვარი სიახლე, დიდი მითქმა-მოთქმის საბაბი შეიქნა. ერთი ამბობდნენ, რომ სახელმწიფოს უმნიშვნელოვანეს წოდებას მიაგეს დიდი პატივი, რაც მას დიდი ხანია ეკუთვნის. ხოლო მეორენი მსჯელობდნენ: სენატორთა მნიშვნელობის ყოველნაირი ამაღლება ზიანს აყენებს ხალხის ღირსებას, და ყოველგვარი წარჩინება, რაც იწვევს წოდებათა მკვეთრ გამოჯენას, შედეგად მოიტანს თავისუფლების, თანასწორობისა და ურთიერთშორის თანხმობის შემცირებას. როგორ, განა, ხუთას ორმოცდათვრამეტი წლის განმავლობაში ყველა მოქალაქე ერთად არ უცქერდა სანახაობას; რა მოხდა ასე ერთბაშად, რომ სენატორებს აღარ მოუსურვებიათ ხალხთან ერთობა? რისთვის იგდებს აბუჩად მდიდარი ღარიბს? გაუგონარია ახირებულობა თავხედობისა, როგორიც აქამდე არ გამოუჩენია არცერთი ხალხის არცერთ სენატს!“².

ასე, რომ სციპიონმა ნებსით, თუ უნებლიეთ გააღვიძა თითქმის მწყურჩებული სოციალური ტკივილები, რაც საუკუნეების მანძილზე მოსდევდა რომს არისტოკრატისა და პლებს შორის ბრძოლის სახით. სენატს შეეძლო სციპიონისათვის, უკანონო და ერთპიროვნული დიქტატურისა და „ტირანიისკენ“ ლტოლვის გარდა, პროვოკატორობაც დაეწამებინა. ამით, ალბათ, მას სურს, ააჯანყოს ხალხი სენატის წინააღმდეგ, იმ სენატისა, რომელიც არვის ნებას არ აძლევს, „ტირანობის“ სურვილით ხელჰყოს რესპუბლიკური კონსტიტუციის სიწმინდე!

სციპიონმა იხანა. „მისი კონსულობის ყამს მომხდარ ამ ღონისძი-

¹ Liv. XXXIV, 54.

² იქვე.

ების გამო ნანობდა¹. მას ერჩივნა ხალხი არ გადაეკიდებინა. პირი-
ქით, თუ შესძლებდა, ხალხი უნდა აემხედრებინა სენატის წინააღმ-
დეგ. მაგრამ საომარ სიმამაცესა და სიჩაუქეში სწორუბოვარ მხედართ-
მთავარს ხალხის ეშინოდა, — იმ ხალხისა, რომლის მეოხებითაც მან
მოიპოვა corona triumphalis პანიბალის სამშობლოზე გამარჯვებისათ-
ვის. ხალხის ბელადი არ შეიძლება გამხდარიყო ის, ვინც „ტირანიისკენ“
შიისწრაფოდა და ვის თვალშიც ხალხი იყო არა populus, არამედ
vsus. სციპიონს უნდა ეგონო, რომ ჯერ ნაადრევი იყო ერთპიროფ-
ნულ დიქტატურაზე ფიქრი და ბრძოლა. რესპუბლიკა ჯერ კიდევ
მტკიცე ფეხზე იდგა. ამიტომ სციპიონს თავისი „სციპიონობით“ მხო-
ლოდ ის შეეძლო, რომ ერთპიროვნული დიქტატურის პრეცედენტუ-
ლი აჩრდილი აღემართა, — აჩრდილი, რომელსაც მომდევნო ხანაში.
რესპუბლიკის რყევისა და რღვევის ხანაში, ხორცი უნდა შესხმოდა
სულლების, მარიუსების, პომპეუსების, კეისრებისა და სხვა მსგავსთა
სახით.

ამიტომ სციპიონს ბრძოლა ინერტულ, პასიურ ფორმაში უნდა მა-
ცდო. მისმა პოლიტიკურმა მოწინააღმდეგეებმა კი აქტიური შეტევით
შეუტეეს „დიქტატურის აჩრდილს“.

ჩვენთვის საინტერესო ის არის, რომ ოლიგარქიული „რესპუბლი-
კის“ ბრძოლის დასაწყისი ერთპიროვნული ხელისუფლებისკენ
ლტოლის წინააღმდეგ „აღმოსავლურ საკითხებს“ დაუკავ-
შირდა. ბრძოლის იდეოლოგიური მამამთავარი იყო მარკუს პორცი-
უს კატონი, სასულგანთქმული რიგორისტი-დამცველი ტრადიციულ-
რესპუბლიკურ პრინციპთა სიწმინდისა და ხელუხლებლობისა.

კატონმა „სციპიონური ტენდენციების“ წინააღმდეგ ბრძოლა უფ-
რო ფართო მნიშვნელობის ამბებს დაუკავშირა. სახელდობრ, იგუ-
სციპიონის „თავგასულობის“ მიზეზებს უცხოეთიდან შემოჭრილ იდე-
ოლოგიურ და ზნე-ჩვეულებრივ მოვლენებში ეძებდა.

„უცხოურ ნაკადთა“ შემოჭრა პროდუქტი იყო რომის ფართო, აქ-
ტიური საგარეო პოლიტიკის წარმოებისა, რის შედეგად რომის სუ-
ლიერი ცხოვრება გასცდა ვიწრო ქალაქ-სახელმწიფოებრივ (პოლი-
სურ) საზღვრებს და პატრიარქალური კარჩაკეტილობიდან თავდახ-
სნილი, ხარბად დაეწაფა მეზობელ ხალხთა კულტურულ მემკვიდ-
რეობას.

ეს უკანასკნელნი კი რომში სწორედ აღმოსავლეთიდან მოემარ-
თებოდნენ.

აღმოსავლეთიდან შემოსულ ბერძნულ კულტურაზე ზიარება ცაებ-
ცხელებად იქცა რომში. ბერძნული ენის, ლიტერატურის, ფილოსო-
ფიისა და ხელოვნების შესწავლა მოდად იქცა. რომაელი მწერლები,

¹ Liv. XXXIV, 54.

ისტორიკოსები (მაგალითად, ფაბიუს პიქტორი და ცინცინიუს ალიმენ-ტუსი) თავიანთ თხზულებებს ბერძნულ ენაზე წერენ. მაღალ კულტურულ წრეებში ჩამორჩენილობად ითვლებოდა ლათინურ ენაზე საუბარი და მსჯელობა, ორატორობა. მოწინავე, მოღვაწე რომაელები თავიანთ მოწინავეობას პარველ რიგში ელინოფილობაში ხედავდნენ. მაგალითისათვის მოვიგონოთ თუნდაც ამ მხრივ ტიპური ტიტე კვინტიუს ფლამინიუსი, რომელიც საბერძნეთის „ელევეთერიის“ დროშით ჩავიდა ბალკანეთზე სამარად.

მეორე დიდი „აღმოსავლური ნაკადი“. რომელმაც ძირფესვიანი ცვლილებები გამოიწვია რომის ეკონომიურ, სოციალურ და შორალურ ცხოვრებაში, იყო სიმდიდრისა და ფუფუნების მოხვეჭისაკენ ლტოლვა. აღმოსავლეთის ქვეყნებთან სამხედრო-პოლიტიკურმა ურთიერთობამ, — რასაც მიზეზად და შედეგად ახალი სეაპრო გზების, ბაზრების და მონათა კონტიგენტების მოპოვება ახლდა, — საესებით შესცვალა რომაელი მოქალაქის უბრალო, მარტივი, პატრიარქალური ცხოვრება. ცინცინატებისა და რეგულუსების ატრიუმები, სადაც „ობობა თავის აბლაბუდას ქსოვდა“, ახლა აღმოსავლური ბრწყინვალეობით, ძვირფასი ნივთებით და ოქრო-ვერცხლით ივსებოდა. შორს აღარ იყო ის დრო, როცა რომშიც უნდა თქმულიყო თეოგნიდესეული ფორმულა: „ფული, ფული — კაცი“.

ამ დროისათვის ძალიან სიმპტომატურია ერთი ფაქტი, რომელიც ტიტე ლივიუსთანაა დაცული.

195 წელს. მარკუს პორციუს კატონის კონსულობის დროს. სახალხო ტრიბუნებმა, მ. ფუნდანიუსმა და ლ. ვალერიუსმა, კომიციას წარუდგინეს კანონპროექტი ოცი წლის წინათ მიღებული ე. წ. ოპიუსის კანონის გაუქმების შესახებ. ოპიუსის კანონი კი ითვალისწინებდა: „არც-ერთ ქალს არ უნდა ჰქონდეს ნახევარ უნციანზე მეტი ოქრო. მას არც ფერადი კაბა უნდა ეცვას, არც ეტლით უნდა დასეირნობდეს ქალაქსა და მის გარეუბნებში, ათასი ნაბიჯის გარშემო“...¹ ე. ი. ეს იყო კანონი ქალთა ფუფუნებითი ცხოვრების შეზღუდვის შესახებ. იგი თათქოს იცავდა რომაელი ქალის სადა, მარტივ, „უბიწო“ ცხოვრებას. ტრიბუნები ახლა ამ კანონის გაუქმებას აპირებდნენ, — ე. ი. ლაგამს ხსნიდნენ რომში აღმოსავლური ფუფუნებით ცხოვრების ერთ მხარეს. ყველამ იცოდა, რომ ძვირფას ეტლში ჩამჯდარი, ძვირფასი სამკაულებითა და ოქრო-ვერცხლით ხელ-კისერ დატვირთული ქალი აზიელი პეწენიკი ქალბატონი უნდა ყოფილიყო და არა ლუკრეცი-სებრი მატრონა.

უცნაური ამბები ხდებოდა რომის პოლიტიკურ და მორალურ ცხოვრებაში: სახალხო კრების დღეებში, როცა ოპიუსის კანონის

¹ Liv. XXXIV, 1.

გაუქმების საკითხი დადგა, რომის მოედნები და ქუჩები ქალებით ივსებოდა და იკედებოდა. ისინი მოითხოვდნენ ხმა მიეცათ „ძათო შემსლუღველი“ კანონის გასაუქმებლად. ასეთმა უჩვეულო ამბავმა საშინლად აღაშფოთა კონსული კატონი, რომელიც მკაცრი სიტყვით გამოვიდა სახალსო კრებაზე ოპიუსის კანონის დასაცავად.

მარკუს პორციუს კატონი სწორედ იმ კონსერვატიულ-რიგორისტული სულისკვეთებით გამსქვალულ „რესპუბლიკელთა“ სათავეში იდგა, რომლებიც თავგამოდებით ებრძოდნენ ყოველგვარ „უცხოურ ნაკადთა“ შემოქრას რომში. კატონი და მისი მიმდევარნი მტკიცედ მოითხოვდნენ „უცხო-ბარბაროსული“ იდეალებისა და ზნეობის უარყოფას და ძველი პატრიარქალური ცხოვრების აღდგენას. ისინი „ბარბაროსულს“ უწოდებდნენ ბერძნულსაც, როცა თვით ეს ტერმინი, სხვა მრავალთა გვერდით, ბერძნული ლექსიკიდან ჰქონდათ ნასესხები... სწორედ კატონის იდეალი იყო ძველ-რომაული ატრიუმის, რომლის კუთხეებშიც „ობობა თავის ქსელს ქსოვდა“. მისი ცხოვრებისეული ფილოსოფია მარტივ რომაულ აგრეკოლობას დასტრიალებდა და მასზე აღმოსავლური ბრწყინვალეების იერიშებს გააფთრებული კონტრიერიშებით იგერიებდა. მისი უბრალო, „ხელმოკლე“, პატრიარქალური ცხოვრების შესახებ ლეგენდები დადიოდა უკვე აღმოსავლური ფუფუნებით დატყვევებულ რომში. იგი ბოლოკის კერძით კმაყოფილდებოდა და კარს მომდგარ მაცდუნებელ „კვერთხსა ეშმაკის ძირისას“ ასეთი სენტენციით იგერიებდა: მე მიჩრჩენია, ვამარცხებდე ოქროს მფლობელებს, ვიდრე თვით ვფლობდე ოქროს. იგი „მისდევდა რა წინაპართა მაგალითს, საკუთარი ხელით შრომობდა; სიამოვნებით კმაყოფილდებოდა მარტივი სადილით, ცივი საუზმით, იაფფასიანი ტანსაცმლით, უბრალო საცხოვრებლით“. იგი აღშფოთებული იყო, რომ რომის „სანელმწიფოს, ასე გაზრდილსა და განმტკიცებულს, უკვე აღარ ჰქონდა წინანდელი სიწმინდე და, მოიპოვებდა რა ძალაუფლებას მრავალ სხვადასხვა ქვეყანაზე და ხალხზე, ამასთან ღებულობდა მრავალ ნაირსახოვანებას და ითვისებდა ყოველნაირ საყოფაცხოვრებო წეს-ჩვეულებებს“. კატონი თავგამოდებით ცდილობდა „ჰკუაზე მოეყვანა („solvitronismo“) თავისი თანამემამულენი და, ფუფუნებისა და სინებვირისათვის თავი წარეკვთა, ვითარცა პიდრასათვის“ („ten triphen kai malacian hosper temnon“)¹.

აი. ახლა კონსული კატონი ტრაბუნაზე იდგა და მრისხანე საყვედურებით ავსებდა „მსოფლიო მბრძანებლებს“, რომლებმაც სძლიეს ყველას, ვინც გაბედა წინ გადასდგომოდა „მგლის ნაშიერთა გამსოფლიობას“. მათ დაამარცხეს და დაიმორჩილეს მთელი იტალია, გა-

¹ Plut. Calo. M., 2.

ლია, ესპანეთი და საშინელთა შორის უსაშინელესი ჰანბალ ბარკ და მისი წყეული სამშობლო კართაგენი. „კეთილშობილური რესპუბლიკის“ დამკველი თავგამოდებით ცდილობდა „ქუაზე მოეყენა“ ხალხი, რომელიც მსოფლიოზე ბატონობდა, მაგრამ რომელზეც დედაკაცები გაბატონებულიყვნენ. მისი გრძელი სიტყვიდან განსაკუთრებულ ყურადღებას იპყრობს ეს ადგილი:

„ჩვენი საზოგადოება ორი, ერთი მეორის საწინააღმდეგო მანკიერების მსხვერპლი გახდა, — ანგარებისა და ფუფუნებისა, ხოლო ეს საშინელი სნეულებანი ყოველთვის წარმოადგენდნენ ყველა დიდ სახელმწიფოთა დაღუპვის მიზეზს. სწორედ იმის გამო, რომ ბედ უფრო და უფრო ჩვენს სამშობლოს უღიმის. მისი ძალაუფლება უფრო და უფრო იზრდება, ჩვენ უკვე გადავედით საბერძნეთსა და აზიას, — ქვეყნებში, რომლებიც საგსეა ყოველგვარ გარყვნილებათ. ცდუნებებით. უკვე ხელს ვუწვდით მეფეთა საგანძურებს, — (ყოველივე ამის გამო) მე მეშინია, ჩვენ არ დავეუფლოთ ამ (მაცდუნებელ) საგნებს, ხოლო ისინი ჩვენ (არ დაგვეუფლონ). დამერწმუნე მე, — ჩვენი ქალაქისათვის მტრული საგნებია მასში შემოტანილი, ხელოვნების ძეგლები სირაკუზიდან. მე უკვე ძალიან ბევრისაგან მესმის, როგორი გაცეებითა და ქება-დიდებათ აღამაღლებენ კორინთულ და ათენურ სამკაულებს. ასეთი ხალხისთვის უკვე დაცინვის საგანს წარმოადგენენ თიხის ჭურჭლეული, რომლებიც რომის ღმერთთა წინაშე დგანან“¹.

მამასადანე, სიმდიდრე, ფუფუნება, ანგარება, და მათი მსგავს ყველა სხვა „საშინელი ავადმყოფობა“ აღმოსავლეთიდან მოდის, საბერძნეთისა და აზიის ქვეყნებიდან, რომლებიც სავსენი არიან „ყოველგვარ გარყვნილებათა ცდუნებებისაგან“ და არა მარტო „ადამიანთა მკამელი მეფეების (demoboros basileus)“ საჭურჭლეები და საგანძურები, არამედ ამ ქვეყნების ხელოვნების ძვირფასი ძეგლებიც კი რომაული ტრადიციული ზნეობისათვის „საშიშ სენად“ არის მიჩნეული, კატონი თანამემამულეებს ჩასჩიჩინებდა, რომ „რომაელები თავის სიძლიერეს დაღუპავენ ბერძნული სწავლულობის სენით“².

მაგრამ კატონის ხმა გაისმა „სმად მლაღაღებლისა უდაბნოსა შინა“. ქალთა ფუფუნების აღმკვეთი კანონი გააუქმეს. კატონი უნდო მიმხვდარიყო, რომ რომაულ ატრიუმში ობობამ სამუდამოდ დაუთმო კერი აღმოსავლური ფუფუნებას ჩახჩახს. ცინცინატური რომი მოკვდა და საფლავში თან ჩაიყოლა დრო, როცა სახელმწიფოს მეთაურებს პირდაპირ „გუთნიდან (cum ab aratro)“ ირჩევდნენ“³. რომი

¹ Liv. XXXIV, 4.

² Plut. Cato. M. 23.

³ Cic. Pro Rostio Amerino, XVIII, 50.

უკვე ძვალსა და რბილში, სისხლსა და ტვინში ჩადგმოდა „აღმოსავლური სნეულებანი“. კატონი თვითონ ჩაეარდნილიყო წინააღმდეგობათა ხლართებში. იგი მხარს უჭერდა აქტიური საგარეო პოლიტიკის წარმოებას ახალ მსოფლიო სავაჭრო გზათა, ბაზართა, ძარცვა-გლეჯის ასპარეზთა დაპყრობისათვის, და არ იცოდა. რომ ამ ფართო ავრესიას და ექსპანსიას შედეგად მოჰყვებოდა სწორედ ძველი, ვიწრო რომაული პომერიუმის შიგნით ჩამწყვედებული ცხოვრების დარღვევა და ახალი, მსოფლიოური მრავალფეროვნებით, ბრწყინვალეებითა და ფუფუნებით აღსავსე ცხოვრების დაწყება. ის ვინც თვლის, რომ ომი და სხვათა ჭევეყნების დაპყრობა შემოსავლისა და გამდიდრების წყაროა. მან სიმდიდრესაც უნდა გაუღოს კარი. ამიტომ პარადოქსალური იყო კატონის მსჯელობა. როცა იგი ძველი ტრადიციის სიწმინდეს ფრჩხილ-კბილით იცავდა და თან ამბობდა: „მე არ ვამტყუნებ იმათ. ვინც ცდილობს ომი გამდიდრების წყაროდ აქციოს“. ეს ისეთივე პარადოქსალური იყო, როგორც შემდგომში სენტენცია ციცერონისა: „ჩვენი წინაპრები მშვიდობიანობის დროს ყოველთვის ადამს მისდევდნენ. ხოლო ომში — სარგებლიანობას (*maiores nostros semper in pace consueverunt, in bello utilitati paruisse*)“.

რომის იდეოლოგიურ მესაკვებებს უნდა სცოდნოდათ, რომ მათი სამშობლო-ქალაქის მსოფლიოზე გაბატონება პირველ რიგში მსოფლიოს სიმდიდრეზე (მატერიალურ სიმდიდრეზე) გაბატონებას გულისხმობდა. ხოლო აურაცხელ მატერიალურ სიმდიდრესთან ერთად. რომში, როგორც მსოფლიოს ახალ ცენტრში, თავს იყრიდა ახალი, რომაელი აგრიკოლასათვის მანამდე უცნობი, მაშინდელი მსოფლიოს სხვადასხვა კუთხეში არსებული იდეები სახელმწიფოებრივ, საზოგადოებრივ, ეკონომიურ, კულტურულ და მორალურ ცხოვრებათა შესახებ.

ყველაფერი ეს — აღმოსავლეთიდან მოსული მდიდრული და ხელგაშლილი ცხოვრება. ქედმაღლობა და „ტირანობისკენ“ ლტოლვა. მეტიჩარა „გრეკულესებ“ საგან“ ნასესხები განათლებულობა და ზნეობრივი „უზნეობა“ — ყველაზე მეტად პუბლიუს კორნელიუს სციპიონს ახასიათებდა. ამიტომაც „რესპუბლიკელებმა“ კატონისა და ფაბიუს მაქსიმე კუნქტატორის მეთაურობით იერიში მიიტანეს „ღეთაებრივ კაცზე“. კინქტუს ფაბიუს მაქსიმეს კატონზე აღრე იცნობდნენ, როგორც რესპუბლიკური კონსტიტუციის თავგამოდებულ დამცველს. იგი პანიბალის წინააღმდეგ ომში დიქტატორად იყო არჩეული, ექვსი თვით, როგორც ამას რესპუბლიკური კონსტიტუცია ითვალისწინებდა. მას თავი მოჰქონდა განვლილი „რესპუბლიკური დიქტატორის“

1 Cic. Pro lege Man. 60.

ტატორობით“ და შეურიგებელ ბრძოლას უცხადებდა სციპიონის მოსალოდნელ „ტირანულ დიქტატურას“. სწორედ ფაბიუს მაქსიმე იყო პირველი, ვინც ხმა აღიმალა „უასაკო“ სციპიონის დაწინაურების წინააღმდეგ. მას მხარში ამოუდგა მარკუს პორციუს კატონი.

„რესპუბლიკელებმა“ სციპიონზე პირველი გამარჯვება მაშინ მოიპოვეს, როცა მათ ესპანეთიდან ძლევამოსილად დაბრუნებულ სარდალს უარი უთხრეს ტრიუმფზე. რესპუბლიკური კონსტიტუციის მიხედვით ტრიუმფის უფლება ეძლეოდათ მხოლოდ დიქტატორს, კონსულს და პრეტორს. მაგრამ არაფითარ შემთხვევაში პროკონსულს, ხოლო სციპიონი ხომ პროკონსულის რწმუნებებით მთავარსარდლობდა ესპანეთში. „რესპუბლიკელებს“ ისიც ვერ მოენდებინათ, რომ სციპიონი მანამდე არნასული ხუთწლიანი პროკონსულობით განაგებდა იმ დროს რომისთვის ყველაზე მნიშვნელოვანი ესპანეთის საქმეებს. ასე, რომ „ღვთაებრივმა ვაჟკაცმა“ იმ წელს ვერ წამოისხა ტრიუმფატორის წამოსასხამი. მაგრამ მოწინააღმდეგეთა სიხარული მაინც ხანმოკლე გამოდგა: სციპიონმა მომდევნო წლისათვის (205) კონსულის praetexta წამოისხა და დიდძალი არმიითა და ფლოტით სიცილია-აფრიკის გზას გაუდგა.

აქვე, ამასთან დაკავშირებით, ძალიან ნიშანდობლივი, მკახე ხმა გაისმა რომის პოლიტიკურ ცხოვრებაში: როცა სენატმა სცადა სციპიონისათვის უარი ეთქვა აფრიკის ლაშქრობის ხელმძღვანელობაზე. სციპიონმა მუქარით გამოაცხადა, რომ სენატს გვერდს აუვლიდა და ყველა საჭირო უფლების მოსაპოვებლად მიმართავდა პირდაპირ სახალხო კრებას (sic!).

ეს იმას ნიშნავს, რომ სციპიონი აპირებს უმაღლესი ძალაუფლება წაართვას სენატს და მისცეს სახალხო კრებას. ე. ი. „ტირანი“ ხალხით აშინებს ოლიგარქიას. სციპიონის მუქარაში პირველად დაირხა ოლიგარქიისათვის ავისმალაუწყებელი ნოტი, რომელმაც ჰომერული სიმძლავრით იგრილა გრახულების მოძრაობაში.

უეცარი ჩხვლეტით შემდრკალმა სენატმა დასტური მისცა სციპიონის ახალ, „აფრიკულ აღზევებას“.

„რესპუბლიკელები“ არ ცხრებიან. სციპიონს აფრიკულ ლაშქრობაში ქვესტორად კატონი დაუნიშნეს. სიცილიაში ყოფნისას კატონი ხედავდა, როგორ აღმოსავლელი მბრძანებელივით იქცეოდა რომაელი სარდალი. მას განსაკუთრებით აღშფოთებდა ის, რომ სციპიონი „არც ომის დროს იღებდა ხელს თავის ჩვეულებრივ მფლანგველობაზე... კატონი ყოველგვარი მორიდების გარეშე ამხილებდა მას... რომ იგი ღუპავს ოდინდელ რომაულ უბრალოებას“. ხოლო, როცა სციპიონმა მისი ხელქვეითი ქვესტორის პროტესტს აგდებულად უპასუხა, „კატონმა მიატოვა სიცილია, გამოცხადდა სენატში და ფაბი-

უსთან ერთად სციპიონს ბრალი დასდო იმაში, რომ მან ქარს გაატანა აუარებელი ფული და იქცევა როგორც ბაეში, — იკარგება პალესტრებსა და თეატრებში, თითქოს ომში კი არა, დღესასწაულზე ბრძანდებოდეს“¹.

მაგრამ „ულტრა-რესპუბლიკელები“ ვერაფერს გახდნენ. რომიდან სიცილიაში გაგზავნილმა კომისიამ, რომელსაც ევალებოდა. არმიების მოუზნებლობის შემთხვევაში, სციპიონის რომში გაწვევა, დაინახა, რომ ლეგიონები და საზღვაო ძალები სრულ საომარ მზადყოფნაში იყვნენ. სარდალს აღმოსავლურ-ელინურ-ელინისტური წესით პალესტრებსა და თეატრებში სიარულით რომაული ლაშქრის ბრძოლისუნარიანობისათვის არაფერი დაუშავებია. პირიქით, სასწავლო შემოწმებაზე გამოყვანილმა არმიამ სციპიონური საბრძოლო წრთობით განაკვიფრა რომიდან ჩამოსული კომისია. „რესპუბლიკელები“ იძულებული შეიქნენ ამჯერად დადუმებულიყვნენ.

სციპიონი აფრიკაში ჩავიდა და კვლავ მრავალწლოვანი უმაღლესი მაგისტრატურით რწმუნებაშემოსილი ერთდროულად ანგრევდა კართაგენის სიძლიერესაც და რომაულ-ქალაქური რესპუბლიკის კონსტიტუციურ პრინციპებსაც. ამაოდ ირჩებოდნენ კატონები დ ფაბიუსები. კატონი ამაოდ „კიცხავდა მოქალაქეებს, რომ ისინი უმაღლეს სახელმწიფო თანამდებობაზე ბევრჯერ ირჩევენ ერთსა და იგივე პირებს...“²

ოლიგარქიულ-რესპუბლიკური კანონმდებლობის კრიზისი უკვე დაწყებული იყო. ვიწრო, ერთწლიანი, შეზღუდული მაგისტრატურებით შეუძლებელი ხდებოდა ფართო, მსოფლიო-დამპყრობელური პოლიტიკის განხორციელება. ხანგრძლივი საომარი გეგმების რეალიზაცია მხოლოდ მტკიცედ ცენტრალიზებული, ყველა უმაღლეს უფლებათა მომცველი imperium-ით ხერხდებოდა. ხოლო უმაღლესი იმპერიუმი მფლობელობის, — ე . ი. „იმპერატორობის“ პირველი პრეტენდენტი სციპიონია. მაშასადამე, მას პირველს მოუხდება ბრძოლა რომის რესპუბლიკური კონსტიტუციის დამცველებთან „იმპერატორობისა“ და „დიქტატორობის“ კვერთხისათვის. კატონებმა და ფაბიუსებმა არ იციან, რომ რომის მსოფლიო მბრძანებლობის პირობებში ვიწრო, ქალაქურ-პოლისურ თარგზე მოკრილი რესპუბლიკური წყობა უექველად დაიღუპება ერთპიროვნული, ცენტრალიზებული ხელისუფლების სასარგებლოდ. ამ დროისათვის კი არა, ეს არ იცოდნენ არც უფრო გვიან, როცა რესპუბლიკური წყობილება აშკარად ინგრეოდა და, მერე, ფაქტიურადაც რომ გაუქმდა, მაშინაც ვერ დაეჯერებინათ რესპუბლიკის აღსასრული.

ერთ ხანს შეწყდა კიდევ სციპიონზე იერიშები. „რესპუბლიკელ-

¹ Plut. Cato M., 3.

² იქვე, 8.

თა“ ბრძოლა, ჯერ ერთი, შეასუსტა მათი ერთ-ერთი აქტიური ბელადის, ქვინტუს ფაბიუს მაქსიმუს სიკვდილმა. მაგრამ, რაც მთავარია, სციპიონის პოლიტიკური პოზიციები მიუვალ ციხე-სიმაგრედ აქცია ჰანიბალის დამარცხებამ და კართაგენის დაჩოქებამ. საქვეყნოდ ნათელი გახდა, რომ ყველაფერი ეს მოხერხდა სციპიონის ათწლოვანი „დიქტატორობის“ წყალობით. თვითონ კატონიც ერთ ხანს იძულებული იყო ხელი აედო უშუალოდ სციპიონის წინააღმდეგ ბრძოლაზე. მისი საბრძოლო ცეცხლის განელებას ხელი იმანაც შეუწყო, რომ ვერც თვითონ ასცდა „აღმოსავლურ ცდუნებებს“. მან ძირფესვიანად შეისწავლა ელინური და ელინისტური მეცნიერება, ენა, ლიტერატურა, ხელოვნება; ლანძღავდა ჰომეროსის სამშობლოს და თანაც საქიროების დროს გატაცებით მოყავდა ადგილები ჰომეროსის ეპოსიდან; აგინებდა აღმოსავლურ ხელგაშლილ და უზრუნველ ცხოვრებას და თვითონ კონსულობის, ცენზორობისა და ტრიუმფალურ გვირგვინთა მოხვეჭის შემდეგ. თავი მისცა „სიამოვნებასა და განცხრომას („eis hedonam kai scholen“)“¹.

მაგრამ აი, გავიდა სამი წელი პირველი აზიური ლაშქრობიდან. რომმა მიადწია თავის უპირველეს საწადელს: იგი იქცა აღიარებულ მსოფლიო მბრძანებლად; მას ემორჩილება ხმელთაშუაზღვეთის ყველა მხარე და ყველა კუთხე; სისხლმოყიკებულმა რომაულმა მახვილმა ასეული წლების წინ მიტოვებული ქარქაში მოიკითხა. სციპიონურ მეომრულ პრაქტიკას თითქოს ყავლი გასდიოდა. აფრიკაზე და აზიაზე ძღვევის გვირგვინები ფერს ჰკარგავდნენ, — „უკვე გახუნდნენ მისი საქმენი“. აი, ასეთი სიტუაციით სარგებლობენ „რესპუბლიკელები“ და კვლავ აახლებენ იერიშებს დიქტატორობისა და იმპერატორობის წინამორბედზე. ამჯერად, კატონმა სციპიონთან საბრძოლველად წააქეზა სახალხო ტრიბუნები, ორი გაიუს პეტელიუსი.

ყურადღების ცენტრში ისევ „აღმოსავლეთის საკითხი“ დადგა.

პეტელიუსებმა მოითხოვეს სციპიონის სამართალში მიცემა, რადგან მათი მტკიცებით, თითქოს, სციპიონმა აზიის ლაშქრობის შედეგად მოპოვებულ სიმდიდრის ნაწილი თვითონ დაისაკუთრა.

საკითხის ასე დაყენებამ რომში დიდი აურზაური გამოიწვია. ხალხი ორ რიგად გაიყო. ერთნი რესპუბლიკის დამცველნი, „რესპუბლიკელები“ კატეგორიულად მოითხოვდნენ სციპიონის სასამართლოზე გაყვანას, მუხებდავად ჰანიბალის მძღვეელის „პრინციპსობისა“ და პირველკაცობისა. ისინი გაიძახოდნენ: „არც-ერთი ცალკეული მოქალაქე არ შეიძლება იდგეს იმ სიმადლეზე, რომ პასუხისმგებელი არ იყოს კანონის წინაშე. არაფერი არ უწყობს ხელს თავისუფლების ზეიმს ისე, როგორც შესაძლებლობა ყოველი მოქალაქის სასამართლო-

¹ Plut. Cato M., 11.

ზე წარდგენისა როგორი ძლიერიც არ უნდა იყოს ის (მოქალაქე). ხოლო, განა შეიძლება ვინმემ იგრძნოს თავი უშიშრად, რომ აღარაფერი ვთქვათ საზოგადოებრივ საქმეებზე. თუ იგი ანგარიშს არ წარმოადგენს თავის მოქმედებაზე? ვისაც საკმარისად არ მიაჩნია სხვისი თანასწორი უფლებები, მაშინ სამართლიანია, მის წინააღმდეგ გამოყენებულ იქნას ძალა¹.

„რესპუბლიკელთა“ ამ მტკიცებაშიც კარგად ჩანს, თუ რატომ ებრძოდნენ სციპიონს: იგი ისეთ სიმალღეზე ასულა, საიდანაც თავს აღარ გრძნობს ვალდებულად კანონის წინაშე“, — ე. ი. რესპუბლიკური კანონის წინაშე; ერთი კაცის განსაკუთრებული აღზევება საფრთხეს უქმნის მოქალაქეთა შორის რესპუბლიკური კონსტიტუციით დაწესებულ თანასწორობასა და თავისუფლებას: ამიტომ ის, ვინც არ ემორჩილება ყველასათვის ერთნაირად დაწესებულ კანონს, ძალით უნდა იქნეს მორჩილებაში მოყვანილი. რომელ მოქალაქეთა მეორე ნაწილი (და უეჭველად, უმრავლესობა) სციპიონს უჭერდა მხარს. განსაკუთრებით საინტერესო ის არის, რომ ხალხის ეს ნაწილი ბრალს სდებდა არა ტრიბუნებს, რომლებმაც სციპიონი სამართალში მისცეს, არამედ რომის მთელ სახელმწიფო მმართველობის სისტემას, რომლის მეოხებითაც შესაძლებელი ხდებოდა „პირველი მოქალაქისათვის“, ყველა მისი დამსახურებისათვის, ასეთი უმადურობით გადაეხადათ. „ისინი ბრალს სდებდნენ არა სახალხო ტრიბუნებს, არამედ მთელ სახელმწიფოს იმისთვის, რომ მას შეეძლო დაეშვა ასეთი რამ (სციპიონის გასამართლება, ლ. ს.)“². აქ „მთელი სახელმწიფო“, რასაკვირველია, არის სახელმწიფოებრივი მმართველობის სისტემა, რომელსაც „რესპუბლიკას“ უწოდებენ. ე. ი. სციპიონის მომხრეები უკვე გვევლინებიან, როგორც „ანტირესპუბლიკელები“. ისინი ამტკიცებენ, რომ რომის ხელისუფლება კართაგენისაზე უარესია, როცა თავისი რჩეული ადამიანისადმი უარეს სისასტიკეს იჩენს, ვიდრე კართაგენი ჰანიბალისადმი. „დედამიწის ზურგზე ერთსა და იმავე დროს ორი უდიდესი ქალაქი აღმოჩნდა უმადური თავისი მხედართმთავრებისადმი; მაგრამ რომი უფრო უმადურია (Roman ingratiorem): კართაგენმა, — დამარცხებულმა დამარცხებული (victa victum) ჰანიბალი გააგდო გადასახლებაში, ხოლო რომს, — ძღვევამოსილს ძღვევამოსილი (victix victorem) აფრიკელის განდევნა სურს“³. აქ ლაპარაკია სციპიონის განდევნაზე. ე. ი. ყველას სცოდნია, რომ წინასწარ, სასამართლოს დაწყებამდეც კი, „რესპუბლიკელებს“ გადაწყვეტილი ჰქონიათ „ტირანიის აჩრდილის“ თავიდან მოშორება.

¹ Liv. XXXVIII, 50.

² ibid.

³ ibid.

უძველესად სციპიონს დიდი იმედი ჰქონდა რომაელი ხალხის უმრავლესობისა. ამიტომ მას ამჯერადაც თავი შეუყარად, „ტირანულად“ ეცირა. სასამართლომდე სციპიონმა სენატში წარადგინა აღმოსავლურ-აზიური ფინანსების ანგარიშები და მერე იქვე ყველას თვალწინ ნაკუწებად აქცია ისინი, და თან დასძინა: რისთვის ჩაჰყრენიან ისინი ანგარიშს იმის შესახებ, თუ როგორ დახარჯა მან 3.000 ტალანტი მაშინ, როცა არც კითხულობენ, როგორ და რა გზით მიიღეს მათ 15.000 ტალანტი, ანტიოქესგან ჩამორთმეული, ისე როგორც არც (იმას კითხულობენ), რა გზით გახდნენ ისინი მფლობელი აზიის, ლიბიისა და აგრეთვე იბერიისა“¹.

სენატის წინაშე ასეთი „თავხედური“ მოქცევა სწორედ რომ უპრეცედენტო იყო. ამიტომ „ყველა სენატორი გაშრა ასეთი სიტყვებისაგან“². გამოდოდა, რომ კონსულები და სარდლები აღმოსავლეთის სამარცხებისათვის დიდი გასამრჩელოს მოთხოვნას შესჩვევიან. რადაც არ უნდა დასჯდომოდათ. უნდა გაეტეხათ „ტირანი“.

სასამართლო დაინიშნა. „რესპუბლიკელები“ კიდევ უფრო გააშმაგა იმან, რომ სციპიონი მეფური მანევრით მიადგა ფორუმს: იგი მოვიდა დიდძალი ამალით, მომხრეებით, კლიენტელით. „არაჲს არასოდეს მანამდე, — თით იმავე სციპიონსაც. მისი კონსულობისა და ცენზორობის დროს არ ჰყოლია თავის გარშემო იმდენი გამცილებელი, რამდენიც იმ დღეს, როცა იგი გამოცხადდა როგორც ბრალდებული“³.

სციპიონი თავიდანვე აგდებულად ეპყრობოდა სასამართლოს როცა ტრიბუნებმა ბრალდებაზე პასუხი მოსთხოვეს, იგი ადგა და ილაპარაკა თავის დამსახურებებზე სახელმწიფოს წინაშე. ხოლო არც ერთი სატყუით არ შეჰხებია მას, რისთვისაც იგი სასამართლომდე მიიყვანეს. თითქოს „მის სიმალეს“ ვერ აღწევდა ის სიმდაბლე, რაშიც მას ბრალს სდებდნენ. ტრიბუნებმა თითქოს ველარც გაბედეს სახელმწიფოს უპარველესი ავტორიტეტისთვის, ბინძურ ანგარებაში ბრალდებით. სილა გაერთყათ. და უშუალოდ შეუტყეს სწორედ იმ კუთხიდან, საიდანაც „რესპუბლიკელები“ სციპიონის არსებობას ველარ იტანდნენ სახელმწიფოში.

სციპიონის ბრალმდებელთა სიტყვიდან ლივიუსს სწორედ ის ადგილი მოჰყავს, რომელიც ჩვენ განსაკუთრებით გვკვირდება:

აი, როგორ იტყვეოდა სციპიონი აღმოსავლეთში: „მისი ტყვედგაჲარდნილი ვაჟი გამოსასყიდის გარეშე დაიბრუნა და ყველა სხვა შემთხვევაში ანტიოქესგან ისეთი პატივისცემა ჰქონდა. თითქოს მარტო მის ხელში ყოფილიყოს რომაელთა ზავიც და ომიც.

¹ Polyb. XXI, 14.

² ibid.

³ Liv. XXXVI, 50.

კონსულზე მბრძანებელ დიქტატორად და არა მის მოადგილედ იყო ის პროვინციაში, სადაც წავიდა, რათა ჩაენერგა საბერძნეთისათვის, აზიისთვის და ყველა მეფეებისა და ხალხებისთვის, რომ მხოლოდ იგია თავი და საფუძველი რომაული მბრძანებლობისა; რომ სციპიონის ჩრდილის ქვეშ განისვენებს ქალაქი — მსოფლიოს მბრძანებელი; მისი თითის გაქნევა ცვლის სენატის დეკრეტებს და ხალხის ბრძანებებს“¹.

მაშასადამე, სციპიონის დანაშაული რესპუბლიკის წინაშე არის მისი მონარქიული, ერთპიროვნულ-მბრძანებლური დამოკიდებულება ყველაფრისა და ყველასადმი, არა მარტო რომში, არამედ მთელს მსოფლიოში. სციპიონი ბედავს თავი წარმოიდგინოს მსოფლიოზე მბრძანებელი რომის რესპუბლიკის მბრძანებლად. აღმოსავლეთში, მონარქიისა და დესპოტიის კლასიკურ სამყაროში, იპოვნა მან თავისი ორეული — მონარქი ანტიოქე. მასში აღმოსავლეთმა ყველაზე მეტად განამტკიცა ერთპიროვნული დიქტატორულ-მონარქიული მისწრაფებანი. ყველაზე მეტად სწორედ აღმოსავლეთში ლაშქრობისას იგრძნა მან თავი, როგორც „დედამიწის მბრძანებელი“ — მბრძანებელია, რომლის ნეკის განძრევის ტოლდაც არ ღირს რომის რესპუბლიკის თავის — სენატის კანონმდებლობანი.

ამ ხასიათის საბრალდებულო პოზიციებიდან ეწეოდნენ სციპიონის განქიქებას „რესპუბლიკელები“ მთელი დღის გახმავლობაში. მეორე ჯიღეს, 17 ოქტომბერს, სციპიონი კვლავ იხნეს სასამართლოზე. მან ისევ მიმართა ობსტრუქციას: მან თავის სიტყვაში ხალხს მოაგონა, რომ ამ დღეს დამარცხა ჰანიბალი და ახლა მიემართება კაპიტოლიუმზე, რათა იქ, კართაგენის ძღვევის აღსანიშნავად, მსხვერპლი შესწიროს იუპიტერს, იუნოსას და სხვა ღმერთებს; ვისაც სურს, გაჰყვეს და მასთან ერთად შევედროს ღმერთებს, რამეთუ მათ მოუფლინონ რომს სციპიონზე „უკეთესი სარდლები“.

„დედამიწის მბრძანებლის“ დემაგოგიამ კვლავ გასჭრა. ხალხი მას გაჰყვა. სასამართლო ჩაიშალა.

მაგრამ ასეთი „დიდებული დღე (sp. ciotis ultimas dies) უკანასკნელად გაბრწყინდა (influxit) სციპიონისათვის“. იგი საბოლოოდ დარწმუნდა, რომ „რესპუბლიკელები“ არავითარი ფორმით არ შეურიგდებოდნენ მის „ტირანობას“. რაჟი თუთიხაც არავითარ დათქმას არ აღირგდ. ვ დაწყვიტა გასცლოდა რომს. იგი წავიდა ლიტერიაში, თავის ვასკლში და იქედან უარი შეაჩივალა. გამოცხადებულაყო ხელახლა დაიწმულ სასამართლოზე

როგორც ამა, „რესპუბლიკელებს“ არც სციპიონის პროტესტანტული განხილვა აკმაყოფილებდათ, რადგან ეს არ იყო დამარცხე-

¹ Liv. XXXVIII, 51.

ბული და ბრალდებული ტირანის გაძევება. ამიტომ ისინი კატეგორი-
კლად მოითხოვდნენ მის გამოცხადებას. მაშინ პუბლიუს სციპიონ
„აფრიკელს“ გამოესარჩლა ძმა, ლუციუს სციპიონ „აზიელი“. მან
ლტოლვილი ძმის გამოუცხადებლობის მიზეზად ავადმყოფობა და-
ასახელა. „რესპუბლიკელებმა“ სარწმუნოდ არ მიიჩნიეს პუბლიუს
სციპიონის ავადმყოფობა და კვლავ ბრალად დასდეს ის, რომ „იგი
არ ცხადდება სასამართლოზე იგივე ქელმალლობის გამო, რითაც დას-
ტოვა სასამართლო, სახალხო ტრიბუნები და სახალხო კრება“. აქვე
ტრიბუნებმა „რესპუბლიკის სახელით“ უსაყვედურეს ხალხს, რომე-
ლიც სასამართლოს წინაშე შეკრებაზე აპყვა „თავგასული კაცის“
ცდუნებას. ისინი აღშფოთებით ამბობდნენ: სციპიონი კაპიტოლიუმში
წავიდა „იმ.თი თანსლებით, ვისაც მან მისცა ნება და უფლება მასზე
განჩინების გამოტანისა, წათრია ისინი როგორც ტყვედნავარდნილ-
ნი და იზეიმა ტრიუმფი თვით რომაელ ხალხზე... და აი, საფასური
ამ კაცის თავხედობისა! მისი მითითებით და მისი ხელმძღვანელობით
დაგვეტოვეთ მაშინ ჩვენ, ხოლო ახლა მან მიგატოვათ თქვენ“¹.

„რესპუბლიკელები“ „ანტირესპუბლიკელების“ კრიტიკის შემ-
დეგ კვლავ კატეგორიულად მოითხოვენ სციპიონის გამოცხადებას.
წინააღმდეგ შემთხვევაში, ისინი მის დაუსწრებლადაც გამოუტანენ
მსჯავრს.

მდგომარეობა შესცვალა სახალხო ტრიბუნ ტიბერიუს სემპრო-
ნიუს გრაქუსის (შემდგომში სახელოვანი ძმები გრაქუსების მამა)
ჩარევამ. მან გამოიყენა ტრიბუნის დიდი უფლება — „VLIO“, რომ-
ლის მეოხებით შეაჩერა სციპიონზე მოიერიშე კოლეგების გადაწყვე-
ტილება და წარმოთქვა სიტყვა დიდი რომაელი მოღვაწის სასარგებ-
ლოდ. იგი მოაგონებდა ყველას, „რესპუბლიკელსაც“ და „სციპი-
ონელსაც“, სციპიონის ფასდაუდებელ ღვაწლს. ბოლოს, მისივე წი-
ნადადებით, სარწმუნოდ იქნა მიღებული სციპიონის „ავადმყოფობა“
და გადადებულ იქნა გასამართლება მანამ, სანამ იგი რომში არ დაბ-
რუნდებოდა“.

მაგრამ სციპიონი რომში აღარ დაბრუნებულა. 183 წელს „რეს-
პუბლიკა“ სიკვდილმა იხსნა „ტირანიის აჩრდილისაგან“. მას აღარც
ცოცხალს და აღარც მკვდარს აღარ უნახავს ქალაქი, რომლის მსოფ-
ლიო მბრძანებლობის მედროშედ თვითონ იყო მეოთხედი საუკუნის
მანძილზე. კვდებოდა რა სოფელში, ბრძანა იქვე დაესაფლავებინათ
და ძეგლიც აღმართათ: არ სურდა, რომ უმადურ სამშობლოს
(ingrata patria) ეცა მისთვის პატივი დაკრძალვის დროს.

თითქოს, სციპიონის სიკვდილი უნდა ყოფილიყო ყველაფერი,
რისთვისაც იბრძოდნენ „რესპუბლიკელები“, მაგრამ კატონი და

¹ Liv. XXXVIII, 52.

მისი მიმდევრები კვლავ განაგრძობენ „სციპიონობასთან“ ბრძოლას. ეს მათი მხრივ უნდა ყოფილიყო თავისებური პრევენტიულ-პროფილაქტიკური ღონისძიება „ტირანიის“ მომავალი ცდის წინააღმდეგ, რამეთუ საფლავში ჩასული სციპიონის აჩრდილი ხორცსმულ მბრძანებლად არ აღმოცენებულყო რომის ფორუმზე. „სციპიონის სიკვდილის შემდეგ მისი არაკეთილმოსურნენი უფრო გაბედულნი გახდნენ“. მათ ახლა ერთდროულად იერიში მიიტანეს მიცვალებულ სციპიონ აფრიკელზეც და ჯერ კიდევ ფეხზე მდგარ სციპიონ აზიელზეც. კატონმა და მისგან ამხედრებულმა ტრიბუნებმა ისევე კატეგორიულად მოითხოვეს აღმოსავლეთიდან წამოღებული ნადავლის ანგარიშის დაყენება. მათ კვლავ აღმოსავლეთის საკითხი მიაჩნდათ „სციპიონების“ საბოლოოდ დასასამარებლად. საგანგებოდ შექმნილმა კომისიამ სციპიონებს ბრალი დასდო აზიაში დაგროვილი სიმდიდრიდან ერთი ნაწილის მითვისებაში. ისევე ტიბერიუსს გრახკუსის შუამდგომლობით გადაარჩა ლუციუს სციპიონი მარსის დილეგში ჩაგდებას. სასამართლომ მას დააკისრა წაღებული ქონების უკან დაბრუნება. და, აი, ჯარამას ახდევინებენ იმ კაცს, რომლის ტრიუმფზე გავლით სახელმწიფო ხაზინაში „შევიდა იმდენი ოქრო და ვერცხლი, რამდენიც ერთად აოებულ ათას სხვა ტრიუმფებშიც არ გამოუტარებიათ“.

ჯარიმისათვის საჭირო თანხა, თუ ლივიუსს დაუეჭვრებთ, ლუციუს სციპიონმა ნათესაებებში და ახლობლებში შეკრიბა. საკუთრივ უმცროსი სციპიონის საკითხს „რესპუბლიკელებისთვის“ პრინციპული მნიშვნელობა არც კი ჰქონია, რადგან პირადად მისგან, საშუალოზე ნაკლებ შესაძლებლობათა მქონე მოღვაწისგან, არასოდეს არ იქნებოდა „ტირანიის“ საშიშროება. ამიტომ საყურადღებო უნდა იყოს აზრი იმის შესახებ, რომ კატონმა ლუციუს სციპიონზე გაილაშქრა „სურვილით — შეურაცხყოფა მიეყენებინა სციპიონ აფრიკელის სსოვნისათვის“.

როგორც ყოველთვის, ამჯერადაც, მოუშადადებელ ნიადაგზე აღმოცენებული პრეცედენტობა მარცხით დამთავრდა. რომის ერთპიროვნულ ხელისუფალთა უპირველესი წინაპარი განადგურდა. კრიზისის პირთან მდგარმა, მაგრამ ჯერ ისევე ძლიერმა „რესპუბლიკამ“ სასიკვდილო მახვილი ჩასცა მახვილის ხმარების დიდოსტატს. და ეს მახვილი, სციპიონის მომაკვდინებელი, მისმა პოლიტიკურმა მოწინააღმდეგეებმა აღმოასველეთ ის წიალში მოძებნეს...

აქვე, აღმოსავლეთში, აზიაში, დაასრულა თავისი სიცოცხლე „სციპიონური ტირანიის“ აფრიკელმა ორეულმა, მისმა დიდმა მეტოქემ, პანიბალმა.

პანიბალი თავისი სიძლიერით და პირველკაცობით არანაკლებ შიშის ზარს სცემდა მშობლიური ქალაქის ოლიგარქიას, ვიდრე სციპი-

ფნი რომაელ „რესპუბლიკელებს“. კართაგენის „რესპუბლიკური“ ხელისუფლებაც ჰანიბალში ისეთსავე „ტირანს“ ჰხედავდა, როგორსაც რომის რესპუბლიკა სციპიონში. კართაგენის არისტოკრატია ჰანიბალს უფრო ადრე გამოუცხადა ბრძოლა, ვიდრე რომის ოლიგარქიამ სციპიონს. კანეს დიდებულ ბრძოლაში ჰანიბალის საარაკო ვაშარჯევბამ, მოსისხლე რომზე არანაკლებად, თვით მისი მშობლიური კართაგენის ხელისუფლება შეაშფოთა. ეს პარადოქსი როდია: კართაგენის ვულხვიად ოლიგარქიას მუდამ აშინებდა და აფიქრებდა მისი გენიალური თანამემამულას ელვისებური ზეადსელანი. არავისთვის არ იყო საექვო, რომ, თუ „აფრიკელი ლომი“ „ძუ მგლის ნაშიერთ“ დედაბუღიანად ამოაგდებდა და მსოფლიოზე გაბატონების კვერთხს ხელთ მოიგლებდა. კართაგენის „გამსოფლიოების“ ამ საოცნებო ინსიგნიას იგი თავის მოშურნე და მოსისხლე ოლიგარქიას როდი მიართმევდა. პირიქით, იტალიის ძღვევამოსილ ლაშქრობებში ფრთაშესხმული არწივი კართაგენის სვე-ბედის განმრიგე ოლიგარქ-ჭილყეავეებს უსათუოდ დაიფრენდა და მსოფლიო მბრძანებლობის რანგში აყვანილ ღახელმწიფოს მესაქედ თვითონ ჩაუდგებოდა. ამიტომ იყო, რომ ჰანიბალ ბარკას ძღვევამოსალებამ ერთნაირად დასცა თავზარი რომის სენატსაც და კართაგენის ოლიგარქიასაც. კანეს მზის ბრწყინვალეობამ რომზე მეტად კართაგენის ხელისუფლებას დაუხშო თვალის ჩინი. ამიტომ მან თავის „მტრად ქცეულ გმირს“ უარი უთხრა საომარი რეზერვების მიცემაზე. კანეს დღეებიდან ჰანიბალი საკუთარი ქალაქისთვისაც მიუსაფარ გმირად დარჩა. იგი თავისი ღვიძლი სამშობლოსგანაც „უსამშობლო“ შეიქნა. განვლო წლებმა, კანედან ზამამდე, ზამადან მაგნეზიამდე, და ჰანიბალი კვლავ იბრძოდა, რაკი კვლავ ცოცხლობდა. იგი კვლავ გრანდიოზულად ბრწყინავდა ტალანტებით ღარიბ ამ საუკუნეში.

მაგრამ აი, ბოლოს და ბოლოს, ჰანიბალსაც ეწვია მასზე ძლიერი ძალა... სიკვდილი.

სირიის ომის შემდეგ დადებული ზავის ძალით, ანტიოქეს რომისთვის უნდა გადაეცა, აგრეთვე, ჰანიბალი. მაგრამ, როცა ზავის ეს ზუხლი იწერებოდა, ჰანიბალს სირია უკვე დატოვებული ჰქონდა. იგი ერთხანს კრეტას აფარებდა თავს; შემდეგ, როცა აქაც რომაელთა ჯაშუშები აფუსფუსდნენ, ისევ აზიაში გადავიდა და ბითინიის მეფის; პრუსიას სამსახურში შევიდა. პრუსიას მაშინ ომი ჰქონდა პერგამოსთან. ამიტომ მან სახელოვანი თინიკიელი დიდი სიხარულით მიიღო და საომარ საქმიანობაშიც ჩააბა. აქ ჰანიბალმა უკანასკნელად იომა საძულველ რომაელთა წინააღმდეგ (ევმენი ხომ რომის ქვეშევრდომი იყო). ერთ-ერთ საზღვაო შეტაკებაში მან მწყობრიდან გამოიყვანა თვითონ მეფე ევმენის საომარი გემი, ხოლო დანარჩენი

ეკიპაჟი საშინლად დააფრთხო და გაჰფანტა სრულიად ახალი, უჩვეულო საბრძოლო ხერხით: მისი ბრძანებით, ბითინელებმა, მოწინააღმდეგის ხომალდებზე გველებით სავსე ქოთნები გადაისროლეს. ეს აყო მისი უკანასკნელი „ბრძოლა გველებით“, და უკანასკნელი „ფინიკიური შხამის“ გადმონთხვევაც რომის დასააგესლავად. მოვიდა ფლამინინუსა და კატეგორიულად მოსთხოვა პრუსიას, დაუყოვნებლივ გადაეცა ჰანიბალი. პრუსიას, უმწურო ჯუჯა მეფეს, არ შეეძლო წინააღმდეგობა გაეწია ესოდენ დიდი რომაული ავტორიტეტისთვის. მან მიასწავლა თავშესაფარი ჰანიბალისა. და როცა ჰანიბალს მსახურმა მოაწესნა და თვითონაც ნახა, მისი სამყოფელი ყოველის მხრივ გარშემორტყმული აყო და მისი ხსნაც ამჯერად აღარავითარ ძალას არ შეეძლო, სასწრაფოდ დასცალა საწამლავით სავსე ფიალა და სიკედილთან ერთად შეტყდა რომაელებს.

ისტორია დამთხვევათა ოსტატია, და აი, მაგალითი:

ჰანიბალიც და სციპიონიც თითქმის ყველაფერში ორეულები იყვნენ: ორივენი თავისი სიძლიერით ერთნაირად შიშის ზარს სცემდნენ გარეშე მტერსაც და მშობლიურ ხელისუფლებასაც; ორივემ 25 წლის ასაკში დაიწყო დიდი სამხედრო კარიერა — მხედართმთავრობა; ორივემ ესპანეთში დაიწყო იგი; ორივე ერთ წელს დაილუპა და ორივენი „აღმოსავლეთის საკითხთა“ მსხვერპლნი გახდნენ.

— — — — —

ზეესო, ოლიმპოს კარიბჭენი მაგრად დარაზე,
ფსიზლად ლაიაკ ციურ ღმერთთა ციხე-სიმაგრე!
დამორჩილა რომის შუბმა ზღვაც და ხმელეთიც
და მარტო ცისკენ დარჩა გზები გაუკვალავი.

ა ლ ფ ე ო ს ი

თ ა ვ ი მ ე ხ უ თ ე

რომის აღმოსავლური პოლიტიკა ძვ. წ. მეოქავ საუკუნის 70-იან წლებში

1. როგორ დაიწყო „მესამე მაკედონური ომი“

რომის აღმოსავლური პოლიტიკის შემდგომ ეტაპს წარმოადგენს ე. წ. „მესამე მაკედონური ომი“, როცა რომაელები და მაკედონელები ახალი ძალით ეკვეთნენ ერთურთს ბალკანეთზე საბოლოოდ გაბატონებისათვის.

ფილიპე მეხუთე დარწმუნდა მისი იმედის ამაოებაში, რომ „სირიის ომში“ დახმარებისათვის რომაელები მას ბალკანეთზე ბატონობას უბოძებდნენ. მსცოვანი მეფე უკანასკნელი ენერგიით შეუდგა ხელახალი ომის სამზადისს. მან საომარ ფინანსთა დაგროვებისათვის მოსახლეობას შეაწერა სასოფლო-სამეურნეო გადასახადები და საზღვაო ვაჭრობაზეც ბაჟები დააწესა. მისი ბრძანებით განახლდა მუშაობა წინა ომის დროს მიტოვებულ მადაროებში; ამას გარდა, წიაღის სიმდიდრეთა უფრო დიდი მარაგის მოპოვებისა და საომარ რესურსებად გადაქცევისათვის ბევრი ახალი მადარო გახსნა.

ფილიპემ განსაკუთრებული გულისყურით მოჰკიდა ხელი მოსახლეობის გაპრაელების საკითხს. ომებმა ისედაც მცირერიცხოვანი მაკედონიის მოსახლეობა სულ გააჩანავა. ბრძოლისა და შრომისუნარიანი მოსახლეობა მეზობელ ტომებთან კინკლაობასა და მრისხანე რომაულ ლეგიონებთან ბრძოლას შეაყლიტა. ამიტომ ფილიპე იმას

გარდა, რომ საომრად წვრთნიდა ახლადწამოჩიტულ ახალგაზრდობას, ყველა მაკედონელს აიძულებდა გაეჩინა და აღეზარდა შვილები.

შემდეგ, მაკედონიის ბრძოლისუნარიანობის გასაძლიერებლად. მეფემ შემოიმტკიცა მთელი თრაკია მდინარე ისტროსამდე. აქედან იგი თრაკიელი მეომრებით ავსებდა თავის არმიას.

როგორც კი ფილიპემ თავი ძლიერად იგრძნო, შეუდგა მეზობელ ოლქთა მთლიანად დაპატრონებას. მან ხელთ იგდო სამხრეთ-თრაკიული ქალაქები: ენოსი, მარონეა. შემდეგ თესალია, ათამანია, პერიბეელთა და მაგნეტთა ტერიტორიები. ამ ქვეყნებმა მაშინვე რომს მიმართეს, როგორც „ჩაგრულთა აღიარებულ მფარველს“. მათ ვარდა, რომში ელჩები აფრინეს პერგამოსელებმა, რადგან ევმენ მეორე ჩალიან შეაშფოთა მაკედონელი გვირგვინოსნის წინსვლამ სამხრეთის, განსაკუთრებით, სამხრეთ თრაკიისა და თრაკიის ხერსონესის მიმართულებით. ევმენს თვითონ სურდა ხელთ ეგდო თრაკიის ხერსონესი — ეს უშესანიშნავესი სტრატეგიული და ეკონომიური კვანძი ევროპასა და აზიას შორის.

თავის მხრივ ფილიპემაც გაგზავნა ელჩობა რომში. მას სათავეში ჩაუყენა თავისი უმცროსი ვაჟი დემეტრიოსი, ადრე რომში მძევლად ნამყოფი და რომაელთათვის „ახლობელი კაცი“.

მაშინდელ მაკედონიაში უკვე ჩამოყალიბებული ჩანს ორი პოლიტიკური დაჯგუფება — პრორომაული და ანტირომაული. პირველს სათავეში ედგა დემეტრიოსი, მეორეს — პერსეოსი, ფილიპეს უფროსი ვაჟი.

მალე პერსეოსის მაქინაციებით დემეტრიოსი მოჰკლეს (მოწამლეს), ბალკანეთის საკითხი კვლავ იარაღს უნდა გადაეწყვიტა.

ფილიპესაც აღარ დასცალდა სათავეში ჩასდგომოდა მაკედონელთა უკანასკნელ დიდ ომს. იგი გარდაიცვალა და ტახტი დაიჭირა მისმა ერთადერთმა მემკვიდრემ პერსეოსმა.

პერსეოსის გეგმები ფართო და მრავალმხრივი იყო. როგორც წყაროები გვატყობინებენ, მის ხელთ ყოფილა საომარი რესურსები ათი წლის მარაგით. იგი ინარჩუნებდა თრაკიელებთან ერთიანობას და კიდევ უფრო აძლიერებდა დუნაისგადაღმელ ბასტარნებთან და პეკინებთან სამოკავშირეო ურთიერთობას. ისინი დაჭირავებულ მეომრებად მსახურობდნენ პერსეოსის არმიაში. მაკედონელმა ურთიერთობა გააჩაღა აზიელ გვირგვინოსნებთან — სირიელ ანტიოქე მეოთხე-ეპიფანესთან ღა ბითინიელ პრუსია მეორესთან. ამათთან მას ახლო მოყვრობა და ნათესაობა ჰქონდა (თვითონ პერსეოსს ცოლად ჰყავდა ანტაოქე მეოთხის ასული, ხოლო პრუსიას და მიათხოვა).

განსაკუთრებული აღნიშვნის ღირსია ის, რომ ალექსანდრე მაკედონელის შემდეგ პერსეოსი პირველი იყო, რომელმაც ერთიანად

ბერძნულ-მაკედონური დროშით გამოსვლა სცადა მტრის წინააღმდეგ. იგი ყველას. ბერძენსაც და მაკედონელსაც, დენილსაც და ემიგრანტსაც, კონფისცირებულსაც და ვალში ჩავარდნილსაც, აღუთქვამდა თავშესაფარს, უცხადებდა ამნისტიას, ჰპირდებოდა ვალების გაუქმებას და მოუწოდებდა გაერთიანებისაკენ. სენატს ჰქონდა ცნობა იმისა, რომ პერსეოსს კართაგენთანაც გაუბამს ურთიერთობა.

მაგრამ პერსეოსმა ვერ შეძლო ის, რის მიღწევაც შეუძლებელი შეიქნა თვით დიდი ჰანბალისათვის. ჯერ ერთი, ახალგაზრდა მეფეს არ შეეძლო დაეყუჩებინა ის დიდი შინაგანი სოციალურ-ეკონომიური და პოლიტიკური ტკივილები, რაც საბერძნეთს განუწყვეტლად სტანკავდა შორეული პელოპონესის ომებიდან. ჯერ საბერძნეთის გაერთიანება იყო საჭირო და მერე უნდა ეფიქრა პერსეოსს მაკედონია-საბერძნეთის ერთიანობის შეთანხმებაზე, ხოლო საბერძნეთის გაერთიანება ანტიკურ ხანაში ვერასოდეს ვერ მოხერხდა. მან თავისი აყვავების მწვერვალზე, კლასიკურ მეზუთე საუკუნეშიც ვერ შეძლო მტკიცე ერთიანობის შექმნა. ელიზური სამყარო მუდამ დაქუცმაცებული იყო და მით უფრო ახლა, ძველი მაკედონური და ახალი რომაული უფლის ქვეშ ხერხემალდამსხვრეული, ვერავინაა ჩალას ვერ შეუბამდა მხარს რომის მსოფლიო სახელმწიფოს წინააღმდეგ ბრძოლაში.

ამას გარდა, როგორც კი რომის ხელისუფლებისათვის პერსეოსის გეგმები საცნაურ იქნა, იგი ჩვეული ენერგიით შეუდგა ახლადმოვლენილი აღმოსავლელი მეტოქის მიერ გაბმული სუსტი პოლიტიკური ძალების დაწყევტას. რომაულმა დიპლომატიურმა კომისიებმა ადგილებზე სასწრაფოდ მოსპეს ანტირომაული სულისკვეთების ყველა ნიშანწყალი.

171 წელს დაიწყო „მესამე მაკედონური ომი“, რომელიც სამ წელს გაგრძელდა. რომი განსაკუთრებით სერიოზულობით მოეკიდა ამ ომს, რადგან იგი მიზნად ისახავდა ერთხელ და სამუდამოდ მოესპო ალექსანდრე მაკედონელის სამშობლო.

171 წლისთვის კონსულმა პუბლიუს ლიცინიუს კრასუსმა 20.000-ანი არმია გაამზადა.

ზნად იყო, აგრეთვე, ძლიერი ფლოტი, რომელშიც რომაული ხომალდების გარდა შედიოდნენ პერგამოსის, როდოსისა და პონტოს პერაკლის საზღვაო ძალები.

2. ომის მსვლელობა. პიღნას ბრძოლა

171 წლის აღრიან გაზაფხულზე რომაელებმა გადალახეს აღრიატიკის ზღვა და საბერძნეთს შეესივნენ, უპირველეს ყოვლისა, ყველა ბერძნულ ქალაქში გარნიზონები ჩააყენეს.

ორი წლის (171—169) განმავლობაში წარმოებულ ცალკეულ ბრძოლებს გადაწყვეტი ცვლილებები არ შეუტანია საომარ მსვლელობაში. რომაელი სარდლები მოუქნელად და ზანტად მოქმედებდნენ. პერსეოსიც ერიდებოდა გენერალურ ბრძოლას.

168 წლისათვის რომში ერთ-ერთ კონსულად აირჩიეს ლუციუს ემილიუს პავლუსი, სახელოვან კანეს ბრძოლაში დაღუპული ემილიუს პავლუსის ძე, ფრიად ნიჭიერი და ენერგიული სარდალი.

რომში მიჩნეული იყო, რომ აღმოსავლეთში გაკვიანურებული ომის წარმატებით დამთავრება მხოლოდ ლუციუს ემილიუს პავლუსს შეეძლო. ამიტომ მისი მთავარსარდლად დანიშნა ჩვეულებრივი წესით როდი გაატარეს. ჩვეულებრივი, ორდინალური წესი გულისხმობდა კენქისურას კონსულთა შორის. შესაძლო იყო პავლუსს არც შეხებდროდა „მაკედონური კენქი“. ამიტომ აღმოსავლეთის საკითხმა კვლავ ორდინალური კონსტიტუციის დარღვევა შოითხოვა და დაარღვია კიდევ: პავლუსს აღმოსავლეთის ომის მთავარსარდლობა საგანგებო, მანამდე უჩვეულო წესით — კენქისურის გარეშე მიანიჭეს.

სამოც წელს მიღწეული სარდალი ახალგაზრდული ენერგიით შეუდგა საომარ საქმეთა ხელმძღვანელობას. უპირველეს ყოვლისა, წინასწარ აფრინა შიკრიკები მაკედონიაში, რათა ყველაფერი დაწერილებით შეესწავლათ ადგილზე: მტრის საომარი ძალები და მათი განლაგებანი, ზალკანელ ტომთა განწყობილებანი რომაელთა და მაკედონელთა მიმართ, რა სახის საომარი რესურსები აქვს მოწინააღმდეგეს და რა გზებითა და წყაროებით ლებულობს მას და სხვ.

ამ ცნობათა მიღების შემდეგ, პავლუსი რჩეული ლეგიონებით სასწრაფოდ გადავიდა საბერძნეთში. ასევე სწრაფი მარშით მივიდა თესალიაში.

მისვლისთანავე კონსულმა ძირფესვიანად გარდაქმნა რომაული არმიისათვის უჩვეულო დემორგანიზებულობისა და უმოქმედობის ატმოსფერო. აღდგენილი იქნა მკაცრი სამხედრო დისციპლინა და წესრიგი. რომაელმა სარდალმა შეტევაც დაუყოვნებლივ დაიწყო. მაკედონელებმა თესალიიდან გადაინაცვლეს და მაკედონიის ქალაქ პიდნასთან მოიყარეს თავი. რომაელებიც ფეხდაფეხ მიჰყვნენ და იქვე პიდნასთან, მტრის პირისპირ დასცეს ბანაკი. მოწინააღმდეგეებს ერთმანეთისაგან ჰყოფდათ მდინარე ლეკოსი.

აქ 168 წლის 22 ივნისს მოხდა სახელოვანი პიდნას ბრძოლა. წყაროებში იგი წარმოდგენილია ნაწილობრივ მსატერულ-რომანტიულ ფერებში:

გათენდა 22 ივნისი. იმ დღეს არც ერთი სარდალი არ ფიქრობდა გენერალური ბრძოლის დაწყებას, მაკრამ დღის ბოლოს მოწინააღმდეგენი სრულიად შემთხვევით ჩაებნენ სამკედრო-სასიცოცხლო ბრძო-

ლაში. ეს შემდგენაირად მოხდა: მზე უკვე დასავლისკენ იყო დასრილი, როცა რამდენიმე რომაელმა მდინარეზე წყლის სასმელად ცხენები გარეკეს. ერთმა ცხენმა მდინარე გასცურა და მეორე ნაპირზე გავიდა. ის ხელში ჩაიგდეს პერსეოსის არმიაში მომსახურე თრაკიელმა მეომრებმა, რომლებიც იქ გუშაგებად იდგნენ. რომაელმა ჯარისკაცებმაც გასცურეს მდინარე, ცხენიც დაიბრუნეს, შეტაკებისას ერთი თრაკიელიც მოჰკლეს და უკანვე გამობრუნდნენ. მაგრამ მათ დაედევნა თრაკიელთა ძლიერი რაზმი. მდინარის ნაპირზე ხელჩართული ბრძოლა გაჩაღდა. ორივე მხრიდან ემატებოდნენ მეომრები. ბრძოლა თანდათან უფრო სასტიკი ხდებოდა. სწორედ მაშინ პერსეოსმა ბრძანება გასცა და მთელი მისი ქვეითი არმია შეტევაზე გადავიდა. ემილიუსს პავლემაც სასწრაფოდ შეაგება ლეგიონები.

რომაელთა მოწინავე ხაზს პირველნი მიეპყრნენ თრაკიელები. ლეგიონებმა საპასუხო დარტყმის გამართვაც ვერ მოასწრეს, რომ გრიალივით მოვარდნენ მაკედონური ფალანგები. შედრკნენ რომაელთა მოწინავენი. შედრკა მრავალ ბრძოლაში ნაცადი სარდალიც; არასოდეს ასეთი შიში არ მიგვრძენიაო, — თვითონ აცხადებდა ემილიუსი შემდგომში. მაგრამ მან მალე დასძლია მისთვის უჩვეულო გრძნობა და მხნედ შეუტია იერიშზე გადმოსულ მტერს.

რომაელთა მოწინავე კოჰორტა, რომელიც მთლიანად საბელური ტომის, პელიგნებისაგან შედგებოდა, თავგანწირვით ცდილობდა გაერღვია ფალანგების მტკიცედ შეკრული რიგები, მაგრამ ამაოდ. მაშინ მათმა მეთაურმა სალიუსმა მოწინააღმდეგის სქლად შეკრულ რიგებში ისროლა კოჰორტის საბრძოლო დროშა და ბრძანა მისი უკანვე გამოხსნა. მხეტური თავდავიწყებით გადაეშენენ პელიგნები დროშის დასაბრუნებლად მტრის შუბების ტყეში. ისინი მახვილებით სჩეხდნენ მაკედონელთა შუბებს; ფარებს თავში სცემდნენ მათ, მაგრამ მიზანს მაინც ვერ აღწევდნენ: მაკედონელები მათ თავიანთ გრძელ შუბებზე აგებდნენ და უკან ისროდნენ. პელიგნთა კოჰორტა მთლიანად განადგურდა. რომაელებმა დაიწყეს უკან დახევა. გამხნეებულნი მტერი კვალდაკვალ მისდევდა და ავიწროებდა მათ. რამდენიმე ათეული მეტრილა დარჩა რომაელთა ბანაკამდე. ლეგიონებმა მიაღწიეს ბანაკის მახლობლად მდებარე ბორცვს. აქ მაკედონელები ახალ იერიშზე გადავიდნენ. მაშინ ემილიუსს პავლემ ჩამოუქროლა შემდრკალ არმიას და კონტრშეტევაზე გადასვლა ბრძანა. მართლაც დრო იყო: მაკედონელთა ფალანგებს უკვე დაეკარგათ თავიანთი უპირატესობა — ერთიანობა და მონოლითური მთლიანობა; დევნისას მათი რიგები დაშლილიყო და რაზმეულებად მიეშურებოდნენ „ღამარცხებული“ მტრის საბოლოოდ გასანადგურებლად: მაგრამ ჩანდა, ემილიუსი ახლა იწყებდა ბრძოლას.

რომაელები რაზმეულებად შეიჭრნენ დაფანტულ მაკედონელთა დისტანციებში. გაჩაღდა მრავალი ჭკუფობრივი ბრძოლა. რომაელები, რომელთაც უკვე ნაპოვნი ჰქონდათ მანძილი მანევრირებისათვის, ყოველი მხრიდან გარს ერტყმოდნენ დაქსაქსულ ფალანგიტთა რაზმებს და უწყალოდ სჩეხდნენ მათ. პერსეოსის ქვეითი არმია მთლიანად წადგურდებოდა. ვინც გაქცევა მოახერხა, ზღვის სანაპიროს მიაშურა, მაგრამ აქ წინ გადაეღობნენ რომაელი მეზღვაურები, რომლებიც სწორედ ამ დროს გამოჩნდნენ პრეტორ ოქტავიუსის აღმირალობით.

კატასტროფა დააჩქარა მაკედონელი მეფის უმოქმედობამ და სიმბდალემ. კავალერიას, რომელსაც თვით მეფე უდგა სათავეში, ბრძოლაში არც კი მიუღია მონაწილეობა. ის მდინარის მეორე ნაპირიდან უტყერდა ფალანგების განადგურებას და პირველი გაიქცა ბრძოლის კელიდან.

20.000 მაკედონელის დაჩეხილი გვამი ეყარა მიწაზე. 11.000 ტყვე ჩაიგდეს ხელში რომაელებმა.

ასე გადაწყდა მაკედონიის ბედი ბრძოლაში, რომელიც ერთი საათიც არ გაგრძელებულა. სულ ერთი კვირა იყო გასული ემილიუს პავლეს მთავარსარდლად დანიშენიდან და ალექსანდრე მაკედონელსა საშობლო უკვე რომაელთა ფეხქვეშ იყო გართხმული. წინააღმდეგობის გაწევება აღარავინ ფიქრობდა. პერსეოსი მხოლოდ საკუთარი სიცოცხლისა და ხაზინის გადარჩენაზე ზრუნავდა. ის პირდაპირ გაიქცა სატახტო ქალაქ პელაში. გზაზე მას თითქმის ყველა მსახური ჩამოშორდა. ბრახმორეულ მეომრებს ძლივს გადაურჩა მხოლოდ იმის წყალობით, რომ სამეფო ტანსაცმელი და დიადემა მოიხსნა და უბრალო ტანსაცმელში შემოსილმა ძლივს მიაღწია პელას. აქ მან დახოცა ერთგული ხაზინადარები, გასწმინდა სახელმწიფო საგანძური, რომელიც 6.000 ტალანტისაგან შედგებოდა, და გაიქცა სამხრეთისაკენ თავისი ოჯახის, სამი ერთგული მსახურისა და ხუთასი მეომრის თანხლებით. ეს უკანასკნელნიც მას მისდევდნენ არა იმდენად ერთგულების გამო, რამდენადაც იმ ფულის მიღების სურვილით. რომელსაც მათ აღუთქვამდა გვირგვინმოსხნილი გვირგვინოსანი. სასყიდლის მიღების შემდეგ, ქალაქ ამფიპოლისში, პერსეოსი ამ უკანასკნელმა ამაღამაც მიატოვა. ბოლოს, ლტოლვილმა, თავის ცოლ-შვილთან ერთად, ძლივს მიაღწია სამოთრაკიას. აქედან ფიქრობდა თრაკიაში გაქცევას, მის მოკავშირე კოტისთან. სწორედ ამ გეგმის განხორციელების დროს ის მისივე ანგარებისმოყვარეობის მსხვერპლი შეიქნა. პერსეოსი მოელაპარაკა ვილაც კრეტელ ოროანდს, რომელსაც ხომალდით უნდა გაეპარებინა ის და მისი ოჯახი რომაელებით გავსებულ ზღვაში. ღამით ოროანდმა დატვირთა გემი ხაზინითა და სიმდიდრით. მეორე

ლამით, გამგზავრების დათქმულ ვადაზე, პერსეოსი ცოლ-შვილით მივიდა ზღვაზე, მაგრამ იქ არც ორთანდი, არც გემი და არც სამეფო საჭურჭლეები აღარ დახვედრია, პერსეოსი დანებდა საბედისწერო ხვედრს. ის თავისი ოჯახით ჩაბარდა პრეტორ ოქტავიუსს, რომელმაც ისინი გაგზავნა ემილიუს პავლესთან. პიდნას ბრძოლიდან რაღაც ერთი თვის განმავლობაში რომაელებმა გაანადგურეს მაკედონიის შოკავ-შირე ილირია და ეპირია...

რომაელები ცირკში დიდ სანახაობაზე იყვნენ შეკრებილნი, როცა იქ გამოცხადდნენ ემილიუს პავლეს შიკრიკები, რომლებმაც ჩამოიტანეს სასიხარულო ამბის მაუწყებელი დაფნის ფოთლებით შემკული ეპისტოლე. ხალხი დიდი ზეიმით შეხვდა ახალ დიდ გამარჯვებას. საყოველთაო დღესასწაული და მსხვერპლშეწირვა ჯერ არც კა დაძთავრებულყო, რომ კვლავ ახალი გამარჯვების ამბავი მოვიდა: რომაელებმა დაამარცხეს და შეიპყრეს ილირიელი მეფე გენციუსი.

სენატის დადგენილებით გაიგზავნა ბრძანებები, რომლის მიხედვით ემილიუს პავლეს უნდა მოეწესრიგებინა ახლადდაპყრობილი და საერთოდ აღმოსავლეთის ქვეყნების საქმეები.

3. მაკედონიის ხელახალი განადგურების შედეგები

დაისვა საკითხი, როგორ უნდა მოქცეოდნენ დამარცხებულ მაკედონიას, — კვლავ წინანდებურად დამოუკიდებელ, მაგრამ შევიწროებულ მდგომარეობაში დაეტოვებინათ, თუ დამოუკიდებლობაც წაერთმიათ და სავსებით დამორჩილებულ პროვინციად გადაექცაათ; ე. ი. კვლავ რქმეოდა (თუადაც მაოლოდ რქმეოდა) ალექსანდრე მაკედონელის საშობლოს „მაკედონიის სამეფო“, თუ დამოუკიდებლობის ნომინალური საბურველიც ჩამოსცილოდა და ისეთივე აშკარად მონადქვეულ ტერიტორიად შესულიყო რომის პროვინციულური მმართველობის სისტემაში, როგორც, ვთქვათ, სიცილია, ან სარდნია?

აღკვარაჲ. აჭერად „აღმოსავლეთის საკითხი“ სავსებით ახლებურად ისმებოდა რომის სოციალურ-ეკონომიურ და პოლიტიკურ ცხოვრებაში. ამიტომაც პიდნას ბრძოლის თარიღი რომის აღმოსავლურ პოლიტიკაში შემობრუნების პუნქტად ითვლება. აქამდე რომის მმართველი სოციალური ფენები, ოლიგარქიული ნობილიტეტი და ფინანსისტ-მხედართა წოდება, თანხმდებოდნენ ფლამინიუსისა და სციპიონების პოლიტიკურ კურსს დამარცხებული აღმოსავლეთის ქვეყნების მიმართ. ისინი „გამათავისუფლებლის“ დროშით მიდიოდნენ აღმოსავლეთში საომრად; „ელევთერიის“ დროშით იპყრობდ-

ნენ აღმოსავლეთს; რომაული დიპლომატიის ცნობილი ფორმულით — socius et amicus populi Romani — შეჰყავდათ დამარცხებული ქვეყანა რომის პოლიტიკური და ეკონომიური მბრძანებლობის სისტემაში. ხოლო პიდნას ბრძოლის შემდეგ, რომის ხელისუფლება აღმოსავლეთის მიმართ რადიკალური პოლიტიკით იწყებს გამოსვლას.

რომიდან ბალკანეთზე გაიგზავნა დეცემვირთა კომისია, რომელმაც პავლესთან ერთად შეიმუშავა მაკედონიის ახალი სტატუსი: მაკედონიას ფაქტიური დამოუკიდებლობა წაართვეს, მაგრამ პროვინციად არ გამოაცხადეს. მეფობა გააუქმეს და ქვეყანა ოთხ, სავსებით განცალკევებულ და კარდარაზულ ოლქად გაჰყვეს; მათ ოთხი რესპუბლიკა უწოდეს; პელაგონიის, ამფიპოლისის, თესალონიკის და პელას რესპუბლ კება. ეს ოლქები თავისი პოლიტიკური სტრუქტურით ჰგავდნენ აქენსა და ეტოლიის კავშირებს, მაგრამ იმ განსხვავებით, რომ მაკედონიის ახლად დანაწევრებულ ოლქთა შორის აკრძალული იყო ყოველგვარი კავშირი, არა მარტო სამხედრო-პოლიტიკური ან სავაჭრო კავშირი, არამედ ქორწინებრივი უფლებაც (ius conubii) კი. მაკედონელებს აეკრძალათ ოქროსა და ვერცხლის მალარობის დამუშავება. აეკრძალათ გაცელა-გამოცვლილი ვაჭრობა, მარილის შეტანა და საგემთმშენებლო ხე-ტყის გატანა. მაკედონიის ყველა ციხე-სიმაღლე საძირკვლამდე დაანგრიეს და იანგაჩყვეს; მთელი შიარაღება წაართვეს (აქედან სპილენძის და ოქროს ფარები რომში წაიღეს, ხოლო დანარჩენი საპურველი დაწვეს); ქვეყანა მიწათმფლობელობას გადასახდით დაბარკეს. — ყოველწლიურად რომის ხაზინა მაკედონიიდან მიიღებდა 100 ტალანტს.

რომელმა სარდალმა საძარცვავეი ობიექტები ცალ-ცალკე მისცა ქვეით და ცხენოსან ჯარებს. პიდნაც კი, რომელიც თავის ნებით დაინებდა, სიონგრებს გადაეცათ საძარცვადად. შემდეგ პავლი პიდნას აეოსხრებინათ სინტიკა. იმავე დროს, გნ. ოქტავიუსისაგან აღებული და გაძარცვული იქნა მელიბე. რომაელები არც პერსეოსის მიერ გაძარცვულ პელადან წასულან ბელცარიელი — 300 ტალანტი წაიღეს იქედან. მელანე პავლემ გაიტანა სასეფო ბიბლიოთეკა და ბუთგირვანტიკაი ვერცხლის თასი. შემდეგ, რომაელმა სარდალმა, მაკედონურ-საპურველით გაჩაღებულ კოცონის შუქზე, თავი მოუყარა აურაცხელ სააღაფეს: „აქ იყო ქსადაკებაი, სურათები, ქაივ ლები, მურქოვინევი, გაყეთებული დიდოა ვაღმოდგიებით სასეფო სახლისათვის. სულ ოქროთი, ვერცხლითა და სპილოს ძვლებით. კველაფერიც კი დაქვირთეს გემებზე და სიბი რომში წაიღეს. ანა გნ. ოქტავიუსს“¹.

¹ Liv. XLV, 33.

მას შემდეგ, რაც „მაკედონიას ძარღვები და ნერვები გადაუტრეს“, „გამათავისუფლებლები“ მიადგნენ მათი „მჯარველობის“ ქვეშ მყოფ ბერძნულ ოლქებს. უპირველეს ყოვლისა. მთელს საბერძნეთში მათ ვააჩაღეს სასამართლო პროცესები. ყველას, ვინც კი ოდნავ ეწეო-ტანილი აღმოჩნდებოდა პერსეოსის დახმარებაში ან თანაგრძნობაში. სიკვდილით სჯიდნენ, ან უკეთეს შემთხვევაში, სამშობლოდან აძევებ-დნენ. რეპრესიის მსხვერპლი ხდებოდნენ არა მარტო ცალკე პირები, არამედ მთელი ქალაქები და ოლქები. აკარნანიას სულ წაართვეს ქალაქი ლევკადა; კუნძულ ლესბოსზე ქალაქი ანტისა საძირკვლამდე დააქციეს და მისი მოსახლეობა მიტილენაში გადაასახლეს. ეტოლიას ჩამოართვეს ტერიტორიები, სადაც დასახლებული იყვნენ ლოკრები, ამფილოხები და ელიანები. იგივე ეტოლიაში რომაელთა ხელით და-იღუპა 550 ეტოლარქი. რომაელები უნდო თვალით უყურებდნენ აქეის კავშირსაც. მათი ბრძანებით, სხვა მრავალ საეკვო ბერძენთან ერთად, 1 000 რჩეული აქეელი იქნა გადასახლებული იტალიაში (მათ შორის იყო პოლიბიოსი). იტალიაში მიმოფანტული ბერძნები უმჭი-მეს პირობებში ცხოვრობდნენ და გაქცევის ცდის შემთხვევაში სიკვდი-ლით ისჯებოდნენ. ბოლოს, რომაელებმა საოცარი სიმკაცრით გაანად-გურეს ებირი. ამ ერთ მაგალითში მთელი სისრულით ჩანს ტიპური რომაელი დამპყრობელის ყოველი კონტური: ცბიერება, მძარცვე-ლობა, შეუბრალებლობა, მიზანთროპულობა, ცინიზმი. ჯერ, სარ-დლის ბრძანებით „ცალკეულ ქალაქებში გაგზავნილ იქნენ ცენტური-ონები, რომლებიც აცხადებდნენ, რომ მოვიდნენ, ვითომ გარნიზო-ნების გასაყვანად, რამეთუ ებირელები იქნან ისეთივე თავისუფალნი, როგორც მაკედონელები (!): შემდეგ გამოიძახა ყველა ქალაქიდან ათი მამასახლისი და გამოუცხადა მათ, რომ მოეგროვებინათ ყოველგვარი ოქრო და ვერცხლი, როგორც (რომაელი ხალხის) საზოგადოებრივი მონაპოვარი; გაგზავნა ყველა ქალაქში კოპორტები. ისინი შორეული ქალაქებისკენ უფრო ადრე გაეშურნენ, ვიდრე ახლომდებარე ქალა-ქებში, რადგან ყველგან ერთ დღეს უნდა შეჭრილიყვნენ. ტრიბუნებ-სა და ცენტურიონებს გამოეცხადათ, როგორც უნდა მოქცეულიყვნენ. ადრე შეგროვდა მთლიანად ოქრო და ვერცხლი; ნაშუადღევს მეომ-რებს მიეცათ ნიშანი ქალაქების გაძარცვისათვის, ნადავლი იყო იმ-დენი, რომ ყოველ ქვეით მეომარს ერგო 200 დენარიუსი, ხოლო მხე-დარს — 400 დენარიუსი; მონებად წაიყვანეს 150.000 კაცი. შემდეგ დანგრეულ იქნა კედლები გაძარცვული ქალაქებისა, რომელთა რი-ცხვი აღწევდა სამოცდაათამდე².

¹ Моммзен Т. История Рима, т. I. М., 1936, 729.

² Liv. XLV, 34; Plut. Acem. Paul. 29, სტრაბონი იმასაც კი ამბობს, რომ რომა-ელებმა გაძარცვეს და დაანგრიეს 150 ქალაქი (Str. VII, 7, 35).

ყურადღება უნდა მიექცეს იმას, რომ აქ ჩამოთვლილი სიმდიდრე არ შედიოდა სარდლის სატრიუმფო ნადავლში. ხოლო ლუციუს ემილიუს პავლუს ტრიუმფი, როგორც დასკვნა და ფინალი ახალი აღმოსავლური ძარცვა-გლეჯისა და ობევა-ტყვევნისა, ასეთი იყო:

„პავლუს პერსეოსზე და მაკედონელებზე გამარჯვებას ზეიმობდა სამი დღის განმავლობაში... ეს ტრიუმფი, — რომელიც ყურადღებას იპყრობდა დამარცხებული მეფის სიდიადით, სხვადასხვანაირი გამოხატულებებით, თუ ფულის სიმრავლით, — იყო უაღრესად ბრწყინვალე და შორს იტოვებდა მანამდე გამართულ ტრიუმფებს. თეთრ ტოგებში გამოწყობილი ხალხი საცქერლად გამოსულიყო ტრიუმფზე და ქალაქის სხვა ადგილებზე, იმ ადგილებში, სადაც უნდა გაეელო საზეიმო პროცესიას, ხალხისათვის ამფითეატრის სახით მოწყობილი იყო სკამები. გაღებული იყო ყველა ტაძარი, შემკულნი ყვავილთა გვირგვინებით და ავსებულნი საკმეველით... როგორც ვთქვით, სამ დღეზე იყო განაწილებული ეს საზეიმო სანახაობა: პირველი დღე ძლივს ეყო მტერთაგან წართმეული ქანდაკებებისა და სურათების გასატარებლად; ესეი ავსებდნენ 250 საზიდარს. მეორე დღეს მოქონდათ მრავალრიცხოვან საბარგულზე დაწყობილი ყველაფერი საუკეთესო, როგორც სილამაზით, ასევე მდიდრული ნაკეთობით, მაკედონური საჭურველი, რომელიც, ცოტა ხნის წინ გაფერილი ბრწყინავდა რკინისა და სპილენძის ბრწყინვალეებით... მახვილები ელაგა ფარებთან, თორნა საბარკულებთან, კრეტული პელტები, თრაკიული ცეტრები და კაპარქები; არეულნი ცხენის მოკაზმულობასთან, გამშიშვლებული მახვილები — აქა-იქ მიყრილ-მოყრილი, და გრძელი შუბები — გვერდებიდან გრძლად გამოზიდულნი... შემდეგ 3 000 კაცს მოქონდა 750 ჭურჭელი გავსებული დაბეჭდილი ვერცხლით; თითოეულში სამი ტალანტი იყო და ოთხ კაცს მოქონდა. სხვებს მოქონდათ ვერცხლის სხვადასხვანაირი თასები, რომლებიც გაწყობილნი იყვნენ ოსტატურად და ყურადღებას იქცევდნენ, როგორც სიდიდით, ასევე სიმძიმით, დასაეწილი დამუშავებით და ნაკვეთი მოხატულობით. მესამე დღეს, ადრე დილიდანვე, დაიძრა ჯარი, რომელსაც წინ მოუძღოდნენ მესაყვირენი არაჩვეულებრივი საზეიმო და საომარი სიმღერების დაკვრით. შემდეგ მოჰყავდათ 120 მსუქანი ხარი, მოოქროვილი რქებით, ბაფთებითა და გვირგვინებით შემკულნი; ისინი მოჰყავდათ ყმაწვილებს, შესანიშნავი ნაქარგი ქამრებით წელზეკრულთ. მათ მოაცილებდნენ ბიჭები, რომელთაც მოქონდათ ვერცხლისა და ოქროს პატერები (სამსხვერპლო ჭურჭლები). შემდეგ მოჰყვებოდნენ ისინი, რომელთაც მოქონდათ დაბეჭდილი ოქრო 707 ჭურჭელში, ყოველ მათგანში — სამი ტალანტი. შემდეგ გამოჩნდა საღვთო თასი, წონით ათი ტალანტი, შემკობილი ძვირფასი ქვებით...

და სხვა ოქროს ნივთები, რომლებითაც მორთული ყოფილა პერსეოსის საცხოვრებელი. მოდიოდა პერსეოსის ეტლი, დატვირთული მისი საჭურველით და ღიადემებით. მას მოჰყვებოდა ბრბო ტყვეებისა: ბიტისი, მეფე კოტისის ძე, მამისაგან მაკედონიაში მძევლად გაგზავნილი და შემდეგ პერსეოსის შვილებთან ერთად რომაელთაგან დატყვევებული: შემდეგ, თვითონ პერსეოსის შვილები, აღმზრდელთა და მასწავლებელთა ბრბოს თანხლებით... შვილებს კვალდაკვალ მოჰყვებოდა პერსეოსი ცოლით... მას მოჰყვებოდა მეგობართა და ახლობელთა ბრბო... შემდეგ მოჰქონდათ 400 ოქროს გვირგვინი, პავლე-სადმი გამოგზავნილნი საბერძნეთისა და აზიის ქალაქებისაგან...“¹

ტრიუმფზე გამოტარებული, მარტო მონეტად მოტანილი ოქრო-ვერცხლი წყაროების მიხედვით შეფასებულია სულ მცირე 200.000.000 სესტერციუმად. ამ ფულით რომს საშუალება მიეცა 168 წლიდან 43 წლამდე (პირციუსისა და პანსას კონსულობამდე), ე. ი. 125 წლის მანძილზე, მოქალაქენი გაეთავისუფლებინა პირდაპირი გადასახადისაგან (tributum).

მაგრამ ეს მარტო ფულადი ნაძარცი იყო. ახლა, ბერძნულ-აღმოსავლური კულტურის უძვირფასესი ძეგლები, ქანდაკებანი, სამკაულები, საოჯახო ნივთები, საომარი საჭურველი, წიგნთსაცავები და სხვ., რასაც წყაროები საერთოდ ანგარიშში არ აგდებენ! კიდევ რამდენი რამ, რაც მეომრებმა დაინაწილეს, „ოფიციალურად“ მიიღეს, ან თავის ნებით დაიტაცეს!

ბოლოს, ყველაფერ ამას ემატება კვლავ აღმოსავლეთიდან ჩამოტანილი ნაძარცი: ილირიის განადგურებისა და გაძარცვის შემდეგ რომში დაბრუნდა პრეტორი ლუციუს ანიციუსი, რომელმაც დატყვევებული ილირიელი მეფის, გენციუსისა და მისი ოჯახის გარდა, ტრიუმფში გამოატარა მრავალი სამხედრო ნიშანი, სხვადასხვანაირი ნადავლი და სამეფო ქონება: ოქრო 27 გირვანქა, ვერცხლი 19 გირვანქა, 30.000 დენარიუსი და 120.000 ილირიული ვერცხლი (მონეტა)... მეთაურმა ნადავლიდან ყოველ მეომარს მისცა 45 დენარიუსი, ცენტურიონს ორმაგად, მხედარს სამმაგად, ხოლო ლათინური წარმოშობის მოკავშირეებს იმდენი, რამდენიც მოქალაქეებს, ხოლო მეზღვაურებს მისცა მეომართა თანასწორად...



¹ Liv, XLV, 39; Plut. Aem. Paul. 32—34.

რომის პროვინციული სისჯავნის დასაწყისი აღმოსავლეთში

1. მაკედონიის სრული დამორჩილება.

მაკედონია აღმოსავლეთში პირველი ქვეყანა იყო, რომელსაც რომმა სავსებით წაართვა დამოუკიდებლობა. იგი ჯერ კიდევ არ იყო პროვინცია, მაგრამ პოლიტიკური და ეკონომიური დამონების თვალსაზრისით მისი მდგომარეობა თითქმის აღარაფრით განსხვავდებოდა პროვინციული მმართველობის უფლის სიმძიმისაგან.

როგორც ითქვა, რომაელებმა მაკედონია ოთხ ნაწილად გაყვეს, ისე რომ მათ შორის აკრძალული იყო არა მარტო პოლიტიკური და ეკონომიური ურთიერთობა, არამედ მოყვრულ-ნათესაური კავშირიც კი.

რომაული გზით მოვლენილს პოლიტიკური უუფლებობისა და ეკონომიური სიდუხჭირის პირობებში მწიფდებოდა ნიადაგი ანტირომაული მოძრაობის დაწყებისათვის მაკედონიაში. ამას ზედ ერთვოდა შინაგანი სოციალური წინააღმდეგობანი მაკედონურ ზედა ფენასა და სახალხო მასებს შორის. რომაელების მიერ გათიშული ერთეულების სათავეში მდგარი მაკედონური არისტოკრატია რომაული პოლიტიკის დაცვას ცდილობდა; ეს კი დაბალ ფენათა საბრძოლო განწყობილებას კიდევ უფრო ზრდიდა. ასე რომ, მაკედონური მოსახლეობის საბრძოლო ინტერესები ერთდროულად ორ ძალას უპირისპირდებოდა: უცხო-რომაულს და მაკედონურ-არისტოკრატულს.

ანტი-რომაული მოძრაობის გაჩაღებას ბალკანეთის ჩრდილოეთ ნაწილში ხელს უწყობდა, აგრეთვე, თრაკიელი ტომების მტრული განწყობილება რომის წინააღმდეგ.

პიდნას ბრძოლიდან ოცი წლის შემდეგ რომაულ ლეგიონებს კვლავ მოუხდათ აღმოსავლეთში სალაშქროდ წასვლა. მაკედონიაში იფეთქა აჯანყებამ, რომელიც ისტორიაში ცნობილი გახდა ანდრისკეს, ანუ ფსევდოფილიპეს აჯანყების სახელწოდებით (149—148).

აზიელმა მდიანო სელოსანმა ანდრისკემ თავი გამოაცხადა მაკედონიის ტახტის კანონიერ მემკვიდრედ. ე. ი. მანაც დაიწყო ისე, როგორც ყოველთვის იქცეოდნენ მდამიოთა და მონათა აჯანყებების ბელადები, დიდ სპარტაკამდე. ისინი რომაულ-დამპყრობლური ულ-

ლის გადასაგდებად აჯანყებას. სათავეში უდგებიან „ცარისტული“ ღრობით. ანდრისკე ითვისებს პერსეოსის გარდაცვლილი შვილის ტალიპეს სახელს და რომაული უღლის ქვეშ წელგაწვეტილ მაკედონიას ჰპირდება „მშობლიური“ სამეფო ტახტის აღდგენას.

ანდრისკეს, ჯერ სურს სირიის მეფე დემეტრიოს სოტერი დაითანხმოს, — სცნოს მაკედონიის ტახტზე მისი კანონიერი მემკვიდრეობა. ეს რასაკვირველია, დემეტრიოსის მხრივ დიდ გაბედულებას მოითხოვდა. მაკედონიის ტახტის აღდგენის მხარის დაქერა რომთან ომის დაწყებას ნიშნავდა, ხოლო სირიის მეფეს საამისოდ არც სურვილი ჰქონდა და არც შესაძლებლობა. ისედაც სელევკიდებს არასდროს არ სურდათ მაკედონიის გაძლიერება და ამ მხრივ არც დემეტრიოსი იყო გამონაკლისი. ამიტომ მან სენატის სიამოვნებისათვის ანდრისკე შეიპყრო და რომაელებს გადასცა. მალე ანდრისკე იტალიის ტყვეობას გამოექცა და ისევ აზიაში, მილეტს შეაფარა თავი. აქ ის ისევ შეიპყრეს და რომს გადასცეს. რომაელებმა ის, თავის მხრივ, გაათავისუფლეს, რაკი მასში რაიმე სერიოზულ საფრთხეს ვერ ჰხედავდნენ.

ფსევდო-ფილიპეს გამოჩენა და მოწოდება რომის წინააღმდეგ საომრად, საქმარისი საბაბი შეიქნა ძლიერი ანტი-რომაული აჯანყების დაწყებისა ჩრდილოეთ ბალკანეთზე. ანდრისკე მიზნად ისახავდა, რომთან ბრძოლაში ჩაეთრია არამარტო მაკედონია, არამედ საბერძნეთი, თრაკია, ბიზანტიონი და პონტოს სანაპირო ბერძნული ქალაქები. იგი მოხერხებულად იყენებდა თვით მაკედონელთა შორის არსებულ სოციალურ წინააღმდეგობებს; გამოდიოდა მდიდართა წინააღმდეგ, ავიწროებდა და ხშირ შემთხვევაში სიკვდილითაც სჯიდა მათ. ამის გამო, ანდრისკეს მოსახლეობის უდიდესი ნაწილი, უღარიბესი ფენები, უჭერდნენ მხარს.

მაკედონელ მდებრითა გარდა, ანდრისკეს საომაჩ ძალებში დიდი წილი ედოთ თრაკიელ ტომებს. თვითმარქვია თვითონ ჩავიდა თრაკიაში. სადაც მას დიდი საწეიმო შეხვედრა მოუწყვეს. აქვე მას ნააბარეს არმიის მთავარსარდლობა და თავზე დაადგეს მაკედონიის ტახტის მემკვიდრის სამეფო დიადემა.

149 წლის გაზაფხულზე ანდრისკე თრაკიელთა მხარდაჭერით მიიღვა მაკედონიის სასაზღვრო ხაზს მდინარე სტრიმონთან. აქ მან ორჯერ დაამარცხა პრორომაული პოლიტიკის დამცველთა ძალები და შევიდა მაკედონიაში. მალე მის ხელში აღმოჩნდა მთელი მაკედონია.

მაკედონიიდან ანდრისკე დაიძრა საბერძნეთისაკენ, სადაც ამ დროს უკვე იწყებოდა ბერძნული მოსახლეობის განმათავისუფლებელი მოძრაობა რომაელთა წინააღმდეგ. მაგრამ, როგორც ეტყობა, ანდრისკემ ვერ დაამყარა კავშირი მაშინდელი საბერძნეთის ყველაზე აქტიურ

ძალასთან, — აქეის კავშირთან. პირიქით, ბერძნული ოლქების ნაწილი, განსაკუთრებით ჩრდილოეთი რაიონები, — რომელთაც ჯერ კიდევ არ დავიწყნობდათ მაკედონური ულლის სიმძიმე, — მტრულად შეხვდნენ მაკედონური ტახტის უზურპატორს. მაგალითად, თესალია იმასაც კი შეეცადა, რომ აქეელებიც ჩაეთრიათ ფსევდო-ფილიპეს წინააღმდეგ ომში.

აჯანყებულ მაკედონელთა წინააღმდეგ პირველი გამოვიდა ბალკანეთში მყოფი პრეტორი, პაულუს სციპიონ ნაზიკა. მის ხელთ იყო აქეელთა და აზიიდან სპეციალურად ჩამოყვანილ პერგამოსელთა ლაშქარი. ნაზიკა შეტევაზე გადასვლას ერიდებოდა და ცდილობდა რომიდან ძირითად ძალთა გადმოსვლამდე შეეჩერებინა აჯანყებულთა შემდგომი წინსვლა სამხრეთისაკენ.

რომის ხელისუფლებამ ბალკანეთზე ერთი ლეგიონით გაგზავნა პრეტორი პუბლიუს იუვენციუს ფლაკუსი.

მაკედონიისა და თესალიის საზღვართან გაიმართა ბრძოლა, რომელშიც რომაელები სასტიკად დამარცხდნენ. რომაული ლეგიონიდან ცოცხალი თითქმის არავინ გადარჩენილა. თვითონ ფლაკუსმა გაქცევით უშველა თავს.

ანდრისკემ ამ გამარჯვების შედეგად ხელთ იგდო მთელი თესალია და უშუალოდ მიადგა შუა საბერძნეთის საზღვრებს. მალე გავარდა სმამა, რომ მაკედონელთა ახალმა მეფემ ურთიერთობა გააბა კართაგენთან, რომელსაც ამ დროს ომი ჰქონდა რომთან (მესამე პუნიკური ომი).

ახალ საომარ სამზადისთან ერთად, ანდრისკეს ბრძანებით გაუქმებული იქნა ყოველგვარი „რომაული წესრიგი“. პირველ რიგში გაუქმდა მაკედონიის დანაწევრება, და იგი კვლავ ერთიან სახელმწიფოდ გამოცხადდა. ამაზე მეტყველებს ამ დროს გამოშვებული ერთიანი მაკედონური ფულადი ერთეული, ვერცხლის ტეტრადრამმა ანდრისკეს სამეფო სახელის წარწერით.

რომი შეაშფოთა რომაული ლაშქრის განადგურებამ და მაკედონიაში ერთბაშად გართულებულმა მდგომარეობამ. მიუხედავად იმისა, რომ რომაელებს მესამე პუნიკური ომი და ესპანელთა აჯანყება ზელს ძალიან უშლიდათ, მაინც შესძლეს ბალკანეთზე ახალი ძლიერი არმიის გადასროლა. ამ ახალ აღმოსავლურ ლაშქრობას სათავეში ჩაუყენეს ენერგიული ქეინტუს ცეცილიუს მეტელუსი.

ცეცილიუსმა შეიერთა პერგამოსელთა ფლოტიც და ხმელეთიდან და ზღვიდან ერთდროულად მიადგა მაკედონიას. პირველი შეტაკება, რომელიც პიდნასთან მოხდა, მოწინააღმდეგეთა საკავალერიო ნაწილებს შორის, კვლავ რომაელთა მარცხით დამთავრდა.

გამარჯვებებით გათამამებულმა ანდრისკემ არმია ორ ნაწილად გა-

ჰყო; ერთი ნაწილი მაკედონიის დასაცავად განლაგა, მეორეთი თესალიისაკენ დაიძრა. ეს უკვე შეცდომა იყო. ცეცილიუსს შეეძლო ესარგებლა მოწინააღმდეგის ძალთა დაქსაქსევით. ამას დაერთო გახსენთქილება მაკედონელთა სარდლობაში. რომაელმა სარდალმა მოახერხა მოესყიდა მაკედონური კავალერიის უფროსი ტესტი, რომელიც მთელი მხედრობით რომაელთა ბანაკში გადავიდა. ამის შემდეგ გენერალური ბრძოლის ბედი გადაწყვეტილი იყო. ანდრისკე დამარცხდა. მისი 25.000-ანი არმია განადგურდა და გაიფანტა.

თვითმარქვიამ თრაკიაში კიდევ ორჯერ შეკრიბა ჯარები, მაგრამ ორჯერვე განადგურა იგი ცეცილიუსმა. ბოლოს, თრაკიელმა მეფემ ბიზიოსმა უღალატა მას — შეიპყრო და გადასცა რომაელ სარდალს.

მაკედონელთა და თრაკიელთა აჯანყება ლიკვიდირებულ იქნა. მისი ბელადი, როგორც ძვირფასი ტყვე, ბორკილდადებული გაიჟლიდა რომის ქუჩებს ძღვევამოსილი ცეცილიუს მეტელუსის ტრიუმფში.

ცეცილიუსმა რომიდან მიიღო ბრძანება, რომლის საფუძველზეც მას ხელახლად დაპყრობილი მაკედონია უნდა გამოეცხადებინა პროვინციად. სენატის ბრძანება შესრულებული იქნა (148 წ.). გამოცხადდა „პროვინცია მაკედონია“, რომელშიც ტერიტორიულად შევიდა თვით მაკედონია, ეპირი, სამხრეთ ილირია და ქალაქები — აპოლონია და ეპიდამნი.

ასე განდა პირველი აღმოსავლური პროვინცია რომის იმპერიაში. რომის ხელისუფლებამ უკანასკნელი ნაბიჯი გადადგა დაპყრობილ ქვეყნებთან „ლიბერალური“ დამოკიდებულების მოსპობაში. აქამდე რომაული „ლიბერალიზმი“ განსაკუთრებით აღმოსავლური ქვეყნების მიმართ ხორციელდებოდა. მთელი 150-წლიანი რომაულ-აღმოსავლური სისხლიანი ურთიერთობის ისტორია პოლიტიკურ წაჯექ-უჯექობანას თამაშს ჰგავდა. მისი შინაარსი იყო აღმოსავლეთის მორჩილებაში მოყვანა „მოკავშირე-მეგობრული“, „პატრონ-კლიენტური“, „მფარველ-პროტექტორული“ დიპლომატიური ფორმულების ქვეშ.

ამ პოლიტიკის შეცვლის პირველი ტენდენცია რომმა აჩვენა პიდნას ბრძოლის მეორე დღეს, ხოლო ახლა, პიდნას ბრძოლიდან ორი ათეული წლის შემდეგ, რომმა მთელ მსოფლიოს დაანახვა, რომ ამიერიდან იგი საბოლოოდ იღებს ხელს დაპყრობილ ქვეყანათა მიმართ ლიბერალურ დამოკიდებულებაზე. ამიერიდან რომისათვის ყოველი დაპყრობილი ქვეყანა არის მხოლოდ და მხოლოდ დაპყრობილი ქვეყანა! მისი სახელწოდებაა „provincia“; მისი შინაარსია დაპყრობა ყოველმხრივი: პოლიტიკური, ეკონომიური, სოციალური, სულიერი.

რომის აქტიური საგარეო პოლიტიკის ახალი ეტაპის ყველაზე კატეგორიული, ლაკონიური და ყოველსმომცველად გამომხატველი ფორმულა იყო მარკუს პორციუს კატონის სახელოვანი სიტყვა: „ceterum censeo, Carthaginein esse delendam!“ („სხვა, მე ვფიქრობ, კართაგენი უნდა დაინგრეს!“). ეს მოწოდება მარტო კართაგენს როდი ესხმოდა თავს. მან მთელს მაშინდელ მსოფლიოს დასცა თავ-წარი, — განსაკუთრებით კი მას შემდეგ, რაც „esse delendam“ პირველად აფრიკაში კი არა, აღმოსავლეთში განხორციელდა. მისი პირველი მსხვერპლი შეიქნა დიდი აღმოსავლური სახელმწიფო — მაკედონია. აქამდე პროვინციალურ დაპყრობათა მსხვერპლნი ხდებოდნენ მცირე ან მუდამ პოლიტიკურ და ეკონომიურ მთლიანობას მოკლებული ქვეყნები (სიცილია, სარდინია, კორსიკა, ესპანეთი). ხოლო ახლა, მაკედონიის მაგალითზე, პირველი შემთხვევა იყო, როცა რომაელებმა „პროვინციად“ აქციეს მუდამ ძლიერი, დიდი პოლიტიკური და ბორალური წონადობის მქონე სახელმწიფო მთელს მსოფლიოში. ეს იმას ნიშნავდა, რომ უაღრესად აგრესიული პრინციპის — esse delendam — წინაშე ყველა ერთნაირ carcer-ში მოხვედებოდა: დიდცი და მცირეცი, ძლიერიც და სუსტიც.

ამიერიდან რომაელებს აშკარად აღარ სურთ, რომის გარდა „კიდევ სადმე არსებობდეს სახელმწიფოებრივი ძალაუფლება“¹.

რომ ეს ასე იყო, იმავე წლებში დადასტურდა კიდევ ორი დიდი სახელმწიფოს საბოლოო განადგურებით და „პროვინციად“ გამოცხადებით — ერთი კვლავ აღმოსავლეთში (საბერძნეთში) და მეორეც — აფრიკაში (კართაგენი)...

2. საბერძნეთის სრული დამორჩილება

სად არის შენი წინანდელი მშვენიერება,
 კორინთოვ, ერთდროს დორიელთა დიდო ქალაქო.
 რამ დაგიღწა ქონგურები მაღალ კოშკების,
 რამ აგიონხრა ტაძრები და სრა-სასახლენი.
 სად გაქრნენ შენი ვაკეკეები და ასულები —
 ნეტარ ღმერთების და სისიფეს შთამომავალნი,
 სვე-უბედურო, როგორ გაქრი ასე უკვალოდ.
 ომმა შემუსრა და ჩაყლაპა შენი დიდება;
 მხოლოდ უკვდავნი ზღვის ასულნი, ნერეიდები,
 როგორც ტალღებზე მონავარდე ალკიონები,
 ნწარედ დავსტირით შენს მზე-ჩამქრალ დიდებულ
 წარსულს.

ანტიკატრე სილონელი.

რომს მაკედონიასთან ანგარიში ჯერ კიდევ საეხებით არ გაესწორებოდა, რომ დაიწყო სახალხო-განმათავისუფლებელი მოძრაობა საბერძნეთში.

¹ Cic. De lege agr., lib. II, XXXII, 87.

რომისადმი შეუპოვებლობისა და მძულეარების პირველი სიმბ-
ტომი, რაც ბერძნებმა იმდროინდელი კრიზისის დროს აჩვენეს,
მდგომარეობდა იმაში, რომ ისინი რომის ნამდვილ მოკავშირეებს
მტრული თვალთ უცქერდნენ, ხოლო მოწინააღმდეგეებს მეგობ-
რულად ექცეოდნენ.

რომმაც გადაწყვიტა, საბოლოოდ გაესწორებინა ანგარიში საბერ-
ძნეთისათვის, რომლის უპირატესობის (როგორც საბერძნეთის!)
გაქარწყლებას ის ყოველთვის ცდილობდა დანარჩენ „მოკავშირე-
თა“ შორის¹.

„ბერძნული ომის“ დაწყების საბაბი დაკავშირებულია აქეის
კავშირისა და სპარტის კონფლიქტთან. 149 წელს აქეის ლიგის კრე-
ბაზე არქონტმა დიეოსმა აღძრა საკითხი სპარტისადმი რომაელთაგან
მინიჭებული განსაკუთრებული „პრივილეგიების“ შეკვეცის შესახებ.
კრებამ მხარი დაუჭირა დიეოსს და გადაწყვიტა რამდენიმე სპარტელის
მძევლად აყვანა. სპარტამ სასწრაფოდ აფრინა ელჩები რომში. რომ-
მაც აღუთქვა, რომ კომისიას გაგზავნიდა საბერძნეთში. მაგრამ რო-
მაული კომისიის ჩამოსვლამდე აქეელები, დამოკრიტეს სარდლობით,
შეიჭრნენ ლაკონიაში (148 წ.) და იქვე გამართულ ბრძოლაში ათა-
სანდრე სპარტელი სიცოცხლეს გამოასალმეს. აქეელებმა ყურადღება
არ მიაქციეს იმ დროს მაკედონიაში მყოფი ცეცილიუს ბეტელუსის
გაფრთხილებას და ახლა დიეოსის სტრატეგოსობით ანახლებენ სპარ-
ტაზე იერიშებს.

ბოლოს, როგორც იქნა, პელოპონესში ჩამოვიდა რომაული კომი-
სია ავრელიუს ორესტეს მეთაურობით. მან კორინთოში მოიწვია აქე-
ელთა ყრილობა, სადაც გამოაცხადა რომის სენატის ბრძანება: გა-
ზოყოფილი იქნეს აქეის კავშირიდან სპარტა, კორინთო, ორქომენი,
არგოსი, პლევრონი და ეტოსი; მაშასადამე, აქეის კავშირს უნდა
ჩამოერთვას ყველა ქალაქი და ოლქი, რაც მან რომაელთაგან მიიღო
მეორე მაკედონური ომის შედეგად და დაკმაყოფილდეს იმ ტერიტო-
რიით, რაც მას ჰქონდა მეორე პუნიკური ომის ბოლოსათვის.

სენატის ასეთმა გადაწყვეტილებამ დიდი მღელვარება გამოიწვია
აქეელთა შორის. იქვე მოითხოვეს ყველა სპარტელის დაპატიმრება.
შეუღდნენ კიდევ ამ მოთხოვნის სისრულეში მოყვანას. იკერდნენ
ყველა სპარტელს და სპარტელზე მიმსგავსებულთაც კი. ხალხი არ
მოერიდა რომაელ ელჩებსაც — ლანძღავდნენ და შეურაცხყოფას
აყენებდნენ მათ. რომში დაბრუნებულმა კომისიამ ყველაფერი შე-
ატყობინა სენატს, უფრო გადაჭარბებულ, მუქ ფერებში.

რომიდან ახალი კომისია გაგზავნეს სექსტუს იულიუს კეისარის
მეთაურობით (147 წ.). ეგონში მოწვეულ აქეელ დეპუტატთა შეკრე-

¹ Frank T., Roman imperialism, 1914, 190.

ბაზე კეისარმა კვლავ ამცნო სენატის ურყევი გადაწყვეტილება. აქედან წარმომადგენლებმა, რომელთაც კრიტოლაოსი ხელმძღვანელობდა, მოითხოვეს საკითხის გადატანა სავანებო ყრილობაზე. რომაელები დათანხმდნენ. ყრილობა დაინიშნა ტეგეაში. მაგრამ აქედან თავი გამოცხადდა მარტო კრიტოლაოსი, რომელმაც რომაელებს ამცნო: ამ საკითხის გადაჭრა შეუძლია აქეის კავშირს მხოლოდ ექვესი თვის შემდეგ; მანამ კი რომაულ კომისიას ნება აქვს დაბრუნდეს რომში.

როგორც კი კეისარი და მისი მხლებლები ადრიატიკის ზღვაში შევიდნენ, აქედან საომარ სამზადისს შეუდგნენ. კრიტოლაოსი ხელისუფლებისაგან მოითხოვდა ვალების გაუქმებას, რათა ხალხს ამით ომში გასვლის მეტი შესაძლებლობა ჰქონოდა. ამის შედეგად კრიტოლაოსმა დაბალი ფენების სიყვარული და მზარდაპერა ჰპოვა, ხოლო აქედან არისტოკრატია მტრად გადაიკიდა. ბუნებრივია, ეს სოციალურა დაპირისპირება თავისებურ დას დაასვამდა მოვლენათა მომავალ მსვლელობას.

ბოლოს, აქეის სახელდახელოდ შეკრებილმა ყრილობამ ომი გამოუცხაოა სპარტას. ცეცილიუს მეტელუსმა კიდევ გაგზავნა ელჩები კორინთოში, სადაც შეკრებილიყვნენ აქედან.

იმდღევანდელი კრების პროცესი ნათელი სურათი იყო მაშინდელი სოციალური დაპირისპირებისა რომთან ურთიერთობის საკითხში. როცა კრიტოლაოსი გამოვიდა და განაცხადა, რომ საბერძნეთს რომისაგან კავშირი სჭირდება და არა მბრძანებლობაო — ხალხი ამას დიდი აღფრთოვანებით შეხვდა, ხოლო ოლიგარქია მზად იყო იქვე ფიზიკურად გაენადგურებია „დემაგოგი“. მაგრამ ხალხი გარს შემოერთა თავის რჩეულს, რათა ეერავის გაებედნა, თუნდაც „მისი წამოსახამისთვის თითი დაეკარებინა“.

ცეცილიუსის ელჩები ამაოდ ცდილობდნენ აქედან „გონზე მოყვანას“. ყრილობამ მხარი დაუჭირა კრიტოლაოსის მოწოდებას და გამოცხადდა ომი, რომელიც „სიტყვით მიმართული იყო ლაკედემონელთა წინააღმდეგ. ხოლო საქმით — რომაელთა წინააღმდეგ“¹.

სანამ რომი რაიმე გადამჭრელ ღონისძიებას მიიღებდა, აჯანყებულ აქედან შეუერთდნენ ბეოტიელები, თებელები და ქალკიდელები.

აჯანყებულებმა შეტევა დაიწყეს აქეის ლიგიდან გასული ქალაქების შემოერთებით. პირველად მიადგნენ პერაკლესს, მაგრამ მკედონიდან ჩამოსულმა მეტელუსმა თესალიიდან უკუაქცია და ლოკრიდაში კიდევაც დაამარცხა ისინი. ბრძოლაში დაიღუპა კრიტოლაოსი.

ამასობაში ბალკანეთზე ჩამოვიდა რომაული არმია კონსულ ლუციუს მუმიუსის სარდლობით (146 წ.). იგი მივიდა პელაპონესში, სა-

¹ Polyb, XXXVIII, 12.

დაც გადაინაცვლეს აჯანყებულებმა ცეცილიუსისაგან მიღებული მარცხის შემდეგ. დიეოსმა, რომელმაც შესცვალა კრიტოლასი, აჯანყებულთა არმიის გასაძლიერებლად, თავისუფლება მიანიჭა 12.000 ახალგაზრდა მონას. იგი ითვალისწინებდა მონის საექვო ერთგულებას მონათმფლობელისადმი. ამიტომ გაათავისუფლა მხოლოდ ისეთი მონები, რომლებიც მონებად იყვნენ დაბადებულნი (vernae) თვით საბერძნეთში. როგორც წესი, ასეთი მონები უფრო „თვინიერ და ერთგულ იარაღად“ ითვლებოდნენ, ვიდრე დატყვევების გზით მონადქცეული მოქალაქენი. პოლიბიოსი გადმოგვცემს, რომ გაათავისუფლებული მონები გათამამდნენ, ჰირვეულობდნენ, მუშაობას გაუბოძდნენ და, რაც მთავარია, დანარჩენი მონებიც, „თავისუფლების მოლოდინში თავს მალა წევდნენ“.

დიეოსის მოწოდებით, ყველა ბერძენს, კაცსა თუ ქალს, ვისაც რა შეეძლო ის შეჰქონდა საერთო საომარ ფონდში.

ერთი სიტყვით, იარაღასმულმა საბერძნეთმა, საუკუნეების მანძილზე დამონებულმა და დაკნინებულმა, ურიცხვ ლაშქრობათა შედეგად სისწლდაცილობა და გაპარტახებულმა, უკანასკნელი ძალა მოიკრიბა თავისუფლების დასაბრუნებლად.

კორინთოს ყელზე მოხდა გადამწყვეტი ბრძოლა (146 წ.). რომაელ სარდალს ჰყავდა 23.000 ჯვეითი და 3.500 მხედარი, ხოლო ბერძნები ძლივს მოითვლიდნენ 14.000 ჯვეითსა და 600 მხედარს. ბრძოლა დიდხანს არ გაგრძელებულა. პირველი შეტაკებისთანავე ბერძნები დამარცხდნენ და გაიფანტნენ. დიეოსი გაიქცა თავის სამშობლო მეგალოპოლში; საკუთარ სახლშიც მიასწრო, ცოლი საკუთარივე ხელით მოჰკლა და თვითონაც საწამლაგით მოიკლა თავი.

ზალე მუშიუსთან გაჩნდა სენატის კომისია, კვლავ დამარცხებული და მიწაზე გართხმული ჯვეყნის ბედის საბოლოოდ გადასაწყვეტად.

ხანმოკლე ბჭობის შემდეგ გადაწყდა:

აქეის, ბეოტიის, ევბეის, ფოკეის და ლოკრიდის კავშირები გაუქმდა (გადარჩა მხოლოდ ეტოლიის კავშირი, რომელსაც ამ ბრძოლაში მონაწილეობა არ მიუღია) და აჯანყებულ ქალაქებთან ერთად, მძიმედ დაზარკულნი შეუერთდნენ მაკედონიის პროვინციას.

ასე, რომ საბერძნეთის სახელი პროვინციალური მმართველობის სისტემაში რომაელებს ცალკე, „დამოუკიდებლად“, აღარც კი შეუტანიათ. ასე გაგრძელდა ავგუსტუსის ეპოქამდე, როცა რომმა „მოწყალება მოიღო“ და საბერძნეთი „აქაიის“ სახელით ცალკე პროვინციად აქცია. ასეთი სტატუსის გამოცხადების შემდეგ, რომაელებმა ხელი მიჰყვეს ჩვეულებრივ ძარცვა-რბევასა და ნგრევა-ტყვევნას. პირველ ყოვლისა, საძირკვლამდე დაანგრეს და მოშალეს აჯანყების აყრდენი ციხე-ქალაქები, მათ შორის ყველაზე მნიშვნელოვანი: თებე, ქალკიდა და კორინთო. თებესა და კორინთოს კედლებისა და ზღუდე-

ების დანგრევის შემდეგ მოსახლეობა განაიარაღეს და გაძარცვეს. ამდენი ძარცვის შემდეგ თუ კიდევ რაიმეს გატანა შეიძლებოდა საბერძნეთიდან, — ეს იყო უბრწყინვალესი ელინური სახვითი ხელოვნების ძეგლები, რაც კვლავ უხვად გაიტანეს დამპყრობლებმა დამონებული ქვეყნიდან. რომაელები არნახული და არგაგონილი სისასტიკით მოექცნენ კორინთოს. იგი ჯერ ძვლებამდე გააშიშვლეს, შემდეგ ისე დაანგრეს და იავარპყვეს, რომ ქვა ქვაზე არ დატოვეს: მოსახლეობა დედაბუდიანად აპყარეს და მონებად გაყიდეს; ბოლოს, კორინთოს ნაფუძვარი დასწყველეს და მასზე კაცთაგან ცეცხლის დანთება ისევე აკრძალეს, როგორც იმ წელს ძირ-ფესვიანად ამოგდებული კართაგენის მიწაზე. ასე, „კორინთოსგან დარჩა მხოლოდ ნაკვალევი (Corinthi vestigium vix relictum est)“¹.

„ასე დაიშრიტა „ელადის თვალისჩინი“ — უკანასკნელი ძვირფასი სამკაული ოდესღაც ქალაქებით მდიდარი საბერძნეთის მიწისა“².

თ ა ვ ი მ ა შ ვ ი დ ა

„პროლეტარიატის“

ძველი წელთაღრიცხვის მე-2 საუკუნის ბოლოსათვის რომის სახელმწიფოში მოხდა დიდი სოციალურ-ეკონომიური ძვრები, რამაც განაპირობა საყოველთაო რომაულ-რესპუბლიკური სისტემის კრიზისი. ეს ძვრები და ცვლილებები შემდეგნაირად წარმოგვიდგება:

ჯერ — ცვლილებები ეკონომიკაში: მონობის, როგორც სამეურნეო სისტემის სრული განვითარება; მსხვილი მიწათმფლობელობის ზრდა და წვრილ მიწათსაკუთრების დაცემა; ფულად-მევახშური და სავაჭრო კაპიტალის გრანდიოზული განვითარება. შემდეგ — ამ ეკონომიურ ცვლილებათა შესატყვისი გარდატეხანი სოციალურ და პოლიტიკურ ცხოვრებაში: მონათა რიცხვის გრანდიოზული ზრდა და მათი მდგომარეობის გაუარესება; გლეხობის პაუპერიზაცია და პროლეტარიზაცია; ქალაქის ლუმპენ-პროლეტარიატის ჩამოყალიბება. მხედრობის ზრდა და ახალი დემოკრატიის შექმნა.

მონური შრომის წესზე დამყარებული მეურნეობა ძირითადად დამოკიდებულია საომარ პოლიტიკაზე. ამიტომ მონათმფლობელური სისტემისათვის აუცილებელი ატრიბუტი არის ომი. ძველად ომს სამეურნეო საქმიანობის ერთ-ერთ სახეობად სთვლიდნენ. ამიტომ

¹ Cic. De lege agr. lib. II, XXXII, 87.

² М о м з о и Т., История Рима, т. II, М., 1937, 51.

ძველ სამყაროში ესა თუ ის მონათმფლობელური სახელმწიფო თავისი ეკონომიკითა და პოლიტიკური თავისთავადობით მანამ ასერსებდა არსებობის შენარჩუნებას, სანამ მას ომის წარმოების უნარი შესწევდა. ყველაზე სრულყოფილად განვითარებული ეკონომიკაც (მონის შრომაზე დამყარებული ეკონომიკა) იმ ქვეყანას ჰქონდა, ვისაც ხელთ ძლიერი საომარი მახვილი ეპყრა.

აქედან გამომდინარე, სავსებით ბუნებრივია: რომის მონათმფლობელურმა სისტემამ (მონური შრომით შექმნილ ეკონომიკაზე დაფუძნებულმა) თავისი განვითარების ყველაზე სრულყოფილ, კლასიკურ საფეხურს მიაღწია. ხოლო, ასეთი სიძლიერისა და სრულყოფილობის ერთ-ერთი ძირითადი საფუძველი იყო რომაელი ლეგიონერის უღრეკ მახვილზე დაფუძნებული ფართო საომარი პოლიტიკის წარმოება.

რომის უაღრესად აქტიურმა და შედეგიანმა საომარმა აგრესიამ აპენინის ნახევარკუნძულზე თავი მოუყარა მთელი ხმელთაშუა ზღვის აუზის ქვეყნებიდან მორეკილ, მონადქცეულ ადამიანთა კონტიგენტებს. წყაროების პირდაპირი მითითებით ვიცით, რომ პუნიკური ომების ეპოქაში (264—146), ე. ი. 120 წლის მანძილზე რომაელებმა აფრიკიდან, სარდინიიდან და ტარენტუმიდან 180.000 მონადქცეული ტყვე ჩამოაყვანეს იტალიაში. რასაკვირველია, რაკი წყაროები უფრო სწორად არ უთითებენ ყველა ბრძოლისა და ომის შედეგად წამოყვანილ ტყვეთა რიცხვს, მონათა რაოდენობა გაცილებით მეტია სავარაუდებელი.

მაგრამ, დასავლეთში წარმოებული ომების შედეგად, რომმა მაინც ვერ შესძლო იმდენ მონათა დაგროვება, რამდენიც მან აღმოსავლეთის ქვეყნებიდან გაიყვანა. დასავლეთურ ომებში ის სწორად თვითონ მეტს ჰკარგავდა, ვიდრე მოიპოვებდა. მართო „ჰანიბალის ომში“, როცა დიდი კართაგენელი თექვსმეტი წლის მანძილზე იტალიას მახვილით ფლეთდა, იტალიის მეურნეობამ მასზე დასახლებული „მშობლიური“ მიწათმოქმედი მეტი დაჰკარგა, ვიდრე უცხოელი მონა მიიღო. მეორე პუნიკურმა ომმა მოქალაქეთა ნახევარი შეიწირა.

ამ მხრივ, აღმოსავლეთი სულ სხვა როლს ასრულებს რომის ეკონომიურ და სოციალურ ცხოვრებაში. მაშინ როცა რომს დასავლეთში სწორად ერთი მონის მოპოვება ერთი იტალიელის სიცოცხლის ფასადაც უჭდებოდა, აღმოსავლეთიდან მას შეეძლო ურიცხვ ტყვეთა კონტიგენტები საკუთარი სისხლის ნაკლები ნთხევით გაერეკა იტალიისაკენ. ამ „სიადვილის“ მიზეზები ჩვენ თავშივე დავინახეთ: აღმოსავლეთის ქვეყნები თვითონ ასუსტებენ და სპობენ ერთმანეთს, რითაც დასავლეთიდან მოსულ მძლავრ დამპყრობელს მათ შთანთქმას უადვილებენ. აღმოსავლეთში რომს არ ხედებიან არც ჰანიბალები,

და აღარც აღექსანდრე მაკედონელები. ჯერ არც ერთი მნიშვნელოვანი მოღვაწე და მოთავე არ გამოსჩენია აღმოსავლეთს, რომ სათავეში ჩასდგომოდა ამ უმდიდრესი მხარის საომარ ძალთა თავმოყრისა და დასავლეთიდან მომდგარი მტრის წინააღმდეგ მისი წარმართვის საქმეს. სანამ ასეთი ვინმე არ გამოჩენილა -- სანამ თუნდაც „გენიალური მითრიდატე პონტოელი“ არ წამომართულა — რომს შეუძლია ის ურიცხვი აღმოსავლური რესურსები და მათ შორის ყველაზე მნიშვნელოვანი — მონათა კონტიგენტები — თავისი კეთილდღეობისათვის მოისმაროს.

წყაროთა ზედმიწევნითი უსრულობის პირობებშიაც რომ შევჯამოთ, გამოდის, რაღაც ორმოცდაათი წლის მანძილზე რომაელებმა მილიონამდე ტყვე მაინც გაიყვანეს აღმოსავლეთიდან. ხუთმეტი დიდი სამხედრო კამპანიიდან, რომლებიც რომაელებმა 200 წლიდან 146 წლამდე აღმოსავლეთში მოაწყვეს, მხოლოდ რვაჯერ აღნიშნავენ წყაროები ტყვეთა რიცხვს — აღნიშნავენ ისე, ვითომც და არაფერი! ისინი მონათა კონტიგენტების გარეკვაზე უფრო ხაზგასმით სხვა ნაშარცვსა და ნაალაფარს მოიხსენიებენ. მაგრამ იმ რვა შემთხვევიდან გამოდის, რომ რაღაც ორმოცდაათი წლის მანძილზე რომმა აღმოსავლეთიდან 220.000 მონა მიიღო. ამას გარდა, წყაროები ამა თუ იმ ქალაქის აღებისას მრავლად იხსენიებენ ზოგადად, ad infinitum, მოსახლეობის აყრას და მონად ქცევას. ამიტომ, მართლაც, რომ „ჩვენ შეგვეძლოს მათი საერთო რიცხვის განსაზღვრა, იგი განიზომებოდა მილიონობით“¹.

ერთი სიტყვით, აღმოსავლეთიდან გარეკილ მონათა კონტიგენტებით გაივსო რომაულ-იტალიური მეურნეობა. რომის ისტორიაში ეს არის ხანა, როდესაც იტალიის მეურნეობას საშუალება აქვს თავის ყოველ დარგში იაფფასიანი მონის შრომა დაამკვიდროს. ეს კი იმას ნიშნავს, რომ რომაული მონათმფლობელობა, მანამდე შედარებით პრიმიტიული და პატრიარქალური, სწრაფი ტემპით შედის თავისი განვითარების მაღალ ფაზაში, კლასიკური მონათმფლობელობის პისტემაში. ამ საქმეში წამყვან როლს ასრულებს ხელხვაიანი აღმოსავლური ლაშქრობები.

შემდეგ — მონათა მოზღვაებამ, და სამეურნეო ცხოვრების ყველა პუნქტში მონური შრომის გაბატონებამ, გამოიწვია მსხვილი მონათმფლობელობის, ლატიფუნდიების ზრდა და წერილი მიწათმეურნეობის დაცემა-გაყოტრება. ამ ეკონომიური მოვლენის სოციალური შედეგი იყო ერთი მუქა ნობილთა გამდიდრება და მთელი დანარჩენი მოსახლეობის პაუპერიზაცია. მდიდრები ითვისებენ არა მარტო სახელმწიფო მიწას (ager publicus), არამედ მეზობელ წერილ-მეურნე-

¹ Ковалев С. П., История Рима, 1948, 318.

თა მიწებსაც — შესყიდვის ან ძალადობის გზით. მდიდრის ხელში კონცენტრირებული მსხვილი ლატიფუნდია აღარ საჭიროებს თავისუფალი მიწათმოქმედის შრომას, რადგან სამეურნეო ცხოვრებაში უკვე სავსებით შემოიჭრა იაფფასიანი მონის ხელი. მუქთმა მონის შრომამ სამეურნეო ცხოვრებიდან გააძევა თავისუფალი მიწათმოქმედი.

ამ პროცესს ნათლად აგვიწერს აპიანე, ძირითადი და ძვირფასი წყარო სამოქალაქო ომებისა. იგი წერს:

„მდიდრებმა, დაიკავეს რა განუყოფელი მიწის უდიდესი ნაწილი... დაიწყეს თავის სამფლობელოებზე მეზობელ ღარიბთა მიწების შეერთება, ნაწილობრივ ფულადი შესყიდვით, ნაწილობრივ ძალით წართმევით; ასე, რომ ბოლოს და ბოლოს, მათ ხელში პატარა მამულეების ნაცვლად აღმოჩნდა ლატიფუნდიები. მათ ყანების დასამუშაველად და ჯოგთა სამწყემსავად დაიწყეს მონათა ყიდვა, იმიტომ, რომ თავისუფალი მოქალაქენი მიწის სამუშაოებით არ მოეწყვიტათ სამხედრო სამსახურსაგან. ამასთან, მონათა ყოლა დიდ სარგებელს აძლევდა მდიდრებს, რადგან სამხედრო სამსახურისაგან თავისუფალ მონებს დაუბრკოლებლად უმრავლდებოდათ შთამომავლობა. ამნაირად, შემძლე ადამიანები განსაკუთრებულად მდიდრდებოდნენ, ხოლო ქვეყანა მონებით ივსებოდა. საწინააღმდეგოდ, იტალიელთა რიცხვი მცირდებოდა, რადგან მათ ასუსტებდა სიღარიბე, გადასახადები და სამხედრო სამსახური. მაშინაც კი, როცა ეს სიმძიმე რამდენიმედ შემსუბუქდებოდა, იტალიელები მაინც უმუშევრად რჩებოდნენ, რადგან მიწა ეკუთვნოდა მდიდრებს, რომლებიც მას ამუშავებდნენ მონებით, თავისუფალთა (მუშა-ხელის) ნაცვლად“¹.

ასევე პლუტარქე:

„...მდიდრებმა სხვისი სახელით საჯაროდ გასაცემი მიწების დაპატრონება დაიწყეს და, ბოლოს, უკვე აშკარად დაიმკვიდრეს თავისთვის ასეთი მიწების უდიდესი ნაწილი. მიწის ნაკვეთებიდან გამოძევებული ღარიბები აღარც სამხედრო სამსახურს ეწეოდნენ ხალისიანად და აღარც შვილების აღზრდაზე ზრუნავდნენ. ამის გამო მთელ იტალიაში სულ მალე საგრძნობი გახდა, ერთი მხრივ, თავისუფალ მოქალაქეთა რიცხვის შემცირება, მეორე მხრივ კი — ბარბაროს მონათა რაოდენობის უსაზღვროდ ზრდა. ამ მონათა შემწეობით მდიდრები ამუშავებდნენ იმ მიწებს, საიდანაც მათ რომაელი მოქალაქენი განდევნეს“².

აღნიშნულ წყაროებს იტალიაში შექმნილი მდგომარეობა სავსებით ნათლად აქვთ შეგნებული. ლატიფუნდიებმა გაანადგურა წერილი მიწათმეურნეობა; ლატიფუნდიალური მეურნეობა მთლიანად მო-

¹ App. Bel. civ. I, 7.

² Plut. Ti. Gr. 8.

ნური შრომის წესს ემყარება. თავისუფალი მუშა-ხელი უმაქნის-
გახდა. იგი საჭიროა მხოლოდ ომში. მონურმა შრომამ „შექამა“ თავისუფალი მიწათმოქმედის შრომა.

რასაკვირველია, მსხვილი ლათინური მეურნეობის ისტორია რომის აღმოსავლურ პოლიტიკამდე იწყება, — როცა აპენინზე დაპყრობილი ტერიტორიები რომაელმა ნობილებმა publicus-ად აქციეს და დაიტაცეს, მაგრამ ლათინურების მასობრივი ზრდა და იტალიის მოსახლეობის უმრავლესობის სამეურნეო და საზოგადოებრივი პირობების მასობრივი გაკოტრება, — აკველუოვლისა, ძაინც მონათა რიცხვის გრანდიოზულ ზრდასთანაა დაკავშირებული. ეს უქანასკნელი კი, თავის მხრივ, დაკავშირებულია რომის უაღრესად აქტიურ და შედეგიან აღმოსავლურ პოლიტიკასთან. ნახევარსაუკუნოვანმა აღმოსავლურმა ლაშქრობებმა რომის ლათინურენდიალური მეურნეობა სტაბილურად აქცია თავისუფალი მიწათმეურნეობის შემცველი მონათა კონტიგენტების მორეკით.

რა თქმა უნდა, თავისუფალი რომაულ-იტალიური მოსახლეობის პაუპერიზაცია და სამეურნეო ცხოვრებიდან მისი განდევნა მარტო მონური შრომის კონკურენციას არ გამოუწვევია, მაგრამ იაფფასიან მონათა კონტიგენტების მოპოვება, სხვა სიმდიდრეთა დაპყრობის ლტოლვასთან ერთად, მოითხოვდა საომარი პოლიტიკის თითქმის პერმანენტული ფორმით წარმოებას, ხოლო მეომარი კვლავ იგივე თავისუფალი მიწათმოქმედი იყო. იტალიელი გლეხები წლობით იყვნენ დაკავებულნი საომარ ველზე, ხოლო მათი წვრილი მეურნეობანი ამ ხნის მანძილზე ნადგურდებოდა და პარტახდებოდა. ასე, რომ ხანგრძლივმა ომებმა, მათ შორის, აღმოსავლურმა ლაშქრობებმა, სავსებით დასცა წვრილი აგრიკოლების სამეურნეო ცხოვრება.

ამრიგად, მონური შრომის კონკურენცია და საომარი პოლიტიკა ერთი მედლის ორ მხარეს წარმოადგენდნენ, რომლებიც ურთიერთკავშირში და ერთმანეთიდან გამომდინარენი, ერთობლივად ძლიერებდნენ მსხვილ ლათინურენდიალურ მეურნეობას და მის ხარჯზე სპობდნენ საშუალო და წვრილ მიწათმფლობელურ სისტემას.

იგივე პროცესს — მონური შრომის გაბატონებასა და მეურნეობიდან თავისუფალი აგრიკოლის განდევნას — ხელს უწყობდა, აგრეთვე, უცხოეთიდან, დაპყრობილი ქვეყნებიდან შემოზიდული პური, რომელიც თავისი იაფფასიანობით გამანადგურებელ კონკურენციას უწევდა ადგილობრივ რომაულ-იტალიურ პურს. ომით მოტანილი უცხოური პურის კონკურენციის გამო, ადგილობრივი იტალიური სობალწარმოება კატასტროფიული შემცირების გზაზე დადგა, ამ პროცესის მეორე მხარე კვლავ იტალიელ აგრიკოლათა გაღატაკება შეიქნა.

მონობის სამეურნეო სისტემად ქცევამ და მსხვილი ლათინური-ალური მეურნეობის გაბატონებამ, გამოიწვია ახალი სოციალური კატეგორიის გაჩენა რომში. ეს არის ლუმპენ-პროლეტარიატი.

გაღატაკებული და სოფლად ხელმოცარული გლეხობა სამეშაოს საქმენულად ქალაქს მიაწყდა. მათი უდიდესი ნაწილი ქალაქშიც უმუშევარი რჩებოდა. მაგრამ არაფრისმქონე გლეხისათვის რომისკენ ლტოლვა მანაც აბსოლუტურ ხასიათს ატარებს. ამის მიზეზი არის გარანტია, რომლის ძალით სახელმწიფო ვალდებულია, მისცეს თავის ყველა სრულუფლებიან მოქალაქეს „panem et circenses“ („პური და სანახაობა“). იმდროინდელი პოლიტიკური ცხოვრება უზრუნველყოფს გაპროლეტარებული გლეხის „უზრუნველ“ არსებობას. რაკი მას აქვს ხმის მიცემის უფლება, — რაკი მას რესპუბლიკური კონსტიტუციის ძალით ხელთ აქვს საარჩევნო ფირფიტა, — ეს „მღუშარე დამცველი თავისუფლებისა (vindex tacitae libertatis)“¹, შეუძლია მისი გაყიდვით ლუქმაც იშოვოს და ცირკშიც „დატკბეს“. იგი „არაფერს არ ერიდებოდა და არც თავილობდა: თანამდებობის პირთა არჩევნებში ის ხვებით ვაჭრობდა, სასამართლოში ცრუ მოწმედ გამოდიოდა, ჭურდობდა და ქვენა გრძნობების დასაკმაყოფილებლად მბეზღარობდა“². ასეთი სახით წარმოგვიდგება ლუმპენ-პროლეტარიატი, დეკლასირებული, პარაზიტული სოციალური ფენა, რომელსაც, — როგორც დიდი სოციალური კრიზისის პირამშოს — თავისი პოლიტიკური და მორალური მერყეობის პარობებში, შეუძლია დიდი როლი შეასრულოს რომის მიმდინარე სოციალურ-პოლიტიკურ ცხოვრებაში. იგი იქნება ყველაზე დაავადებული ნაწილი საერთოდ რომაულ დემოკრატიისა...

შემდეგ, — აღმოსავლეთ ხმელთაშუაზღვის აუზის დაპყრობით რომი შეიქმნა არა მარტო მაშინდელი მოწინავე მსოფლიოს პოლიტიკური მბრძანებელი, არამედ ეკონომიური ხელისუფალიც. ისედაც, სამხიდრო-პოლიტიკური მბრძანებლობა ხომ მთლიანად მსოფლიო ეკონომიურ ურთიერთობაზე მბრძანებლობის მოპოვებას ემსახურებოდა. და ეს მიზანიც განასორციელა რომმა.

მსოფლიოს ეკონომიური ურთიერთობის ძირითად შინაარსში იგულისხმებოდა: დაპყრობილი ქვეყნების ეკონომიური ექსპლოატაცია და სავაჭრო ფინანსიური ურთიერთობა სამ დიდ კონტინენტს შორის. ერთიც და მეორეც უკვე რომაელთა ხელში იყო.

ძვ. წ. II საუკუნის პირველი ნახევარი, რომელიც თითქმის მთლიანად რომისა და აღმოსავლეთის ურთიერთობას მოიცავს, ხასიათდება აურაცხელი უცხოური სიმდიდრის მოზღვავეებით რომში — „მსოფლიოს

¹ Cic. De agr. lib. II. II, 4.

² ალ. წერეთელი, ძველი რომი, 1957, 204.

ცენტრში“. ამ სიმდიდრის უდიდესი ნაწილი აღმოსავლეთიდან იყო. ჯერჯერობით, აღმოსავლეთიდან რომმა მიიღო 27.000 ტალანტი (=64.200.000 ზან. ოქრ.); 233.556 მაკედონური ოქროს მონეტა. 2.315.700 ბერძნული ფერცხლის მონეტა, 800 ოქროს გვირგვინი, ოქრო წონათ 7.840 გირვანქა, ვერცხლა წონით 437.120 გირვანქა; ამას გარდა, აურაცხელი ოქროს, ვერცხლის, მარმარილოს, ბრინჯაოს ნაკეთობანი — თასები, სამკაულები, ჭურჭლეული, შეიარაღებანი (მაგ., ოქროს ფარები და სხვ.), ქანდაკებანი, სურათები, სპილოს ეშვებო (სირიიდან 1.231 ცალი ჩამოიტანეს). ქალაქთა გამოსახულებანი, სამხედრო ნიშნები, მეომართა გასამარჯლონი (დაახლ. 115.000.000 დენარიუსი). ამ მიასლოებით ციფრებში არ შედის აურაცხელი ნაძარცვი, რომლებიც წყაროებს ზოგადად აქვთ მოხსენებულები. მაგალითად, აღმოსავლური ომის დროს წყაროები ციფრობრივი მინიშნების გარეშე აღნიშნავენ ქალაქთა და სხვა დასასლებულ პუნქტთა ვაძარცვის დაახლოებით სამოცდაათამდე შემთხვევას.

რომის ეკონომიურ მიმოქცევაში ასეთ სიმდიდრეთა გაშვებამ მძლავრი ბიზგი და ფარფო გასაქანი მისცა ფულად-მეფასშურ და სავაჭრო კაპიტალის განვიოარებას. ამან, თავის მხრივ, მოითხოვა სოციალური და პოლიტიკური სტრუქტურის შეცვლა რომის სახელმწიფოში.

მანამდე რომის რესპუბლიკური, პოლისური (ქალაქ-სახელმწიფოებრივი) სისტემა აკმაყოფილებდა ვიწრო საქალაქო თემის ხელმძღვანელობის მოთხოვნებს, მაგრამ ახლა, როცა ამ ერთი ქალაქის ხელქვეით უზარმაზარი მსოფლიო სახელმწიფო შეიქმნა. მისი ეკონომიური და პოლიტიკური მმართველობისათვის საჭირო გახდა სახელმწიფო-სამმართველო ინსტიტუტთა შეცვლა, გარდაქმნა, ან ახალ ინსტიტუტთა დაწესება. პირველ რიგში საჭირო იყო, დაპრობილი ქვეყნებიდან მთელი ეკონომიური სიკეთის ამოსაღებად და ამოსაწურაეად, რაიმე ახალი სახელმწიფო ინსტიტუტის დაწესება. ეს საჭიროება გაჩნდა ჯერ კიდევ ადრე. როცა რომმა აპენინის მიწები დაიპყრო. იმავე ხანებში გამოგონილი იქნა შესყიდვის ფორმა, რაც გულისხმობდა შემდეგს: ხელისუფლება იჯარით გასცემდა ამა თუ იმ ტერიტორიიდან ვალის, გადასახადის, თუ ხარკის ამოღების საქმეს; შემსყიდველები წინასწარ გადაიხდიდნენ აღნიშნულ გადასახადს და შემდეგ დაპრობილ ქვეყანას, „პროვინციას“, ეკონომიური ექსპლოატაციისა და ძარცვა-გლეჯის მთელი სისასტიკით ყელეფდნენ. ასეთ ფინანსურ, საგადასახადო, სავაჭრო და საერთოდ ფულად მეურნეობას რომში ეწეოდნენ მხედრები

შემსყიდველობითა სისტემის მნიშვნელობა და ძალა გაიზარდა მას შემდეგ, რაც რომმა დაიწყო იტალიის გარეთ დაპრობილ ქვეყანა. ლ. სანიკიძე

ნათა პროვინციებად გადაქცევა. პროვინციალური მმართველობის უპირველესი დანიშნულება იყო დაპყრობილი ქვეყნიდან ყოველგვარი მატერიალური დოვლათის მაქსიმალური ამოწურვა. ამიტომ შემსყიდველობითი სისტემა და პროვინციალური მმართველობა ერთ მთლიან სოციალურ-ეკონომიურ და პოლიტიკურ სხეულს წარმოადგენდა.

პროვინციის უფრო სრულყოფილი ექსპლოატაციისათვის იქმნებოდა მხედარ-ფინანსისტა შემსყიდველი გაერთიანებანი, რომელთაც პუბლიკანები (societas publicanorum) ეწოდებოდათ, მათ ხელში იყო პროვინციათა ეკონომიური ცხოვრების ყოველი წერტილი — ხარკის გადახდა, მთელი ფულადი მეურნეობა, კრედიტი, ვაზში, ვალეზი, ვალებში მონად გაყიდვა და სხვ.

პროვინციული მმართველობის ასეთმა ფორმამ საფუძველი ჩაუდო ახალი ძლიერი სოციალური კატეგორიის, მხედართა წოდების (ordo equester) უაღრესად გამდიდრებას და გაძლიერებას. ეს არის გამდიდრება ეკონომიური და გაძლიერება პოლიტიკური.

ამგვარად, რომის მმართველ ნობილიტეტში მხედართა წოდების სახით გაჩნდა ძლიერი სოციალური კატეგორია, რომლის ეკონომიკა ემყარება მთელი სახელმწიფოს ფინანსურ მეურნეობას. მაგრამ მისი პოლიტიკური უფლებები ჯერ კიდევ ვერ უტოლდებიან სენატორ-ოლიგარქთა მმართველურ პოზიციებს.

მხედართა წოდების პოლიტიკური პრეტენციოზულობა, რომელიც დიდად განვითარებული ფულადი მეურნეობიდან აღმოცენდა, დაკავშირებულია ძვ. წ. მე-2 საუკუნის პირველ ნახევართან, როცა რომის ისტორიის კარდინალური მოვლენა აღმოსავლური პოლიტიკის წარმოება იყო.

რომაული საზოგადოება შედის თავისი განვითარების უმაღლეს სტადიაში. მონური შრომის აბსოლუტურ სამეურნეო პრაქტიკას და სავაჭრო-ფინანსური ურთიერთობის გრანდიოზულ განვითარებას რომი გადაჰყავს კლასიკურ მონათმფლობელურ სისტემაში.

ღრმა ეკონომიური და სოციალური ცვლილებები მოითხოვდნენ პოლიტიკური ზედნაშენის შეცვლას. რომის პოლისური სახელმწიფოებრივი მმართველობის ფორმა დრომოქმული ხდება. ეს, როგორც ითქვა, უპირველეს ყოვლისა, გამოემყდენდა დაპყრობილ ქვეყანათა (პირდაპირ — აღმოსავლეთის ქვეყანათა) მმართველობის პრაქტიკაში. ქალაქის თარგზე მოჭრილ, უაღრესად შეზღუდულ და პრიმიტიულ ოლიგარქიულ კონსტიტუციას არ შეეძლო შეესრულებინა მსოფლიო იმპერიის მართვა-გამგეობრივი ფუნქციები.

ამრიგად, სამოქალაქო ომების მომზადების ყველა ძირითად ელემენტში ყოველთვის ერთ-ერთ წამყვან როლს ასრულებს „აღმოსავლეთის საკითხი“. იგი არის ერთ-ერთი ძირითადი წყა-

რო რომის სახელმწიფოს ეკონომიური, სოციალური და პოლიტიკური ცვლილებებისა, რაც სულ მალე გამოხატულებას პოულობს რომის ისტორიის უმნიშვნელოვანეს მოვლენაში — „სამოქალაქო ომებში“.

ამის შემდეგ თვალი მივადევნოთ, თუ რა როლი შეასრულა „აღმოსავლეთის საკითხმა“ სამოქალაქო ომების დროის ცალკეულ კონკრეტულ მომენტში.



თ ა ვ ი მ ე რ ვ ა

„აღმოსავლური ედემენვი“ რომის კლასობრივ ბრძოლაში

1. სიცილიის მონათა პირველი აჯანყება

სამოქალაქო ომების ისტორია რომის სახელმწიფოში კლასობრივი ბრძოლის სახით იწყება. ეს არის სამეკდრო-სასიცოცხლო ბრძოლა მონებსა და მონათმფლობელებს შორის. ამჟამად საჭირო არ არის დაწვრილებით მსჯელობა მონათა უმძიმეს პირობებზე, რამაც საფუძველი დაუდო მონათა დიდი აჯანყებების დაწყებას. ჩვენ მხოლოდ მოკლედ მოვხაზავთ მათ შინაარსს, რომლის ფონზეც გავაშუქებთ ჩვენთვის საინტერესო საკითხებს.

პირველი დიდი კლასობრივი ბრძოლის სურათი კუნძულ სიცილიაზე დატრიალდა. პროვინციადქცეულ სიცილიაში რომაელებმა თავი მოუყარეს აურაცხელ მონათა კონტიგენტებს, რაც საჭირო იყო კუნძულზე არსებული მსხვილი ლატიფუნდიების, ბუნებრივი სიმდიდრეების, მარმარილოსა და საშენი ქვის დასამუშაველად. სიცილიელი მონათმფლობელები თავიდანვე მრავლად ყიდულობდნენ იაფფასიან „მოლაპარაკე იარაღს“. უკანასკნელი ომების შედეგად სიცილიაში მონათა რიცხვი არნახულად გაიზარდა. დიოდორეს თქმით, სიცილია იმდენი მონებით დაიფარა, რომ ვისაც ესმოდა, არავის არ სჭეროდა მათი ასეთი სიმრავლე. ბუნებრივია, მონათა სიმრავლე და სიიაფე ხელს უწყობდა მათსავე მდგომარეობისა და საარსებო პირობების გაუარესებას. მონათმფლობელი დაუზოგავად ეპყრობოდა მის ხელში მყოფ კარბ სამუშაო ძალას, ყოველნაირად ცდილობდა, რაც შეიძლება, მეტი მოგება ამოეწურა მისი ფიზიკური და სულიერი შესაძლებლობიდან.

მონათა კლასიკურ მხავერდებზე წარმოდგენილი არიან მსხვილ-სიცილია ლათინურული — მონათმფლობელი დამოფილე და მისი ცოლი მეგალიდა. ისინი განუზომელი სისასტიკითა და „დახვეწილადობით“ სტანჯავენ თავიანთ მონებს. და აი, დამოფილეს 400-მა მონამ მოაწყო შეთქმულება თავისი ბატონისა და მისი სასლობის გასანადგურებლად. ისინი, ვიდრე მახვილებს ააშოქმედებდნენ, თავიანთ გუნჯარახვას უმუღავნებდნენ ქალაქ პენაში მცხოვრებ ვინმე ევენუსს, მონას, წარმოშობით სირიელს.

ევნუსი მთელს სიცილიაში ცნობილი იყო როგორც მისანი, წინასწარბეტყველი, „ღმერთებთან მოსაუბრე“, პირიდან ცეცხლის მფრქვეველი და სხვ. იგი ამტკიცებდა, რომ სირიელი ქალღმერთი მეგალიდას მპირდება და ეს დაპირება და წინასწარბეტყველება კიდევაც აღსრულდება.

ამ კაცს მიმართეს შეთქმულებმა. ევენუსმა მათი განზრახვა მოიწონა და შეთქმულთა თხოვნით, თვითონ გახდა მათი ბელადი.

ევნუსის მეთაურობით შეთქმულები შეიჭრნენ დამოფილეს სასლ-კარში და დამოფილეს და მისი ცოლიც დახოცეს.

აქ, შეთქმულთა შორის, გაჩნდა კიდევ ორი სასელდებითი გმირი, რომლებმაც საკუთარი ხელით მოჰკლეს დამოფილე. ესენი არიან პერმიოსი და ზევსისი.

შემდეგ დახოცეს ევენუსის უშუალო მბრძანებლები.

ყველაფერი ეს ელვის სისწრაფით მოედო მთელ სიცილიას. შეთქმულება აჯანყებად იქცა. აუარებელი მონა მიაწყდა აჯანყების ბირთვის: ყველა მზად იყო რომაელ მონათმფლობელთა გასანადგურებლად.

აჯანყებულებმა რომაელ მონათმფლობელთა ბატონობა სიცილიაში დამხობილად გამოაცხადეს და მის ნაცვლად ქვეყანას ამცნეს ახალი დამოუკიდებელი სახელმწიფოს დაარსება, რომელსაც უწოდეს „ახალი სირიის სამეფო“. მეფედ გამოცხადებულ იქნა აჯანყების ბელადი სირიელი ევენუსი, რომელმაც დაირქვა სირიაში გავრცელებული სამეფო სახელი ანტიოქე. ახლად მოვლენილმა მეფემ ცოლად და დედოფლად დაისვა სირიელი მონა-ქალი.

ანტიოქეს სამეფო სახლი ზუსტად ისე მოეწყო, როგორც ეს მიღებული იყო სირიაში — სასახლე აღმოსავლური სიმდიდრით მორთული, მეფე-დედოფალიც აღმოსავლურად მოკაზმული.

სახელმწიფო მმართველობის სისტემაში ევენუს-ანტიოქემ აზიურის გარდა სხვა ელემენტაც შეიტანა, მაგრამ მაინც აღმოსავლური — რაღაც მაკედონური „ჰეტეროთა“ საბჭოს მსგავსი. მეფე ყველა მნიშვნელოვან საკითხს ამ საბჭოსთან შეთანხმებით წყვეტდა. აქ კი-

დევ ერთი სახელდებითი გმირი გამოჩნდა. ეს არის ბეკენი მონა აქეოსი, რომელიც „ჰეტერო“ საბჭოს ყველაზე აქტიური წევრია. იგი განაგებს სამხედრო შეიარაღებისა და წვრთნის საქმეებს.

აჯანყებულთა რიცხვი კვლავ განუწყვეტლივ მატულობს. კუნძულის სხვადასხვა კუთხეში აჯანყების ახალ-ახალი კერები ჩნდება. „ახალი სირიის სამეფო“ იზრდება და ფართოვდება.

რომის ხელისუფლებამ აჯანყებულთა განადგურება სცადა. მაგრამ მონათა ლაშქარმა ორჯერ დაამარცხა რომაელთა ჯარები, რომელთაც: ცალ-ცალკე, სარდლობდნენ პრეტორები პოპილიუს ლენუსი და ლუციუს ჰიპსიუსი.

ამსობაში სიცილიის სამხრეთ-დასავლეთ ქალაქში, აგრიგენტუმში, დაიწყო მონათა მეორე დიდი აჯანყება, რომელსაც სათავეში უდგას აგრეთვე აზიელი მონა კლეონი. იგი 70.000 მეომრით შეუერთდა ევენუს-ანტიოქეს. ამრიგად, „ახალი სირიის სამეფო“ კიდევ უფრო გაძლიერდა და გაფართოვდა. ახლა მის ფარგლებში შედის თითქმის მთელი სიცილია. ბელადთა ფუნქციები სრული შეთანხმებულობის პრინციპზეა განაწილებული: ევენუსი მეფეა, ზოლო კლეონი და აქეოსი არმიის სარდლობას ინაწილებენ. აჯანყებულ მონათა არმიის რიცხვი კი უკვე 200.000 მეომარს მოითვლის.

რომის ხელისუფლება შეშფოთებულია. იგი იძულებულია, უფრო გადამჭრელი ზომები მიიღოს „საძულველი მონების“ დასასჯელად. ჯერ გაგზავნილი იქნა არმია კონსულ ფულვიუს ფლაკუსის სარდლობით, მაგრამ ფლაკუსი შერცხვენილი დაბრუნდა რომში შემდეგ გაიგზავნა მეორე კონსული ლუციუს კალპურნიუს პიზონი, რომელმაც ჯერ აიღო ქალაქი მესანა, გაწყვიტა იქ 8.000 მონა, ბევრი ჯვარზეც გააკრა და მერე მიადგა „ახალი სირიის“ სატახტო ქალაქს ჰენას. ჰენას ალყა უშედეგოდ დამთავრდა და კონსული პიზონიც უსახელოდ დაბრუნდა რომში.

ბოლოს, სიცილიაში დიდი არმიით ჩავიდა კონსული პუბლიუს რუპილიუსი. სასტიკი ბრძოლების შემდეგ რომაელებმა დაამარცხეს აჯანყებულები. რუპილიუსმა მონათა ერთ-ერთი თავშესაფარი, ტავრომენიუმი, აიღო ღალატით. მოღალატე იყო ვინმე სერაპიონი.

რომაელების მიმართ მონათა თავგანწირული ბრძოლის პირობებში გამოჩნდა კიდევ ერთი გმირი, სახელად კომანი. რომელმაც ტყვედ რომ არ ჩაეარდნილიყო, სუნთქვის შეგუბებით შოიკლა თავი.

ბოლოს რომაელებმა აგრეთვე ღალატით აიღეს ქალაქი ჰენა. ბრძოლაში გმირის სიკვდილით დაიღუპნენ აჯანყებულთა სარდლები, კლეონი და აქეოსი. აჯანყება ჩაქრობილ იქნა. მეფე ევენუს-ანტიოქე შეპყრობილ იქნა და ტყვეობაში მოკვდა.

ასეთია სიცილიის მონათა პირველი აჯანყების მოკლე მონახაზი. აქედან საინტერესოა შემდეგი გარემოება:

სიცილიის მონათა აჯანყება, თითქმის მთლიანად აღმოსავლეთიდან გარეკილი მონების აჯანყებაა. ამის აშკარა დამამტკიცებელია:

1. აჯანყების უკლებლივ ყველა მთავარი გმირი, რიცხვით რვა, წარმოშობით აღმოსავლეთიდან არიან. ამათგან ევენუსი, აქეოსი, კლეონი და გადედოფლებული მონა-ქალი პირდაპირ მითითებული არიან, როგორც „აღმოსავლელნი“. კერძოდ. ევენუსი და მისი მეუღლე, მონადყოფილი ქალი, სირიელები არიან. კლეონი — კილიკიელი (ტავრის ოლქიდან) და აქეოსი — ბერძენი, ე. ი. სამი აზიელი და ერთი ბერძენი. ამას გარდა, ყველა დანარჩენი ოთხი გმირის სახელები — ჰერმიოსი, ზევქსისი, კომანი და სერაპიონი — „აღმოსავლური“ (ბერძნული) წარმოშობისა არიან.

2. წყაროებში ზოგიერთ ადგილზე აჯანყებული მონები მოხსენიებული არიან. როგორც საერთოდ სირიელები.

3. სირიელი ევენუსის პოპულარობა სიცილიელ მონათა შორის და აჯანყების დაწყებისთანავე მისდამი სწრაფი მხარდაპერა მეტყველებს აჯანყებულთა „აღმოსავლურ“, კერძოდ, აზიურ წარმოშობაზე.

4. ასევე, აჯანყებულთა სხვა ბელადების, ბერძენი აქეოსისა და კილიკიელი კლეონის ავტორიტეტი და მონათა მხარდაპერა მიუთითებს, აგრეთვე, ამ უკანასკნელთა ბერძნულ და აზიურ წარმოშობაზე.

5. ევენუსისაგან აზიელი ღმერთების „აზრთა“ ავტორიტეტად მოყვანა მონათა სააგიტაციოდ. აგრეთვე, მიუთითებს მათ „აღმოსავლურ“ განსაკუთრებით აზიურ წარმოშობაზე.

6. ბოლოს. ევენუსის გამეფება უაღრესად პოპულარული აზიური სამეფო სახელით (ანტიოქე) და, რაც განსაკუთრებით აღსანიშნავია, მონათა სახელმწიფოს აღმოსავლური, აზიურ-ბერძნული (ელინისტური) პრინციპებით ორგანიზება, რომელიც აჯანყებულთათვის იმ დროს ყველაზე მისაღები, „მშობლიური“ სახელმწიფო ორგანიზაცია უნდა ყოფილიყო — ყველაზე მტკიცედ მიუთითებს სიცილიის ინსურიგენტთა აღმოსავლურ წარმოშობაზე.

ამრიგად:

სიცილიელ მონათა პირველი აჯანყება, რომელიც თითქმის ცხრა წელი გაგრძელდა, არის აღმოსავლეთის ხალხთა ბრძოლის ისტორია რომის მონათმფლობელობის წინააღმდეგ.

აღმოსავლეთიდან გარეკილი მონადქვეყნული თავისუფალი მოსახლეობა რომაულ მონათმფლობელურ სისტემაში წარმოადგენს უაღრესად „რევოლუციურ“ ელემენტს.

აღმოსავლეთიდან გარეკლმა მონათა კონტიგენტებმა და აჩქარეს რომის მონათმფლობელური სისტემის შექმნა, და, იმავე დროს, თვითონვე შეიქმნენ მასში დიდი კლასობრივ-ბრძოლის პირველი მებაიარახტრენი; აღმოსავლეთიდან გარეკლმა მაღალი კულტურის მქონე, თავისუფლებისმოყვარე ხალხებმა, რომლებიც რომაელმა მონათმფლობელებმა მონობის სტიგმებით დადაღეს. თავგანწირული ბრძოლით თავისუფლება დაიბრუნეს და თავისი დამოუკიდებელი სახელმწიფო ორგანიზაცია შექმნეს. „ახალი სირიის სამეფო“ ცხრაწელი ინარჩუნებდა სახელმწიფოებრივ დამოუკიდებლობას რომის მსოფლიო სახელმწიფოებრივ სისტემაში. მამასადამე, ამიერიდან მიზანშეწონილია უნდა იყოს „ახალი სირიის სამეფოს“, როგორც აღმოსავლურ-ელინისტური სახელმწიფოს შესწავლა — როგორც თავისუფლებისმოყვარე ხალხთა ბრძოლის უბრწყინვალესი შედეგი. როგორც დიდებული ძეგლი კლასობრივი ბრძოლის ისტორიისა!

სიცილიოს მონათა აჯანყება უზარმაზარ კოცონს ჰკავდა. რომლის ნაპერწყლებმა რომის სახელმწიფოს სხვადასხვა კუთხეში მონათა მოძრაობის ახალი საბრძოლო კერები წარმოშვა. მინტურნში გამოამყვანეს castratio (შეთქმულება). რისთვისაც 450 მონა გააკრეს ჯვარზე. სინეუსში დაიწყო ჯანყი, რომელშიც 4.000 მონა ლებულობდა მონაწილეობას. რომაელებმა ეს აჯანყებაც ჩაახშეს. იმავე ხანებში თვით რომში აღმოჩნდა 150 მონის შეთქმულება, რომელიც დასაწყისშივე განადგურეს.

სიცილიური „ხანძრის ნაპერწყლები“ უფრო ქმედითი აღმოჩნდა რომის აღმოსავლურ სამფლობელოებში.

პირველნი აჯანყდნენ დელოსელი მონები. კუნძული დელოსი მონათეპრობის ცენტრი იყო აღმოსავლეთ რომის იმპერიაში, აქ ყოველდღე 10.000-მდე მონა იყიდებოდა. დელოსზე მონათა მოძრაობა ჩაახშვეს.

უფრო სკვეთრად მოჩანს მონათა აჯანყება ატიკაში, ლაერიონის

¹ დასავლეთ ვეროპის სეცნეიტოთავან ერთადერთია დე მარტინო, რომელმაც პირველმა დააყენა საკითხი აჯანყებულ მონათა „სახელმწიფოებრივი ჩანასახის“ შექმნისა და ამ აჯანყების პერსპექტივებისა და მამოძრავებელ ძალთა „აღმოსავლურობის“ შესახებ. ამას გვიხატებს დე მარტინოს ერთელი ნაშრომის ერთ-ერთი ადგილი: „რომ რომს არ მოეჯრებინა, იარაღის ძალით გაენადგურებინა ეს ჩანასახული სახელმწიფო, მაშინ სეკს მასში ცეკქებოდა ძვალითი მონათა რესპუბლიკისა, რომელიც თავის წყერათავით აცხადებდა თავისუფლებას და ნაციონალურ დამოუკიდებლობას, რამდენადაც ყველა მონა წარმოშობით აზიიდან და სირიიდან იყო.“ (L. De Martino, della costituzione romana. II. 378).

ვერცხლის ძალარობებში. აქ აჯანყება იწყება 1.000 მონის მონაწილეობით. მაგრამ სტრატეგოს პერაკლიტეს მეთაურობით ეს გამოსვლაც ჩაახშვეს.

ატიკელ მონა-მალაროელთა ბრძოლამ გამოძახილი ჰპოვა მაკედონი-აში, სადაც დაიწყო, აგრეთვე, მალაროში მომუშავე მონების მოძრაობა, რომელიც სხვა წვრილ აჯანყებათა მსგავსად, მონათმფლობელთა უმკაცრესი ტერორის მსხვერპლი გახდა.

2. აჯანყება მცირე აზიაში

კლასობრივი ბრძოლის მეორე დიდი ეტაპი, რომელიც ქრონოლოგიურად ერწყმის სიცილიის მონათა პირველ მოძრაობას, არის აჯანყება მცირე აზიაში. ანუ უფრო გავრცელებული სახელწოდებით — არისტონიკეს აჯანყება (133—129 წწ).

ამ აჯანყების მამოძრავებელი ძალები იყვნენ მონები და მცირე აზიის — ყოფილი პერგამოსის სამეფოს — უღარიბესი მოსახლეობა. საერთოდ, თავისუფალი მოსახლეობის უღარიბესი ფენები ყოველთვის, მონათა ყველა სერიოზული გამოსვლის დროს, „რევოლუციური ელემენტის“ როლს ასრულებდნენ. მაგრამ ამჯერად, არისტონიკეს აჯანყებაში, ისინი განსაკუთრებული აქტიურობით და მასშტაბური სიფართოვით გამოდიან აჯანყებული მონების მხარდამხარ. ეს იმიტომ, რომ მცირე აზიის ლატაკნი მონებთან კავშირში ეძიებდნენ სხნას ორმაგი ჩაგვრისაგან, ადგილობრივი არისტოკრატის შევიწროებისა და უცხოურ-რომაული მბრძანებლობისაგან. მაშასადამე, არისტონიკეს აჯანყება, ერთსა და იმავე დროს, ატარებდა კლასობრივ, შიდაკლასობრივ და ნაციონალურ-გამათავისუფლებელ ბრძოლათა ხასიათს.

აჯანყება მცირე აზიაში დაიწყო მაშინ, როცა სიცილიის მონათა მოძრაობა თავისი აღმავლობის ზენიტში იმყოფებოდა. წყაროები არას ამბობენ სიცილიელ და მცირე აზიელ მონათა კავშირ-ურთიერთობის შესახებ. მათ შორის რაიმე მტკიცე კავშირი, ალბათ, არც არსებულა, მაგრამ უეჭველია. რომ სიცილიის მონათა აჯანყება მაინც ხელს შეუწყობდა მცირეაზიელთა გამოსვლის დაჩქარებას, რასაც განსაკუთრებული *cunctis belli* ჰქონდა, რაც შემდეგში მდგომარეობდა:

133 წელს საწესებით მოულოდნელად, ბნელით მოცულ უცნაურ პირობებში გარდაიცვალა პერგამოსის ახალგაზრდა მეფე ატალ მესა-

მე, ევმენ მეორის ძე. კიდევ უფრო მოულოდნელი აღმოჩნდა უეცრად დაღუპული მეფის ანდერძი, რომლითაც იგი თავის სამეფოს მთლიანად გადასცემდა რომს. შეიძლება დამტკიცებულად ჩაითვალოს, რომ პერგამოსის სახელმწიფოს სალიკვიდაციო ანდერძს ორი ხელი წერდა — რომის დიპლომატიისა და მისი ყურმომჭრილი ყმის, ატალ მესამისა.

პერგამოსის უკანასკნელ მეფეს სხვა მიზეზებიც უბიძგებდნენ თავისი ხალხისა და ქვეყნის საზიანო სულმდაბლური აქტის შედგენაში. მას, რომაელთა უსუსურ პოლიტიკურ კრეატურას, აღარ შეეძლო თავი გაერთმია იმ ღრმა სოციალური, ეკონომიური და პოლიტიკური კრიზისისათვის, რომელიც ერთბაშად დაატყდა თავს პერგამოსის სამეფოს და საერთოდ მცირე აზიას. უკვე გამოჩნდა კაცი, რომელიც პრეტენზიას აცხადებდა, ქვეყანა ეხსნა ასეთი მძიმე მდგომარეობიდან. ეს იყო არისტონიკე, ატალ მესამის ნახევარ-ძმა, რომელიც ევმენ მეორეს მონა ქალისაგან შექენია. არისტონიკეს მოძებნილი ჰქონდა სოციალური საყრდენი, რომლის მეოხებითაც ის პერგამოსის სამეფო ტახტზე ასვლას ფიქრობდა. ეს სოციალური ძალა იყო მონათა და ღარიბ-ღატაკთა ფენები, რომელთა მღელვარება პერგამოსში უკვე დაწყებული იყო. რასაკვირველია, ატალს არ სურდა, ტახტ-გვირგვინი საძულველი „უკანონო ძმისათვის“ დაეთმო. ამდენად, ძმათა შორის მტრობაც ერთ-ერთი მიზეზი უნდა ყოფილიყო რომისათვის ხელსაყრელი ახალი „აღმოსავლური აქტის“ შედგენაში.

აგრეთვე, სარწმუნოდ საფიქრებელია, რომ ატალ მესამეს არასასურველ ანდერძზე ხელი მოაწერინა ეკონომიურმა ფაქტორმაც. მართლაც შესაძლოა, რომმა აძულა რომაელ ფინანსისტთაგან ყველაზე დაკაბალებული მეფე-თოჯინა. თავის ვალში მიეცა მთელი თავისი ქვეყანა“.

133 წელს გარდაიცვალა ატალ მესამე და გამოჩნდა მისი ანდერძი, რომის განკარგულებაში პერგამოსის სახელმწიფოს გადაცემის შესახებ. ეს სავსებით საკმარისი იყო იმისათვის, რომ აშკარა ფორმით დაწყებულიყო მონათა და ღარიბთა აჯანყება, რომელსაც სათავეში ჩაუდგა არისტონიკე. აჯანყებას მიემხრნენ, აგრეთვე, დაქირავებული მეომრები.

არისტონიკესა და მის მიმდევართა გარეგანი მიზნობრივი ფორმაც იყო პერგამოსის სახელმწიფოს დამოუკიდებლობის აღდგენა და რომის მბრძანებლობის დამხობა აზიაში. ამას გარდა, რაც განსაკუთრებით საყურადღებოდ უხდა მივიჩნით, ისინი მიზნად ისახავდნენ რაღაც დიდ სოციალურ-ეკონომიურ და პოლიტიკურ რეორგანიზაციას რომ-

1) В и п е р Р., Очерки истории Римской империи, М., 1908. 38.

მელთაგან გაწმენდილ სახელმწიფოში. ამაზე მეტყველებს ერთადერთი მოკლე წინადადება სტრაბონის „გეოგრაფიაში“:

„თავის მომხრეებს არისტონიკე ჰელიოპოლიტებს უწოდებდა“¹.

ამ წინადადების გაანალიზებასთან დაკავშირებით ბევრი სხვადასხვა მოსაზრება გამოითქვა (მომხენი, ტარნი, ჰიოლმანი, კერი, კავალევი, მაშკინი, ლურიე, იულკინა და სხვ.), მაგრამ მეცნიერებაში დღემდე ძალას ინარჩუნებს ერთი დომინანტური აზრი: არისტონიკეს მოძრაობის იდეოლოგიური პროგრამა სოციალური თანასწორობის უტოპიურ იდეას ემყარებოდა. „ჰელიოპოლიტები“ ანუ „მზის ქალაქის მოქალაქენი“ ერთიანობისა და თანასწორობის დროშით ებრძოდნენ ადგილობრივ და რომაულ მონათმფლობელობას. „მზის სახელმწიფოში“ არ უნდა ყოფილიყო არც მდიდრები, არც ღარიბები, არც მონები, არც ზატონები. ამ მხრივ ძალიან ბევრზე მიუთითებს არისტონიკეს აჯანყებაში ფილოსოფოს-სტოიკოსისა და ძველი სამყაროს „უტოპიური სოციალიზმის“ წარმომადგენლის, ბლოსიოსის მონაწილეობა, როცა იგი ტიბერიუსს გრაკუსუსს განადგურების შემდეგ, რომიდან აზიაში ჩამოვიდა და აქაურ აჯანყებულებს არისტონიკესთან ერთად, სათავეში ჩაუდგა, როგორც თავისებური „იდეოლოგიური ხელმძღვანელი“.

ამის შესახებ უფრო დაწვრილებით შეგვირდებით ქვემოთ, სადაც განხილული უნდა იქნეს რომისა და „აღმოსავლური საკითხის“ შეხების წერტილები გრაკუსუსების მოძრაობასთან დაკავშირებით: ახლა კი თვალი მივადევნოთ არისტონიკეს აჯანყების მსვლელობას.

აჯანყების ცენტრი ყოფილა ქალაქი ლევკი. აქედანვე იწყება „ჰელიოპოლიტთა“ გამოსვლა. სულ მოკლე ხანში, ლევკის გარდა, მათ მხარეზე გადავიდნენ დიდი ქალაქები — კოლოფონი და მინდოსი. ამის შემდეგ, აჯანყებულთა ხელში აღმოჩნდნენ პერგამოსის სხვა დიდი და მცირე ქალაქები და დასახლებული პუნქტები. რაკი მიზნები და ამოცანები მოსახლეობისათვის ნათელი და მრავლისაღმტკმელი იყო. აჯანყება დიდის სისწრაფით მოედო მთელს პერგამოსს. რომაელებთან ბრძოლისა და დამოუკიდებელი სახელმწიფოს შენარჩუნების იღუმ მასველი ააღებინა პერგამოსის არისტოკრატისაც, მაგრამ ამ უკანასკნელმა მალე დაინახა, რომ „თანასწორ ჰელიოპოლიტთა“ მოძრაობა მარტო რომის ძალადობის წინააღმდეგ როდი იყო მიმართული, იგი ადგილობრივი არისტოკრატის განადგურებასაც ისახავდა მიზნად.

ამიტომ რომი და აზიური არისტოკრატია სასწრაფოდ გაერთიანდნენ აჯანყების ჩასახშობად. არისტონიკეს მოძრაობის მტერთა საყრდენი პუნქტი შეიქნა ეფესო, მდიდარი სავაჭრო-არისტოკრატული ქალა-

¹ Str. XIY, 38, 1.

ქი, რომელიც ყოველთვის წარმოადგენდა ზედა ფენების ბატონობის ცენტრს მცირე აზიის დასავლეთ ნაწილში.

ეფესელმა მონათმფლობელებმა და რომაულმა გარნიზონებმა კი-მასთან გამართულ ბრძოლაში დაამარცხეს არისტონიკე, რის შემდეგ იგი წავიდა „ქვეყნის შიგნითა ოლქებში და იქ შეკრიბა მრავალი უქონელი ხალხი და მონები, რომელთაც თავისუფლებისაკენ მოუწოდებდა... ჯერ იგი შეიქრა ფიატირში, შემდეგ აიღო აპოლონიდა და სასწრაფოდ შეუდგა დანარჩენ გამაგრებულ პუნქტთა აღებას“¹.

რომის ხელისუფლება ძალიან შეაშფოთა პერგამოსის გართულე-ბულმა მდგომარეობამ. იგი ხელიდან ჰკარგავდა არა მარტო პერგამოსის ტერიტორიებს, რომლებიც მან ასე უსისხლო ექსპანსიის გზით მოიპოვა, არამედ, საერთოდ, საყრდენს აზიის კონტინენტზე შემდგომი ფართო აგრესიის საწარმოებლად. ამიტომ 131 წელს სენატმა არისტონიკეს წინააღმდეგ „ბრწყინვალედ გაწვრთნილი ჯარით“² გაგზავნა კონსული და უმაღლესი ქურუმი (pontifex maximus) პუბლიუს ლიცინიუს კრასუსი.

პელიოპოლიტთა მოძრაობის ფართო განვრცობას მარტო რომისა და პერგამოსის ადგილობრივი არისტოკრატიის შეშფოთება არ გამოუწვევია, ატალიდების სახელმწიფოს სახალხო მასებისა და მონების აჯანყებამ შიშის ზარი დასცა მთელი მცირე აზიის მონათმფლობელურ ქვეყანათა მთავრობებს. ყოველ წუთს მოსალოდნელი იყო, რომ მძლავრი სახალხო გამოსვლა პერგამოსიდან მათ სახელმწიფოებშიც შეიქრებოდა და საყოველთაო სოციალურ-კლასობრივ მოძრაობად გადაიქცეოდა მთელი მცირე აზიის ელინისტურ-მონათმფლობელურ სისტემაში.

ამიტომ მცირეაზიელი დინასტიები მაშინვე შეუკავშირდნენ რომს პელიოპოლიტთა წინააღმდეგ ბრძოლაში. კრასუსის ლეგიონებთან შესაერთებლად თავიანთი საომარი ძალები გაგზავნეს ნიკომედე ბითონიელმა, არიარათე კაპადოკიელმა, პილემენე პაფლაგონიელმა და მითრიდატე მეხუთე-პონტოელმა. ოროზიუსის სიტყვით, ისინი რომაელებს მიეშველნენ „დიდი ჯარებით“³. ასევე წერს ევტროპიუსი: „პუბლიუს ლიცინიუს კრასუსმა (აზიელი) მეფეებისაგან უზარმაზარი დახმარება მიიღო“⁴.

რომისა და აზიელი დინასტიების ეს კავშირი გაცილებით უფრო ბუნებრივად გამოჩანს. ვიდრე რომაული divide et impera-ს პრინციპით მიღწეული შეთანხმებანი რომის აღმოსავლური პოლიტიკის

¹ Str. X IV, 38, 1.

² Oros. V, 10, 1.

³ Oros. V, 10, 11.

⁴ Eutr. IV, 20.

წინარე პერიოდებში, როცა რომის აგრესიის აღსაყვებად აღმოსავლეთში ვერასდროს ვერ მოხერხდა „ერთი ჯიშის მქონე“ მონათმფლობელურ მთავრობათა გაერთიანებაც კი, მით უფრო ახლა შეუძლებელი უნდა ყოფილიყო იგივე აზიელ დინასტთა კავშირი მონათა და დარიბ-ლატაკთა ბელადთან, რომელიც ხალხს სოციალური უთანასწორობის მოსპობას ჰპირდებოდა.

ამიტომ მოხდა ის, რაც ასეთ პირობებში ყოველთვის მომხდარა: შინა სოციალურ-კლასობრივი წინააღმდეგობანი გარე-პოლიტიკურ კონფლიქტებზე უფრო ძლიერნი აღმოჩნდნენ. აღმოსავლური პოლიტიკის საკითხებში მოცილე რომის სენატი და აზიელი მეფეები ერთ ბანაკში გაერთიანდნენ მათი საერთო მტრის, თავისუფლებისა და თანასწორობის მაძიებელი ჰელიოპოლიტების წინააღმდეგ.

მოწინააღმდეგე მხარეები ერთმანეთს შეხვდნენ ქალაქ სმიონას მახლობლად. სასტიკი, სისხლისმღვრელი ბრძოლა აჯანყებულთა ბრწყინვალე გამარჯვებით დამთავრდა. რომაელები და მათი მოკავშირეები განადგურებულ იქნენ. ბრძოლაში დაიღუპა თვითონ კონსული და მთავარსარდალი პუბლიუს ლიცინიუს კრასუსი.

აჯანყებულთა წინააღმდეგ მებრძოლი ძალები ხელახლა გაერთიანდნენ. მომდევნო 130 წელს აზიაში დიდი არმიით ჩამოვიდა კონსული მარკუს პერპერნა. უკანასკნელ გენერალურ ბრძოლაში არისტონიკე დამარცხებული იქნა. მან გადარჩენილ თანამებრძოლებთან ერთად თავი შეაფარა ქალაქ სტრატონიკეას, ლიკიაში. ხანგრძლივი აღყის შემდეგ ინსურვიგენტები დანებდნენ. არისტონიკე ბორკილდადებული გაგზავნეს რომში, როგორც დიდებული სამკაული პერპერნას ტრიუმფისა. მაგრამ ეს უკანასკნელიც ვერ მოესწრო საზეიმო სელას ჰელიოპოლიტებზე გამარჯვებისათვის: პერპერნა პერგამოსში გარდაიცვალა. ხოლო ჰელიოპოლიტთა ბელადი, სენატის განკარგულებით, საკანში დაახრჩვეს.

თვითმკვლელობით დაასრულა სიცოცხლე ბლოსიოსმა — „ძმობა-ერთობა-თანასწორობის იდეურმა ხელმძღვანელმა“.

აჯანყების კერები მთლიანად მაინც არ ჩაქრალა. ამიტომ მათი საბოლოოდ ჩაქრობისათვის პერგამოსში ახალი არმიით გაიგზავნა კონსული მანიუს აქვილიუსი (129 წ.), რომელმაც თავისი მისიასრულყოფილად შეასრულა.

ჰელიოპოლიტთა განადგურება დამთავრდა. პერგამოსის ყოფილი სამეფო რომაელებს ჩაბარდა de facto და de jure.

რომიდან ჩამოვიდა მორიგი კომისია, რომელსაც აქვილიუსთან ერთად უნდა გამოეცხადებინა „აზიის საქმეთა“ ახალი სტატუსი. პერგამოსის სამეფო გამოცხადებულ იქნა რომის პროვინციად. ამიერი-

ღან მას ეწოდებოდა „provincia Asia“. მასში შევიდა მიზია, ლიდია, ფრიგია, თრაკიის ხერსონესი და კარია¹.

ამრიგად, რომის მსოფლიო სახელმწიფოს სისტემაში მოექცა პირველი აზიური პროვინცია, რომელსაც ამიერიდან დიდი როლი უნდა შეესრულებია რომის პოლიტიკურ და ეკონომიურ ცხოვრებაში, პოლიტიკურში — როგორც ძირითადი პლაცდარში აზიის კონტინენტზე შემდგომში ექსპანსიის გასაფართოებლად, ხოლო ეკონომიკაში — როგორც ძირითადი არტერია რომის მატერიალური და ფინანსური ცხოვრების ბრუნვაში

ამრიგად, „რომაელი მონათმფლობელები და მიწათმფლობელი მავნატები ზეიმობდნენ. პერგამოსი დაპყრობილი იყო. დაიძრნენ მცირე აზიისაკენ სპეკულანტები, მოხელეები და შემსყიდველები, როგორც გუნდი პარაზიტებისა, რათა ამოეწოვათ წვენი ახლად დაპყრობილი ნადავლიდან“².

3. სიცილიის მონათა მეორე აჯანყება

მესამე დიდი ეტაპი რომის სახელმწიფოში წარმოებულ კლასობრივი ბრძოლისა, არის სიცილიის მონათა მეორე აჯანყება, რომლის დაწყება დაუკავშირდა რომის საშინაო და საგარეო საკითხთა უმძიმეს პირობებს. რომის შინასახელმწიფოებრივ ცხოვრებაში ეს არის ხანა აგრარულ-რეფორმატული მოძრაობისა, აქულებუს სატურნიუსისა და სერვილიუს გლავციას ნეთაურობით. სწორედ ამ მოძრაობის პარალელურად იწყება სიცილიის მონათა ახალი დიდი გამოსვლა, რომელიც ისევე როგორც სიცილიის მონათა პირველი აჯანყება, უფროსი გრანკუსის რეფორმატულ მოღვაწეობას უკავშირდება.

რომს ახალი დამთავრებული ჰქონდა მისი სამხედრო და მორალური ისტორიისათვის სამარცხვინო „იუგურთას ომი“ და დიდი შიშინობის პირობებში ემზადებოდა ჩრდილოეთიდან დაძრული გერმანული ტომების — კიმბრებისა და ტევტონების მოსაგერიებლად. 105 წელს 80.000-იანი რომაული არმია, რომელსაც სათავეში კონსული ცუპიონი ედგა, მთლიანად განადგურდა კიმბრ-ტევტონებთან ბრძოლაში. ასე დადგა „შავი პარასკევი“ რომის სამხედრო ისტორიაში. რომს

¹ Pignatoli A., La conquête romaine, Paris, 1921, 242.

² Мишулин А. В., Восстания рабов и аграрное движение Гракхов. Сулланская реакция, М., 1940, 20.

სარევანშო ბრძოლისათვის დიდი სამზადისი ჰქონდა. ამ სამზადისს სათავეში უდგა იმპერიის იმდღევანდელი გმირი გაიუს მარიუსი.

დიდი ომებითა და მძაფრი ეკონომიური და სოციალური კრიზისით გაჩანაგებულ იტალიელ გლეხობას ძალიან უჭირდა შეევესო რომის სა-მოქალაქო ლაშქარი და ამიტომ მარიუსმა კიმბრ-ტევტონებთან საომარი ახალი არმიის დაკომპლექტება რომის სამფლობელო პერიფერიებიდან, მათ შორის აღმოსავლეთ „მოკავშირე ქვეყნებიდან“ სცადა. ასე-მან 104 წელს დამხმარე ჯარები სთხოვა ბითინიის მეფე ნიკომედესს.

მეტად საინტერესოა ბითინიელის პასუხი მარიუსის მოთხოვნაზე. იგი რომაელ კონსულს ატყობინებს, რომ მთელი ბითინია ჩავარდნილია რომაელი პუბლიკანების, შემსყიდველებისა და მევახშე-ფინანსისტების ვალში: დაკაბალების ნიადაგზე, ბითინიის მოსახლეობის უდიდესი ნაწილი მონად არის გაყიდული. ამიტომ მარიუსის თხოვნის (თუ მოთხოვნის) შესრულება მას არ შეუძლია.

რომის ხელისუფლება შეაშფოთა შექმნილმა მდგომარეობამ — მაგრამ, რასაკვირველია, არა იმან, რომ დაპურობილი ქვეყნები რომაელ მონათმფლობელებს ასეთ დღეში ჰყავდათ (ეს მათ ყოველთვის კარგად იცოდნენ), არამედ მას აფიქრებდა მხოლოდ ის, რომ ახალი ძლიერი გარეშე მტრის გასანადგურებლად ახალი არმიის დაკომპლექტება ძნელდებოდა.

ამიტომ სენატმა მიიღო საგანგებო გადაწყვეტილება: მან განკარგულება გასცა, გათავისუფლებულიყო ყველა „თავისუფლად დაბადებული მოკავშირე“. ეს ბრძანება დაეგზავნათ პრეტორებს პროვინციებში.

სიცილიის პრეტორი — ლიცინიუს ნერვა შეუდგა მონათა განთავისუფლებას. მონის ბორკილი მოიხსნა უკვე რვაასზე მეტმა ადამიანმა. მაგრამ სენატის „უცნაური“ განკარგულებით შეშფოთებულმა მსხვილმა მონათმფლობელებმა ნერვა მოისყიდეს, თუ შეაშინეს, და იმანაც მონების განთავისუფლება შეწყვიტა.

ეს სავსებით საკმარისი იყო იმისათვის, რომ მონათა ბორკილებით დამძიმებული კუნძული ერთბაშად აფეთქებულიყო.

დაიწყო იმით, რომ სირაკუზის მახლობლად თავი მოიყარა ორასამდე მონამ, რომლებიც შეუდგნენ თავიანთ ბატონთა ხოცვას. მათ შორის ნერვამ აღმოაჩინა მოღალატე, რომლის შემწეობით აჯანყებულები ერთბაშად გაელიტა. მაგრამ პრეტორს თავისი სისხლიანი საქმე ხეირიანად არც კი დაემთავრებინა, რომ კუნძულის სამხრეთ-დასავლეთ ნაწილში, ქალაქ ჰერაკლეს რაიონში, იფეთქა ახალმა აჯანყებამ. აქ მონებმა მოჰკლეს რომაელი მხედარი-ფინანსისტი პუბლიუს კლონიუსი.

სანამ ნერვა ახალ დამსჯელ რაზმებს ამზადებდა. აჯანყებულები უკვე 2.000 კაცს მოითვლიდნენ.

ნერვამ აჯანყებულთა წინააღმდეგ გაგზავნა ჰენას გარნიზონი, მარჯუს ტიცინიუსის მეთაურობით. მონებმა ტიცინიუსის რაზმები სასტიკად დაამარცხეს. გადარჩენილებმა იარაღი დაჰყარეს და გაქცევით უშველეს თავს; ამ გამარჯვებისთანავე აჯანყებულთა რიცხვი გაიზარდა 6.000-მდე.

აჯანყებულებმა კვლავ დამოუკიდებელი სახელმწიფო ორგანიზაცია შექმნეს, მეფედ გამოაცხადეს ისევ სირიელი მონა სალვიუსი, რომელმაც სამეფო სახელად ტრიფონი დაირქვა.

სალვიუს-ტრიფონმა ენერგიულად მოჰკიდა ხელი მონათა ახალი სახელმწიფოს ორგანიზაციის საქმეს. პირველ რიგში მან ყველაზე დიდ საზრუნავ საქმედ გაიხადა არმიის რეორგანიზაციის საკითხები. 20.000 აჯანყებულისაგან ტრიფონმა შექმნა ქვეითი არმია, რომელიც დაყოფილი იქნა სამ ნაწილად. მათ სათავეში ჩაუყენა გამოცდილი მეთაურები. ორგანიზებული იქნა კავალერია 2.000 მხედრის შემადგენლობით. მეფის ბრძანებით შეუწევლებელი ყურადღება ექცეოდა არმიის მომარაგების, ფურაჟირებისა და ადგილმდებარეობათა რეკოგნოსირების საქმეებს.

ტრიფონმა სასტიკი იერიშები მიიტანა ქალაქ მორგანტინაზე. აქ მან დაამარცხა პრეტორის არმია, ხელთ იგდო 4.500 იტალიელი და მასთან დიდძალი რომაული შეიარაღება. ამ გამარჯვებამ აჯანყება კიდევ უფრო გააძლიერა და განავითარა; მონათა და ლატაკ მიწათმოქმედთა ლტოლვა აჯანყებულებთან შესაერთებლად არ წყდებოდა. ტრიფონის საბრძოლო დროშის ქვეშ უკვე 44.000 მეომარი იდგა.

მორგანტინაზე იერიშები გრძელდებოდა. ქალაქს იცავდნენ მონებნი, რომელთაც ტრიფონი აჯანყებისაკენ მოუწოდებდა. თავის მხრივ, მორგანტინელი მონათმფლობელები თავისუფლებას აღუთქვამდნენ მონებს, თუ ეს უკანასკნელნი ერთგულად იბრძოლებდნენ ქალაქის დასაცავად. მაგრამ ისინი მალე დარწმუნდნენ, რომ მონათმფლობელი ალექსანდრის მონისათვის ყოველთვის უსაგნო დაპირებაა და სხვა არაფერი. მონათმფლობელებმა პირობა არ შეასრულეს. მაშინ მონებმა ქალაქი მიატოვეს და აჯანყებულებს შეუერთდნენ. ტრიფონის რაზმები ლეონტინის ველ-მინდვრებს შეესივნენ და იქაურ მონათმფლობელთა მეურნეობანი თავიანთ სახელმწიფო ტერიტორიებს შეუერთეს.

წარმატებები კიდევ უფრო ზრდიდა და აფართოებდა აჯანყების მასშტაბს, სიცილიის დასავლეთ ნაწილში. სეგესტისა და ლილიბუმიის ოლქში, გაჩნდა მონათა აჯანყების ახალი დიდი კერა, რომელსაც სათავეში ჩაუდგა მამაცი და ენერგიული მონა ათენიონი, წარმოშობით კილიკიელი.

ათენიონი ლილიბეუმის იერაშემის შეზღვევ 10.000 მონა-მეომრით გავშურა სალვიუს-ტრიფონისაკენ. მონათა შორის განხეთქილების ვარა-ცდი არც ახლა გაუნართლდათ მონათმფლობელებს. სალვიუსი და ათენიონი შეერთდნენ. პირველი კვლავ მეფედ დარჩა, ხოლო მეორე გაერთიანებულ მონათა ჯარებას მთავარსარდლად გამოცხადდა.

აჯანყებულებმა აიღეს ქალაქი ტრიოკალა და გადააქციეს იგი თავისი სახელმწიფოს მთავარ ცენტრად და ცისე-სიმაგრედ. მათი არჩევანს სავსებით გამართლებული იყო, რადგან ტრიოკალა მდებარეობდა კლდოვან მაღლობზე: მასში უხვად იყო გემრიელი წყაროს წყლები: გარშემო ჰქონდა ნოყიერი ველ-მინდვრები, პურის ყანებით, ვენახებით და ზეთისხილის ბაღებით.

ტრიოკალაში მეფე ტრიფონმა ააგო სამეფო სასახლე. აქვე თავის გარშემო შემოიკრიბა „ჰეტერ“-მეგობართა და უახლოეს პირთა საბჭო. ცალკე მოაწყო დიდი მონღანი სახალხო კრებისათვის.

ამრიგად, აჯანყების პირველ წელს (104) მონებმა ხელთ იგდეს კუნძულის დიდი ნაწილი და შექმნეს დამოუკიდებელი სახელმწიფო თავისი სამმართველო აპარატით.

მომდევნო წლიდან (103) იწყება მონათა სიცილიური სახელმწიფოს დიდი ბრძოლები რომაულ არმიებთან.

მიუხედავად იმისა, რომ რომს ძლიერ უპირდა კიმბრ-ტევტონებთან ომის პირობებში, მაინც სენატი აქულებული შეიქნა სიცილიაში გადაესროლა დიდი არმია (17.000 მეომრით) პრეტორ ლუციუს ლიცი-ნიუს ლუკულუსის სარდლობით.

ბრძოლა მოხდა სკირტეას მასლობლად. ორივე მხარე დიდის თავგანწირვით იბრძოდა. გამარჯვების სასწორი ქანაობდა. ბოლოს ბრძოლაში დაიჭრა ათენიონი, რომელიც საოცარი სიმამაცით ამხნევებდა თავისიანებს. ბრძოლიდან მისი გასვლით და აჯანყებულთა მხნეობის დაკარგვით ისარგებლეს რომაელებმა და უპირატესობასაც მიაღწიეს. 20.000 მონა-მეომარი ემსხვერპლა ამ დღეს. დანარჩენებმა უკან დაიხიეს და თავდაცვით პოზიციებზე დადგნენ. ლუკულუსმა ველარ შესწლო პირველი წარმატების გამოყენება. სიცილია კვლავ მონებს რჩებოდათ. ხელმოცარული სარდალი რომში გაიწვიეს, სამართალში მისცეს და სამშობლოდან გაძევება მიუსაჯეს.

102 წელს სიცილიაში ახალი რომაული არმია გაჩნდა პრეტორ გაიუს სერვილიუსის სარდლობით. მაგრამ სერვილიუსი სავსებით უსწხლოდ გაბრუნდა რომში, სადაც იგი ლუკულუსის მსგავსად იქნა დასჯილი. ამავე წელს გარდაიცვალა მეფე ტრიფონი. მისი ადგილი ათენიონმა დაიკავა. მთელი წლის განმავლობაში ათენიონს წარმატებით მიჰქონდა იერიშები ჯერ კიდევ მონათა სახელმწიფოს გარეშე დარჩენილ ქალაქებზე და სხვა დასახლებულ პუნქტებზე.

ამასობაში გაიუს მარიუსმა დაამთავრა კიმბრ-ტევტონურა საფრ-
თხის ლიკვიდაცია და რომს ახლა ორივე ხელი ეხსნებოდა აჯანყებულ
მონებთან ანგარიშის გასასწორებლად. 101 წელს სიცილიისაკენ დიდ-
ძალა არმიით გაეშურა კონსული გაიუს ატილიუსი.

ქ. მესანის მახლობლად გაიმართა გეხერალური ბრძოლა. არმათა
შეტაკების წინ მოხდა ორთაბრძოლა ათენიონსა და ატილიუსს შორის.
ათენიონი მოკლულ იქნა, ხოლო კონსული მძიმედ დაიჭრა. ბრძოლაც
რომაელთა გამარჯვებით დამთავრდა.

მაგრამ აჯანყების მთლიანად ჩაქრობა მაინც არ მოხერხდა. მონე-
ბი ცალკეულ რაზმებად, პარტიზანულად, კვლავ განაგრძობდნენ აე-
განწირულ ბრძოლას. მათ შორის განსაკუთრებული სიმამაცითა და
ენერგიულობით გამოირჩეოდა 1.000 მონისაგან შემდგარი რაზმი, რო-
ნელსაც მეთაურობდა ვინმე სატირი. ბოლოს, სატირი თავისი რაზმით,
და დანარჩენ აჯანყებულთა ჯგუფებიც, ხელთ იგდეს რომაელებმა.

ხუთწლიანი (104—99) ხოცვა-ჟლეტა და სიცილიის მონათა მეორე
აჯანყება დამთავრდა.

ამგვარად, ისე, როგორც სიცილიის მონათა პირველი აჯანყება.
ასევე მეორეც. აღმოსავლეთის ხალხთა ბრძოლის ის-
ტორიას წარმოადგენს. ამაზე მეტყველებენ თითქმის ისეთივე არ-
გუმენტები. რომლებითაც მტკიცდება „აღმოსავლური ხასიათი“ სი-
ცილიის მონათა პირველი აჯანყებისა. სახელდობრ:

1. აჯანყების მთავარი გმირები (წყაროებში სახელებით მოხსენი-
ებულნი) აღმოსავლეთიდან არიან: სალვიუსი სირიელია, ათე-
ნიონი — კილიკიელი; სატირიც, როგორც მისი სახელის ბერ-
ძნული წარმოშობა გვიჩვენებს, აგრეთვე აღმოსავლეთის რომელი-
ღაც ქვეყნიდანაა (შესაძლოა საბერძნეთიდან).

2. სალვიუსისა და ათენიონის პოპულარობა და მათ მიმართ მონა-
თა სწრაფი და უერთგულესი მხარდაქვერა მეტყველებს აჯანყე-
ბულთა „აღმოსავლურ“ კერძოდ. აზიურ წარმოშობაზე.

3. სალვიუსის მეფედ გამოცხადება და სახელმწიფოს შექმნა აღ-
მოსავლური პრინციპებით;

4. ბოლოს, აზიური ქვეყნის. ბითინიის მოსახლეთა მონადქცევა და
სენატის მითითების თანახმად მათი განთავისუფლების დაწყება სიცი-
ლიაში, რაც აჯანყების საბაზი გახდა. ერთხელ კიდევ მიუთითებს
აღმოსავლელი — აზიელი მონების აბსოლუტურ სიმრავლე-
ზე სიცილიაში. ამრიგად:

სიცილიელი მონების მეორე აჯანყებაც, რომელიც თითქმის ხუთი
წლის მანძილზე გაგრძელდა, არის აღმოსავლეთის ხალხთა ბრძოლის
ისტორია რომაულ მონათმფლობელურ სისტემაში.

მონადქცეულ აღმოსავლეთის ხალხთა ამ აჯანყებამაც დაამტკიცა,

რომ ისინი რომაულ მონათმფლობელურ სისტემაში წარმოადგენენ უადრესად „რევოლუციურ“ ელემენტს.

სიცილიის მეორე აჯანყების მონაწილენი არიან ღირსეული გამგ-რძელებელნი კლასობრივი ბრძოლის ბრწყინვალე ტრადიციისა, რომელსაც საფუძველი დაუდეს სიცილიის პირველი აჯანყების გამირებმა და სახელოვნად განაგრძეს „წმინდა“-აზიელმა“ ჰელიოპოლიტებმა.

აღმოსავლეთიდან გარეკილმა მაღალკულტუროსანმა, თავისუფლებისმოყვარე ხალხებმა, რომლებიც რომაელებმა მონობის ხუნდებით დაბორკეს, ამჯერადაც თავგანწირული ბრძოლით თავისუფლება დაიბრუნეს და კვლავ დამოუკიდებელი სახელმწიფო შექმნეს. იგი ხუთი წელი ინარჩუნებდა სახელმწიფოებრივ დამოუკიდებლობას რომის მსოფლიო სახელმწიფოებრივ სისტემაში.

მამასადამე, ისე როგორც „ახალი სირიის სამეფო“ და „ჰელიოპოლიტების“ დამოუკიდებელი სახელმწიფო გაერთიანება, სიცილიის მეორე აჯანყების მამოძრავებელთა მიერ შექმნილი პოლიტიკური ერთობაც ამიერიდან განხილულ უნდა იქნეს როგორც აღმოსავლურ-ელინისტური სახელმწიფო, როგორც თავისუფლებისმოყვარე ხალხთა ბრძოლის უბრწყინვალესი შედეგი, როგორც დიდებული ძეგლი კლასობრივი ბრძოლის ისტორიისა...



ამჯერად ჩვენი განხილვის გარეთ რჩება მონათმფლობელური სისტემის „აღმოსავლურ უბანში“ მომხდარი კლასობრივი ბრძოლის ისეთი ნათელი მაგალითი, როგორიცაა ბოსფორის მონათა აჯანყება სავ-მაკის მეთაურობით, რადგან იგი არ უკავშირდება რესპუბლიკური რომის კრიზისულ საკითხებს. მაგრამ რამდენადაც იგი საერთოდ მონათმფლობელური სისტემისათვის დამახასიათებელ კლასობრივ ბრძოლათა სერიას განეკუთვნება, მისი „აღმოსავლურობა“ ძალიან ბევრს მეტყველებს აღმოსავლეთის ხალხთა „რევოლუციური“ განწყობილების სასარგებლოდ, საერთოდ რომაული მონათმფლობელობის წინააღმდეგ ბრძოლაში.

არ განვიხილავთ, აგრეთვე, მონათა აჯანყების უბრწყინვალეს ფურცელს, სპარტაკის აჯანყებას, რადგან მისი ნაციონალური შედგენილობის დადგენა, ამ საკითხისადმი წყაროთა „გულგრილი“ დამოკიდებულების გამო, შეუძლებელი ხდება. ამიტომ ჩვენ ვერ ვიტყვი, რომ სპარტაკის აჯანყების მამოძრავებელ ძალებშიც „აღმოსავლური ელემენტი“ დომინანტობდა, თუმცა ამის სასარგებლოდ ბევრს მე-

ტყველებს თვითონ სპარტაკის „აღმოსავლური“ (თრაკიული) ბელადის გრანდიოზული ავტორიტეტი და მის თანამებრძოლთა შორის მისდამი ფანატიკური თაყვანისცემა, თუნდაც აღარაფერი ვთქვათ იმის შესახებ, რომ მონათა შორის სპარტაკის შემდეგ ყველაზე პოპულარული ბელადი ენომაი წარმოშობით, აგრეთვე „აღმოსავლეთიდან“ (საბერძნეთიდან) იყო.

ერთი სიტყვით, მონათა „რევოლუციური“ ჯაჭვის ხუთი დიდი რგოლიდან ოთხის (სიცილიის მონათა პირველი, ჰელიოპოლიტთა, სიცილიის მონათა მეორე და სავმაკისა) მამოძრავებელი ძალები ძირითადად წმინდა „აღმოსავლური“ წარმოშობისა იყო. აგრეთვე, მეხუთეშიც, სპარტაკის აჯანყებაში, უეჭველად, ერთ-ერთ წამყვან როლს აღმოსავლეთიდან გარეკილი მონები ასრულებენ.

ამგვარად, სამოქალაქო ომების ყველაზე დიდმნიშვნელოვან საკითხში — მონათმფლობელური რესპუბლიკის წიაღში ამტყდარი კლასობრივი ბრძოლის ისტორიაში — წამყვან როლს აღმოსავლეთის ხალხები ასრულებდნენ. ისინი, რომაელთაგან მონადქცეულნი, ყველაზე აქტიურ „რევოლუციურ“ ძალას წარმოადგენდნენ რომის საზოგადოებრივი კრიზისის ისეთ თვალსაჩინო უბანზე, როგორცაა მონათა აჯანყებანი. ხოლო კლასობრივი ბრძოლის სიმწვავე, როგორც „სამოქალაქო ომების“ ყველაზე სახიფათო უბანი, რომს უბიძგებდა პოლიტიკური სისტემის შეცვლისაკენ. ე. წ. რესპუბლიკური კონსტიტუციით შეუძლებელი ხდებოდა სამოქალაქო ომების ყველაზე „რევოლუციური“ ძალის, მონათა გამოსვლების შეკავება. დრო მოითხოვდა უფრო ცენტრალიზებული, ყოვლისმომცველი იმპერიუმის (*imperium summum*) თავმოყრას, კონსოლიდაციას. თუ რომს სურდა ის დარჩენილიყო მსოფლიოს მბრძანებელი და მასთან შეენარჩუნებინა სისტემა მონათმფლობელობისა, მას ხელი უნდა აეღო პოლისურ კონსტიტუციაზე და შეეცვალა იგი ახალი, ცენტრალიზებული, საიმპერატორო ხელისუფლებით.

რაკი ასეთი აუცილებლობის წინაშე რომი პირველ რიგში მონათა აჯანყებებმა დააყენა, მაშასადამე, ამ აუცილებლობის წარმოშობაში ერთ-ერთი მთავარი როლის შემსრულებელი, ზემოთქმულიდან გამომდინარე, აღმოსავლეთის ხალხები ყოფილან.

ახლა განვიხილოთ სხვა ფაქტორებიც, რომლებმაც მონათა გამოსვლების გვერდით, დიდი როლი შეასრულეს რომის სოციალურ-ეკონომიური და პოლიტიკური სისტემის შეცვლაში.

„აღმოსავლეთის საკითხის“ ადგილი რომის შიდაქდასლობრივ ბრძოლაში

1. ბიზერიუს გრაქსუსის მოღვაწეობა

რომის სოციალურ-პოლიტიკური კრიზისის ყველა ელემენტი მტკიცე კავშირშია ერთიმეორესთან. ისინი, ურთიერთისაგან გამომდინარენი და ერთმანეთის წარმომშობნი, ჰქმნიან ერთ მთლიან გორდიოსის კვანძს. რესპუბლიკური რომის ყოველმხრივ კრიზისს.

რომაული სისტემის დამჩიხველ ელემენტთაგან ყველაზე უფრო მტკიცე კავშირ-ურთიერთობაში იმყოფებიან მონობისა და თავისუფალი გლეხობის საკითხები, ანუ მონური შრომისა და გლეხური მიწათმეურნეობის საკითხები, სოლო აქედან გამომდინარე — მონათა აჯანყებანი და საგლეხო-რეფორმატორული მოძრაობანი.

პირველი უკვე განვიხილეთ: ახლა მივმართოთ მეორეს:

ჩვენ ზემოთ ვილაპარაკეთ იმის შესახებ, თუ რა გავლენა მოახდინა მონური შრომის აბსოლუტურმა გავრცელებამ წვრილ და საშუალო გლეხურ მეურნეობაზე. მონათმფლობელობის კლასიკურ სისტემად გადაქცევამ, რაც სამეურნეო ცხოვრების ყველა დარგში მონური შრომის დამკვიდრებას გულისხმობდა — რომის ეკონომიური ცხოვრების ძირითად საძირკველს — მიწათმოქმედებას — მოსწყვიტა თავისუფალი გლეხი-მოქალაქე და იგი უმიწაწყლო, დეკლასირებულ, პარაზიტ ლუმპენპროლეტარად აქცია.

იმავე დროს, იმავე პროცესმა თავისუფალი აგრიკოლას ეკონომიური განადგურების შედეგად, რომს საგრძნობლად შეუმცირა მეომარ-მოლაშქრეთა კონტიგენტები. კატონი ამბობს: „მიწათმოქმედთაგან გამომდინარე ყველაზე ერთგული ადამიანები და უაღრესად მედგარი ჯარისკაცები“¹. ხოლო რომმა მონათა „შემოსევების“ წყალობით ერთდროულად დაჰკარგა აგრიკოლა და ლეგიონერი, — სახელმწიფოს ეს „საუკეთესო ზნეობის მქონე ადამიანთა მოღვა (genus hominum optime moratum)“².

გარკვეული დროის მანძილზე, სანამ მონური შრომა რენტაბელობას შეინარჩუნებდა, შესაძლებელი იყო მონას გლეხი შეეცვალა, რო-

¹ Cato, De agri cultura. 3.

² Cic. De lege agr. lib., II, XXXI, 85.

გორც მეურნე, მაგრამ საესეებით შეუძლებელი იყო, რომ მონას იგი (გაპროლეტარებული აგრიკოლა) შეეცვალა, აგრეთვე, როგორც მეომარი. რომის მონათმფლობელთათვის არმიების მონებით დაკომპლექტება თვითმკვლელობას უდრიდა. შონის, როგორც მეომრის გამოყენება მხოლოდ ცალკეულ, მცირე მასშტაბის, ლოკალური ხასიათის ბრძოლაში თუ შეიძლებოდა — როგორც მცირე მოვალეობის მქონე მეომარი-„პაიკი“ გაბატონებული სოციალური წრის ან ცალკე პიროვნების ხელში. ხოლო, წარმოდგენელია, რომში ვინმეს აზრად მოსვლოდა, მონათა იმ აურაცხელი კონტიგენტებისათვის, რომლებმაც რომის მთელი სამეურნეო ცხოვრება „დაიპყრეს“, ბორკილები აეყარათ და ხელში მახვილი მიეცათ.

მაშასადინე, მთავარი საკირბოროტო საკითხი, რომელიც, როგორც „სნეულება № 1“ ღრღნიდა რომაული სისტემის გულს, — ეს იყო, მონათმფლობელობის აბსოლუტური დამკვიდრებიდან გამომდინარე, თავისუფალი გლეხისა და მეომრის დაკნინება: „ალარ არიან მეომარნი შეილნი გლეხთანი“¹.

მაშ, საკითხი ასე იდგა: როგორ უშველოს რომმა გლეხს? როგორ დაუბრუნოს იგი სამეურნეო ცხოვრებას? როგორ აღადგინოს იგი როგორც მსოფლიოს ზარდამცემი ლეგიონერი, ურომლისოდაც შეუძლებელია დაპყრობილ ქვეყანათა შენარჩუნება, ახალ აგრესიათა წარმოება, მონათა ახალი რეზერვების მორეკვა და მათი რევოლუციურობის გაუვნებელყოფა?

სწორედ ამ საკითხების გადაჭრაზე ბევრს ფიქრობდა იმეამინდელ რომში ყველაზე მოწინავე „ინტელიგენტური“ მიმდინარეობა, ე. წ. „სკიპიონის წრე“. მაგრამ მისმა უფროსმა წარმომადგენლებმა ვერ გაბედეს რაიმე ძირფესვიანი რეფორმის გატარება.

ბოლოს, დიდი რეფორმატორული გეგმებით გამოდის სახელოვანი ტიბერიუს სემპრონიუს გრაკუსი. 133 წელს ის გავიდა სახალხო ტრიბუნად და სახალხო კრებას წარუდგინა კანონ-პროექტი, რომელიც ითვალისწინებდა წვრილი და საშუალო მიწათმეურნეობის აღდგენას მსხვილი ლატიფუნდიალური მეურნეობის შემცირების ხარჯზე. კონკრეტულად, გრაკუსის კანონ-პროექტის მიხედვით, წესდებოდა სახელმწიფო მიწის (ager publicus) მფლობელობის მაქსიმუმი, — ერთ ოჯახზე 1.000 იუგერი (500 იუგერი ოჯახის უფროსს და 250—250 იუგერი ორ უფროს ვაჟს). გადარჩენილი მიწის ფონდი 30—30 იუგერის რაოდენობით უნდა ვადასცემოდა გალატაკებულ მოქალაქეებს სამუდამო სამკვიდრებლად, გაყიდვის უფლების აკრძალვით, რამეთუ ამ გზით აღკვეთილიყო წვრალ მიწათმეურნეობათა შემდგომი პაუპერიზაცია.

¹ Horat., Carm. 111, 6.

ამ კანონის ცხოვრებაში გასატარებლად სახალხო კრებას განსაკუთრებული რწმუნებებით უნდა აერჩია კომისია სამი კაცის შემადგენლობით (triumviri agris iudicandis assignandis).

ამგვარად, ტიბერიუს გრაკუსის აგრარული კანონით შესაძლებელი ხდებოდა მონურ შრომაზე დამყარებული მსხვილი მიწათმეურნეობის შემცირება და წერილი და საშუალო გლეხობის აღდგენა. ხოლო ამის საფუძველზე, ერთსა და იმავე დროს ორი დიდი საკითხიც გადაიჭრებოდა: რომის სამხედრო ძლიერების აღდგენა და მონათა აჯანყებების საფრთხის აღკვეთა.

წყაროებში აშკარად ჩანს, რომ ტიბერიუსი თავისი რადიკალური გამოსვლის უშუალო მიზეზებად სწორედ ამ უკანასკნელ საკითხთა (სამხედრო და მონათა) გადაჭრას გულახსმობდა. იგი კარგად ხედავდა, რომ ხალხი შეშფოთებული იყო მონათა სიმრავლით, მათგან თავისუფალ მიწათმოქმედთა გაძევებით და ამის ნიადაგზე. მეომარ-„მოკავშირეთა“ საომარი წყობილებიდან გამოყვანით. „ყველაფერ ამას ხალხი უკმაყოფილოდ უტყერდა, იგი შიშობდა, რომ იტალია მას უკვე ვეღარ მისცემს საკმარისად დიდ მოკავშირეთა რიცხვს; ისედაც მდგომარეობა სახიფათო ხდებოდა მონათა ასეთი სიმრავლის გამო“¹.

მეორეგან აზიანე წერს, რომ „გრაკუსის მიზანი იყო არა ღარიბთა კეთილდღეობის შექმნა, არამედ ის, რომ მათი სახით სახელსწიფოს მიეღო ბრძოლისუნარიანი ძალა“. ე. ი. წერილი და საშუალო მიწათმოქმედების დაბრუნება სამეურნეო ცხოვრებაში უპირველეს მიზნად ისახავს მის დაბრუნებას საომარ ლაშქარში. ამ მიზნის განხორციელებას კი ხელს უშლის უაღრესად გამსხვილებული ლატიფუნდიები. სადაც თავს იყრიან აურაცხელი უცხოელები — მონები. „განა, მონა ისეთივე ადამიანია. როგორც მოქალაქე? განა მეომარი უფრო სასარგებლო არ არის. ვიდრე კაცი, რომელიც არ იბრძვის“²? ამბობდა ტრიბუნი.

პლუტარქე კი გააუხს გრაკუსის ჩანაწერს იმოწმებს და ამტკიცებს, რომ ტიბერიუსმა სწორედ მაშინ გადაწყვიტა თავისი რეფორმის შედგენა. როცა იტალიაში თავისუფალ მიწათმოქმედთა ნაცვლად სხვადასხვა ქვეყნიდან მორეკილი, აურაცხელი მონადქცეული უცხოელი ნახა. „ტიბერიუსის ძმა ვაიუსი, თავის მხრივ, ერთ-ერთ ჩანაწერში ამბობს: — როცა ნუმანციაში მიმავალმა ტიბერიუსმა ეტრურიაზე გადაიარა, აქ მან უღანწოდქეული მხარე იხილა და ღაინახა. რომ ისინი, ვინც მიწას ხნავდნენ და საქონელს აძოვებდნენ, სულ უცხოელები და ბარბაროსები იყვნენ. აი, მაშინ მოუვიდა პირველად გონებაში მას ის პო-

¹ App. Bel. civ., 1, 2.

² ibid. 11.

ლიტკური განზრახვა, რამაც მასაც და მეც ათასი უბედურება დაგვატეხა თავს“¹.

ტიბერიუსი თავის სიტყვაში კომიციების წინაშე ხაზს უსვამს მონათა სიმრავლესაც, მათ საბრძოლო უვარვისობასაც და მათ მტრულ ზუნებასაც. „გრაკუსის გულისწყრომით ლაპარაკობდა“ მონის ყველა ამ სახიფათო თვისებებზე.

ტიბუნნი განსაკუთრებული სიმახვილით მიუთითებდა მონათა ვაჟტიურებაზე, რის მაგალითიც თვალწინ ჰქონდა სიცილიის მონათა (ალმოსავლეთის ხალხთა) აჯანყების სახით. „ის მოაგონებდა (რომავლელს) თუ რა ზიანი განიცადეს მონათმფლობელებმა ამ ცოტა ხნის წინათ მონებისაგან სიცილიაში, რომელთა რიცხვი ძალიან გაიზარდა სამიწათმოქმედო სამუშაოებზე მონათა ხელის საჭიროების გამო; რა ძნელად და დიდხანს მოუხდათ ბრძოლა რომაელებს ამ მონებთან; როგორ გაჰიანურდა ეს ბრძოლა და რამდენი სწავლასხეუანაირი და სახიფათო მხარეები ჰქონდა მას“².

უფროსი გრაკუსის გამოსვლას. დიდი ეკონომიური და სოციალური მნიშვნელობის მიზნებთან ერთად, საფუძვლად ედო დიდი პოლიტიკური მისწრაფებანიც, რაც ხასიათდება მანამდე გაუგონარი ნოვატორობით. ამაზე მეტყველებს მოვლენათა მსვლელობა ნოვატორი-ტიბუნის რეფორმის მიღება-განხორციელებასთან დაკავშირებით.

როგორც მოსალოდნელი იყო, ტიბერიუსის კანონ-პროექტს ხალხი შეხვდა უდიდესი აღფრთოვანებით, ხოლო სენატორები და ნობილები უაღრესი მტრობითა და გააფთრებით.

როცა სენატმა ტიბუნის rogatio-ს უარი უთხრა, ტიბერიუსმა გადაწყვიტა, კანონ-პროექტი სენატის განხილვისა და მოწონების (assensus senatus) გარეშე გაეტანა სახალხო კრებაზე. მაშინ სენატორებმა, თავის მხრივ, გრაკუსის ამ „თვითნებობას“ დაუპირისპირეს მისი ერთ-ერთი კოლეგა-ტიბუნნი, ოქტავიუსი, რომელსაც, როგორც მსხვილ ლატიფუნდიარს. არ მოსწონდა ტიბერიუსის ჯეგემები. იგი წააქეზეს. ტიბუნის „veto“ დაედო და ამგვარად გაეუქმებინა კანონ-პროექტი. ოქტავიუსმაც გამოიყენა veto-თი ჩარევის (intercessio) უფლება და ტიბერიუსის კანონ-პროექტი შეაჩერა. ამგვარად დაიწყო ტიბუნანტიუსის აუცილებელი ერთმხრივობის პრინციპი (de omnium sententia) ამით თითქოს ყველაფერი უნდა დამთავრებულიყო.

მაგრამ როცა ტიბერიუსი ვერც სეწწნა-მუდარით, ვერც მექარით ოქტავიუსთან ვერაფერს გასდა. იგი ახალი, უფრო გადამქრელი ბრძოლის გზაზე დადგა. მან მიმართა ბრძოლის ისეთ ხერხს, რომლის გამო-

¹ Plut. Ti. Gr., 5.

² Ap. p. Bel. Civ., 1, 9.

ყენებაც საკმაოდ უხერხულ და შეუფერებელ დროს სცადა პრეტორმა იუვენციუს თაღნამ. სახელდობრ, გრაკუსმა სახალხო კრების წინაშე დააყენა საკითხი სახალხო ტრიბუნის თანამდებობიდან გადაყენების შესახებ. გრაკუსის მიერ უმაღლესი მაგისტრატის -- ისიც სახალხო ტრიბუნის თანამდებობიდან გადაყენება, „რესპუბლიკის დამცველთა“ მიერ მიჩნეულ იქნა, როგორც საესებით ახალი, უპრეცედენტო ბოროტმოქმედება. გრაკუსმა კი თავისი გაიტანა: სენატის ანგარიშგაუწევლად, სახალხო კრებაზე კენჭისყრისა და ტრიბების ერთხმითი მხარდაჭერის შედეგად, ოქტავიუსი თანამდებობიდან გადააყენა, მის ნაცვლად, ტრიბუნად თავისი კლიენტი. მუტუუსი გაიყვანა. ამრიგად, ტიბერიუს გრაკუსის კანონი (*lex Sempronia*) ძალაში შევიდა. მისი პრაქტიკული განხორციელება დაეკისრა აგრეთვე სახალხო კრებისაგან არჩეულ სამკაცთან კომისიას, რომელშიც შედიოდნენ თვით ტიბერიუსი, მისი ძმა გაიუსი და სიმამრი აპიუს კლავდიუსი.

სენატორები, რა თქმა უნდა, იარაღს არ დაჰყრიდნენ. ისინი უბრალოდ, შავადმოსილი და მგლოვიარე პროტესტანტობით როდი დაკმაყოფილდნენ. მათ შორის ყველაზე აქტიური, უმაღლესი ქურუმის, სციპიონ ნაზიკას წინადადებით, სენატმა სამიწათმოქმედო კომისიას უარი უთხრა საპირო ფინანსებზე.

მაშინ ტიბერიუს გრაკუსმა, რეფორმის პრაქტიკული ხორცშესხვისათვის, მიმართა სახსრებს, რომლებიც სწორედ დროზე მოვიდა აღმოსავლეთის გზით. რომის ფორუმზე გამოჩნდა ატალმესამე პერგამოსელის ელჩი ევდემე, ცნობილი ანდერძით ხელში. ტიბერიუსმა, კვლავ სენატის *auctoritas*-ს გარეშე, პერგამოსის მეფეთა მთელი მემკვიდრეობა, სახალხო კრებაზე გატარებული სპეციალური კანონის ძალით, ხალხის საკუთრებად გამოაცხადა: უპირველესად ყოვლისა, პერგამოსის ხაზინა უნდა მოხმარებოდა მიწების ხელახალი გადაწილებისა და ახლადფეხამდგარ აგრიკოლების მიწათმეურნეობის მოწყობის საქმეს.

ტიბერიუსმა „მაშინვე წამოაყენა კანონი, რომ პერგამოსის სამეფოს ხაზინა გადასცემოდა იმ მოქალაქეებს, რომლებმაც ხელახლა განაწილებული მიწები მიიღეს, რათა ამ ხაზინის ფულები მათ მიწათმეურნეობის გამართვაში შეშველებოდა. რაც შეეხება ატალის სამეფოში შემავალ ქალაქებს, ამ საკითხზე ტიბერიუსმა განაცხადა, რომ ამ ქალაქების ირგვლივ მსჯელობა სენატს სრულებითაც არ ეხება და მათი ბედის გადაწყვეტა მთლიანად ხალხს უნდა მიენდოთ“¹.

ამრიგად, სენატს, რესპუბლიკის ტვინსა და გულს, ხელი უნდა აეღო ათეული წლების ნაოცნებარზე, რომელიც ხანგრძლივ სამხედრო

¹ Plut. Ti. Gr., 14.

და დიპლომატიურ ღონისძიებათა ხარჯვის შემდეგ, ხელთ უვარდებოდა მოპირდაპირე ბანაკს — ხალხს, „დემოსს“.

ტიბერიუსის ეს ახალი კანონი ახალი ლახვარი იყო სენატისა და ნობილიტეტისათვის, ეკონომიურად, პოლიტიკურად და მორალურად. იგი უფრო ძლიერი და მომაკვდინებელი იყო, ვიდრე სახალხო ტრიბუნის — საერთოდ სენატისათვის საქულველი მაგისტრატის — თანამდებობიდან მოხსნა.

მდგომარეობა კიდევ უფრო დაიძაბა. მოწვეული იქნა სენატის საიდუმლო, კარჩავეტილი სხდომა (senatus consultum tacitum), სადაც დაიწყო ტიბერიუსის წინააღმდეგ პროვოკაციული გამოსვლები. ახლაც სენატორები ხმის ჩახლენამდე გაპყვირიან, რომ ტიბერიუს გრაქუსს რესპუბლიკის დამხობა და ტირანიის დამყარება სურსო. მაგალითად, ერთმა ცენზორმა, ქვინტუს პომპეუსმა, სენატის სხდომაზე იყვირა: „მე ტიბერიუსის მებობლად ცენზორობ და ამიტომ ძალიან კარგად ვიცი, რომ ევდემემ მას პერგამოსის მეფის დიადემა და პორფირი გადასცა, როგორც ისეთ კაცს, რომელიც ერთ მშვენიერ დღეს რომში უნდა გამეფდესო“.

გრაქუსი არც ასეთ სახიფათო პროვოკაციებს შეუშინებია. იგი არამც თუ უკან არ იხევს, არამედ ახალ-ახალი კანონების გატარებით ამწვავებს სენატთან ურთიერთობას. მან, კვლავ სენატის დაუკითხავად, სახალხო კრებაზე გაატარა: კანონი სამხედრო სამსახურის ვადის შემცირების შესახებ, კანონი სასამართლოს გადაწყვეტილებათა კასაციის შესახებ სახალხო კრებაზე, კანონი სასამართლოში სენატორთა თანაბრად მხედრების არჩევის შესახებ, და სხვ. „ერთი სიტყვით, ტიბერიუსი ყოველგვარი ხერხებით ცდილობდა დაეკნინებია სენატის ძლიერება“¹.

ბოლოს, ტიბერიუსმა, როცა იგი დარწმუნდა, რომ რეფორმის საბოლოოდ განსახორციელებლად ერთი წელი არ კმაროდა, გადაწყვიტა მომდევნო წელსაც (132) გასულიყო ტრიბუნად.

არჩევნების დღეც მოახლოვდა. მოწინააღმდეგენი ყოველგვარი საშუალებებით ემზადებოდნენ გადამწყვეტი ბრძოლისათვის. ტიბერიუსის მტრებისათვის ხელსაყრელი მომენტი იღვა, რადგან ამ დროს (შუა ზაფხულში) ტიბერიუსის მომხრეების უმრავლესობა, კერძოდ, ბეურნე-მოქალაქენი, სამუშაოზე იყვნენ დაკავებულნი. არჩევნების დღეს გრაქუსმა იგრძნო, რომ საკმარის ხმებს ვერ შეაგროვებდა და კრება მომდევნო დღისათვის გადაიტანა. მაგრამ მოწინააღმდეგე მხარე მეორე დღეს უფრო ორგანიზებული და საბრძოლოდ განწყობილი მოვიდა. კომიციათა პარალელურად მიმდინარეობდა სენატის საგანგებო სხდომა. ამავე დროს, სენატორებს სახალხო კრებაზე წინასწარ

¹ Plut. Ti. Gr., 14.

ჰყავდათ გამზადებული თავიანთი მომხრენი, რომელთაც ტიბერიუსის გამოსვლისათვის ობსტრუქცია უნდა მოეწყოთ და საჭირო შემთხვევაში შუშტითა და კეტით ჩარეულიყვნენ.

კომიციათა სხდომა დაიწყო საშინელი არეულობით. ტიბერიუსის სმა გამაყრუებელ ხმაურში მის მომხრეებს არ ესმოდათ, ამ დროს პონტიკრა სენატორი ფულვიუს ფლაკუსი, ტიბერიუსის მეგობარი, და მას აძეცნო: „სენატის სხდომაზე, ძლიერებმა, როცა კონსული ვერ დაიყოლიეს, გადაწყვიტეს, რომ თვითონვე მოგვლან; ამ განზრახვის სისრულეში მოსაყვანად მათ მზად ჰყავთ მრავალი შეიარაღებული მონა და მეგობარი“¹.

როგორც კი ტიბერიუსმა ეს ამბავი თავისიანებს გააგებინა, ისინა საომრად მოემზადნენ; ყველაფრით იარაღდებოდნენ, რაც ხელში მოხვდებოდათ. მაგრამ უკანა რიგებში მდგომ ტიბერიუსის მომხრეებს არ ესმოდათ, რა ხდებოდა წინ, რისთვის იარაღდებოდნენ ისინი. მაშინ ტიბერიუსმა, რაკი ხმა ვერ მიიწვდინა, „ხელი თავზე მიიღო და ხალხს ანიშნა: ვანსაცდელი მელისო“². აი, ეს სავსებით საკმარისი შეიქნა ამის საბაბად, რომ გრაკუსის მტრებს წარმატებით დაესრულებინათ მათ მიერ წამოწყებული პროვოკაცია: რაკი ტიბერიუსი თავსე ხელს იღებს, ცხადია, სამეფო გვირგვინის დადგმას მოითხოვსო. სენატორთა იმდღევანდელმა ბელადმა — სციპიონ ნაზიკამ — როცა კონსული საომრად ვერ დაიყოლია, ფეხზე წამოიჭრა და შეჰყვირა: „რაკი კონსული რესპუბლიკას ღალატობს, წინადადებას გაძლევთ ყველას, ვისაც ჩვენი კანონების გადარჩენა გინდათ, მე გამომყევითო“³.

სენატორები გამოიჭრნენ კუროიდან, გზადაგზა აიყოლიეს თავიანთი მომხრეები, კლიენტები, მინები. შეიარაღდნენ კეტებით, ხელჯოხებით, დაღეწილი სკამებისა და ტრიბუნების ნამსხვრევებით და შეიქრხნენ სახალხო კრებაში. საშინელ ხელჩართულ ბრძოლაში სამასამდე კაცი დაიღუპა. მათ შორის დაიღუპა სახალხო ტრიბუნი ტიბერაუს სემპრონიუს გრაკუსი.

ასე დასრულდა ტიბერიუსის გამოსვლა, რომელმაც თავისი სისხლით კარი გაუღო რომაელ მოქალაქეთა შორის ასწლიან ომს.

როგორც ესედავთ, ტიბერიუს გრაკუსის მოღვაწეობა მთლიანად არის ახალი მოვლენა, როგორც სოციალ-ეკონომიურ, ასევე პოლიტიკური ცხოვრების სფეროში.

ზემოთ ითქვა, თუ რას წარმოადგენდა ტიბერიუს გრაკუსის რეფორმას ოციალურ-ეკონომიური თვალსაზრისით, — რომ გრაკუსის მოძრაობა თავისი ფესვებით ამოზრდილია მონათმეურნეობის

¹ Plut. Ti. Gr., 18.

² ibid. 19.

³ ibid. ასევე, App. Bel. civ. I, 16.

კლასიკურ სისტემად გადაქცევასთან, მის ნიადაგზე თავისუფალი მიწათმეურნეობის გაკოტრებასთან, სამხედრო სიძლიერის დაცემასთან და, ბოლოს, მონათა რევოლუციურ გააქტიურებასთან ერთად.

მთელ ამ პროცედურაში ერთ-ერთი წამყვანი როლი შეასრულა აღმოსავლეთის ქვეყნების დაპყრობამ, მათი სიმდიდრის რომისაკენ დენამ და, რაც მთავარია, მონათა ურიცხვი კონტიგენტების გარკვევამ, რასაც შედეგად მოჰყვა მონათმეურნეობის კლასიკურ სისტემად გადაქცევა და მასთან დაკავშირებული სოციალური და კლასობრივი კრიზისი.

ახლა ვნახოთ, რა როლს ასრულებს აღმოსავლეთი გრაკუსის მოძრაობის სოციალურ-პოლიტიკურ უბანზე. ჯერ ერთი, ჩვენ უკვე დავინახეთ, რომ აზიური ქვეყნის, პერგამონის, საკითხი შეიქმნა ერთ-ერთი საფუძველი ტიბერიუს გრაკუსის მიერ სენატის წინააღმდეგ გამართული პოლიტიკური ბრძოლის უაღრესად აქტიური ფორმისა. კერძოდ, სენატს, რესპუბლიკის უმაღლეს საკანონმდებლო და საკონტროლო ორგანოს, რომელსაც აქანდე ფაქტიურად ხელთ ეპყრა ქვეყნის მართვა-გამგეობის მთელი მონოპოლია, ტიბერიუსი ნებას არ აძლევს ისეთი პირველხარისხოვანი, სახელმწიფოებრივი მნიშვნელობის საკითხის, თუნდაც, მარტო განხილვისას, როგორცაა მთელი სახელმწიფოს შემოერთება; მერე, ისიც ისეთი ქვეყნის შემოერთება. რომლის დაპყრობაზე ათეული წლების მანძილზე ოცნებობდა რომის ნობილიტეტი. ტიბერიუსმა ისე, თითქოს, სენატი არც აჩსებულაყოს, აიღო და აზიის უმდიდრესი ქვეყანა მიუძღვნა ხალხს: უფრო მეტც „ეს არ იყო მხოლოდ მომენტალური ჩარევა პოპულარული ტრიბუნისა აქამდე სენატის უდავო ხელმძღვანელობის სფეროში. გრაკუსს აშკარად ჰქონდა განზრახული რეფორმა ფინანსური ხელმძღვანელობისა ცენტრში და ადგილებზე“¹. ტიბერიუსი ხომ მარტო პერგამონის სამეფო ხაზინას არ აძლევდა ხალხს, იგი მთელი ქვეყნის ქალაქებისა და ყველა დასახლებულ პუნქტთა გამგებლობის ორგანიზაციასაც ამიერიდან სახალხო კომიციის ფუნქციებად აცხადებდა. პოლიტიკური ბრძოლა სენატსა და ტიბერიუს შორის სწორედ ამან უფრო გაამწვავა. ვიდრე ოქტავიუსის — როგორც ტრიბუნის — გადაყენებამ. თუ ტრიბუნი ტრიბუნს გადაადგებდა, ამით მარტო ტრიბუნატის ავტორიტეტი ილაზებოდა, იმ ტრიბუნატისა, რომელსაც სენატორები თავიდანვე ტირანის წარმოშობის ბუდედ თვლიდნენ. ეს იყო მხოლოდ, რომ მაშინ ოქტავიუსის გადაყენებით სენატორებმა, გარდა ამისა, მათი ინტერესების დამსკველ დაკარგეს, იგი ტიბერიუსთან ბრძოლის საბაზად გამოიყენეს და სხვა არაფერი.

იგივე „აღმოსავლურ-აზიური საკითხი“ შეიქმნა მიზეზიც და საბა-

¹ Вишнер Р., Очерки истории Римской империи, 1923, 49.

ბიკ სენატორთა გააფთრებული ბრძოლისა გრაკხუსის წინააღმდეგ. მათი პროვოკაციული გამოსვლის დედაწირი ის იყო, რომ ტიბერიუსს „აღმოსავლეთის გზით“ მოსული ტირანიის დამყარებას აპირებს. თითქოს, „აღმოსავლელი“ მასში ჰხედავდნენ აღმოსავლეთისათვის ჩვეულებრივ მეფეს, და ტიბერიუსიც აშკარად მოითხოვს, თავზე დაადგან აზიიდან ჩამოტანილი სამეფო დიადემა. მაგრამ ეს ამბავი ტიბერიუსის მოძრაობაში „აღმოსავლეთის საკითხთა“ მხოლოდ ერთ მხარეს წარმოადგენდა.

ტიბერიუსს გრაკხუსის მოძრაობა არა მარტო სოციალურ-ეკონომიურად, არამედ სოციალურ-პოლიტიკურადაც, თავიდან ბოლომდე. საუბრით ახალი და რომაული კონსერვატიზმისათვის „უცნაური“ მოვლენა იყო. რომის პოლიტიკურ ცხოვრებაში ეს არის პირველი შემთხვევა, როცა სახალხო ბელადმა სცადა ხალხი დაერაზმა კონსერვატიულ-ოლიგარქიული ხელისუფლების წინააღმდეგ. და ეს ბრძოლა მან წარმართა ისე, რომ არც ერთი შემარიგებლური მომენტი არ დაუშვა ძველ სამმართველო სისტემასთან.

მისი პოლიტიკური შეხედულება არის საესებით რადიკალური. არსად არავითარი შემარიგებლობა, უკანდახევა, რაიმე ტენდენცია კომპრომისისაკენ. წყაროებში ნათლად ჩანს, რომ ტიბერიუსს გრაკხუსის (და შემდგომ გაიუს გრაკხუსის) ასეთი შემტევი ტაქტიკა, სოციალურ-პოლიტიკური ბრძოლის „რევოლუციური“ ფორმები, საბერძნეთის დემოკრატიული მოძრაობის გამოცდილებიდან მოდიოდა.

მართლაც, გრაკხუსების ბრძოლის ფორმები თითქოს დეტალებშიც კი მოგვაგონებენ საბერძნეთის ტრადიციულ-დემოკრატიული ბრძოლის სურათებს, განსაკუთრებით, ათენის დემოსის ბრძოლას ევპატრიდულ-ოლიგარქიული ხელისუფლების წინააღმდეგ.

რასაკვირველია, რომის დემოკრატიული ძალები არ იყო ისე ორგანიზებული და ბრძოლისუნარიანი, როგორც, ვთქვათ, კლასიკური ხანის ათენური დემოსი (ნწორედ რომაული დემოკრატიის ნაკლებ-ორგანიზებულობას ემსხვერპლდნენ კიდევ ძმები გრაკხუსები), მაგრამ ანალოგიისათვის მაინც ნათლად ვხედავთ ასეთ პარალელებს: არეოპაგი და სენატი, დემოსი და „ველგუსი“ (ბრბო-ხალხი), ათენურ არეოპაგს ისეთივე გენეტიკური ფესვები და ფუნქციები ჰქონდა, როგორც რომაულ სენატს. ერთიც და მეორეც გვაროვნული წყობილებიდან მოდიოდნენ, როგორც გვაროვნული არისტოკრატიის მბრძანებლობის საყრდენი ინსტიტუტები და კლასობრივ საზოგადოებებში ერთიც და მეორეც გაბატონებული სოციალური ფენის (კლასობრივი არისტოკრატიის) დასაყრდენ ინსტიტუტებად დარჩნენ. ერთიც და მეორეც წარმოადგენდნენ სასჯელმწიფო მმართველობის უზენაეს, შეუზ-

ლუდველ ორგანოებს. ისინი იყვნენ კანონმდებლები და კანონების პრაქტიკული განსორციელების მეთვალყურე-მეკონტროლენი.

ცნობილია, რომ საუკუნეების მანძილზე შებრძოლმა დემოსმა ვერ შეძლო არეოპაგის გაუქმება, ან უმჯობეს ფორმაში შეზღუდვა მაინც. არეოპაგის ხელისხლება ვერ გაბედა ვერც სოლონმა, ვერც პისისტრატემ და ვერც კლისთენემ. ბოლოს, დიდმა ათენელმა დემოკრატმა ეფიალტემ ჩასცა სასიკვდილო ლახვარი არეოპაგს (462 ძვ. წ.). მან ყველაფერი, ყველა მნიშვნელოვანი სახელმწიფო ფუნქცია წაართვა არეოპაგს; მხოლოდ და მხოლოდ ცეცხლის გაჩენის საქმეები დაუტოვა მას განსახილველად (!). როგორც კი ეს უაღრესად რევოლუციური კანონპროექტი ათენის სახალხო კრებაზე გატარდა, ეფიალტემ შესძახა, თურმე: მე ერთის დაკვრით მოვსპე არეოპაგიო. და იმ დამოაზრისტოკრატებმა ზურგიდან, ხანჯლის ერთი დარტყმით მოჰკლეს ეფიალტეს

მით უფრო ტრაგიკული ბოლო ელოდა ტიბერიუს გრაკუსს, რომელსაც სენატის წინააღმდეგ ბრძოლაში არავითარი ტრადიცია არ უძლოდა წინ, არც დემოს-ვულგუსის ორგანიზაციის სახით, არც სოლონისა და კლისთენეს მსგავს წინამორბედთა სახით. ასედაც მოხდა: „რომაელი ეფიალტე“ დაეცა როგორც პირველი მედროშე „რომაული არეოპაგის“ წინააღმდეგ მისგანვე დაწყებულ ბრძოლაში.

არავითარ ეჭვს არ იწვევს ის ფაქტი, რომ გრაკუსები და, საერთოდ, ცნობილი „სციპიონური წრე“ კარგად იცნობდნენ ბერძნული საზოგადოებრივი ცხოვრების ყველა მხარეს, მის წარსულ ტრადიციასაც და აწმყოსაც. ელინური სამყაროს ისტორიის ცოდნა ნებით თუ უნებლიედ ყველას ისეთი ბუმბერაზი საწყისიდან უნდა დაეწყო, როგორც გენიალური ჰომეროსი იყო. ჰომეროსიდან დაწყებული, ვიდრე საბერძნეთის რომაელთაგან დამონებამდე, რომში ყველა მოწინავე ადამიანი ბერძნული კულტურის ცოდნითა და მასზე აღზრდით იყო „დაავადებული“. ამ მხრივ გრაკუსები სციპიონებს და ფლამინიუსებს არასგზით არ ჩამორჩებოდნენ.

განსაკუთრებით მას შემდეგ, რაც საბერძნეთი რომაული მფლობელობის ორბიტში მოექცა, რომში მრავლად გაჩნდნენ ბერძენი სწავლულნი, ფილოსოფოსნი, რიტორნი, სახელმწიფო სამართლის სპეციალისტები, სხვადასხვანაირი „პოლიტიკის“ შემოქმედნი და სხვა მისთანანი. „რომს მიაწყდა ფილოსოფოსებისა და ორატორების ნიაღვარი“¹.

საექვეო არ უნდა იყოს, რომ ძმები გრაკუსები კარგად იცნობდნენ ლაკედემონელი რეფორმატორის, ნაბისის მოღვაწეობას. ზემოთ, შესაბამის ადგილზე, უკვე აღვნიშნეთ, რა უთხრა ნაბისმა ტიტე ფლამინიუსს: თქვენ, რომაელებს, გინდათ, რომ ყველგან, როგორც რომ-

¹ Жан-Жак Руссо, Избр. соч. т. I, 1961, 51.

ში ასევე მთელს ქვეყანაზე, ძალაუფლება ეკუთვნოდეს მცირერიცხოვან ჯგუფს, თქვენებურად სენატს, ხოლო ხალხი, ოლიგარქიის მორჩილი, მოკლებული იყოს ყოველგვარ პოლიტიკურ და სოციალურ უფლებებს; მე კი მონებს ვათავისუფლებ და ღარიბ მოსახლეობასთან ერთად მიწებს ვურიგებო; ამით მე აღვადგენ შიწათმეურნეობასაც და სახელმწიფოს სამხედრო ძლიერებასაცო.

თამამად შეიძლება ითქვას, რომ ნაბისი გრაკხუსების წინამორბედი. რომელი ტრიბუნებიც იმას აკეთებდნენ რომში, რასაც „აღმოსავლელი ტირანი“ სპარტაში. ერთადერთი, რაშიც გრაკხუსები ნაბისს არ მისდევდნენ, ეს იყო მონათა ვათავისუფლების საკითხი. რომელ ტრიბუნებს არც უფიქრიათ, რომ მონათა ვათავისუფლებისა და მააზე მიწების განაწილების საფუძველზე აღედგინათ რომის დაცემული შიწათმეურნეობა. პირიქით, მათი ღონისძიებანი მონათა მიმართ უფრო მკაცრ დამოკიდებულებასაც ითვალისწინებდა. ხოლო გალატაკებულ თავისუფალ მოსახლეობის სამეურნეო ცხოვრებისა და აგრეკოლამეომრის რესტავრირება, მის საფუძველზე სახელმწიფოს ეკონომიური და სამხედრო ძლიერების აღდგენა და პოლიტიკური წყობილების სრული დემოკრატიზაცია (რამდენადაც ეს შესაძლებელი იყო მონათმფლობელობის პირობებში), გრაკხუსებს, როგორც ეტყობა, ნაბისის მოღვაწეობის ანალოგიით ჰქონდათ დაგეგმილი.

აშკარად ჩანს, რომ ზემოხსენებული ბრძოლის მომზადებაში და განხორციელებაში ტიბერიუს გრაკხუსს „აღმოსავლელი“ მასწავლებლები და თანამებრძოლები ჰყოლია. ამის შესახებ წყაროები გადმოგვცემენ:

„მრავალი ამბობს, რომ ამისთვის (რეფორმისათვის, ლ. ს.) ტიბერიუსი რიტორმა დიოფანემ და ფილოსოფოსმა ბლოსიოსმა წააქეზესო. დიოფანე მიტილენელი ლტოლვილი იყო, ბლოსიოსი კი იტალიის კიმიდან იყო წარმოშობით. ეს ბლოსიოსი რომში დაუახლოვდა ანტიპატრე ტარსელს, რომელმაც მას პატივი სცა და ზოგიერთი თავისი ფილოსოფიური თხზულება მიუძღვნა“¹.

მაშასადამე, როგორც კი რომში დემოკრატიული მოძრაობის „პრაქტიკული პროგრამა“ მომზადდა, მისი თეორიული მომზადების ინიციატორები გახდნენ ბერძენი (მიტილენელი) რიტორი დიოფანე და, აგრეთვე, ბერძენი ბლოსიოსი, რომელსაც, თავის მხრივ, ბერძენი რამ უსწავლია სახელგანთქმული აზიელი (კილიკიის ტარსიდან) ფილოსოფოსის — ანტიპატრესაგან. ტიბერიუსის მასწავლებლები ჩანან უაღრესად განათლებულ, ფართო მეცნიერული ცოდნით აღჭურ-

¹ Plut. Ti. Gr., 8.

ვილ და მტკიცე, გაუტეხელი სულის მქონე ადამიანებად. ამ მხრივ, ერთ მათგანზე, ბლოსიოსზე, საინტერესო ცნობებს გვაძლევს პლუტარქე.

ჯერ ერთი, იმ საბედისწერო დღეს, როცა ტიბერიუსს სიკვდილი ელოდა, სასახლიდან გამოსვლისას მისმა მომხრეებმა, „მეცნიერმა“ მისნებმა ქათმებისა და ყვავების „საქციელი“ ცუდ მინიშნებად მიიჩნიეს და ტიბერიუსს უკან დაბრუნება ურჩიეს. ბლოსიოსმა, რომელსაც გრაქუსისადმი სიყვარულსა და ერთგულებაში ვერც ვერავინ შეედრებოდა, საცინლად აიგდო მართლაც საცინლად ასაგდები რომაული „მეცნიერება“ და მკაცრად განაცხადა: „დიდი სირცხვილი და თავსლათის დასხმა იქნება, თუ ტიბერიუსს, გრაქუსის ძეს, სციპიონ აფრიკელის შვილისშვილსა და რომაელი ხალხის წინამძღოლს ყვავის შეეშინდება და თანამოქალაქეთა მოწოდებას არ გამოეხმაურება...“¹

მერე, როცა ტიბერიუსი და მისი მომხრეები დაილუპნენ, ბევრი მისი მიმდევარი სიკვდილით დასაჯეს, მათ შორის მოაკვდინეს ტიბერიუსის ერთგული მეგობარი და მასწავლებელი დიოფანე მიტილენელიც. ბლოსიოსი შეიპყრეს და, სციპიონ ნაზიკას შეთაურობით, მისი დაკოთხვა ისე წარმართეს, რომ, ეტყობოდა, ტიბერიუსისა და მისი მომხრეებისათვის კაპიტოლიუმის დაწვის განზრახვაც უნდა დაებრალბინათ. მაგრამ ამ დაკოთხვის მოკლე ჩანაწერიც კარგად გვამცნობს, თუ სულიერად რამდენად მალღა მდგარა ტიბერიუსის მოძღვარი ტიბერიუსის მკვლელებზე:

„ბლოსიოსი კონსულებთან მიიყვანეს და აქ მომხდარი ამბების გარემო დაკოთხვა დაიწყეს. ბლოსიოსმა აღიარა: ყველაფერს ტიბერიუსის ბრძანების თანახმად ვაკეთებდიო. ნაზიკამ მას ჰკითხა:

— რა იზამდი, რომ ტიბერიუსს შენთვის კაპიტოლიუმის გადაწვა ებრძანებინა?

— ასეთ ბრძანებას, — მიუვო ბლოსიოსმა, — ტიბერიუსი არასოდეს არ მომცემდა. მრავალმა სენატორმა დაჟინებით მოითხოვა ბლოსიოსისაგან ნაზიკას კითხვაზე პირდაპირი პასუხის გაცემა. მაშინ ბლოსიოსმა განაცხადა: „თუკი ტიბერიუსი ამას მიბრძანებდა, მე ხალხით დავემორჩილებოდი მას და შევასრულებდი დავალებას, ვინაიდან ტიბერიუსი ისეთ ბრძანებას არ მომცემდა, ხალხისათვის სასარგებლო რომ არ ყოფილიყო“².

მკვლელებმა ველარ გაბედეს ბლოსიოსის ხელყოფა. იგი რომიდან წავიდა იქ, სადაც თავისუფლებისა და დემოკრატიისათვის ბრძოლა გრძელდებოდა, — მცირე აზიაში, არისტონიკესთან. ეტყობა, ბლოსიოსი ჰელიოპოლიტთა აჯანყების სულიერი მოძღვარიც ყოფილა. ეს

¹ Plul. Ti. Gr., 17.

² იქვე, 20.

ჩანს თუნდაც იმ ფაქტით, რომ, როცა მცირე აზიელთა ბრძოლა მარცხით დამთავრდა, ბლოსიოსმა თავის იდეათა ხორცშესხმის იმედიც დაჰკარგა და თავი მოიკლა.

2. გაიუს გრაქუსის მოღვაწეობა

დემოკრატიული მოძრაობა რომში უმაღლეს ფაზაში შედის ტიბერიუსის უმცროსი ძმის, გაიუს გრაქუსის, „ხალხის ყველა მომხრეთაგან ყველაზე ერთგულის“¹, მოღვაწეობის დროს. გაიუსი, რომელმაც ადრევე გაითქვა სახელი მრავალმხრივი საზოგადოებრივი, სამხედრო-პოლიტიკური მოღვაწეობით და ორატორული ხელოვნებით, სახალხო ტრიბუნად გავიდა ტიბერიუსის დაღუპვიდან ათი წლის შემდეგ (123 წ.). მასში ხალხი ხედავდა ტიბერიუსის ღირსეულ შემცვლელს, რომელიც უფრო მეტი ენერჯითა და აქტიურობით იბრძოლებდა ოლიგარქიული სენატის წინააღმდეგ. რომაული არისტოკრატიაც გაიუს გრაქუსში კარგად ხედავდა მის წინააღმდეგ მებრძოლ ყველაზე სახიფათო ძალას და, თავის მხრივაც, ენერჯიულად ეპზადებოდა საომრად.

გაიუსისადმი ხალხისა და სენატის ასეთი საპირისპირო დამოკიდებულება აშკარა გახდა ტრიბუნად მისი არჩევის დღიდანვე. როგორც კი მან თავი სახალხო ტრიბუნის კანდიდატად წარმოადგინა, „მთელი წარჩინებულობა, როგორც ერთი კაცი, ამის წინააღმდეგ დაირაზმა; მაგრამ სამაგიეროდ, არჩევნებში გაიუსის დასახმარებლად იმდენი ხალხი მოაწყდა რომს იტალიიდან, რომ ძალიან ბევრმა თავშესაფარი ვერც ეშოვა ქალაქში. არჩევნებში მონაწილეთა ასეთი სიმრავლე ფორუმმა ვერ დაიტია. ამიტომ ხმის მიცემა სახლის სახურავებიდან და ბანებიდანაც კი ხდებოდა“². ამრიგად, „ბრწყინვალედ არჩეული გრაქუსი მაშინვე დაუპირისპირდა სენატს“³.

გაიუსს, როგორც ბელადს, გაცილებით უფრო ფართო სოციალური ფენები უჭერდნენ მხარს, ვიდრე ტიბერიუსს.

სწორედ ამ დროს, დემოკრატიული ბრძოლის აღმავლობის პერიოდში, უკვე საბოლოოდ ჩამოყალიბდა ორი ძირითადი პოლიტიკური მიმდინარეობა — ოპტიმატებისა და პოპულარებისა. პირველს სათავეში უდგა სენატი, მეორეს — გაიუს გრაქუსი.

¹ Cic. Pro domo sua, IX, 24.

² Plut. G. Gr., 3.

³ App. Bel. civ., I, 21.

გაიუსმა აღადგინა და გააფართოვა ტიბერიუსის აგრარული რეფორმის მოქმედება. სპეციალური კანონით ანგარიში გაუსწორა ყველას, ვისაც ბრალი მიუძღოდა ტიბერიუსის მკვლევლობაში და მისი რეფორმის ხელის შეშლაში.

ცალკე გაატარა ე. წ. „პურის კანონი“ (*lex frumentaria*), რომლის მიხედვითაც იაფფასიანი პური ურიგდებოდა ქალაქის ღარიბ და პროლეტარიზებულ მოსახლეობას. ამ კანონმა ისე აღამაღლა გაიუსის ავტორიტეტი, რომ იგი მომავალ 122 წელს ხალხმა ხელმეორედ აირჩია თავის ტრიბუნად.

ტრიბუნობის მეორე წელს გაიუსმა სახალხო კრებაზე გაატარა მთელი რიგი ახალი კანონებისა: მოქალაქეთა აპელაციის უფლება (*ius provocationis*) სახალხო კომიციების წინაშე, რიგითი მემორების აპელაციის უფლება სამხედრო მეთაურთა თვითნებობის წინააღმდეგ, სამხედრო სამსახურში გაწვევას ჩვილმეტწლიანი ასაკის დაწესება, ჯარისკაცის ხელფასიდან შეიარაღების საფასურის გამოქვითვის აკრძალვა, გზების გაყვანა, კოლონიების დაარსება, იტალიკებისათვის რომის მოქალაქეობის უფლების მიცემა და სხვ.

ხაზგასმა აღარ სკირდება იმას, რომ სენატი ყოველ ღონეს იხმარდა, გაენადგურებინა ტრიბუნი, რომელიც ფაქტიურად უკვე სრულუფლებიან „დემოკრატიულ დიქტატორად“ იყო ქცეული. გაიუსის წინააღმდეგ ბრძოლაში ოპტიმატები აღიჭურვენ ყველა საშუალებებითა და სერხებით — უპატიოსნო ხრიკებითა და ვერაგობით, ორპირობით, დენაგოვით, ცბიერებით, ცილისწამებით, მზაკვრობით, იღუმალი *conjuratio*-ებით და ბოლოს, ორგანიზებული შეიარაღებული თავდასხმით, რომელსაც წინ უძღოდა ამიერიდან ცნობილი „ოპტიმატური“ ძახილი: *Videat consul. ne quid respublica detrimenti capiat!* („შეხედე კონსულო, რამეთუ რესპუბლიკამ ზიანი არ განიცადოს!“).

გრაკუსის მოსისხლე მტერი, კონსული ლუკიუსი ამ ფორმულით აღჭურვა სენატმა დიქტატორად, ოპტიმისი პირველი კაცი იყო, რომელმაც კონსულობაში დიქტატორის უფლებები მიიღო. მასასადაშე, როცა დასკირდა, სენატმა თვითონ დაარღვია მისივე „რესპუბლიკური კონსტიტუცია“.

121 წელს დაიღუპა რომელი ტრიბუნი, რომელსაც ხალხი „ზეცამდე აღიდებდა“¹. მისი თავმოკვეთილი სხეული სამიათასი თანამებრძოლის გვამთან ერთად გაჰყვა წინამორბედი ძმის, ტიბერიუსის სისხლით შეღებილ ტიბროსის ტალღებს.

გაიუს გრაკუსის სოლვაწეობა გაცილებით უფრო დამოუკიდებელი და ავტოკრატიული იყო სენატისაგან, ვიდრე ტიბერიუს გრაკუსისა. მისი მოღვაწეობაც ისეთსავე „აღმოსავლურ“ ხასიათს ატარებდა, რო-

¹ Plut., G. Gr. 8.

გორც უფროსი გრაკუსისა. გაიუსის გამოსვლა თავისი რადიკალური ხასიათით კიდევ უფრო ახლო იდგა ელინურ-დემოკრატიულ რევოლუციონიზმთან. თავისი მრავალმხრივობითა და სახალხო კრების უფლებათა უაღრესი გაფართოებით (რამდენადაც ეს მონათმფლობელობის პირობებში შეიძლებოდა) გაიუს გრაკუსის სწორედ პერიკლეს მოგვაგონებს. ტიბერიუსმა — როგორც ეფიალტემ — პირველი მხვილი დასცა არისტოკრატიის მმართველ ბირთვის, ხოლო გაიუსმა — როგორც პერიკლემ — კიდევ უფრო გაწაღდა და გააფართოვა წინამორბედისაგან დაწყებული დემოკრატიული მოძრაობის ასპარეზი. ტიბერიუსზე გაცილებით უფრო მკვეთრად და ფართოდ, გაიუსის მოღვაწეობაში გამოხატულება ჰპოვა ბერძნული თეორიული ნოდღვრებისა და რომაული პრაქტიკული ცხოვრების შერწყმამ. გაიუს გრაკუსმა გაატარა კანონები „მოსამართლეთა შესახებ“ (lex Scipronia iudiciaria) და „პროვინცია აზიის შესახებ“ (lex de provincia Asia). ორივე ეს კანონი განუყრელად იყვნენ ერთმანეთთან დაკავშირებულნი და მიზანიც საერთო ჰქონდათ. გაიუსმა გაითვალისწინა ტიბერიუსის მარცხის ყველა მიზეზი და მათ შორის უმთავრესად მიიჩნია მსედარ-ფინანსისტთა ნეგატიური განწყობილება დემოკრატიული მოძრაობისადმი. ამიტომ მან გადაწყვიტა, სენატორთა დასუსტებისა და პოპულარობა ბანაკის გაძლიერების მიზნით, დემოკრატიულ ძალთა მხარეზე მკვიდრად გამოეყვანა გავლენიანი მხედრობა. აღნიშნული ორი კანონიც გაიუსმა სწორედ მხედრების ინტერესების კვალობაზე გაატარა. საამისოდ მან ხელთ იგდო მეტად ხელსაყრელი საბაბი.

სწორედ იმ წელს, როცა გაიუსი ტრიბუნად განმეორებით აირჩიეს (122 წ.), აზიიდან რომში საჩივრით ჩამოვიდნენ ადგილობრივი პროვინციელები. ისინი ყოველ გამვლელ-გამომვლელს ხმამაღლა შესჩიოდნენ იმ ალვირაზსნილი ექსპლოატაციისა და შევიწროებათა შესახებ, რომელსაც ყოფილ პერგამოსის სამეფოში — ახლანდელ პროვინცია აზიაში — სჩადიდოდნენ მის სამმართველოდ ზედიზედ წარგზავნილი პრეტორები: ავრელიუს კოტა, ლივიუს სალინატორი და მანიუს ატილიუსი. ეს საქმე აზიელ პროვინციელებს ადრეც აღუძრავთ სენატის წინაშე. მაგრამ სასამართლომ, რომელიც რომში ტრადიციულად ყოველთვის ისევ სენატორებისაგან შედგებოდა, სავსებით გაამართლა თავისი წრიდან გამოსული მძარცველი მაგისტრატები. მაშასადამე, სენატმა უმართებულო განაჩენით ხალხის თვალში თავი შეიკაცხვინა. ეს ფაქტი დაემატა იმ, უკვე ფართოდ გავრცელებულ, ამბებს, რომლის მიხედვით, სენატორთაგან შემდგარი მოსამართლეთა კოლეგია კარგა ხანია, რაც მექრთამეობას ეწეოდა. ასე, რომ სენატმა, აგრეთვე როგორც უმაღლესმა სასამართლო ორგანომ, ავტორიტეტი დაჰკარგა.

გაიუს გრაკუსმა შესანიშნავად გამოიყენა ეს ამბავი: მან სახალხო

კრებაზე გაატარა კანონი, რომლის მიხედვით, „სასამართლოები — რომელთაც მექრთამეობის გამო პრესტიჟი დაჰკარგეს — სენატორებს წაართვა და მხედრებს გადასცა“¹.

ეს კანონი მომაკვდინებელი ლახვარი იყო სენატისათვის. იურიდიული მმართველობის მონოპოლიის მოპოვება მხედრებისათვის ნიშნავდა იმ უმნიშვნელოვანეს სამმართველო ფუნქციათა დაპატრონებას. რასაც მანამდე ეყრდნობოდა სენატის ძლიერება. ამიერიდან მათ გამგებლობაში იყო, ჯერ ერთი, პროვინციების ყველა საქმეები, იქ სამმართველოდ გაგზავნილ პრეტორთა თვალყურის დევნება და, საშუალო შემთხვევაში, მათი გასამართლება, პროვინციებიდან შემოსული მთელი ფინანსური და ნატურალური ეკონომიკის გამგებლობა. მაგრამ კანონი სამოსამართლო მონოპოლიას გულისხმობდა არა მარტო პროვინციათა საქმეებზე. არამედ საერთოდ ყველგან. ყველა რომაელ და იტალიელ მოქალაქეთა იურიდიულ კანონისტიკაზე. მხედრებს უფლება ჰქონდათ, შესაბამისად დაესაჯათ ყველა, ყოველი ზომის სასჯელით — ფულადი ჯარიმით, სამოქალაქო უფლებათა ჩამორთმევით, განდევნით.

ამიერიდან მხედართა წოდებას შეეძლო სენატზე უფრო მაღლა, ან უარეს შემთხვევაში, მის ტოლად მანაც ეგარძნო თავი.

მაგრამ ტრიბუნი აქ როლი შეჩერდა; ეს დიდი წყალობა როდი აკმარა მხედართა წოდებას. მან გაითვალისწინა მხედართა უმრავლესობის, შემსყიდველ-მოიჯარადრე კომპანიონთა, პუბლიკანთა ინტერესები და მათ სასარგებლოდ გაატარა მეორე კანონიც პროვინცია აზიის შესახებ.

იგი ითვალისწინებდა აზიის ეკონომიური ექსპლოატაციის მონოპოლიას რომაელი შემსყიდველების სასარგებლოდ. „სესხის უზრუნველსაყოფად მხედრები პროვინცია აზიიდან იღებდნენ შემოსავლის აკრეფის უფლებას. აზიაში მხედართა ამხანაგობებს ეძლეოდათ შესასყიდად ყველა პროდუქტზე მეთაურობის აკრეფის უფლება (decima), საზოგადოებრივ მიწაზე საიჯარო ფასის აკრეფა (scriptura), საბაჟო გამოსავლების აკრეფა (portoria) და სახელმწიფო შემოსავლის სხვა წყაროები. აუქციონები კი, სადაც წარმოებდა შესასყიდ წყაროთა გაცემა, თვითონ რომშივე ხდებოდა; ამის წყალობით გამორიცხული იყო ადგილობრივი ფინანსისტების მეტოქეობა და უსრუხველყოფილი რიგბოლა რომის მხედართა წოდების მონოპოლია“².

ამგვარად, გაიფხვრა გრავიტაციის შექმნა მუდმივად ორგანიზებული შტატი აზიის გაყვლეფისათვის. აქედან, რომელ მონათმფლობელებს საშუალება ეძლეოდათ დაეკმაყოფილებინათ მონური შრომის წესზე

¹ App. Bel. civ. 1, 22.

² სერგეევი ე. ანკლო რომის ისტორიის ნარკვევები. ნაწ. 1, 1940, 232.

დამყარებული მეურნეობის ძირითადი მოთხოვნილებანი; რაც შეიძლება მონათა მეტი კონტიგენტები გადაეყვანათ აზიიდან იტალიაში; რაც შეიძლება მეტი მატერიალური ფასეულობა და ეკონომიური დოვლათი გადაეტანათ „მსოფლიოს ცენტრში“. ხოლო, მდიდარი აზიური პროვინციის ძარცვა-გლეჯის მონოპოლისტი, გრაკხუსის მეშვეობით, მხედართა წოდება შეიქნა.

ამგვარად, გაიუს გრაკხუსის მთელს მოღვაწეობაში, რომელიც „ალმოსაველური“ იდეოლოგიისა და რომაული პრაქტიკული ცხოვრების შერწყმის საფუძველზე წარმოება, ყველაზე უფრო მკვეთრად მოჩანს უმნიშვნელოვანესი ორი პუნქტი, ერთი მეორესთან მკიდრო კავშირში მყოფი და ერთმანეთისაგან გამომდინარენი, რომლებიც წმინდა „ალმოსაველურ“ (ბერძნულ და აზიურ) ხასიათს ატარებდნენ.

ნ ა ვ ი მ ა თ ა

„ბიძგის მიმხმენი“ აღმოსაქვეთიდან

ძველი წელთაღრიცხვის პირველი საუკუნის 90-იან წლებში რომის სახელმწიფო, უკვე „შინაგანად დიდი ხნის დაავადებული“, სოციალური ტკივილებისა და სულთა ბრძოლის ახალ ფაზაში შედის. გრაკხუსების მოძრაობამ და მონათა დიდმა აჯანყებებმა პანრომაული კრიზისი კიდევ უფრო რთული, მრავალფეროვანი კვანძებით დახლართა.

91 წელს დემოკრატიულ მოძრაობას სათავეში ჩაუდგა სახალხო ტრიბუნი ლივიუს დრუზუს უმცროსი, რომელმაც განაახლა გრაკხუსების აგრარული კანონმდებლობა. მაგრამ დრუზუსმა სახე შეუცვალა გაიუს გრაკხუსის სამოსამართლო კანონს. მან, უეჭველად, გაითვალისწინა, რომ მხედრებმა, მიუხედავად დემოკრატთა ბელადისაგან იმოდენა უფლებების გადაცემისა, აოპულარებს ნამდვილი მოკავშირეობა მაინც ვერ გაუწიეს და ამიტომ გრაკხუსების მიმდევარმა ახალი სამოსამართლო კანონით მხედართა უმადლესი იურიდიული უფლებები 50 %-ით შეამცირა: ამიერიდან უმადლესი სასამართლოში სამასი სენატორი და სამასი მხედარი შედიოდა.

ამას გარდა, ლივიუს დრუზუსმა განაახლა გაიუს გრაკხუსის კანონპროექტი „მოკავშირე“-იტალიელებისათვის რომის სამოქალაქო უფლებების მანიკების შესახებ.

¹ Plut. Mar. 35.

იტალიელი ტომები დიდხანს იტანდნენ რომაელთა ქედმაღლობას, დამსჯირება-შევიწროებასა და ძალმომრეობას. იტალიკთა ემანსიპაციის ან რომანიზაციის საკითხი ხშირად უკარგავდა მოსვენებას მსოფლიო მბრძანებლობის პრეტენდენტებს. რომაულ ოლიგარქიას არ სურდა გაეყო თავისი პრივილეგიები თუნდაც უახლოესი მეზობლებისათვის. დრუზუსის გამოსვლამ გააერთიანა ერთიმეორისადმი მულდამ სამტროდ შემართული სენატორები და მხედრები.

და ნობილებისაგან მიგზავნილმა მკვლელმა ხარაზული დანით მოჰკლა იტალიკების მოსარჩლე დრუზუსი.

დრუზუსის მკვლელობა გახდა საბაზი იტალიის მოსახლეობის შეიარაღებული აჯანყების დაწყებისა რომაული კირთების დასამხობად. სამი წელი (91—88) მძვინვარებდა ე. წ. „მოკავშირეთა ომი“.

მაშასადამე, მსოფლიოს მპყრობელებს აუფეთქდათ ის უმთავრესი: საომარი ბანა, რომელზე დაყრდნობითაც ისინი მსოფლიო მბრძანებლობის ასპარეზზე გამოვიდნენ.

რომი იძულებული შეიქნა მთელი საომარი რესურსები გამოეყენებინა ამ უაღრესად სახიფათო აფეთქების უვნებელსაყოფად. მას ძალაც შესწევდა, რომ ეს საშიში მოძრაობაც დროზე ჩაენშო. მაგრამ გამოჩნდა სრულიად ახალი მძლავრი ფაქტორი, რომელმაც ხელისუფლება საომარი ქარ-ცეცხლის უმძიმეს პირობებში აიძულა დათმობაზე წასულიყო და, პირველად თავისი არსებობის მანძილზე, შეაკრად მონოპოლიზირებული რომაული მოქალაქეობის უფლება იტალიელებისათვის გაენაწილებინა.

ასეთი მაიძულებელი ძალა აღმოსავლეთიდან მოდიოდა; ამან თავისი მნიშვნელობით და საფრთხის სიდიდით გაუსწრო შინაურ, „იტალიურ ხიფათს“. ამიტომ შეიქნა რომი იძულებული, დაეკმაყოფილებინა იტალიელთა მოთხოვნა, „მოკავშირეთა ომი“ დაესრულებინა და იტალიის უშრეტი საომარი რესურსები კვლავ იმ „აღმოსავლური საფრთხის“ სალიკვიდაციოდ წარემართა.

იგივე „აღმოსავლური საკითხი“ შეიქნა impulsor (ბიძგის მიმცემი) უფრო დიდი სოციალურ-პოლიტიკური ბრძოლისა, რომელიც რომის სამოქალაქო ომების ისტორიაში ცნობილი გახდა პარიუსელების და სულანელების ბრძოლის სახელით.

განვიხილოთ, რას წარმოადგენდა ეს დიდად მნიშვნელოვანი ფაქტორი, რომელმაც სახელმწიფოს შინაგანი კრიზისი ახალ მძაფრ ეტაპზე შეაგდო? რას წარმოადგენდა ეს impulsor ex Oriente? (ბიძგის მიმცემი აღმოსავლეთიდან).

მისი სახელია პონტოს სახელმწიფო. მასზე უფრო დაწვრილებით უნდა შევჩერდეთ, რადგანაც იგი მთელი ნახევარი საუკუნის მანძილზე წამყვან პრობლემად იქცა რომის საგარეო და საშინაო ცხოვრებაში.

1. „მითრიდატული მოქრობის“ პროლოგი

მცირე ხნით უკან დავისივით. რომაელებმა, მაგნეზიასთან ანტიოქეს დამარცხების (190 წ.) შემდეგ ხელი მიჰყვეს აზიაში „ახალი წესრიგის“ დამყარებას. მათთან თავიანთი დამხმარე ძალებით გაეშურნენ მცირე აზიის დანატყები მორჩილების გამოსაცხადებლად და „წყალობის“ მისაღებად.

ერთადერთი სახელმწიფო აზიაში, რომელიც მაშინ რომაელთა გამოჩენას შტრულად შეხვდა, იყო პონტოს ახალგაზრდა საჰეფო. პონტოელ მეფეს არც დამხმარე ძალები გაუვსაენია რომაელებისათვის და არც სხვა რაიმე ურთიერთობა გაუბამს მათთან.

პოსტოში მაშინ აფიფობდა ფარნაკე. ძლიერ და ენერგიული სელმწიფე, რომელიც თავისი სამფლობელოების გაფართოებაზე ფიქრობდა. მან უეჭველად იცოდა, რომ მისი დაპყრობითი გეგმები მცირე აზიაში დაბრკოლებას წააწყდებოდა პერგამოსის მხრივ და, რაც მთავარია, სასტიკ წინააღმდეგობას შეხვდებოდა ატალიდების „მფარველის“ — რომის მხრივ. მაგრამ ფარნაკეს ერთი წუთითაც არ უფიქრია, ხელი აეღო თავისი გეგმების განხორციელებაზე. ის ძლიერად შეიარაღდა და ომიც დაიწყო.

ოთსწლიანი ომი (182—179), რომელსაც ფარნაკე მცირე აზიის სხვა დინასტიების წინააღმდეგ აწარმოებდა, წარმოადგენს შემდგომში მითრიდატე ევპატორსა და რომაელებს შორის ამტყდარი სისხლისმღვრელი ომების პროლოგს, შესავალს.

უპირველესად ფარნაკე თავს დაესხა ქალაქ სინოპს, „ევექსინის ვაჭრობის დედოფალს“. სინოპელები თავდასხმას მოუშზადებელი დახვედნენ და იძულებული გახდნენ დანებებულებიყვნენ.

სინოპის დაპყრობას პონტოსათვის, სტრატეგიულ-პოლიტიკურის გარდა დიდი ეკონომიური მნიშვნელობა ჰქონდა. ეს ქალაქი განთქმული იყო ვაჭრობით, ხელოსნობით, ნაყოფიერი შემოგარენით, სასოფლო-სამეურნეო პროდუქტებით — ვანსაკუთრებით, ზეითუნის ზეთით, მევენახეობა-მეღვინეობით, შესანიშნავი ხილის (ვაშლი, მსხალი, ქლიავი, ბალი, ალუბალი, წაბლი, კაკალი) სიუხვით და მრავალსახოვანი მესაქონლეობით.

სინოპთან ერთად პონტოს მეფეს ჩაბარდნენ სინოპის კოლონიები — კოტიორა, კრასუნტი და ტრაპეზუნტი.

ქალაქების ამ ეკონომიურ და სტრატეგიულ კომპლექსს ფარნაკემ იმავე ხანებში შეუერთა მისგანვე დაარსებული ფარნაკეა. ზღვის სანაპირო ზოლის შემომტკიცების შემდეგ ფარნაკე დაიძრა მცირე აზიის დასავლეთისაკენ.

გემენ მეორე პერგამოსელმა სასწრაფოდ ჩაშლია კოალიცია

ფარნაკეს ვეგმათა ჩასაშლელად. კოალიციაში შედიოდნენ: თვითონ ევმენი, კაპადოკიის მეფე არიარათე მე-3. პაფლაგონიელი მთაწერები — მორზიოსი და გაიზატორიქსი და გალატიელი კარპიგნატოსი. ფარნაკეს მხარეს იღგა მცირე სომხეთის მმართველი მიტრიდატე და გალატიელების ერთი ნაწილი.

ფარნაკემ სწრაფად დაიპყრო გალატია და პაფლაგონია. პარალელურად მას ულაშქრნია კაპადოკიაში. ამავე დროს, პონტოელი მეფე დაუფლებია მორზიოსის და არიარათეს საქურკლებს. მაგრამ მოკავშირეებს ომის უკანასკნელ წელს ფარნაკე დაუშარცხებით (179 წ.) და იგი იძულებული გახდა ზავზე დათანხმებულიყო. ზავის პირობები ასეთი ყოფილა:

„იყოს სამუდამო ზავი ერთი მხრივ ევმენსა, პრუსიასა და არიარათესა. სოლო. მეორე მხრივ — ფარნაკესა და მიტრიდატეს შორის. არავითარი მიზეზის ნიადაგზე არ გაილაშქროს ფარნაკემ გალატიაზე და ყველა მისი შეთანხმებანი გალატიელებთან გაუქმებული იქნას. ასევე უნდა გაწმინდოს მან პაფლაგონია, ხოლო მცხოვრებნი, რომლებიც იქედან გაასახლა, დააბრუნოს უკანვე, მათთან ერთად — შეიარაღება, სასროლი მოწყობილობანი და სხვა საომარი საქურველი. სწორედ ასევე ის ვალდებულია დაუბრუნოს არიარათეს ყველა მისგან ჩამორთმეული ადგილები მათზე გამართული მოწყობილობით, აგრეთვე მძევლებიც. ასევე ტიფონი, ქალაქი პონტოსთან. რომელიც ცოტა ხნის წინათ ევმენმა დაუთმო პრუსიას, მისი თხოვნის საფუძველზე. და რის გამოც პრუსია მეტად კმაყოფილი იყო. დადგენილ იქნა აგრეთვე, ფარნაკეს დაუბრუნებინა სამხედრო ტყვეები და მის მხარეზე გადასულიები გამოსასყიდის გარეშე. ამას გარდა, ფულიდან და საგანძურადან — რომლებიც მის მიერ გატაცებულ იქნა მორზიოსისაგან და არიარათესაგან — ის კისრულობდა გადაეხადა აქ დასახელებული მეფეებისათვის 900 ტალანტი და კიდევ ევმენისათვის, სამხედრო ზარალის ასანაზღაურებლად, 300 ტალანტი. ამავე დროს, სომხეთის სატრაპ მიტრიდატეს ევალებოდა გადაეხადა 300 ტალანტი არიარათესათვის იმის გამო, რომ ევმენთან კავშირის დარღვევით გაილაშქრა მის წინააღმდეგ“¹.

ასე დამთავრდა „ფარნაკეს ომი“, რომელშიც რომი პონტოს დაპყრობითი ვეგმების ჩასაშლელად ჯერ კიდევ იარაღით ხელში არ გამოსულა. მისმა გაქნილმა დიპლომატიამ ჯერჯერობით შესძლო, პონტოს მეფის წინააღმდეგ ადგილობრივი დინასტიები აემხედრებინა, თავისი ერთგული „უანდარმის“ — პერგამოსის მეფის მეთაურობით.

თითქმის არაფერი ვიცით ფარნაკეს მომდევნო მეფის, მიტრიდატე მე-4 ფილოპატორ-ფილადელფოსის მეფობის ხანაზე (170—150). ამის

¹ Polyb. XXV, 2.

ლო სიტყვის წარმოთქმა და სასამართლო წარმოება თარგიანათა დაუხმარებლად); შეიქმლო დღეში ათი სტადიონის გარბენა ცხენების გამოცვლით; სახელდახელოდ გამართულ ასპარეზობებში ყოველთვის პირველობას ღებულობდა; საოცარი სიმარჯვით მართავდა თექვსმეტ-ცხენიან ეტლს; უყვარდა ელიზური კულტურა და ხელოვნება, კრებდა კულტურის საუკეთესო კოლექციებს, მფარველობდა ყველა დარგის ბეცნიერებს, აწარმოებდა ქიმიურ ცდებს. — გამოჰყავდა წამლები და საწამლაკები, პირველი — საკუთარი ჯანმრთელობის შესანარჩუნებლად (აზავეზდა საქმელში, რადგან სშირად ცდილობდნენ მის მოწამვლას), მეორე — შეთქმულთა გასანადგურებლად.

პონტოს ახალმა მეფემ მთელს მსოფლიოს ამცნო აღმოსავლეთში ახალის ერის დასაწყისი. საამისოდ მან ახალი, ე. წ. პონტოური წვლთ-სათვალავი შემოიღო, რომელიც ძვ. წ. 287 წელს იწყებოდა.

მითრიდატეს ტახტზე ასვლისას პონტოს სამეფოს საზღვრები აღმოსავლეთით და სამხრეთ-აღმოსავლეთით კოლხეთსა და მცირე სომხეთამდე აღწევდა; სამხრეთ-დასავლეთით — პონტოს საზღვრებში შედიოდა პაფლაგონიის ნაწილები, ხოლო სამხრეთით ისევე კაპადოკია ეკვროდა მითრიდატიდების საშფლობელს.

მითრიდატემ სასწრაფოდ მოიწვია თავის მამის ერთგული მრჩეველები და პოლიტიკოსები და აათთაა თაბაძოზრობაში შეუღდა სასელმწიფოს მართვა-გამგეობისა და ფართო საგარეო პოლიტიკის წარმოებას. უპირველესად ყოვლისა, მან შექმნა ძლიერი არმია, რომლის ბირთვს წარმოადგენდა 6.000 პოპლიტისაგან შემდგარი ფალანგა. პონტოურმა ლაშქარმა პირველი საბრძოლო ნათლობა ყირიმის ნახევარკუნძულზე მიიღო.

ამ ლაშქრობას ხელი შეუწყო შემდეგმა გარემოებამ: ამ დროს შავი ზღვის ჩრდილოეთ სააზიოეთსე იერძულ კოლონიებს ძლიერად უტევდნენ მეზობლად მცხოვრები მრავალრიცხოვანი და მამაცი ბარბაროსი ტომები. უკვე დიდი ხანი გავიდა მას შემდეგ, რაც ბერძნული ფაქტორიების ძლიერი კოაგაი, ათეის საზღვაო კავშირი დაეცა და აქლა შავი ზღვის ჩრდილოელი ელინი კოლონიისტები იძულებული გაბდნენ საშიში მეზობლისათვის — სკვითური ტომებისათვის, ხარკი ეძლიათ და მუდსივი თავდასასის შინეკეი ეცხოვრათ. ოლბიის, ბერსასეისისა და ბოსფორის სამეფოს ქალაქთა დამოუკიდებლობა კიდევ უფრო დიდ საფრთხეში ჩავარდა, როცა დნეპრის ქვემო დინების მარცხენა სააზიოეთსე და ყირიმის სახევარკუსეულის შიდა ნაწილში სკვითური სამეფო შეიქმნა. სკილუროსის მეთაურობით. ამ უკანასკნელმა თავისი ბატონობის გასაფართოებლად და გასამტკიცებლად ააგო ციხე-ქალაქები: ხაბონი, პალაკიონი და ხეაპოლისი. სკილუროსის სიკვდილას შემდეგ, მისმა მრავალრიცხოვანმა შვილებმა უფროსი ძმის პალაკო-

სის უმაღლესი ძალაუფლება სცნეს. პალაკოსმა ტახტზე ასვლისთანავე ბერძნულ ქალაქებს დიდძალი ფულადი გადასახადი შეაწერა, რამაც ხერსონესისა და ბოსფორის მცხოვრებთა საყოველთაო აღშფოთება და აჯანყება გამოიწვია. ხერსონესისათვის მთავარი საშიშროება იმაში მდგომარეობდა, რომ სკვითებს მიემხრნენ „ხერსონესიდან გამოსულები“: შეიძლება ვივარაუდოთ, რომ მათი უმრავლესობა შედგებოდა ვაჭრული მოწოდისაგან. ყირიმის ქალაქთა დამოუკიდებლობა ბეჭვზე ეჯდა. ამიტომ დაისვა საკითხი — ვის უნდა ჩაებარებინა ის: მუზობელ ბარბაროსებს და მათ მხარეზე გადასულ მონებს, თუ პონტოს ხელმწიფეს. არჩევანი ამ უკანასკნელზე შეჩერდა.

ბერძნულ ქალაქთა არჩევანი შემთხვევითი არ ყოფილა. იგი გამოძინარეობდა მათი ცხოველი სავაჭრო-ეკონომიური ურთიერთობიდან პონტოს სანაპიროზე მდებარე მდიდარ სავაჭრო ცენტრებთან. ალბათ, ბოსფორელები იმასაც კარგად ითვისებდნენ, რომ პროპონტილისა და პელესპონტის გასასვლელებში თავისუფალი ნავსნობა. რაც მათი ეკონომიკის სასიცოცხლო ინტერესს წარმოადგენდა. სირითადად პონტოს სახელმწიფოს სიძლიერესთან იყო დაკავშირებული.

ამგვარად, როცა ხერსონესისა და ბოსფორის სამეფოს პოლიტიკური დამოუკიდებლობის ლიკვიდაცია გარდუვალი გახდა და მისი გასხვისებისათვის ორი გზა გაჩნდა, ბერძნული ქალაქების პოლიტიკური დამოუკიდებლობაც იმ გზით წარიმართა, საითაც მათი ეკონომიური ცხოვრების ინტერესები მიდიოდნენ. ეს გზა პონტოსკენ მიემართებოდა.

და აი, ჯერ ხერსონესელებმა, ხოლო მალე ამის შემდეგ. პანტიკაპეის ტირანმა პერისადემ, პონტოს მეფეს ბარბაროსთაგან მფარველობა სთხოვეს და თანაც თავიანთი ქალაქების უმაღლესი პოლიტიკური ძალაუფლებაც შესთავაზეს.

მოხრილად უნდა გამოეყენებინა ეს მეტად ხელსაყრელი მომენტი. მან უნდა არ ათხოვა რომის სენატის ბრძანებას, რომ „აზიის მეფეებმა თავიანთი უნდა განეკუთვნებინათ“ და დაახლოებით, 110 წ. პონტოს არმია, ლიოფანტეს სარდლობით, გაგზავნა ყირიმისაკენ სალაშქროდ. ლიოფანტემ უპირველესად დაიჭირა ხერსონესის ჩრდილოეთით მდებარე კტენუნტი. აქედან დაწყებული ხერსონესამდე აღმართა სიმაგრეები და ამგვარად გზა გადაუჭრა ქალაქს მოწოლილ სკვითებს. პალაკოსმა რამდენჯერმე სცადა იერიშის მიტანა, მაგრამ პონტოელებმა დასწვეს სკვითების საიერიშო მოწყობილობანი, რამდენჯერმე დაამარცხეს ისინი ხელჩართულ ბრძოლაში და აიძულეს უკან დაეხიათ ნახევარკუნძულის სიღრმეში.

ლიოფანტემ მის მიერ გამაგრებული კტენუნტის კონცხი ქალაქად

გადააქცია და თავისი მბრძანებლის სახელზე ევპატორიად მონათ-
ლა. აქედან იგი გაეშურა პანტიკაპეისაკენ, დაამარცხა ბოსფორის მე-
ფესთან მებრძოლი სკვითები და პერისადეს სამეფო ტახტი პონტოს
მეფის მბრძანებლობას დაუქვემდებარა. შემდეგ პონტოელი სარდალი
ისევ ხერსონესში დაბრუნდა და ისევ დალაშქრა ნახევარკუნძულის
სიღრმეში ჩასაფრებული სკვითები. მან დაიპყრო ხაბონი და ნეაპო-
ლისი, სკვითების მთავარი დასაყრდენი პუნქტები ყირიმში. ამით დი-
ოფანტემ თავისი ამოცანა ამოწურულად ჩასთვალა და პონტოში დაბ-
რუნდა.

მაგრამ პალაკოსი არ სცნებოდა. იგი შეუკავშირდა როქსოლანებს
და ახალი ძალებით მიადგა ხერსონესს. მან ისევ პონტოელებს მოუხ-
მო. დიოფანტეც 6.000 ჰოპლიტით კვლავ გაჩნდა ყირიმში. მცირედი
წარუმატებლობის შემდეგ, როქსოლანებისა და სკვითების მრავალრი-
ცხოვანი ლაშქარი სასტიკად დაამარცხა მცირერიცხოვანმა, მაგრამ შე-
სანიშნავად გაწვრთნილმა და ორგანიზებულმა პონტოურმა ფალანგამ.
ამის შემდეგ, დიოფანტე ისევ დაეუფლა ხაბონს, პალაკიონსა და ნე-
აპოლისს. მან ბევრი დაიმორჩილა სკილუროსის მრავალრიცხოვანი
მემკვიდრეებისაგან.

რომის ხელისუფლებამაც ხმა აღიმადღეს ყირიმის პონტოური და-
პყრობების წინააღმდეგ და დაადგინეს, რომ მითრიდატეს სკვითთა მე-
ფეებისათვის დაებრუნებია წინაპართა სამფლობელოები. პონტოელმა
მეფემ რომის ამ პირველსავე მოთხოვნას ახალი, უფრო გადამქრელი
შეტევით უპასუხა.

107 წელს ბოსფორის სამეფოში იფეთქა ადგილობრივ ქვეშევრ-
დომ ტომთა და მონათა ძლიერმა ამბოხებამ, რომელსაც სათავეში მო-
ნა სავმაკი უდგა. აჯანყებულებმა გადმოაგდეს და მოჰკლეს ბოსფორის
მეფე პერისადე, ვინაც ადრე თავისი სამეფო მითრიდატეს უანდერ-
ძა — და მის ნაცვლად ტახტზე დასვეს თავისი ბელადი სავმაკი, რო-
ნელმაც მეფის ტიტული მიიღო და საკუთარი სახელობის მონეტაც
მოჭრა.

აჯანყებული ბოსფორის ნაპირებს დიოფანტეს სარდლობით ძლი-
ერი ფლოტა და მრავალრიცხოვანი არმია მიადგა. პონტოელებმა ჯერ
აიღეს თეოდოსია, მერე მიადგნენ აჯანყების ცენტრს და მეფეთა რეზი-
დენციას — პანტიკაპეას. მონები დამარცხდნენ, სავმაკი ტყვედ ჩაეარ-
და. დიოფანტემ იგი პონტოში გაგზავნა, მითრიდატესთან. სარდალმა
თავისი მეფე კვლავ ბოსფორის მბრძანებლად გამოაცხადა.

ბოსფორის სამეფოს დაპყრობის შემდეგ პონტოელებმა დაიმორ-
ჩილეს მეოტიის (აზოვის) ზღვის აღმოსავლეთით მდებარე ოლქები. აქ
მცხოვრები ტომები მითრიდატეს სარდალმა სეოპტოლემეოსმა რამდენა-
ჯერმე დაამარცხა ზღვაზე და ხმელეთზე. მან ასევე დაიმორჩილა დარ-

დანები და სხვა ტომები მეოტიის ჩრდილოეთით და ჩრდილო-აღმოსავლეთით.

ამგვარად, პონტოს ახალგაზრდა მეფის ძალაუფლების ქვეშ მოექცა მთელი ყირიმის ნახევარკუნძული, მდინარე ყუბანის ქვემო დინება, ტამანის ნახევარკუნძული და აზოვის აუზი. მის ხელში იყო შავი ზღვის ჩრდილოეთ სანაპიროთა სიმდიდრენი, ბეწვეული, თაფლი, ცვილი, თევზი, მარილი და საშენი ხე-ტყე; მის მბრძანებლობას ემორჩილებოდნენ ბრწყინვალე ბერძნული ქალაქები: ხერსონესი, თეოდოსია, პანტიკაპეა, ფანაგორია და სხვა მოხერხებულნი ხანთსაყუდებლები და პორტები. მითრიდატეს ყოველწლიურად ყირიმიდან უნდა მიეღო 18.000 მედიმნი ხოცალი და 200 ვერცხლის ტალანტი. აქედანვე მას შეეძლო ადგილობრივი მეომარი ტომების გაწვრთნილი ცხენოსნებითა და მარჯვე ხოჯაოსნებით შეეესო თავისი არმია და ფლოტი.

პონტოს სამეფოს დიდებით მოსავდა მანამდე უძლველი სკვითების დამორჩილება — იმ სკვითებისა, რომლებმაც ადრე სამარცხვინო მარცხი აგემეს დარიოს პირველის უზარმაზარ სპარსულ არმიას და ალექსანდრე მაკედონელის სარდალს ზოფირიონს.

მითრიდატეს ლაშქარი აღმოსავლეთ ევროპის უფრო ღრმა ოლქებშიც შეჭრილა და შებრძოლებია სარმატებს, ბასტარნებს, ბასილიების და იასიგებს. მათი სსუბუჭი კავალერია ძალიან ხშირად ჩანს პონტოელი მეფის მეომართა შორისაც.

ბოლოს, მითრიდატემ კარგად ისარგებლა იმით, რომ შავი ზღვის დასავლეთ სანაპიროს ბერძნული ქალაქები უმეტეს ნაწილად ანტირომულ პოზიციებზე იდგნენ. მან ადვილად გააბა ურთიერთობა თრაკიელებთან. რომელთა საუკეთესო ცხენოსანთა რაზმები, როგორც დაქირავებული მეომრები ან მოკავშირეები, იბრძოდნენ პონტოს საბრძოლო დროშის ქვეშ. თრაკიაში ფეხის მოკიდებით მითრიდატეს სამფლობელოები ევროპაში რომაელთა პოლიტიკური გავლენის სფეროს (მაკედონია) მომიჯნავე გახდა.

90-იანი წლების ახლო ხანებში მითრიდატემ თავის სამფლობელოებს შემოუერთა შავი ზღვის მთელი აღმოსავლეთი სანაპირო, რომელიც მთლიანად კოლხეთს ეკირა. კოლხების — „ამ გიჟურად მეომარი ხალხის“ („ethnos arcimanes“) დამორჩილებას ხელი შეუწყო იმან, რომ ამ დროს კოლხეთი დაქუცმაცებული იყო და მის ცალკეულ ნაწილთა დინასტებს იმდენი ძალა არ შესწევდათ, გაძლიერებულ პონტოს სამეფოს შემოტევას გამკლავებოდნენ.

მითრიდატე კოლხეთის სასაართველოდ გზავნიდა თავის დაახლოებულ პირთაგან რჩეულთ.

პონტოს მეფეს შეეძლო კოლხეთიდან სისტემატურად გაეტანა გემთსაშენი ხე-ტყე, სელი, კანაფი, ცვილი და სხვ. შეეძლო თავისი არმი-

ისა და ფლოტის რიგებში ჩაერიცხა მამაცი კოლხი მეომრები და მეზღვაურები. დაახლოებით ამავე პერიოდში ძითრიდატემ ძეგობრულ ცვაწვირ-ურთიერთობა გააბა იბერიელებთან, პართიელებთან, ატრო-პატენელ მიდიელებთან და დიდ სომხეთთან.

პონტოს პოლიტიკური გავლენის საზღვრებში მოექცა მცირე სომხეთი. მცირე სომხეთში მრავლად არსებული (75-მდე) მიუვალი ციხესიმაგრე მითრიდატე ევპატორის საგანძურთა შესანახსა და ღუბჭირ დღეებში საიმედო თავშესაფარს წარმოადგენდნენ.

ამგეარად, პონტოს მეფის ძალაუფლებას ემორჩილებოდა მთელი "მავი ზღვის აუზი და მისი შემოგარენი. „თავისი დროის მეფეთა შორის უდიადესის“ საბრძანებლოებში შედიოდა ტავრის ბოსფორი — პურის ბელელი, კოლხეთი — სურსათის უდიდესი არსენალი და მცირე სომხეთი — მიუვალი ციხესიმაგრე¹. შვე ზღვას ყოველმხრივ გარს ერტყმოდნენ მითრიდატეს ქვეშევრდომები და მოკავშირენი. ქალაქი სინოპი — „ზღვის მეფის“ რეზიდენცია — ევქსინის პონტოს ყველა სანაპიროდან მომავალი მეზღვაურ-მეომრებისა და სავაქრო გემების „ფაროსად“ გადაიქცა. პელესპონტ-პროპონტიდიდან ევქსინის პონტოში შემოსულ ყოველ ხომალდს თავისი თავი მითრიდატე ევპატორის საბრძანებლოში უნდა ეგრძნო.

შავი ზღვის სანაპიროთაგან მითრიდატეს ბატონობის გარეშე ჯერჯერობით რჩებოდა ის ნაწილი, რომელიც ხელთ ეპყრა ბითინიას. ეს ნაწილი უღარესად მნიშვნელოვანი და საყურადღებო იყო. აქ ბითინია უშუალოდ მბრძანებლობდა ბოსფორისა და პელესპონტის წყლის გზაკვანძზე. მითრიდატეს დაპყრობათა დღის წესრიგიდან არასოდეს არ მოშლილა ბითინიის ოკუპაციის საკითხი.

მითრიდატეს მოსვენებას არ აძლევდა კაპადოკიისა და გალატიის დაპყრობის საკითხი. ძით უფრო, რომ რომაელებს უკვე მტკიცედ აქონდათ ფეხი მოკიდებული პერგამოსში და ფრიგიაში, რომელიც ადრე პონტოს მეფე მითრიდატე მეორემ ცოლის მზითვად მიიღო თავის სიმამრ სელევკოს კალინიკოსაგან. მთელი მცირე აზია სულ მოკლე დროში რომაული „იმპერიალიზმის“ ბრკყალებში უნდა მოქცეულიყო. მითრიდატე კარგად ხედავდა და გრძობდა რომაელთა ზრახვებს და თავის მხრივაც ემზადებოდა ნახტომისათვის...

მითრიდატემ გადაწყვიტა წინასწარ შემოეელო და შეესწავლა საერთო მდგომარეობა აზიის მეზობელ სახელმწიფოებში, შეესწავლა ყოველი კუთხე, ქვეყანა და ქალაქ-სოფელი და ამის საფუძველზე შეედგინა საბრძოლო გეგმა მათი დაპყრობისათვის. ამ მიზნით ის ერთ დღეს საიდუმლოდ გაუჩინარდა თავისი უახლოესი მეგობრების თანხლებით. გზადაგზა მითრიდატე საკვირველი სიბეჭითითა და სისწრა-

¹ Reinach Th., Mithridates Eupator, König von Pontos, Leipzig, 1895, 71 — 72.

ფით სწავლობდა აზიის მრავალ ხალხთა ენებს, მათ ზნეჩვეულებებს, განწყობილებას რომელთა და პონტოელთა მიმართ; სწავლობდა ყოველი ქვეყნის, ქალაქის, ციხე-სიმაგრის გეოგრაფიულ გარემოს და ეკონომიურ-სტრატეგიულ პროფილს. ასე შეძლია რა ბევრ კაპადოკია, ვალატია, პაფლაგონია, ფრიგია, ბითინია და სხვ.

მითრიდატე დაბრუნებისა და შეთქმულთა განადგურების შემდეგ დაუყოვნებლივ შეუდგა მცირე აზიაში თავისი დაპყრობითი გეგმის განხორციელებას. 100 წელს იგი შეიჭრა პაფლაგონიაში და მისი ნახევარი თავის სამეფოს საზღვრებში მოაქცია, ხოლო ნაწილი, მოლაპარაკების თანახმად, ნიკომედე ბითინიელს დაუთმო.

რომიდან აზიაში სასწრაფოდ გაეშურა კომისია, რომელსაც მითრიდატემ ამაყად უპასუხა: პაფლაგონია მამაჩემის მემკვიდრეობაა და ძალიან მიყვირს, რატომ ხლიან სადავოდ ჩემს კანონიერ უფლებამოსილებას. ბითინიის მეფემ კი გამოაცხადა, რომ მისთვის განკუთვნილ პაფლაგონიის ნაწილს „კანონიერ მეფეს“ უთმობს, ხოლო ასეთად მან თავისი უმცროსი შვილი სოკრატე გამოაცხადა, რომელიც პაფლაგონიაში პილამენეს სახელით იყო ცნობილი. ამგვარად, რომის მოთხოვნის პასუხად აზიელმა მეფეებმა პაფლაგონია მტკიცედ გაინაწილეს და დაისაკუთრეს.

მითრიდატე მარტო პაფლაგონიის აღმოსავლეთ ნახევრის შემოერთებით არ დაკმაყოფილდა და სასწრაფოდ იგდო ხელი ვალატია.

ახლა დაისვა კაპადოკიის დაპყრობის საკითხი. ამჯერად მითრიდატე და ნიკომედე ვერ შორიგდნენ. პონტოელი მეფე გადაქრით ამბობს უარს კაპადოკიის რომელიმე ნაწილის დათმობაზე, ბითინიელი უძღური იყო, რაიმე წინააღმდეგობა გაეწია ძლიერი ძეგობლისათვის. მისი ყოველი ცდა მარცხით მთავრდებოდა. მრავალი სამხედრო და დიპლომატიურა მანევრირების შემდეგ მითრიდატე კაპადოკიის ერთპიროვნული მფლობელი გახდა. ნიკომედე რომთან კავშირის გზას ადგა და სენატისკენ ელჩობაც აფრინა მითრიდატეზე საჩივრებით.

რომაელებმა, ამ ელჩობის საპასუხოდ, მითრიდატესაგან კატეგორიულად მოითხოვეს პაფლაგონიისა და კაპადოკიის გაწმენდა. მაგრამ რა თქმა უნდა, არც ნიკომედეს გაძლიერება სურდათ და მასაც უბრძანეს დაეტოვებია მის მიერ დაკავებული პაფლაგონიის ნაწილი და გაეყვანა იქიდან პილამენედ წოდებული თავისი მემკვიდრე.

მეფეებმა უარი ვერ შებედეს სენატის ბრძანებას. რომაელებმა კაპადოკიაში, სადაც უკვე არიართილთაგან ამ ქვეყნად აღარავინ იყო, მეფედ დასვეს თავისი კაცი, სახელად არიობარზანი.

ამგვარად, პონტოელი მეფე შემდგომი პოლიტიკური წიაღსვლის გზაბოძალს მიაღდა: ახ უნდა აედო ხელი შემდგომ დაპყრობებზე და თავისი საკუთარი სამეფო რომაული ექსპანსიის საფრთხის ქვეშ და-

ეყენებინა, ანდა მიედო მოსალოდნელი საშიში ომი რომთან. პირველ მიზანსწრაფვანე ის უარს არასოდეს არ იტყოდა. მაგრამ უნდა სსიფ-ბოლა ისიც, რაც მას უთხრა 99 წელს გაიუს მარჩუსმა: „მეფეო, ან შეეცადე, იყო რომაელებზე უფრო ძლიერი, ან უსიტყვოდ შეასრულე მათი ბრძანებანი“.

მონტოელ მბრძანებელს, რასაკვირველია, არ სურდა უსიტყვოდ ვისმეს ბრძანების შესრულება, მაგრამ რომთან საომარ ასპარეზზე გასვლაც უალრესად სახაფათო იყო. მით უფრო, რომ ახლა ბითინიის მეფემ, მის წინააღმდეგ საჩივრებით დატვირთულმა, რომაულ სამფლობელოებს შეუერთა თავისი მნიშვნელოვანი სახელმწიფო ევროპა-ახიის შემაერთებელ „ოქროს ხილზე“.

ამიტომ მითრიდატემ ამჯერად კაპადოკიის ხელში ჩაგდება შემოე-ლითი გზით სცადა. ამ დროს აღმოსავლეთის პოლიტიკურ ასპარეზზე ახალი ძლიერი მბრძანებელი გამოჩნდა, — სომხეთის მეფე ტიგრან მეორე, რომელიც თავისი სამეფოს გაფართოების ნიადაგზე. მიუახლოვდა კაპადოკიის საზღვარს.

მითრიდატემ გადაწყვიტა შეკავშირებოდა ტიგრანს და ეს კავშირი, პირველ რიგში, კაპადოკიის დაპყრობისათვის, გამოეყენებინა. მან სომხეთის მეფესთან გაგზავნა თავისი კარისკაცი, გორდიოსი, რომელმაც მოამზადა ნიადაგი მათ შორის კავშირის დასადებად. როგორც გენოთ ითქვა, მეფეები კიდეც შეკავშირდნენ და კიდეც დამოყვრდნენ.

93 წელს სომეხთა არმია შეიჭრა კაპადოკიაში, აიღო იგი და პირობისამებრ გადასცა მითრიდატეს, ხოლო ტიგრანმა იქიდან გაიქვანა ხალხი ახალი ქალაქის (ტიგრანოკერტი) დასასახლებლად და ასაშენებლად. მეფობისათვის მეტად უსუსურმა არიობარზანმა სახელმწიფო განძი გაიტაცა და რომში გაიქცა. მითრიდატემ კაპადოკიის ტახტზე თავისი ერთ-ერთი ვაჟი დასვა და რეგენტად გორდიოსი დაუნიშნა.

კაპადოკიის ხელახალმა დაკარგვამ, მითრიდატესა და ტიგრანის შეკავშირებამ, მათმა ერთობლივმა გამოსვლამ, არიობარზანის თხოვნამ და, რაც მთავარია, მის მიერ რომში ჩამოტანილმა კაპადოკიურმა საგანძურებმა ისევ გაამძაფრეს რომაული დამპყრობელობის მადა.

„წესრიგის აღდგენა“ დაევალა კილიკიის პრიპრიტორს ლუციუს კორნელიუს სულასს, რომელიც გადავიდა კილიკიაში, იქედან კი კაპადოკიაში. დაამარცხა გორდიოსისა და ტიგრანის გაერთიანებული ძალები, განდევნა ისინი კაპადოკიიდან და სამეფო ტახტზე აღადგინა არიობარზანი.

რომაელებმა ამ წელს (92) პირველად მიადწიეს მდინარე ეფრატს. აქ ისინი პირველად შეხვდნენ აღმოსავლეთში მათი მბრძანებლობის გვიანდელი მეტოქის, პართიის ელჩებს. მასთან გამოცხადდა პართიის

ნეფე არშაკის ელჩი, ორობაზი, რომელმაც სულას გადასცა თავისი სიუზერენის სურვილი რომთან კავშირისა და შეგობრობის შესახებ. თვით სულას მიერ პართიელი სტუმრის აუდიენციის ფორმა მოწმობს, რა მალა დააყენა მან თავი თვისი და ქალაქი თვისი პართიელი დესპოტისა და მისი ქვეყნის ავტორიტეტთან შედარებით: მან ბრძანა დაედგათ საძი საგარეელი — ერთი არიობარზანისათვის, მეორე ორობაზისათვის და მესამე თავისთვის. ამასთანავე, აუდიენციის დროს დაიჭირა შუა ადგილი. ამგვარად, სულამ, საკუთარი ამბლები გვერდით, პართიელის უფლებები კაპადოკიის უსუსური მეფისა და რომის ყურმოჭრილი მონის იდგოპარეობას გაუთახაბრა. ამ დათმობის გამო ორობაზი პართიაში დაბრუნებისას მეფემ სიკვდილით დასაჯა. ამჟებთ, ჯერ კიდევ მაშინ, პართიამ ქვეყანას ამცნო, რომ მისი მახვილი არა ნაკლებ ძლიერია რომისაზე და მზად არის გაპყვეს მას აზიის დაუფლებისათვის ბრძოლაში. მაგრამ დიდი ჭიდილი რომსა და პართიას შორის ჯერ დიდი ხნით უნდა გადადებულიყო. ჯერ რომაულ იარაღს მანამდე მრავალი სისხლიანი ომები ელოდა აღმოსავლეთის მბრძანებლობის სხვა ძლიერ პრეტენდენტებთან. ფაქტები მოწმობდნენ, რომ ამ სამკედრო-სასიცოცხლო ომების გამართვას რომის თავზარდამცემი ავტორიტეტის წინააღმდეგ ფიქრობდა ახალგაზრდა პონტოს სამეფო.



3. რომორ ღაიფუო „მითრიღატას პირველი ომი“

მომდევნო 91 წელს იტალია „მოკავშირეთა ომის“ ცეცხლში გაეხვია. მითრიდატე ევპატორმაც დრო იხელთა და კვლავ სცადა თავისი ფართო დაპყრობითი გეგმების განხორციელება აღმოსავლეთში. იგი ცდილობს გააძიყენოს ბითინიაში შექმნილი პოლიტიკური მდგომარეობა და ამ ქვეყანასაც დაეუფლოს.

94 წელს გაიდაიცივალა ბითინიის მეფე ნიკომედე მეორე-ეპიფანე. სამეფო ტახტი დაიჭირა მისმა უფროსმა შვილმა ნიკომედე მესამე-ფილოპატორმა. ბითინიის ძლიერება დაცემული იყო. ის სულ შალე უნდა გამხდარიყო ან პონტოს სამეფოს ვასალი, ან რომის ყურმოჭრილი მონა. მისი არჩევანი რომზე შეჩერდა. მაგრამ ბითინიაში მეფის საგარეო პოლიტიკის საწინააღმდეგო აზრიც შეიქმნა, რომელმაც გეზი პონტოს სამეფოსაკენ აიღო. ამ ორიენტაციის მეთაური იყო ნიკომედე მესამის ნახევარ-ძმა სოკრატე „კეთილი“, რომელიც ადრე პილამენეს

სახელწოდებით პაფლაგონიის მეფედ ითვლებოდა. სოკრატემ ბითინიის სამეფო გვირგვინის საკითხის გადაჭრა „კანონიერების გზით“ სცადა და თხოვნით მიმართა რომის სენატს, მაგრამ რომაელებმა მას უარი უთხრეს და მეფედ ნიკომედე დაამტკიცეს. მაშინ სოკრატემ ძალას მიმართა.

მითრიდატემ სოკრატეს ნება დართო, შეეგროვებინა ჯარი პონტოს ტერიტორიაზე. ამ ჯარით სოკრატემ ბითინიის სასახლის კარზე გადატრიალება მოახდინა და მეფობაც ხელთ იგდო (90 წ.). პარალელურად მითრიდატემ კაპადოკიაში ისევ დაამხო არიობარზანის ხელისუფლება, ეს ქვეყანა ტერიტორიალურად თვითონ დაისაკუთრა, მის ტახტზე ისევ თავისი შვილი დასვა, ხოლო კაპადოკიის მრავალი მოსახლე, შეთანხმების თანახმად, ტიგრან მეორეს გაატანა ტიგრანოკერტის დასასახლებლად.

ამგვარად. ბითინია და კაპადოკია რომის „მფარველობიდან“ ერთბაშად პონტოს პოლიტიკური მბრძანებლობის საზღვრებში აღმოჩნდა.

რომისკენ მიმავალი გზების კარგ მცოდნეს — არიობარზანს, „ერთბედქვეშეყოფი“ თანამგზავრნი გაუჩნდნენ. არიობარზანი ნიკომედესთან ერთად გამოჩნდა ფორუმ რომანიუმზე.

იტალიკების აჯანყების პირველი წლის საშინელი ხანძარი ნელ-ნელ ქრებოდა. რომს საშუალება მიეცა წელში გამართულიყო და აჯანყებული ქვეშევრდომების დამორჩილება დაეჩქარებინა. მას ახლა მეტი ყურადღების მიქცევა შეეძლო აღმოსავლეთის გამწვავებული მდგომარეობისათვის. სენატმა შეისმინა აზიელი კრეატურების ხვეწნა-მუდარა და აღმოსავლეთის საქმეთა „მოსაწესრიგებლად“ გამოჰყო კომისია მანიუს აქვილიუსისა და მანლიუს მალტინუსის მეთაურობით. საგანგებო დადგენილებით, კილიკიის მაშინდელ პრეტორს, ლუციუს კასიუსს, ევალებოდა. საჯარო შეტახვევაში სასხედრო დახმარება გაეწია კომისიისათვის.

აზიაში ჩამოსულმა დეცემვირებმა დაიწყეს აზიელ დინასტთა შორის შუღლის ჩამოგდება და „სახვის ხელით სარის გლეჯით“. მათ წააქეზეს ნიკომედე და არიობარზანი მითრიდატეს წინააღმდეგ, რასთა ომში გამოეწვიათ იგი. ბითინიისა და კაპადოკიის მეფეები, მიუხედავად იმისა, რომ აქვილიუსი მათ რომის მხრივ დახმარებას აღუთქვამდათ, მაინც ვერ ბედავდნენ მითრიდატესთან ომის დაწყებას. გასაკუთრებით აქვილიუსსა და მის დამქაშებს იერიში მიჰქონდათ ნიკომედეზე, რადგანაც ბითინიის მეფემ ელომებსა და ჯარის უფროსებს დახმარებისათვის ფულის მიცემა აღუთქვა, ამას გარდა იგი დიდად დავალიანდა რომაელი ჯარების თანხლებ მეუახშეთაგან. ნიკომედე იძულებული იყო, თავისი მოვალე-„მფარველების“ ყოველი ბრძანება სიტყვაშეუბრუნებლად შეესრულებინა. იგი შეიქრა მითრიდატეს მიწა-წყალზე

და მოაოხრა მისი ქვეყანა ამასტრისამდე. ნიკომედე დიდი ნადავლით დაბრუნდა ბითინიაში და თანაც ჩაჰკეტა შავ ზღვაში გასასვლელი სრუტეები, რომ ამით გზა დაეხშო პონტოს სავაჭრო და სამხედრო გემებისათვის ეგეოს-ხმელთაშუა ზღვებისაკენ.

მითრიდატე ამოღო შეეცადა რომთან დიპლომატიური მოლაპარაკებით აელაგმა ბითინიის მეფე. რომაელები გადაჭრით იდგნენ აზიაშიაოპის გაჩაღების პოზიციაზე.

რომაელები სასწრაფოდ შეუდგნენ ჯარების შეკრებას. მათი არმიის ძირითადი ბირთვი, „პროვინცია აზიის“ მმართველის, ლუციუს კაუსიუსის არმიისაგან შედგებოდა. აგრეთვე მათ მობილიზაცია გამოაცხადეს ბითინიაში, კაპადოკიაში, პაფლაგონიაში, გალატიაში, ლიკიასა და კილიკიაში.

მასიუს აქვილიუსი გამაგრდა იქ, სადაც მითრიდატეს ადვილად შეეძლო გაქრილიყო ბითინიისაკენ (სკორობის მთის მახლობლად); ლუციუს კასიუსი დაბანაკდა ბითინიისა და გალატიის საზღვარზე: ხოლო ქვიენტუს ოპიუსმა თავისი არმია კაპადოკიის საზღვართან განალაგა. თვითეულ მათგანს 40.000 ქვეითი მეომარი და 4.000 ცხენოსანი ჰყავდა. ნიკომედე თავისი ბითინიური არმიით დაბანაკდა ამასტრისის მახლობლად.

ომი დაიწყო 88 წლის გაზაფხულზე.

პირველად ერთმანეთს შეხვდნენ მითრიდატეს სარდლები და ნიკომედე პალისის შენაკადის, მდინარე ამნეიონის ფართო ველზე. აპინე დაწვრალებით გადმოგვცემს ამ ბრძოლის მსვლელობის ამბავსა და მის შედეგებს:

„პირველად დაინახეს ერთმანეთი ნიკომედეს და მითრიდატეს სარდლებმა ფართო ველზე მდინარე ამნეიონთან და უმაღ საბრძოლო წესზე დაეწყენენ; ნიკომედემ მთელი თავისი ჯარი გამოიყვანა, ნეოპტოლემემ და არქელაოსმა მხოლოდ მსუბუქად შეიარაღებულნი და ის ცხენოსნები, რომლებიც არკათისა ჰყავდა თან, და რამდენიმე შეიარაღებული ეტლი, რადგან ფალანგა ჯერ მოსული არ იყო და მხოლოდ ახლა ახლოვდებოდა. რათა არ ყოფილიყვნენ ბითინიელთაგან გარშემორტყმულნი, რომელნიც რიცხობრივად ბევრად სჭარბობდნენ მათ ლაშქარს, მითრიდატეს სარდლებმა მცირე რაზმი გაგზავნეს მათ მიერ აღრევე დაკავებულ ველზე მდებარე კლდოვანსა და აღმართიან ბორცვზე, მაგრამ, როდესაც ნეოპტოლემემ დაინახა, რომ იქედან ისინი ჩამოყარეს, შეეშინდა რა გარშემორტყმისა, ელვასავით გაექანა მათ დასახმარებლად და იქეთკენვე მოუწოდა არკათისაც. შენიშნა რა ეს, ნიკომედე თავის მხრივ გაემართა მის წინააღმდეგ; აქ მოხდა ძლიერი შეტაკება და სისხლისღვრა. რადგან ნიკომედე, რომელსაც დიდი ძა-

ლები ჰყავდა, სძლედა, ამიტომ მითრიდატეს ჯარმა უკან დახევა და-
იწყო, ვიდრე არქელაოსმა მოწინააღმდეგეს მარჯვნიდან არ შემოუარა
და არ დაესხა თავს. მაშინ მათაც მის წინააღმდეგ მიმართეს. მან კი
ნელ-ნელა უკან დახევა იწყო, რათა ნეოპტოლემეს ჯარი გაჩერებუ-
ლიყო და გაქცევის შემდეგ თავი მოეყარა. როდესაც არქელაოსმა შე-
ნიშნა, რომ მათ ძალა მოიკრიბეს, გადავიდა შეტევაზე და ძლიერი
მიწოლით მიუსია რა ბითინიელებს ცელებით შეკუპრვილი ეტლები, შე-
უდგა მათ ჩხვასა და კეეთას, ფლეთდა რა მათ ორად და ზოგს ნა-
წილებდაც. ამ გარემოებამ შიშის ზარი დასცა ნიკომედეს ლაქქარს,
როდესაც დაინახეს შუა-შუა დაკრილი ადამიანები, რომლებიც ჯერ კი-
დეე სუხტქავდნენ, ან ხაწილ-ნაწილ დაფლეთილხი და მათი სხეული ეტ-
ლებზე ჩამოკონწიალებულნი. უფრო ზიზლით აღესილმა ასეთი საში-
ნელი სანახაობით, ვიდრე ბრძოლაში დამარცხებულმა შეშინებულებ-
მა დაშალეს თავისი რიგები. მათზე, არეულ-დარეულებზე, განაგრ-
ძობდა შეტევას არქელაოსი ფრონტიდან, ხოლო ნეოპტოლემე და არკა-
თი, გაქცევიდან შემობრუნებულნი, თავს დაესხნენ მტერს ზურგიდან.
ისინი დიდხანს იცავდნენ თავს, იბრძოდნენ რა ორივე მიმართულებით:
ზაგრამ როდესაც მებრძოლთა უდიდესი ნაწილი გაწყდა, ნიკომედე
გადარჩენილებთან ერთად პაფლაგონიაში გაიქცა. მითრიდატეს ფა-
ლანგას არც კი დასკირვებია ბრძოლაში ჩაბმა. ნიკომედემ აქ დაჰკარ-
გა მთელი თავისი ბანაკი უამრავი ფულითა და აუარებელი ტყვეები-
თურთ. ისინი ყველა შეიწყალა მითრიდატემ, მისცა გზის ფული და
შინ გაგზავნა, შეიქმნა რა ამით მტრის ქვეყანაში მოწყალის სახელი“.

პონტოელთა ბრწყინვალე გამარჯვებამ შიშის ზარი დასცა რომა-
ელებს. მითრიდატეს ავტორიტეტი და პოპულარობა კიდევ უფრო გაი-
ზარდა იმით, რომ იგი სამხედრო ტყვეებს ათავისუფლებდა და დასა-
ჩუქრებულთ ისტუმრებდა თავიანთ სამშობლოში.

მითრიდატე გამაგრდა სკორობის მთაზე, ბითინია-პონტოს საზღვარ-
ზე. ნიკომედემ ბრძოლაში გადარჩენილი მეომრებით დაიბანაკა მა-
ნიუს აქვილიუსის გვერდით, რათა საჭირო შემთხვევაში, გადარჩენი-
ლი ჯარის ნაშთებით მიშველებოდა მას. სანამ გადამწყვეტი ბრძო-
ლა დაიწყებოდა, მითრიდატეს ლაშქრიდან ასამდე სავრომატი მხე-
დარი დაწინაურდა და სასტიკად დაამარცხა რვაასკაციანი ბითინიური
რაზმი; ზოგი მათგანი ტყვედ მიჰგვარეს პონტოს მეფეს. ეს ტყვეებიც
ეკვატორმა გზის ფულით დაასაჩუქრა და გაათავისუფლა.

მითრიდატეს პიოდაპირ დაბახაკებულმა მანიუს აქვილიუსმა ვე-
ლარ გაბედა გამარჯვებით გალაღებულ პონტოელებთან შებმა და,
რადგან იქ დაყოენებაც სახიფათოდ ჩასთვალა, სწრაფად დაიწყო
უკან დახევა და თითქმის გაქცევა პერგამოსისაკენ. ნიკომედემ თავი-

სი ჯარის ნარჩენებით მას შეუერთდა. მითრიდატემ ბრძანა სასწრაფოდ დადევნებოდნენ გაქცეულ მტერს. პაქიად წოდებულ ადგილზე ნკობტოლემე და სომეხი ნემანი თავიანთი რაზმებით წამოეწივნენ აქვილიუსის ლაშქარს და აიძულეს ის ბრძოლაში ჩაბმულიყო. როჩაელები საშინლად დამარცხდნენ. მათ ბრძოლის ველზე დატოვეს 10.000 კაცი, ხოლო 300 მეომარი მითრიდატეს სარდლებმა ტყვედ მიჰგვარეს თავის მბრძანებელს. მითრიდატემ ისინიც გაათავისუფლა და გაუშვა თავიანთ ქვეყნებში. მანიუს აქვილიუსის მთელი ბანაკი პონტოელთა ალაფად იქცა. თვითონ აქვილიუსი ვაიქცა და პერგამონში თავის შეფარება მოასწრო. აქვილიუსთან შეტაკების პარალელურად პონტოელთა არმიის მეორე ნაწილმა სასტიკად დაამარცხა ოპიუსისა და მალტინიუსის ჯარები კაპადოკიაში.

მითრიდატემ გადაწყვიტა აქ არ შეჩერებულიყო და განეგრძო შეტევა რომაელთა წინააღმდეგ.

მითრიდატეს ახალ სულისკვეთებას და განწყობილებას თანამედროვე მდგომარეობის მიმართ ნათლად გამოხატავს მისი სიტყვა, რომელიც მას წარმოუთქვამს თავისი ძლევაშემოსილი ჯარების წინაშე:

„ჩემთვის ძალიან სასურველი იქნებოდა, რომ შემეძლოს თქმა ომი სჯობს რომაელებთან, თუ მშვიდობა. ხოლო, რომ თავდამსხმელს წინააღმდეგობის გაწევა უნდა, ამაში ისინიც კი არ ყოყმანობენ, ვინაც გამარჯვების არაერთი იმედი არა აქვს. ავაზაკის მიმართ ყოველი მიმართავს იარაღს, თუნდაც არ ჰქონდეს შესაძლებლობა თავისი სიცოცხლის გადარჩენისა, უკიდურეს შემთხვევაში შურის საძიებლად მაინც“... მითრიდატე განსაკუთრებით უსვამდა ხაზს რომელიც დამპყრობლების მსუხვათე მადას და აღვირახსნილ ექსპლოატაციას დაპყრობილი ქვეყნების მიმართ: „როგორც თვითონ ამბობენ, მათი დამაარსებელნი მგლის ძუძუთი არიან გაზრდილნი, ასევე მთელ მათ ხალხს აქვს მგლის სული, გაუმაძლარი სისხლითა და დაპყრობებით, მსუხვათე სიმდიდრისადმი და შურისანი“. მეფე თავის ჯარებს მოუწოდებდა, რომ სასტიკი დამპყრობლებისათვის არ დაეთმოთ ნაცოფიერი და მშვენიერი აზიის მიწა-წყალი და უხატავდა მათ აზიისათვის ბრძოლის ოპტიმისტურ პერსპექტივებს: „ახლა მე ვიწყებ სულ სხვა სახის ომს. ვინაიდან არ არის სხვა ცა უფრო ზომიერი. არ არის სხვა მიწა უფრო ნაცოფიერი, არ არის სხვაგან სიმრავლე მშვენიერი ქალაქებისა, როგორც აზიაში; ხოლო ჩვენი დროის უმეტეს ნაწილს გვატარებთ არა როგორც ლაშქრობაში, არამედ როგორც დღესასწაულში და არ შეიძლება ითქვას, თუ რით იქნება ეს ომი უკეთესი, თავისი სიადვილითა, თუ სარფიანობით; განსაკუთრებით, როცა თქვენ გააგებთ ატალის სამეფოს სიმდიდრის შესახებ, რომელიც შორს არ არის. ან ლიდისა და იონიის უძველეს საუნჯეთა დასაუფლებლად. მთელი აზია

ისეთი მოუთმენლობით მიმელოდება, რომ სახალხო დღესასწაულები შეიქმნება. ყველგან ასეთი უდიდესი სიძულვილი გააღვივებს რომაელებისადმი პროკონსულების მძარცველობამ, ხარკის ამკრებთა მხეცობამ და დავის ატეხაში უსინდისო წაქეზებამ¹. ასეთი მრავალმხრივ მნიშვნელოვანი სიტყვის წამძღვარების შემდეგ მითრიდატე ევპატორი განაგრძობს შეტევას.

აქვილიუსის სამარცხვინო მარცხის შემდეგ, ლუციუს კასიუსი და ნიკომედე ბილინიელი სასწრაფოდ გადავიდნენ ფრიგიასში და დაბანაკდნენ ძლიერად გამაგრებულ ლეონტოკეფალიაში. აქ მათ დაიწყეს ახალი ჯარების შეკრება ხელოსანთა, გლეხთა და სხვა კერძო პირთაგან და შეუდგნენ მათ სახელდახელოდ გაწვრთნას. მაგრამ მალე იმედი დაკარგეს, რომ ამ ახლადშეკრებილთა მეოხებით რაიმეს განდებოდნენ. ამიტომ ეს ჯარი დაშალეს და საკუთარი ტყავის გადარჩენაზე დაიწყეს ზრუნვა. კასიუსმა თავი შეაფარა აპამეას, ნიკომედემ — პერგამონს, ხოლო მანიუს აქვილიუსი პერგამონიდან გაიქცა როდოსზე. მერე, კასიუსიც გაიქცა როდოსზე, ხოლო აქვილიუსი — ლესბოსზე.

როცა პროპონტიდაში გამაგრებულმა მეზღვაურებმა სახმელეთო არმიების ასეთი მარცხი და სარდლების სამარცხვინო გაქცევის ამბავი შეიტყვეს, ყოველგვარი წინააღმდეგობა უნაყოფოდ ჩასთვალეს და მთელი ფლოტი და პონტოს ზღვის გასაღებები ძლევამოსილ ევპატორს გადასცეს.

ამგვარად, ახლა მითრიდატეს ხელში იყო მთელი მცირე აზია, ბითინია, პროვინცია აზია, მიზია, ფრიგია, გალატია, კაპადოკია და უკვე მზად იყო ჯარები ეგეოსის არქიპელაგზე გადასხმისათვის.

მითრიდატე დაუყოვნებლივ შეუდგა ომებისაგან აფორიაქებული მცირე აზიის ოლქების საქმეთა მოწესრიგებას. მან შემოიერთა ლიკია და პამფილია და ყველა ადგილები იონიამდე. ჯერჯერობით წინააღმდეგობას ეწეოდა მდინარე ლიკოსზე მდებარე ლაოდიკეა, სადაც მცირერიცხოვანი მხედრობითა და დაქირავებული მეომრებით თავს აფარებდა ქვინტუს ოპიუსი, რომელიც ცოტა ხნის წინათ პონტოელებმა სასტიკად დაამარცხეს კაპადოკიაში. მითრიდატემ ლაოდიკეის მცხოვრებლებს მაძნეს პირით გამოუცხადა, რომ მათ ქალაქს არავითარ ვნებას არ მიაყენებს, თუ ისინი იქ თავშეთარებულ რომაელ სარდალს დაატყვევებენ და მას გადასცემენ. ქალაქის მცხოვრებლებმა გაათავისუფლეს ოპიუსის დაქირავებულნი, ხოლო თვითონ ოპიუსს დაცინივით წინ ლიქტორები გაუმძღვარეს და ასე დამცირებული მიჰგვარეს მეფეს. ამ ამყ სარდალყოფილს მითრიდატე დიდხანს ბორკილდადებულს დაატარებდა და აჩვენებდა ყველას, ძლეულსა და პატივყარულს. კიდევ უარესი ბედი ხედა წილად მანიუს აქვილიუსს, რომე-

¹ Just., XXXVIII, 4. —7.

ლიც მითრიდატემ კუნძულ ლესბოსზე შეიპყრო. მეფის ბრძანებით მას სახედარზე შესმულს დაატარებდნენ. მეფე მნახველებს ხმამაღლა მოუთხრობდა, რომ ეს იყო მანიუს აქვილიუსი, რომელი სარდალი, ომის მთავარი გამჩალებელი. საშინელი იყო რომაელის აღსასრული. მითრიდატემ პერგამონში ყოფნისას ბრძანა მისთვის პირში გამდნარი ოქრო ჩაესხათ. ამით პონტოელებმა რომაელებს „თავსლავი დაასხეს მექრთამეობისათვის“.

პერგამონში მითრიდატემ თავის ახალი, დიდი იმპერიის ეკონომიური სიმტკიცისათვის, ერთიანი ოქროს მონეტების გამოშვება დაიწყო.

პერგამონიდან მითრიდატე ჩავიდა მაგნეზიაში, ეფესოში და შემდეგ ლესბოსზე — მიტილენაში. პონტოელს თითქმის ყველგან ვულთბილად ხვდებოდნენ და სიამოვნებით დგებოდნენ მისი საბრძოლო დროშის ქვეშ. ასე, ეფესოს მცხოვრებლებს მითრიდატეს სასიამოვნოდ და რომაელთადმი მძულვარების აღსანიშნავად, თავის ქალაქში რომაელთა ქანდაკებები დაუმსხვრევიათ. ზოგიერთი ქალაქი ჯერ ისევ რომაელთა მხარეზე იდგა, მაგრამ მალე მითრიდატემ მათი წინააღმდეგობა გასტეხა. ასე აიღო მან სტრატონიკეა, ჩააყენა გარნიზონი და წინააღმდეგობისათვის მის მცხოვრებლებს ფულადი ჯარიმა დააკისრა. სტრატონიკეაში მითრიდატეს ცოლად შეურთავს ბერძენი ფილოპემენის ასული, მონიმე...

სანამ რომში აღმოსავლეთის გართულებულ მდგომარეობაზე ფიქრით თავს იმტვრევდნენ, მითრიდატემ გადაწყვიტა აზიაში რომაელთა არსებობაჲ კი სავსებით აღეკვეთა. საამისოდ ის ითვალისწინებდა აზიის მოსახლეობაში რომაელთადმი განუზომელ სიძულვილს, გამოწვეულს იქაური ექსპლოატატორების თარეშისაგან.

მითრიდატე ეფესოში იყო. აქედან მან ერთ დღეს, ბითინიის, კაპადოკიისა და ფრიგიის მმართველებს და აზიის ქალაქთა უფროსებს ბრძანება გაუგზავნა, რომლის თანახმად, ამ ბრძანების მიღებიდან ოცდაათი დღის შემდეგ დაეწყოთ აზიაში მცხოვრები ყველა რომაელისა და იტალიელის, აგრეთვე, ეგვიპტელი და ებრაელი ვაქრების ხოცვა-ჟლეტა. ბრძანება სასტიკად კრძალავდა ყოველგვარ შებრალებას; განუზომელად უნდა დაეხოცათ მოხუცი, ბავშვი, ქალი თუ კაცი. აკრძალული იყო მოკლულთა დასაფლავება. სიკვდილი მოელოდა ყველას, ვინც შეეცდებოდა რაიმე დახმარება აღმოეჩინა სასიკვდილო მსჯავრდადებულთათვის. დამარხვისთვისაც სიკვდილით სჯიდა. მონები, რომლებიც თავიანთ ბატონებს დააბეზლებდნენ, თავისუფლებას ლებულობდნენ. ვალის ნახევრისაგან თავისუფლდებოდა ყველა, ვინც კი თავის რომაელ მეგალეს სიკვდილს შეამთხვევდა. ბრძანების თანახ-

მად, ცხადდებოდა განწირულთა მთელი ქონების კონფისკაცია და ვა-
ყოფა მეფესა და მკვლელთა შორის.

ასეთ ბრძანებას საზარელი ხოცვა-ჟლეტა მოჰყვა. ზოგი წყარო-
ების ცნობებით, ეფესოს ელიქტში აღნიშნულ დღეს აზიაში 80.000 უც-
ხოელი (რომაელები, იტალიელები, ებრაელები) გაიჟლიტა.

აზიური ნემეზიდის მსხვერპლი პირველ რიგში რომაელები იყვნენ.
არც ერთი რომაელი ცოცხალი არ გადაარჩენილა აზიაში.

მითრიდატე გადავიდა კუნძულ კოსზე, სადაც მან მოახდინა კონფის-
კაციაქმნილი ქონების განაწილება. აქვე მან ხელთ იგდო ეგვიპტელი
უფლისწულის საგანძური და სხვა ნადავლთან ერთად გაგზავნა პონტოს
სამეფო ხაზინაში.

მითრიდატე არ კმაყოფილდებოდა აზიიდან რომაელების განდევნითა
და განადგურებით. იგი შეუდგა თავისი საზღვაო ფლოტის გაძლიერება-
სა და ჭარების გადასხმას ეგეოსის არქიპელაგზე. სამეფო რეზიდენცია
სინოპიდან პერგამონში გადმოიტანა და ამით უშუალოდ დაუახლოვდა
საომარ ოპერაციათა ასპარეზს. აქედან ის ხშირად თვითონ უდგებოდა
სათავეში ლაშქრობებს.

ეგეოსის უმრავლესი კუნძულები და ქალაქები ევპატორს უბრძოლ-
ველად ნებდებოდნენ. მრავალი მათგანი ზეიმითა და დღესასწაულებით
ულებდა კარიბჭეებს. ჯერჯერობით მითრიდატეს უმკლავდებოდა მხო-
ლოდ როდოსი, რომელიც აზიიდან გამოქცეული რომაელების თავშე-
საფარ ციტადელად ქცეულიყო. როგორც ითქვა, აქვე აფარებდა თავს
აზიის პროკონსული ლუციუს კასიუსი.

პონტოს მეფემ აჩანყებული ლიკიელებისა და როდოსის წინააღმ-
დეგ ბრძოლა პელოპიდეს დაავალა, ხოლო ძლიერი ფლოტისა და მრავ-
კალრიცხოვანი სახმელეთო არმიის თანხლებით არქელაოსი გაგზავნა
ბალკანეთის ნახევარკუნძულისაკენ. თვითონ კი არმიის კონტიგენტების
შესავსებად კრებდა და წვრთნიდა ახალ რეკრუტებს.

არქელაოსმა, სანამ ბალკანეთზე გადავიდოდა, შეუხვია კუნძულ
დელოსზე, სადაც იტალიელები იყვნენ გამაგრებული. ეტყობა, ამ უკა-
ნასკნელთა წყალობით დელოსს უარი განუცხადებია ათენის სუვერე-
ნიტეტის ცნობაზე. არქელაოსმა აიღო კუნძული და იქ 20.000-მდე
კაცი გაჟლიტა, რომელთაგან უმრავლესობა იტალიელები იყვნენ. ამით
არქელაოსმა ეფესოს ელიქტის პროგრამაც განახორციელა და ათენის
გულიც მოიგო, საითაც ის ახლა უნდა გამგზავრებულყო. მან დელო-
სი ათენს უბოძა და ამით მისი მოკავშირეობა მოიპოვა. მაგრამ მით-
რიდატესთვის ეს არ კმაროდა; მას როგორმე უნდა მოეხერხებინა, თვით
ათენში, შიგ საბერძნეთის გულში, თავისი გარნიზონი პყოლოდა. ამ
საქმის შესასრულებლად უხეში მახვილის გამოყენებას სახიფათო პირი
უჩინდა. მართალია, საბერძნეთიც მეტად უკმაყოფილოდ ეხიდებოდა

რომაული ჩაგვრის უღელს, მაგრამ უეცრად ატიკაში ჯარების შეყვანას, შესაძლოა, მითრიდატესთვის არასასურველი შედეგი მოჰყოლოდა. ამიტომ არქელაოსმა ხერხს მიმართა: მასთან ამ დროს იმყოფებოდა ეპიკურული ფილოსოფიის მასწავლებელი, ათენელი არისტინონი, რომელიც მითრიდატეს მეგობრობით სარგებლობდა. მან ლესბოსში ნალაფევი საღვთო ფულები გადასცა არისტინონს ათენის ხაზინაში შესატანად; ამასთანავე „ამ ფულის დასაცავად“ გააყოლა თან ორიათას კაცამდე. ამ ორიათასი მეომრითა და ფულით არისტინონი გამოჩინდა ათენში, სადაც მან ფართო აგიტაცია გააჩაღა მითრიდატეს სასარგებლოდ და რომაელთა წინააღმდეგ საბრძოლველად. ბერძენები ჯერ ისედაც კარგად ჰყვებოდნენ, რომ მითრიდატე ელიზური კულტურის დაცვისა და განთავისუფლების ლოზუნგით იბრძოდა. ქედმაღალი და უხეში რომაელების ძალმომრეობა მათში ზიზღს და სიძულვილს იწვევდა; და, ამრიგად, თუმცა ბერძენთა არისტოკრატია რომაელებს უჭერდა მხარს, არისტინონს ათენში პოლიტიკური გადატრიალებისათვის ნიადაგი გაფხვიერებული დახვდა. მან თავისი ძლიერი ამაღლის დახმარებით სწრაფად გაანადგურა რომაელთა სასარგებლოდ და პონტოელთა წინააღმდეგ განწყობილი არისტოკრატიული დაჯგუფება; მათგან ზოგი დასოცა, ხოლო სხვები მითრიდატეს გაუგზავნა. ათენში დამყარდა არისტინონის ტირანია, რომელიც პონტოს მეფის უმაღლეს ძალაუფლებას ემორჩილებოდა.

არქელაოსის გამოჩენისთანავე საბერძენთის უმრავლესი პოლისები და ოლქები მითრიდატეს დაემორჩილნენ. მთელი პელოპონესი, მრისხანე ლაკედემონელებიც კი, მითრიდატეს მხარეზე დადგნენ. არქელაოსმა შეიერთა, აგრეთვე, მთელი ბეოტია, სადაც მხოლოდ თესპიამ დაიწყო გაძლიანება, რომელსაც არქელაოსმა ალყა შემოარტყა.

არქელაოსის ლაშქარს მითრიდატემ ძლიერი ფლოტი და ჯარი გააყოლა მიტროფანეს სარდლობით. მიტროფანე მიადგა კუნძულ ევბეას — დიდ ქალაქებს დემეტრიადას და მაგნეზიას, რომლებიც მითრიდატეს მორჩილებაზე უარს აცხადებდნენ, და შეუდგა მათ დარბევას. მაგრამ მიტროფანეს წინსვლას გადაეღობა მაკედონიიდან სწრაფი ტემპით მომავალი მამაცი სარდალი ბრუტიუს სურა. მან შესძლო მიტროფანეს დამარცხება და მყისვე მიუბრუნდა ბეოტიას, სადაც ამ დროს არქელაოსი მბრძანებლობდა. ბრუტიუსმა დაუტადა მაკედონიიდან ათასი ცხენოსანისა და ქვეითის მოსვლას და ქერონეასთან შეება არქელაოსისა და არისტინონის ჯარებს. ბრძოლა სამი დღის განმავლობაში გრძელდებოდა და არც ერთი მხარე არ ცნობდა თავს დამარცხებულად. ამ დროს, შეთანხმების საფუძველზე, პონტოელებს მოეშველნენ აქეელები და ლაკედემონელები. ბრუტიუსმა ველარ გაბედა ბრძოლის გაგრძელება და გაეშურა პირველისაკენ, მაგრამ არქელაოსმა აქაც

დაასწრო და პირვესი თვითონ დაიკავა. ამასობაში მიტროფანემ დაიკავა ამასტრეა, ქალკიდა და მთელი ევბეა.

პარალელურად ამ ამბებისა, მითრიდატეს მეგკვიდრე არიართე თრაკიიდან შეიჭრა მაკედონიაში, დაიპყრო ის და დაანაწილა პონტოს ქვეშევრდომ სატრაპიებად.

ამგვარად, 87 წლის დასაწყისში პონტოს მეფის ძალაუფლებას ემორჩილებოდა ყველა რომაული სამფლობელო აღმოსავლეთში. მის ხელში იყო მთელი მცირე აზია, მაკედონიის უდიდესი ნაწილი და საბერძნეთი, ეპირის გამოკლებით. სიცილიიდან დაწყებული მცირე აზიის სანაპიროებამდე ხმელთაშუა ზღვის სრული ბატონ-პატრონი პონტოს ფლოტი იყო. ასე, ერთი ძლიერი დარტყმით ქრებოდა რომაული ბატონობის ვარსკვლავი აღმოსავლეთში. ახლა თვით იტალიის მახლობლად ჩამოწვა საშიში ქარიშხლის, საპასუხოდ „აღმოსავლური ექსპანსიის“ მომასწავლებელი ღრუბელი.

ამგვარად, რომი ჰკარგავდა თავისი მსოფლიო საბრძანებლოს აღმოსავლეთ ნახევარს — ე. ი. იმ ნაწილს, რომლის დაპყრობის შემდეგ ეწოდა მას მსოფლიო სახელმწიფო, რომლის დაუფლებითაც შექმნა მან თავისი ყოვლისმომცველი სისტემა, სპეციფიურად დამახასიათებელი სოციალურ-ეკონომიური და სოციალურ-პოლიტიკური ცხოვრებით.

ეკვი არ არის, რომ ამ დიდ, მანამდე არნახულ, გრანდიოზულ, აღმოსავლურ-პონტოურ საფრთხეს რომში დიდი სოციალური და პოლიტიკური ძვრები უნდა გამოეწვია.

4. „ბიძგის მიმცემი“ მოქმედებაში

ეს დიდი „აღმოსავლური (პონტოური) მოვლენა“ შეიქნა ბიძგის მიმცემი ახალი დიდი სოციალური ჰიდრისა რომში. რომაელთა სამოქალაქო ომის ამ ახალ ეტაპს ეწოდება ბრძოლები მარიუსელებსა და სულანელებს შორის. სოციალური ბრძოლის ამ საფეხურის სი ა ხ ს ლ ე რმაში მდგომარეობს, რომ პ ი რ ვ ე ლ ა დ „ბელადემი“ დიდი არმიებით უკვე ნამდვილი საომარი წესებით ებრძვიან ერთმანეთს და (ამ ბრძოლაში) სამშობლო თითქოს პრიზის (prize) როლს ასრულებდა¹.

მრავლისმეტყველია ამაინეს ეს პასაჟი. ჩვენ აქ ვიხედავთ ახალ დიდ სოციალურ ძალებს — არპიებსა და სარდლებს — რომლებიც საკუთარ ინტერესთა საკუთრებებზე მსხვერპლად სწირავენ patria-ს ყოველგვარ იდეალს. ეს იყო პირველი დიდი სოციალური შედეგი მარიუსის სამხედრო რეფორმისა, რომელმაც რომაული სამოქალაქო ლაშქარი პროფესიონალური არმიით შესცვალა. რაკი საპლანტაციო მეურ-

¹ App. Bel. civ. 1. 35.

ნეობამ აგროკოლა-მეომართა რიცხვი შეამცირა, მარიუსმა არმიების დაკომპლექტება პროლეტარებითა და პროვინციალებით დაიწყო. ბუნებრივია, არმიას თითქმის აღარავითარი კავშირი აღარ უნდა ჰქონოდა „შობიური რესპუბლიკის“ ინტერესებთან, პირიქით, იგი თვითონ შეიქნა მთავარი იარაღი რესპუბლიკის დამსობისათვის. დგება დრო, საიდანაც არმიები იწყებენ რესპუბლიკის შეცვლას იმპერიით. სახელმწიფო ცხოვრების ცენტრი კურიიდან სამხედრო ბანაკში გადადის. ამიერიდან რესპუბლიკას აღარ ჰყავს ჯარისკაცები, რადგან ისინი უკვე ეკუთვნიან მხოლოდ მარიუსებს, სულებს, პომპეუსებს და კეისრებს. ამიერიდან ინდივიდუალ-იმპერატორებს შეუძლიათ, ომის ნააღფევით გაერთვულბულ არმიაზე დაყრდნობით, სენატს ხელიდან გამოკვლიჯონ სახელმწიფოს მართვა-გამგეობის სადავეები. მათ შეუძლიათ რესპუბლიკური კონსტიტუციით ნაკურთხი ექვსთვიანი dictatura სამუდამო ერთპიროვნულ „ტირანიად“ აქციონ.

იწყება ბრძოლა ინდივიდუალ-„ტირანთა“ შორის უბრწყინვალე-ლესი „პრიზისათვის“ — რომის უმაღლესი ხელისუფლების დაპატრონებისათვის. ამ უცნაური „საპრიზო ბრძოლის“ მთავარი და უპირველესი გმირები შეიქნენ გაიუს მარიუსი და ლუციუს კორნელიუს სულა.

საიმპერატორო ხელისუფლებისათვის ბრძოლის ისტორიის პირველი სისხლიანი ფურცელი, რომელიც მარიუსმა და სულამ მახვილთა ჯვარედინით გადაშალეს, სწორედ აღმოსავლეთის გამძაფრებულ სიტუაციას დაუკავშირდა.

ვინ იქნება ის, ვინც დაუბრუნებს „მსოფლიო ქალაქს“ ასე ხელი-ერთპირად დაკარგულ აღმოსავლეთს? ვის ძალუძს კვლავ ჩართოს რომაული ეკონომიკის ბრუნვაში აწ მოკვეთილი, მუდამ სისხლჭარბი აღმოსავლური არტერიები? ვის შეუძლია კვლავ დაუბრუნოს დიდებამოსილება აზიელი მბრძანებლისაგან შერცხვენილ და გწბილებულ რომაულ მახვილს?

რომში ბევრი პოლიტიკური მოღვაწე სურვილობდა, სათავეში მოქცეოდა ამ ურთულესი და იმავე დროს უაღრესად მომხიბვლელი მისიის განხორციელებას.

მოსალოდნელი იყო, ერთადერთი შესაფერისი კანდიდატურა მაინც გაიუს მარიუსი ყოფილიყო. მან ხომ მრავალგზის იხსნა ქვეყანა შერცხვენისა და აშკარა დამხობისგანაც კი, მაგალითად კმარა მისი ღვაწლი, განსახებული აფრიკასა და ჩრდილოეთ იტალიაში. პირველი, ეს იყო „იუგურთას ომი“ — რომის სამხედრო-პოლიტიკური და მორალური დაცემულობის საშინელი დრო, როცა ნუმიდიელმა მეფეუკამ ლამის მთელი რომი ოქროზე იყიდა. მხოლოდ მარიუსის ნიქმა და პატიოსნებამ შესძლო ძალა წაერთმია იუგურთას მრავლისმალწყებელი სარკავმისა-

თვის: „ოო, გასაყიდო ქალაქო, შენ მაშინვე გაიყიდები, როგორც კი შესაფერი მყიდველი გამოვიჩინდება!“ მარიუსმა ხუშიდიელი ავანტიურისტი გაანადგურა და სამხრეთის (აფრიკის) მიწაზე მორყეული სამანები ძლიერი მკლავით კვლავ გაამაგრა და განამტკიცა. შემდეგ ის იყო და ჩრდილოეთიდან რომს წალეკვით დაემუქრნენ კიმბრ-ტევტონთა ურდოები. „შავი ოქტომბერი“ სულშემხუთავად დააწვა რომს¹. კვლავ მარიუსი მოევლინა ქვეყანას მხსნელად. მისი სარდლობით რომაელებმა გაანადგურეს კიმბრები და ტევტონები. მარიუსი სახალხო გმირად იყო ქცეული. არპინუმელი *homo novus*¹ გაუთლელი და გაურანდავი „სოფლელი კაცი“ (*rusticanus vir*) ახლა უფრო დიდ სახელ-დიდებაზე ოცნებობდა. დრომაც არ დააყოვნა და მარიუსის ახალ აღზევებას თითქოს საიშედო პირით შესცინა: პონტოელებმა რომაელებს აღმოსავლეთი წარკეეტეს და ადრიატიკსაც მიადგვნენ. უკვე 60 წელს გადაცილებული მოხუცი, პატივისა და დიდებისმოყვარეობით ჭკუადაკარგული, ყოველნაირად ცდილობდა, მტერ-მოყვრისათვის ეჩვენებინა, რომ მის ბებერ ძარღვებში ახალგაზრდული სისხლი და ენერგია არ გამშრალა და არც მის სამხედრო გენიას შეჰპარვია ჩრჩილი კვდომისა.

თვითონ მარიუსი, დარწმუნებული ახალი აღმოსავლური ომის იოლობასა და შემოსავლიანობაში, იმავე დროს დაჯერებული იყო, რომ „მას აირჩევენ მთავარსარდლად და რომს ააესებს ახალი ტრიუმფებით, ხოლო თავის სახლს — პონტოური ნადავლითა და სამეფო სიმდიდრეებით“².

მაგრამ პონტოური სიმდიდრეებისა და აღმოსავლური სახელ-დიდების მოპოვებისათვის ბრძოლაში გაიუს მარიუსს დიდი მეტოქე გამოუჩნდა. მისი სახელი არის ლუციუს კორნელიუს სულა. ახალგაზრდა, ნიჭიერი, ცბიერი და მოხერხებული არისტოკრატი თავიდანვე გაანგარიშებულია. სიხუსტით შესდგომოდა არპინუმელი გლეხის დაჩრდილვას. იგი მისთვის ჩვეული გონებამახვილობითა და ცინიზმით ამდაბლებდა მარიუსის ღვაწლმოსილებას. იუგურთაზე გამარჯვებას თვითონვე მიიწერდა და საბუთიც ჰქონდა, რაკი მან, მარიუსის ქვესტორმა, პირადად შეიპყრო ხუშიდიელი მეფე; კიმბრ-ტევტონებზე გამარჯვებას მეტელუსს აკუთვნებდა, და ა. შ. სულამ მარიუსი სავსებით დაჩრდილა „მოკავშირეთა ომში“, როცა მან მთელი იტალია ნასახლარებად და ნახანძრალებად გადააქცია.

რაც მთავარია, სულა კარგად იყენებდა მარიუსის პოლიტიკურ დაბნეულობას იმ დროის რთული სოციალური შეხლა-შემოხლის პირო-

¹ 105 წლის 6 ოქტომბერს არაუსიონთან ბრძოლაში კიმბრ-ტევტონებმა გაანადგურეს რომაელთა 80,000-იანი არმია. ამიტომ ეს ცილე რომში „შავ ღღელ“ ითქვამოდა.

² App., *Bel. civ.* I. 55.

ბებში. მარიუსმა ხომ, როგორც პოპულართა ბელადმა, ვერ შესძლო ხალხის მასების მოთხოვნათა დაკმაყოფილება. ამიტომაც მისი ავტორიტეტი ხალხში ნელ-ნელა გაფერმკრთალდა. რასაკვირველია, მარიუსი კვლავ პოპულართა რჩეულ ბელადად რჩებოდა, მაგრამ საეკვეო იყო, რომ მისი საყრდენი სოციალური ძალა გადამწყვეტი ბრძოლის პომენტში საიმედო ძალად დარჩენილიყო.

სულა სენატისა და ოპტიმატების ბელადად აცხადებდა თავს. იგი არაფერს არ იშურებდა, გაემწვავებინა სენატის ისედაც ძტრული განწყობილება მარიუსისადმი, რომელიც კბილებით ჩაჰტრენოდა აღმოსავლეთის მთავარსარდლობას.

საერთოდ, სულასა და მარიუსის ბრძოლა აშკარა გამოსატულემა იყო ორი დიდი სოციალური წრის ბრძოლისა — არისტოკრატებისა და დემოკრატებისა. არისტოკრატები და დემოკრატები, თავმოყრილნი სამხედრო დიდებით სახელგაითეულ ძაოიუსსა და სულას გარშემო, ძალიან იყვნენ დანტერესებულნი იმით, რომ მითრიდატესთან დაწყებულ ომში აღმოსავლეთის არმიის სარდლად მათი კაცი ყოფილიყო, რადგანაც ძლევამოსილი ონი განამტკიცებდა შესაბამისი პარტიის პოზიციებს რომში, მიიღებდა რა თავის განკარგულებაში ერთგულ არმიებსა და აზიურ სიმდიდრეებს.

სანამ მარიუსი ბაიას ცხელი აბაზანებით ბებერ, რევატიზმებით ჯანგაცილ სხეულს „იასალგაზრდავებდა“, მისმა ძეტოქემ უკვე მიაღწია თავის საწადელს. მ მ წელს კონსულებად გავიდნენ ლუციუს კორნელიუს სულა და კვინტუს პომპეიუს რუფუსი. სულა შეიქმნა მთავარსარდალი ახალი აღმოსავლური ლაშქრობისა. ნოლაში (კამპანია) მას ელოდებოდა ექვსი ლეგიონი მითრიდატეს წინააღმდეგ სალაშქროდ.

მაგრამ მარიუსმა არ დასთმო „აღმოსავლური“ ოქროს კვერთხი. იგი შეუთანხმდა სანალხო ტრიბუნ პუბლიუს სულპიცუს რუფუსს, რომელმაც შეადგინა კანონ-პროექტი რომაული მოქალაქეობით ახლად აღჭურვილი იტალიკების ქვირიტულ ტრიბებზე მიწერის შესახებ. ამით მარიუსს საშუალება ეძლეოდა გაეზარდა თავის მომხრეთა რიცხვი კომიციებში. ეს კი მას სკირდებოდა ისევე აღმოსავლეთის მთავარსარდლობის მოსაპოვებლად. მთავარი სწორედ ეს იყო: სულპიცუსის კანონ-პროექტი ითვალისწინებდა სულას გადაყენებას და მარიუსის დანიშვნას მითრიდატეს წინააღმდეგ ომში.

სულას აჩერად ნამდვილად შეეძლო „რესპუბლიკის სიწმინდის დაცვის დროშით“ გამოსულიყო ძეტოქის წინააღმდეგ საბრძოლველად, სენატი და ოპტიმატები დაირაზმნენ სულპიცუსის კანონ-პროექტის სალაკვიდაციოდ. რელიგიური დღესასწაულების მომიხეზებით გამოცხადდა iustitium, რომლის მიხედვით, როგორც წესი, შეწყდა ყოველგვარი პოლიტიკური საქმიანობა რომში. მაშინ სულპიცუსი სამ-

ზადისს შეუდგა შეიარაღებული გამოსვლისათვის (1). მან ფორუმზე გამოიყვანა 3.000 იარაღასხმული მომხრე. ამას გარდა, მან მანამდეც თავის გარშემო ორგანიზებულ აძალად (1)ყავდა 600 ახალგაზრდა მხედარი, რომელთაც ის ძალიან მრავლისმთქმელი სახელწოდებით მოიზენიებდა — „ანტისენატი“.

სენატი სისხლისღვრის განმეორებას შეუშინდა და justitium გაუქმებული იქნა. სულპიცეუსმა თავისი კანონი კომიციებზე დაუბრკოლებლად გაატარა.

სულამ დაინახა, მთავარსარდლობა ხელიდან ეცლებოდა. იგი სასწრაფოდ გაეშურა ნოლაში, სადაც ლეგიონები მოუთმენლად ელოდნენ აღმოსავლეთში გამგზავრებას. იქითკენვე გაეშურნენ სულპიცეუსისაგან გაგზავნილი სამხედრო ტრიბუნები, რომელთაც ლეგიონები უნდა გადაეცათ ახლადდანიშნული მთავარსარდლისათვის — მარიუსისათვის.

სულამ სახელმწიფოს ბედი თავის სიცოცხლესთან ერთად შეაგდო ყოფნა-არყოფნის სასწორზე, ოღონდ კი მოპირდაპირისათვის არ დაეთმო „აღმოსავლეთის ტახტი“. მან გადაწყვიტა იარაღის ძალით გადაეჭრა საკითხი. ცბიერმა დიპლომატმა ყველაზე მგრძნობიარე ნერვი გაუღიზიანა მმარცველობისათვის წკიპზე შემდგარ ლეგიონერებს. მან არმიას გააცნო რთმში დატრიალებული ამბები, რომ სულა გადააყენეს თავხედმა სულპიცეუსმა და მარიუსმა, რომ მის მადიერად მთავარსარდლად დანიშნულია მარიუსი, რომელიც აღმოსავლეთში სალაშქროდ, რასაკვირველია, სულ სხვა, თავისი ვეტერანებისაგან შედგენილ არმიას წაიყვანს.

ეს მოკლე განცხადება სავსებით საკმარისი გამოდგა იმისათვის, რომ რომის პოლიტიკური და სოციალური ისტორია სავსებით ახალ, კვლავ უპრეცედენტო გზას დასდგომოდა, არმია, რომელიც სულას დეაგოგიამდეც მოუთმენლად პიისწრაფოდა მითრიდატეს წინააღმდეგ საომრად, როგორც შემოსავალთა დიდი წყაროს დასაუფლებლად, დარწმუნებული იყო, რომ მარიუსი სხვა არმიას წაიყვანდა აღმოსავლეთში გასამდიდრებლად.

და აი, ერთბაშად განუღავნდა ის, რის პერსპექტივასაც თავისი რეფორმით საფუძველი დაუდო თვით მარიუსმა: არმიამ პირველად რომის სამხედრო და პოლიტიკურ ისტორიაში ხეა აღიმალა როგორც ყოველგვარა სახელმწიფოსაგან (მათ შორის მშობლიურისაგან) დამოუკიდებელმა დიდმა სოციალურმა ძალამ. სულამაც დაინახა ის, რის დანახვაც მას ასე სწყუროდა: ექვსი რომაული ლეგიონი სულერთიანად მისი ორეულისაგან შესდგებოდა, მას თვალში შესცქეროდა 35.000 პატარა სულა, მმარცველობისა და გამდიდრების დაუოკებელი წყურვილით სისლამდვრეულნი, რომელნიც სიკვდილ-სიცოცხლის ფსადაც არავის დაუთმობენ მდიდარი აღმოსავლეთის საძარცვავ ასპარეზს.

მათი სურვილია, დაუყოვნებლივ განადგურდეს ყველა და ყველაფერი; ვინც და რაც წინ ელობება მათს აღმოსავლურ ლაშქრობას.

მაშ, პირველი საფრთხე ელის თვითონ მარიუსს, ვინაც მორჩილი აგრიკოლა-მოლაშქრე გულქვა და გულხარბი პროფესიონალი ლეგიონერთი შესცვალა.

მაგრამ ჭარისკაცები მარიუსის დასჯის მოთხოვნით როდი იწყებენ. ისინი უფრო დიდი, მანამდე ხელშეუხებელი, გრანდიოზული კერპის ხელისხლებას მოითხოვენ. ეს კერპი არის თვითონ რომი, მშობლიური ქალაქი! და აი, ჭარისკაცებმა, რომელთაც კარგად ესმოდათ სარდლის ნაფიქრალი და თანაც ეშინოდათ „ლაშქრობა არ დაჰკარგვოდათ“, სულას „მოსთხოვეს ვაბედულად წაეყვანა ისინი რომში“¹.

მაშასადამე, რომაელებმა იარალი აღმართეს რომზე, რასაც ვერ ბედავდა რომის მტერთაგან უსაშინელესი ჰანიბალიც კი.

ამ საოცარი მოვლენის პრეცედენტად არც მარიუს კორიოლანუსის მაგალითი გამოდგება: კორიოლანუსმა ხომ უცხოელები და არა თანამემამულენი მიუსია მშობლიურ ქალაქს. გაიუს გრაკუსის მიმდევრებიც ხომ კრეტელი მეომრების ხელით დახოცეს ოპტიმატებმა.

სულას ჭარისკაცებმა დაიწყეს იმით, რომ იქვე, ნოლაში, დახოცეს მარიუსისა და სულპიცუსის მოციქული სამხედრო ტრიბუნები.

და სულამ დაუყოვნებლივ დასძრა ლეგიონები რომისაკენ.

ამგვარად, რომაული ლაშქარი „პირველად შევიდა მშობლიურ მიწაზე, როგორც მტრის მიწაზე“². ამიერიდან რომი საომარ ასპარეზად აქციეს სარდლებმა და მათმა ერთგულმა არმიებმა, „სიტყვით შეამბოხეთა წინააღმდეგ, საქმით კი სამშობლოს წინააღმდეგ“. ამიერიდან ერთპიროვნულ ძალაუფლების მაძიებლნი თავიანთი ლეგიონებით იჭრებოდნენ რომში, „როგორც მტრის ქვეყანაში; უწყალოდ ანადგურებდნენ ყველას, ვინც წინ დაუდგებოდნენ, ზოგს პროსკრიპციებით ამთხვევდნენ სიკვდილს, ან განდევნიდნენ, ქონებას ართმევდნენ, სხვებს კიდევ საშინლად აწამებდნენ“³.

ამგვარად, აღმოსავლეთის საკითხმა რომის ისტორიაში სრულიად ახალი ფურცლები გადაშალა — ესაა ბრძოლა ერთპიროვნული დიქტატურის დამყარებისათვის რომში; ბრძოლა დრომოქმულ-მონათმფლობელურ-რესპუბლიკურ ხელისუფლებასა და აუცილებლობით გამოწვეულ მონარქიულ-იმპერატორულ ტენდენციებს შორის.

მაშ, სულა რომში შევიდა „როგორც მტერი აზრითაც და საქმითაც“. მარიუსისა და სულპიცუსის ძალები დამარცხდნენ. პოპულართა ბელადები გაიქცნენ. სულამ მარიუსის მიმდევრები სახელმწიფოს მტრე-

¹ App., Bel. civ I. 57.

² ibid. 57.

³ ibid., I. 2.

ბად გამოაცხადა და მათ დევნას შეუდგა. სულპიცეუსი შეაპყრეს, თავი მოჰკვეთეს და სულას მიუტანეს. სულამ ტრიბუნის თავი ფორუმზე გამოჰკიდა. სულანელები გაავებულნი ეძებდნენ მარიუსს. იტალიის ყოველ კუთხეში, კლდე-ღრეებში და ტყეებში, თუ ჭაობებსა და ლაქა-შებში, აფარებდა თავს მარიუსი — ერთ დროს „რისხვა მტრებისა, იმედი და საყრდენი სასწობლოსა“, ახლა თანამემამულეთაგან დევნილი და მიუსაფარი. ბოლოს, დიდის ვაივაგლახითა და კირთა ძლევის შემდეგ, როგორც იქნა, აფრიკაში ჩაიტანა გვემული სული და სხეული.

სულა კი რომს დასცხრომოდა თავისი ლეგიონებით. მან „დაამხო ტირახია“, როგორც შეჰპირდა სენატს. მაგრამ ყველა ხედავდა, რომ ფაქტიურად მან მარიუსის „ტირახიის“ ცდა საკუთარი, უფრო ავისმალუწყებელი ტირახიის დამყარებით განაგდო. სულა ფრთხილობდა, შორს იცქირებოდა. მთავარი საზრუნავი (აღმოსავლური ლაშქრობა), რისთვისაც მან ამდენი სისხლი ჰღვარა, ჯერ კიდევ წინ ედო. ამიტომ მან, თუმცა შერყეული და შეძრწუნებული, მაგრამ მაინც ფეხზე მდგარი სენატი გაამაგრა და გააძლიერა, მას დაუბრუნა auctoritas senatus, რაც გრავესების დროიდან სენატს წართმეული ჰქონდა. ე. ი. ამიერიდან სენატის წინასწარი განხილვისა და მოწონების გარეშე ვერც სახალხო ტრიბუნი და ვერც სახალხო კრება ვერავითარ კანონსა და ღონისძიებას ვეღარ მიიღებდა. სულას ბრძანებით სენატში დამატებით იქნა შეყვანილი სამასი კაცი — ე. ი. სენატის წევრთა რიცხვი ექვსასამდე გაიზარდა. დაუყოვნებლივ გაუქმდა სულპიცეუსის კანონდებლობაც, რომელსაც ისე თავგამოდებით ებრძოდნენ ოპტიმატები.

სულამ ჩაატარა კონსულთა არჩევნები მომავალი წლისათვის. მან კონსულად გაიყვანა თავისიანები, გნეუს ოქტავიუსი და ლუციუს კორნელიუს ცინა.

ამრიგად, სულამ რომში მდგომარეობა სტაბილურად მიიჩნია და 87 წლის ადრიან გაზაფხულზე აღმოსავლეთისკენ გაეშურა.

მაგრამ ის ბალკანეთზე ფენშედგმულიც არ იქნებოდა და რომში ატყდა ბრძოლა კონსულებს შორის. ცინამ განაახლა კანონი, რომელიც წინა წელს წამოაყენა ტრიბუნმა სულპიცეუსმა, ე. ი. მოითხოვდა თანასწორუფლებიანობას ძველ და ახალ (იტალიკები) მოქალაქეთა შორის (ისინი ერთნაირად უნდა განაწილებულიყვნენ ყველა ტრიბაზე). ამას გარდა, აშნისტია ენიჭებოდა ყველას, ვინც დევნა განიცადა სულას რეჟიმისაგან. ცინამ ეს კანონ-პროექტი შეიმუშავა სახალხო ტრიბუნებთან ერთად. ერთი სიტყვით, იგი შეიქმნა. პოპულარების აღიარებული ბელადი სულანური სენატისა და ოპტიმატების წინააღმდეგ. ეს უკანასკნელნი შემოიკრიბნენ მეორე კონსულის, ოქტავიუსის გარშემო.

კანონ-პროექტის კენჭისყრის დღეს ფორუმზე ახალი ხოცვა-ჟლეტა

გაჩაღდა. ორივე მხრიდან მოკლული იქნა 10.000 კაცი. პოპულარები დამარცხდნენ. ცინა რომიდან გაიქცა. სენატმა იგი გადაყენებულად და სახელმწიფოს მტრად გამოაცხადა. მის მაგიერად კონსულად არჩეული იქნა უმაღლესი ქურუმი ლუციუს მერულა.

მაგრამ პოპულარები ბრძოლას არ წყვეტენ. მათი ბელადები — ცინა, ქვინტუს სერტორიუსი და გნეუს პაპირუსი — ზთელი იტალიის მოსახლეობას მოუწოდებდნენ სულანელთა „ტირანიის“ წინააღმდეგ სალაშქროდ. იტალიეებს სოციალური და პოლიტიკური სიახლოვე, რასაკვირველია, უფრო პოპულარებთან ჰქონდათ, ვიდრე ოპტიმატებთან. ამიტომ ცინამ და მისმა თანამებრძოლებმა მალე მოუყარეს თავი სარეჯანშო ბრძოლისათვის საჭირო ძალებს.

რაც მთავარია, ცინას კანონით გამოცემულმა ამნისტიამ იტალიაში დააბრუნა გაიუს მარიუსი. იგი თავისი თანალტოლვილებით ჩამოვიდა აფრიკიდან. ეტრურიაში მისვლისთანავე მან თავი მოუყარა ექვსიათასამდე მეომარს, იტალიეებსა და ლიბერტინებს.

მარიუსმა აიღო ოსტია და პურით მომარაგების გზები გადაუჭრა რომს. ქალაქში შემშლილბა დაიწყო. 87 წლის შუა ზაფხულში, ყოველის მხრიდან გარშემორტყმული, დამშეული რომაელები დანებდნენ რომაელებს!

რომში არნახული ხოცვა-ყლეტა გაჩაღდა. ხუთი დღე-ღამის განმავლობაში მარიუსელები განუწყვეტლივ ეუუჯდნენ სულანელებს. მარიუსი არ ინდობდა არავის, ვისაც კი ოდნავი ეჭვით სულას მომხრედ ან უბრალოდ მისდამი გასიმპათიურებულად მიიჩნევდა. შურით აღვსილი, გაბოროტებული მოაუცი ახლა სწორედ ისე იქცეოდა, როგორც შემდგომში მისი დიდი მეტოქე — მოსისხლე, ლუციუს კორნელიუს სულა, — „ბოროტებით ბორბების მკურნალი“. ახლა მარიუსმა გამოაცხადა სულა სახელმწიფოს მტრად. ყველა მისი ღონისძიება გააუქმა და, რასაკვირველია, მთავარსარდლობაც „ჩამოართვა“. 86 წლისთვის მარიუსი მეშვიდედ იქნა კონსულად არჩეული, ცინა კი მეორედ. ბუნებრივია, არავის გაუხსენებია, — ან გახსენებას ვინ გაბედავდა — რომ ერთი და იგივე პირის კონსულად მეორედ არჩევისათვის ათწლიანი დისტანცია იყო საჭირო. მარიუსი ოცი წლის მანძილზე შვიდჯერ იყო კონსულად, ხოლო ცინა სამჯერ ზედიზედ.

მარიუსს ალბათ სურდა კიდევ წასულიყო აღმოსავლეთში „გადაყენებული“ მეტოქის შესაცვლელად, მაგრამ სიკვდილმა უსწრო (86 წლის ნანვარში) და მითრიდატეს წინააღმდეგ საომრად გაემგზავრა მარიუსის მონაცვლე ახალი კონსული ვალერიუს ფლავუსი, ხოლო მარიუსის ერთპიროვნული დიქტატურა მთლიანად ხელთ იგდო ცინამ...



5. „დასავლელი დიქტატორი“ აღმოსავლეთში

სოლო ამ დროს სულა — „დასავლელი დიქტატორი“ — მძინევარებას იწყებს აღმოსავლეთში. იგი ბალკანეთზე გადასვლისთანავე შეიჭრა ბეოტიაში. შიშით შეპყრობილი აქაური ქალაქების ნაწილი მაშინვე მის მხარეზე გადავიდა, მათ შორის ბეოტიის ცენტრალური ქალაქი თებე. რომელმაც ადრე მითრიდატეს გამოუცხადა მორჩილება. ბეოტიის ის ქალაქები, რომლებიც ჯერ კიდევ არ ფიქრობდნენ პონტოელთა დალატს, სულამ მოულოდნელი თავდასხმით ჩაიგდო ხელში.

შემდეგ სულა მიუახლოვდა ატიკას. აქ მან ჯარი გაჰყო ორ ნაწილად: ერთი გაგზავნა ათენის წინააღმდეგ, სადაც გამაგრებული იყო არისტოილი, ხოლო თვითონ, მეორე ნაწილით, გაეშურა პირეესისაკენ, სადაც ძლიერი ლაშქრით მითრიდატეს ელოდებოდა სარდალი არქელაოსი. რომაელებმა იერიში მიიტანეს პერიკლეს დიად ქმნილებაზე. სულამ ბრძანა საიერიშო კიბეები მიედგათ ორმოცი წყრთის სიმაღლე ქვის კედლებისათვის, შესულიყვნენ და თავს დასტყდომოდნენ სიმაგრის შიგნით ჩარახმულ მოწინააღმდეგეს. რომაელები ათიათასამდე წყვილ სახედარს ამუშავებდნენ ახალ-ახალი საიერიშო მოწყობილობებისა და ნიწყარილების აღსამართავად. პირეესში გამაგრებული პონტოელები შედგრად იცავდნენ თავს. ისინი უმალვე ანგრევდნენ და წყავდნენ ყოველ ახალ მოწყობილობას, როგორც კი რომაელები აღმართავდნენ მას კედლების გადასალახავად. სულა იძულებული შეიქნა იერიშებზე დროებით ზელი აეღო; ის დაბრუნდა ელევსინში და მეგარაში და შეუდგა შეტევისათვის ახალ სამზადისს.

უპირველესად საჭირო იყო ხე-ტყე ახალი კატაპულტების, საიერიშო მანქანებისა და კიბეების ასაგებად. საამისოდ სულამ არ დაზოგა ცივილიზებულ ადამიანთათვის სათაყვანო, უწმინდესი ადგილებიც კი. მისი ბრძანებით გაჩვენეს აკადემიისა და ლიკეიონის ბრწყინვალე ხეივნები. რომაელმა სარდალმა არანაკლები მკრეხელობა ჩაიდინა ფულის შესაგროვებლად. მან ბრძანება გასცა გაეძარცვათ ეპიდავრის ასკლეპიონისა და ოლიმპოს მდიდარი ტაძრები. ამავე დროს მან ბრძანება გაუგზავნა დელფოს აპოლონის ტაძრის ამფიქტიონებს, რომ დაუყოვნებლივ გადაეგზავნათ მისთვის იქ არსებული მდიდარი განძეულობანი. ამგვარად, საბერძნეთის ბრწყინვალე ტაძრები, საუკუნეების მანძილზე უბრწყინვალესი შესაწირავებით აღვსილნი, კორნელიუს სულამ შეუბრალებლად გაძარცვა და გააპარტახა. რასაკვირველია, ბერძენთა პროტესტს ანგარიშს არ გაუწევდნენ ისეთი ადამიანები, რომლებმაც „საკუთარი სამშობლოც კი ყიდვა-გაყიდვის საგნად აქციეს“¹.

მიღებული ფულადი თანხები სულას პირველ რიგში უნდა გამოეყე-

¹ Plut., Sul. 12.

ნებინა ათენისა და პირეესის ალყის წარმატებით გასაგრძელებლად; შემდეგ, საშუალება ეძლეოდა ჯარისკაცებისთვისაც გაესწორებინა ანგარიში.

სულამ კვლავ გააჩაღა იერიშები ათენზე და პირეესზე. არქელაოსის ბანაკში მოღალატენი გაჩნდნენ. ორი ატიკელი მონა პონტოელთა ბანაკიდან რომაელებისაკენ შურდულით ტყორცნიდნენ ტყვიის ბურთულებს, რომლებზეც წარწერები სულას ატყობინებდნენ, თუ რა ღონისძიებებისა და გეგმების განხორციელებას აპირებდნენ პონტოელები. ასე, მათ სულას შეატყობინეს, რომ მომავალ დღეს არქელაოსის ქვეითი ჯარი პირდაპირი ფრონტით დაესხმოდა თავს პირეესის კედლებთან საალყო მანქანებზე და მიწაყრილებზე მომუშავე რომაელებს, ხოლო კავალერია ორივე ფალანგიდან შეუტევდა მათ. ე. ი. პონტოელ სარდალს მშვენივრად ჰქონდა საბრძოლო გეგმა მოფიქრებული, მაგრამ სულამ მოღალატეთაგან მიღებული ცნობის საშუალებით ბრწყინვალედ მოიგერია არქელაოსის შემოტევა.

მაგრამ პირეესის ალყა მაინც ჰიანურდებოდა. მოწინააღმდეგენი გააფთრებული სისხლთანთხევით ართმევდნენ ერთმანეთს ყოველ გოჯ მიწას. როცა სულამ მაღალი კედლის გადასალახავად მიწაყრილები აღმართა, მასზე აცოცებულ რომაელებს არქელაოსმა ახალი სიმაგრეები და გოდოლები დაახვედრა. ამავე დროს, პონტოელმა სარდალმა პირეესის დამცველთა რაზმები თავისი ფლოტის მეზღვაურებით გააძლიერა. ღამით პონტოელები გადაცოცდნენ კედლებზე და დაანგრიეს და დასწვეს სულას ახლად აღმართული საიერიშო მოწყობილობანი. მაგრამ რომაელებმა ათი დღის განმავლობაში კვლავ განაახლეს ისინი; თავის მხრივ, პონტოელებმაც მათ წინააღმდეგ ისევ აღიართეს ციხე-კოშკები.

ამასობაში არქელაოსმა მითრიდატესაგან მიიღო მაშველი ძალები დრომიქეტეს მეთაურობით და გადაწყვიტა მთელი ძალებით გამოსულიყო რომაელთა წინააღმდეგ.

პირეესის კედლებთან მაშხალების შექმზე საშინელი სისხლისღვრა გაიმართა. ბრძოლის სასწორი დიდხანს ქანაობდა. სარდლები ბრძოლისაკენ ძლივს აბრუნებდნენ ხოცვა-ჟლეტით შეძრწუნებულ მეომრებს. სულას არმია გაჭირვებისაგან იხსნა ხე-ტყის დამზადებიდან დაბრუნებულმა მეორე ლეგიონმა და სახელმწიფო დამნაშავეებმა, რომელთაც მისჯილი ჰქონდათ ბრძოლით გამოეცხიდათ თავისი დანაშაული. ისინი განსაკუთრებული სიაფთრით შეებნენ პონტოელებს. ამ უკანასკნელთ იწყეს უკან დახვევა. არქელაოსი ამაოდ ცდილობდა ბრძოლის ბედის შემობრუნებას. არც ამ შეტაკებას მოჰყოლია გადამწყვეტი შედეგი. პირეესი და ათენი კვლავ მედგრად იცავდნენ თავს. ზამთარი იტეებოდა და საბრძოლო მოქმედებანიც უნდა შესუსტებულიყო, მაგ-

რამ მოწინააღმდეგენი მაინც არ ცხრებოდნენ. სულა კვლავ ელევსინ-ში გამაგრდა და ზღვისაკენ დაიწყო ღრმა თხრილების გაყვანა, რათა ამ მხრიდან თავი დაეზღვია მოწინააღმდეგის კავალერიის შემოტევისაგან. მაგრამ ამ ხნის განმავლობაში არქელაოსს კედლებს გარეთ გამოჰყავდა თავისი მეომრები და მოსვენებას არ აძლევდა რომაელებს. სულას კიდევ უფრო უჭირდა, რადგან ზღვაზე არც ერთი ხომალდი არ ჰყავდა და ამის გამო პონტოელებს საშუალება ეძლეოდათ ზღვიდანაც დასხმოდნენ მას თავს. რომაელმა სარდალმა დახმარება სთხოვა როდოსს, მაგრამ როდოსელებმა ვერ მოახერხეს მიშველბოდნენ მას, რადგან ზღვაზე მითრიდატეს ფლოტი მბრძანებლობდა.

მაშინ სულამ უბრძანა ლუციუს ლიცინიუს ლუკულუსს, საიდუმლოდ ჩასულიყო ალექსანდრიასა და სირიაში და ადგილობრივ ხელისუფალთათვის ეთხოვა დახმარება როდოსის ფლოტის გასატარებლად რომაელთა ბანაკისაკენ.

ომი ჭიანჭურდებოდა, ხოლო რომაელ სარდალს არსაიდან არ უნდა ჰქონოდა დამხმარე ძალების მიღების იმედი. რომიდან საშინელი ამბები მოდიოდა. პოპულარები — მარიუსელები, და ცინას მიმდევრები — დაპატრონებოდნენ რომს. უსუსურ სენატს არავითარი დახმარების გაწევა აღარ შეეძლო თავისი რჩეულისათვის. პირიქით, სულა სახელმწიფოს მტრად გამოცხადდა და მალე მის შესაცვლელად ახალი არმიით აღმოსავლეთისაკენ გაემგზავრა ახალი კონსული ვალერიუს ფლავუსი.

სულას შთავარი იმედი მხოლოდ იმას ემყარებოდა, რომ მითრიდატეს მამველი ძალები იკვიანებდნენ და მარტო არქელაოსისა და არისტონის ჯარები მათზე გაპიროვნებულ საომარ ობიექტებს ვერ შეინარჩუნებდნენ. ამიტომ სულა ერთ წუთსაც არ ჰკარგავდა, რამეთუ მალე დაემთავრებინა პირველისა და ათენის აღება, არ დაეშვა მოწინააღმდეგის არმიების გაერთიანება და ცალცალკე გაენადგურებინა ისინი.

სულა განსაკუთრებით აძლიერებდა ათენის ალყას სპეციალურად გამოყოფილი ჯარის ნაწილებით. ქალაქში შიმშილი მძვინვარებდა; „მშვიერი ხალხი აკროპოლისზე ამოსული ბალახით იკვებებოდა...“¹ „მათ ამოხოცეს მთელი საქონელი... ისინი ხარშავდნენ ტყავებსა და ხარბად ეწაფებოდნენ ნახარშს, ხოლო ზოგიერთი მათგანი ლეშსაც კი სჭამდა...“²

არქელაოსმა პირველის დაცვის პერიოდში რამდენჯერმე სცადა დამშეული ათენისათვის სურსათი მიეწოდებინა, მაგრამ ამ ცდებს ტყუილებრალაო სისხლისღვრის გარდა შედეგად არაფერი მოჰყოლია. როცა არქელაოსი ათენს სურსათ-სანოვაგის გაგზავნას აპირებდა, მისი ბანაკიდან მოღალატეებმა რომაელთა ბანაკში გადაისროლეს ტყვიის

¹ Plut., Sul. 13.

² App., Mithr. 38.

ფიზიკა წარწერით, რომელიც სულს აუწყებდა არქელოსის განზრახვას ათენისადმი პურით დახმარების შესახებ. რომაელმა სარდალმა წაშინვე მიიღო საჭირო ზომები და ხელთ იგდო ათენისაკენ მიმავალი სანოვავე. ასე, გამცემლების წყალობით კიდევ რამდენჯერმე ჩაიშალა შიმშილის განდევნის ცდა ათენიდან. მერე, ლალატის არსებობაში დევნებულმა პონტოელმა სარდალმა თავისი მეომრები ალაყაფის კარებთან საომრად განაღება, რომ ამით რომაელთა ყურადღება ჩამოეშორებინა ქალაქში გაგზავნილი ადალისაგან. მაგრამ სულამ ამჯერადაც ხელთ იგდო ათენელთათვის განკუთვნილი პური, თუმცა იმის საფასურად, რომ ამ ამბის პარალელურად პონტოელებმა პირვესთან დასწევს რამდენიმე რომაული საალყო მანქანა.

ამ დროს, ატიკაში შექმნილი მძიმე მდგომარეობიდან გამოსავალი რედად გამობრწყინდა მითრიდატეს ძის, არიარათეს შეჭრა მაკედონიაში.

პონტოელმა უფლისწულმა სწრაფად დაიპყრო მთელი მაკედონია, ჩააბარა იგი საგანგებოდ დანიშნულ მმართველებს და უშალვე დაიძრა სულას წინააღმდეგ სალაშქროდ. მაგრამ რომაელ „ფელიქსს“ თითქმის მართლაც ბედი წყალობდა: მითრიდატეს მამაცი მემკვიდრე გზაზე ავად გახდა და გარდაიცვალა. ამგვარად, ეს სწრაფი ლაშქრობა სულას წინააღმდეგ, სწრაფადვე შეწყდა.

ათენის დაცვას კიდევ მეტ განწირულებაში აგდებდა თვითონ არისტონის დაუდევრობა და თავგასულობა. მაშინ, როდესაც ათენელი მოქალაქენი შიმშილით ისოცებოდნენ, არისტონი ლხინობდა და განცხრომას ეძლეოდა; თანაც რომაელებს აბრაზებდა და საცინლად იგდებდა. ამით ის კიდევ უფრო ართულებდა და ამძიმებდა იმ საზარელ თავგადასავალს, რაც ელადის ცენტრს უნდა განეცადა სულ მოკლე დროში.

სულამ მთელი ყურადღება ათენზე გადაიტანა. მას უნდა მოესწრო დამშეული ქალაქის აღება. შიმშილისაგან დაოსებული ათენელი მოქალაქენი რომაელებთან ზავის დადებას მოითხოვდნენ. არისტონი იძულებული გახდა დათანხმებულიყო და ელჩი გაეგზავნა სულასათვის. ათენელმა დესპანებმა რომაელ სარდალს თვალწინ გაუშალეს თავიანთი ქალაქის ლეგენდარული და გმირული წარსული, ბერძენ-სპარსელთა ომიანობაში ათენელთა გამარჯვებისა და სხვათა შესახებ. მაგრამ სულას სასაცილოდ აუგდია ათენის წარსული და ელჩებისათვის უთქვამს: „დაბრუნდით, ჩემო საყვარლებო, შინ და თან წაიღეთ ყველა ეგიგაე-არაკები; მე რომაელთაგან ათენში გამოგზავნილი ვარ არა სასწავლებლად, არამედ აჯანყებულთა დასაწყნარებლად“.

სულამ ქალაქი საგანგებოდ ისეთ მარწუხებში მოაქცია, რომ იქე-

დან სათითაოდ ვერავის მოეხერხებინა გაქცევა და დამალვა. ამრიგად, მას სურდა ათენელები სულ დედა-ბუდიანად გაეუქუა.

სარდალმა იერიშისათვის მიზანში ამოიღო ქალაქის კედლების ყველაზე ცუდად დაცული ნაწილი, პირევისისა და საღვთო კარბჭეთა შორის. მიზიდა იქ საიერიშო კიბეები და შეუდგა კედლების ძირის გამოთხრას. რომაელებმა აღნიშნული კედელი მიწაზე დასცეს და შუალამისას (86 წლის 1 მარტს) შეიჭრნენ ქალაქში.

გამხეცებულმა დამპყრობლებმა საშინელ ხოცვა-ჟლეტასა და ძარცვა-გლეჯას მიჰყვეს ხელი. აი, როგორ ასურათებენ ანტიკური ავტორები ათენში დატრიალებულ უბედურებას:

„დაანგრია რა საძირკველამდე მთლიანად კედლის ის ნაწილი, რომელიც გაჭიმული იყო პირევისის კარებიდან საღვთო კარებამდე და გაასწორა რა იგი მსწასთან, სულა შუალამისას თვითონ შევიდა ქალაქში; სთესდა რა საშინელებას, ურიცხვი ბუკნალარის ცემითა და მრისხანე ხმაურით, გამარჯვებული ჯარი, რომელიც სარგებლობდა სარდლისაგან მიცემული ძარცვისა და ხოცვა-ჟლეტის ნებართვით, შიმშელი მახვილებით მოედინებოდა ვიწრო ქუჩებში. რაკი მოკლულებს ანგარიში არ ჰქონდა, ამიტომ მათ დიდ სიმრავლეზე მსჯელობენ ფართობის იმ მოცულობით, სადაც მოედინებოდა სისხლი. რომ არ დავთვალთ დაღუპულთა რიცხვი მთელს ქალაქში, მოკლულთა სისხლმა წაღეკა ქალაქის მოედანთან მთელი კერამიკა დიპილონამდე, ბევრი ამბობს, რომ სისხლი კარებზე გადაიჰკრა და ახლომახლო ადგილები წაღეკა. მაგრამ ამ ამბავის დროს, თუკი ძალდატანებითი სიკვდილით ამდენი ხალხი დაიღუპა, არანაკლები იყენენ ისეთებიც, რომლებიც თვითონ უღებდნენ ბოლოს თავის სიცოცხლეს, რადგანაც მათ გული უკვდებოდათ სამშობლოს საცოდაობითა და მასზე ნაღველით, თვლიდნენ რა მას სამუდამოდ დაღუპულად...“¹.

„...სულა შეიჭრა ქალაქში, და ათენში დაიწყო საშინელი და შეუბრალებელი ხოცვა-ჟლეტა. არც გაქცევა შეეძლოთ მათ სისუსტისა გამო და არც არვინ ინდობდა არც ბავშვსა და არც ქალს. სულამ ბრძანება გასცა ამოეხოცათ ყველანი, ვისაც კი მოახელებდნენ. ბევრი ამ სიტყვების გაჰგონე თვითონ უვარდებოდა მკვლელებს ხელში, რათა მათ დროზე შეესრულებინათ თავიანთი საქმე...“².

სულამ მრავალი ათენელი მოქალაქე დეციმაციის წესით დასაჯა სიკვდილით.

ამასთანავე, რომაელებმა ქალაქის ქუჩებში ხანძრები გააჩაღეს და მალე ათენს სრული დაღუპვა მოელოდა, რომ სულას ანგარიში არ გაეწია რამდენიმე საპატიო სენატორის რეკომენდაციისათვის ბრწყინ-

¹ Plut., Sul., 14.

² App., Mitlir., 38.

ვალე წარსულის მქონე ათენის შესაწყალებლად და სიცოცხლის შესანარჩუნებლად. მან შეწყვიტა ქალაქის ნგრევა-დარბევა იმ „მოტივით“, რომ მკვდართა საპატივემულოდ აპატიებს ცოცხლებს.

მაგრამ ათენი უკვე დანგრეული და გაჩანაგებული დარჩა. მოსახლეობის უმრავლესობა გაიყლიტა, ხოლო დანარჩენები მონებად გაიყიდა. დემოკრატის მოძულე რომაელმა პატრიციუსმა ათენელებს, რომლებიც „სულ ცოტანილა დარჩნენ“, წაართვა და აუკრძალა მათთვის ყველაზე უფრო ძვირფასი დემოკრატიული წესები. თითქოს ის დასცინოდა მის მიერვე გაცემულ მოწყალებას, როცა იგი „ათენელებს აჩუქებს თავისუფლებას, მაგრამ ხმის მიცემის უფლებას, კენჭებითა და ხელის აწევით, ართმევს“.

რომაელმა სარდალმა კვლავ ხელი მიჰყო საბერძნეთის მდიდარი ტაძრების ძარცვას. მან მარტო ათენის აკროპოლისიდან გაიტანა 40 გირვანქა ოქრო და 800 გირვანქა ვერცხლი.

სულამ ათენში გარნიზონი ჩააყენა და თვითონ გამალებით შეუდგა ისევ პირველის ალყას. მან ამუშავა კედელსანგრევი და ლოდსატყორცნი მანქანები. მაგრამ სანამ სულა ათენში იბრძოდა, პონტოელებს დღე და ღამის სწორებით მრავალი სიმაგრე აუგიათ. რომაელებმა მაინც შესძლეს დაენგრიათ მოწინააღმდეგის ნამგალა მთვარისებრი სიმაგრენი, რადგან ისინი ჯერ კიდევ სველი იყვნენ და ძლიერი დარტყმებისაგან იქცეოდნენ, მაგრამ მის უკან პონტოელები კვლავ შეუჩერებლად აგებდნენ ახალ და ახალ სიმაგრეებს და გზას უღობაუდნენ მტერს. სულა გამუდმებით ცვლიდა დაქანტულ მეომრებს და წინანდებურად ამხნეებდა და აქეზებდა მათ. ის მეომრებს წამდაუწყუმ მოაგონებდა, რომ მათ ენერგიაზეა დამოკიდებული დიდი ნადავლის შოვნა, ხოლო სიმდადრისათვის გახელბეული რომაელი სიცოცხლეს არ ზოგავდა.

და აი, არქელაოსმა ბრძანა მიეტოვებინათ პირველის ყველა სიმაგრეები და დაეწყოთ უკანდახევა. პონტოელები გადავიდნენ მუნჩიხაში. სადაც სულას, ფლოტის უქონლობის გამო, საშუალება არ ექნებოდა მათზე თავდასხმისა.

რომაელებმა ხელთ იგდეს უპატრონოდ მიტოვებული პირველი და მისი უმეტესი ნაწილი მთლიანად ცეცხლს მისცეს. დაიწვა საუკეთესო ნაგებობანი და მათ შორის დილონის მიერ აგებული ხუროთმოძღვრების საუკეთესო ძეგლი, არსენალი და გემთსაშენი. პერიკლეს ბრწყინვალე ქანილებამ მეორედ განიცადა საშინელი ნგრევა: პირველად სპარტანელებმა, ლისანდრეს სარდლობით, მუსიკის გრიალში დაანგრიეს იგი, ახლა კი რომაელებმა კორნელიუს სულას მეთაურობით მოუღეს ბოლო. ამის შემდეგ პირველი მთლიანად ჰკარგავს თავის წინანდელ მიწმუნელობას.

ახლა, სულას წინ აღარ ელობება არც პირველისა და არც ათენის

მტკიცე კედლები. მას შეეძლო დაძრულიყო ნახევარკუნძულის აღმოსავლეთისაკენ და ჩრდილო-აღმოსავლეთისაკენ, სადაც მას მტრის ახალი საბრძოლო ძალები ელოდებოდნენ.

სულამ შეიერთა ათენის აკროპოლისში მყოფი სკრიბონიუს კურიონის გარნიზონი, შემდეგ ლეგატ პორტენზიუსის 6.000 მეომარი (ამ შეერთებას აქტიურად უშლიდა წელს მითრიდატეს სარდალი ტაქსილე. მაგრამ ქერონელი მოღალატე მეგზურის ხელშეწყობით სულამ მოახერხა რომაელ რაზმთა შემოერთება) და თვითონაც ბეოტიას მიაშურა.

სულას გადამწყვეტი ბრძოლა ეჩქარებოდა, რადგან ბალკანეთზე უკვე გამოიწინა მისი შემცველი ვალერიუს ფლაკუსი ახალი არმიით. ყოველწუთს მოსალოდნელი იყო თანამემამულეთა შეჯახება. მაგრამ პონტოს არმიის მეთაურნი თითქოს ხელს უწყობდნენ მტრის ხფანვიდან გამოსხნას: რომ მათ გენერალური ბრძოლა არ დაეჩქარებინათ, ისინი სულას და ფლაკუსს შორის ატეხილი ბრძოლის მოწამენი გახლებოდნენ. ეტყობა, არქელაოსიც წინდახედულად ზომავდა მტრის მძიმე მდგომარეობას და ცდილობდა გენერალური ბრძოლა არ დაჩქარებულიყო. მაგრამ ბოლოს, დანარჩენ პონტოელ სარდალთა დაჟინებით მოთხოვნით. ისიც თანახმა გახდა საბრძოლველად განელაგებინა არმია.

ბრძოლა მოხდა მდინარე კეფისოსის ველზე, ქალაქ ქერონეის მახლობლად. 26 წლის მარტში. სულას 15.000 ლეგიონერი და 1.500 ცხენოსანი ჰყავდა. არქელაოსს -- სულ დაახლოებით 50.000 მეომარი. მაგრამ პონტოელებმა ვერ გამოიყენეს რიცხობრივი უპირატესობა. მათი დიდი არმიის სურსათ-სანოვაგითა და საომარი საქურველით შომაჩების საქმე კვლავ მოუგვარებელი იყო. ამის გამო მათ ახლო-მახლო პუნქტების ძარცვას მიჰყვეს ხელი, რაც ადგილობრივი მოსახლეობის მტრულ განწყობილებას იწვევდა: ეს კი, თავის მხრივ, ხვალინდელ ომში პონტოელებისათვის საზიანო და რომაელებისათვის სასარგებლო შედეგს მოიტანდა. ამასთანავე, არქელაოსს ვერ დაუმყარებია საჭირო დისციპლინა თავის მრავალრიცხოვან, სხვადასხვა ენაზე მოლაპარაკე მეომართაგან შემდგარ ლაშქარში. სრულიად სხვა ატმოსფერო შექმნა რომაელმა სარდალმა თავის ბანაკში. ის ვერ დააბნია მტრის სიმრავლე. მან გადაწყვიტა, ბრძოლის დაწყებამდე ჯარისკაცები მძიმე შრომით და მკაცრი მოპყრობით დაეტანჯა, რომ ამით მათში შექმნილიყო ბრძოლისადმი წყურვილი და მოსწრაფება, რათა აუტანელი შრომის ნაცვლად ბრძოლაში ჩაბმა ერჩიათ. სულამ ბრძანა კალაპოტიდან გადაეგდოთ იქვე მომდინარე კეფისოსი, და ბანაკის ორივე ფლანგზე ფართო და ღრმა თხრილები გაეხაზათ. ის არაეის არ აძლევდა ოდნავი შესვენების საშუალებასაც და ჩამორჩენილებს სასტიკად სჯიდა. გაწამებული მეომრები მოითხოვდნენ ბრძოლად გასვლას, რადგან მათ ახლა ომი უფრო იოლ საქმედ მიაჩნდათ. ამის შემდეგ სულამ შესაძლებლად იას-რვალა, დაეწყო შეტევა.

არქელაოსმა ვიწრო, ოღრთოლოდო, დაქანებულ ველზე განლაგა არმია. მან ვერ გაითვალისწინა, რომ ასეთ ადგილზე ძნელი იქნებოდა იმის მრავალრიცხოვანი ლაშქრის მანევრირება. საქიროების შემთხვევაში, უკანდახევაც შეუძლებელი იქნებოდა, რადგან ზურგში კეფისოსი მოედინებოდა და იქვე მთებიც იყო აღმართული.

არქელაოსმა პირველ რიგში ცელებით შექურვილი ეტლები ჩაამწყრივა, მათ უკან 15.000 მონა დააყენა, რომელთაც გამარჯვების შემთხვევაში თავისუფლება ჰქონდათ აღთქმული. მონებს უკან იდგა პონტოელთა ფლანგა, ხოლო შემდეგ მოსდევდნენ დამხმარე ნაწილები და იტალიელი ემიგრანტები; სულ ბოლოს. ზურგში იდგნენ მსუბუქად შეიარაღებული მეომრები. პონტოელთა სარდალი განსაკუთრებულ იმედებს ამყარებდა მძლავრ კავალერიაზე; ამიტომ მან ცხენოსნები დააყენა ორივე ფლანგზე, საიდანაც იგი ვარაუდობდა მტრის გარშემორტყმას.

სულამ განსაკუთრებული ყურადღება მიაქცია თავისი არმიის ფლანგების გამაგრებას, რათა თავი აერიდებინა მტრის გარშემორტყმისათვის. მან ფლანგებზე ფართო და ღრმა თხრილები გააპრეცინა და მიწაყრილები აღმართა; იმავე ადგილებზე, მოწინააღმდეგის კავალერიის ჰირისპირ, თავისი მხედრობა დააყენა. კავალერიის მარცხენა ფლანგი გადასცა ლუციუს მურენას, ხოლო მარჯვენას თვითონ ჩაუდგა სათავეში. სულამ ლეგიონები სამ რიგად განალაგა ისე, რომ მათ შორის, ფართო ინტერვალებზე, მოწინააღმდეგის ეტლების თავდასხმის უფნებელსაყოფად, ხშირი ღობურები ააგო. სულ ბოლოს, ღრმა ზურგში. დადგნენ სარეზერვო ნაწილები ჰორტენზიუსისა და გალბას მეთაურობით, რომელთაც აგრეთვე ევალებოდათ თავიდან აეშორებინათ მტრისგან მოსალოდნელი გარშემორტყმა.

ბრძოლა იმით დაიწყო, რომ ქერონეელი ბერძნების დანხარებით რომაელთა სახელდახელოდ გამოყოფილმა რაზმმა შეტევა დაიწყო პონტოელთა უკიდურეს მარცხენა ფლანგზე, რომელიც განლაგებული იყო ე. წ. თურიონის ბორცვზე. აქედან, მოულოდნელი თავდასხმისაგან გაქცეული პონტოელები თავისიანთა რიგებს მიაწყდნენ და არევიდარევა შეიტანეს მათში. სულა სწრაფი ტემპით გადავიდა შეტევაზე. არქელაოსმა მის შესაკავებლად ცხენოსანთა რაზმი აფრინა, მაგრამ იგი ძლიერი დარტყმით რომაელებმა უკუაქციეს ციცაბოებისაკენ. მაშინ არქელაოსმა კონტრშეტევა დაიწყო ცელებიანი ეტლებით. მაგრამ ეტლებმა ადგილის სივიწროვის გამო სწრაფი სიჩქარე ვერ აიღეს, ურომლისოდაც მათ დიდი ზიანის მოტანა არ შეეძლოთ. რომაელები ამოეფარნენ ღობურებს და გზა მისცეს პონტოელთა მოიერიშე ეტლებს, რომლებმაც მათ გვერდით უნაყოფოდ ჩაუქროლეს და მტრის ზურგში მოექცნენ. აქ მათ გაუძნელდათ შემობრუნება და განადგურებული იქნენ ზურგ-

ში მყოფი რომაელებისაგან. ახლა ბრძოლაში ჩაებნენ ცენტრალური ნაწილები. რომაელებს ძალიან გაუჭირდათ იმ მონათა წინააღმდეგ ბრძოლა, რომლებიც არქელაოსს დაყენებული ჰყავდა ქვეითი არმიის წინ. მონები საოცარი თავგანწირულებით უტევდნენ, მაგრამ წინა ხაზზე გასაჭირში ჩავარდნილ რომაელებს წამოეშველნენ უკანა რიგებში მდგომნი და ცეცხლწაქიდეებული ისრების დაშენით გასტეხეს მონათა წინააღმდეგობა. მერე, რომაელები ეკვეთნენ პონტოელთა ფალანგებს და აქაც სრული უპირატესობა იგდეს ხელთ. ბრძოლა ახალ ფაზაში შევიდა. არქელაოსმა 2.000 მხედრით დაიწყო შეტევა მარჯვენა ფალანგიდან, მოწინააღმდეგის ალყაში მოსაქცევად. მის საპირისპიროდ სასწრაფოდ დაიძრნენ პორტენზიუსი და გალბა, მაგრამ სასტიკად დამარცხდნენ და უკუიქცნენ. პონტოელმა მხედრებმა ქვეითი ლაშქარი მოსწყვიტეს რომაელთა დანარჩენ ნაწილებს და დაიწყეს მათი რკალში მომწყვდევა. სულამ მიატოვა თავისი უშუალო სარდლობის ქვეშ მყოფი მარჯვენა ფლანგი, რომელიც ჯერ კიდევ ბრძოლაში არ ჩამულიყო, და გაეშურა პორტენზიუსისა და გალბას საშველად. არქელაოსმა თავი მიანება მტრის მარცხენა ფლანგს და უმეთაუროდ დარჩენილ რომაელთა მარჯვენა ფლანგს მიაშურა. იმავე დროს პონტოელთა კავალერიის მეორე ფლანგიც, ტაქსილეს სარდლობით, იწყებს შეტევას მის პირდაპირ მდგარი მურენას წინააღმდეგ. ამრიგად ბრძოლა ჩაღდება მთელი ძალებით, როგორც ცენტრში ისე ფლანგებზე. სულა ერთხანს დაიბნა კიდევ: აღარ იცოდა რომელ მხარეს მიშველებოდა. ბოლოს არჩია ისევ მარჯვენა ფლანგი, რომელსაც ახლა გაშმაგებით უტევდა არქელაოსი. მაგრამ მან იცოდა, ძალიან უჭირდა მურენასაც. რომელსაც მედგარად აწვებოდნენ ტაქსილეს მხედრები. ამიტომ მან მურენას დასახმარებლად გაუგზავნა პორტენზიუსისა და გალბას სათადარიგო ნაწილები. თვითონ სულა ერთი სათადარიგო ნაწილით მიიჭრა თავის მარჯვენა ფლანგზე. არქელაოსი დამარცხდა და უკანდახევად დაიწყო. აქედან სულა შემობრუნდა და უკვე გასაქცევად გამზადებულ მურენას მიეშველა. აქაც გამარჯვების სასწორი რომაელთა მხარეზე გადაიხარა და ტაქსილემაც ზურგი აქცია ბრძოლას. რაკი პონტოელთა არმიის ყველაზე ძლიერმა ნაწილებმა, კავალერიით გამაგრებულმა ფლანგებმა მარცხი განიცადეს, ველარც ცენტრალურმა ნაწილმა შეაკავა რომაელი ლეგიონების მძლავრი შემოტევა. ახლა არქელაოსის მთელი არმია დამარცხებული იყო. რომაელები პონტოელთა სასხედრო ბანაკსაც დაეუფლნენ.

სულასათვის პრაქტიკულად ამ ბრძოლას დიდი არაფერი მოუტანია. მას არ გააჩნდა არც ერთი ხომალდი, ხოლო ზღვაზე კვლავ პონტოელთა ფლოტი ბატონობდა. მითრიდატეს ყოველ წუთში შეეძლო ახალ-ახალი ჯარები გაღაესხა ბალკანეთზე და აღედგინა იქ დაკარგულ-

ლი მდგომარეობა. სულას კვლავ აშფოთებდა საბერძნეთში პოპულარტა არმიის ჩამოსვლა.

მან წლის დასაწყისში კონსულმა ვალერიუს ფლაკუსმა, ადრიატიკ-ზე მითრიდატეს მეზღვაურთაგან მიღებული ზარალის მიუხედავად, გადაიყვანა ორი ლეგიონი ეპირში, მერე აქედან გაეშურა სულას წინააღმდეგ ბეოტიაში.

სულამ როგორც კი ამის შესახებ შეიტყო, შემოაბრუნა არქელაოსზე დასადევნებლად განზადებული არმია და გადავიდა თესალიაში, საითაც გეზი აეღო ფლაკუსს.

ვალერიუს ფლაკუსი, როგორც ბრძოლაში გამოუცდელი, სასტიკი და უძლები ანგარი, ვერ სარგებლობდა კარგი ავტორიტეტით თავის მეომართა შორის. ამიტომ მას ბევრმა მებრძოლმა უღალატა და სულას მხარეზე გადავიდა. მეომართა ვაქცევა და ღალატი ძლივს შეაკავა ფლაკუსის ლეგატმა ფიმბრიაში.

მოწინააღმდეგენი ერთმანეთს შეხედნენ ქალაქ მელიტეასთან (თესალიაში). მებრძოლთა ღალატით შემერთალმა ფლაკუსმა ვერ გაბედა შებრძოლებოდა მრისხანე სარდალს, რომელიც ახლახან ბრუნდებოდა ბრძოლის ველიდან გამარჯვების შარავანდედით მოსილი, ერთგული და ბრძოლაში ნაწრთობი არმიით. მან ზურგი აქცია სულანელებს და გამართა ჩრდილო-აღმოსავლეთით, რათა მაკედონიისა და თრაკიის გავლით გადასულიყო აზიაში და იქ შებრძოლებოდა მითრიდატე პონტოელს. სულამაც თავი შეიკავა მეტოქის დევნისაგან.

ქერონეასთან მარცხმა მითრიდატეს იარაღი ვერ დააყრვეინა. იგი დიდი სისწრაფით შეუდგა ახალი ჯარის შეკრებას მის ქვეშევრდომ უველა ტომთაგან. მან 70.000 მეომრისაგან შემდგარი არმია ჩააბარა სარდალ დორილაოსსა და სარევეანშო ბრძოლისათვის გაგზავნა საბერძნეთში. დორილაოსი ქალკიდაში მივიდა. აქ მას შეუერთდა არქელაოსი ვადარჩენილი 10.000 მეომრით. ამგვარად, 30.000-ანი პონტოური არმია სელაალა შეიჭრა ბეოტიაში და დაიპყრო იგი.

როგორც ეტყობა პონტოელ სარდალთა შორის უთანხმოება ჩამოვარდნილა. არქელაოსი, როგორც რომაელებთან შეტაკებაში არაერთგზის ნაცადი, უფრო ფრთხილობდა და მოითხოვდა, გენერალური ბრძოლა არ დაეჩქარებინათ. დორილაოსი კი, წინააღმდეგ თავისი კოლეგისა და თანასარდლისა, მოითხოვდა დაუყოვნებლივ შებმოდნენ სულას.

მოწინააღმდეგენი ახალ გენერალურ ბრძოლაში ერთმანეთს შეხედნენ ისევ ეფესოსის ველზე, ორქომენის მახლობლად. ორქომენის ფართო ველმა, სადაც შეიძლებოდა პონტოელთა ძლიერ კავალერიას თავისუფალი მანევრირების საშუალება ჰქონოდა, არქელაოსიც წააქეზა დათანხმებოდა ბრძოლის დაწყებას.

სულა სასწრაფოდ შეუდგა ფლანგებიდან ღრმა თხრილების გაკრას, რათა მოწინააღმდეგის მხედრობისათვის გზები აღეკვეთა მანევრირებისათვის მოსახერხებელი ადგილებისაკენ და შეერეკა ისინი კეფისის გაუვალ ჭაობებში. როცა პონტოელმა სარდლებმა ეს შენიშნეს, შეტევის განკარგულება გასცეს. პონტოელთა კავალერია შეუკავებელი ნიაღვარივით ეკვეთა რომაელთა განლაგებას. რომაელებმა ველარ ვაუძლეს მტრის მხედრების ძლიერ შემოტევას და უწესრიგოდ დაიწყეს უკან გაქცევა. სულამ საქმის გამოსწორება ჩეუელი წაქეზებითა და გამხნევებით სცადა, მაგრამ ამაოდ. მაშინ იგი ჩამოხტა ცხენიდან, აღმართა არმიის საბრძოლო ღროშა და თავისი მცველებით გარშემორტყმული შეიჭრა მტრის ლაშქარში. თანაც შეჰყვირა შეშინებულ და ბრძოლის ველიდან გამოქცეულთ: „მე აქ მოვეკდები მშვენიერი სიკვდილით, რომაელებო, ხოლო თქვენ, როცა გკითხავენ, სად უღალატეთ თქვენს სარდალ სულას, არ დაგაეიწყდეთ უპასუზოთ: როდესაც ის ორქომენტან იბრძოდათქო!“. მთავარსარდლის ასეთმა თავგანწირულებამ ბრძოლის ველისკენ შემოაბრუნა ჯერ ცალკეული რაზმების წინამძღოლნი, ხოლო შემდეგ დანარჩენი მეომრებიც. სულამ არაჩვეულებრივი სიმამაცისა, თავგანწირულებისა და ენერჯიის წყალობით შესძლო კვლავ თავისკენ მოებრუნებინა ბრძოლის ჩარხი. პონტოელებმა ვერ გამოიყენეს პირველი წარმატება და ბრძოლის ველს ზურგი აქციეს. სულამ შესძლო მოპოვებული წარმატების შენარჩუნება და გამოყენება. მან შეამპიდროვა თავისიანები და ხელახლა შეუდგა მტრის გარშემო თხრილების გაკრას. პონტოელებმა ამის საპასუხოდ ისევ დაიწყეს შეტევა. მაგრამ მათ ველარ შესძლეს დაკარგული უპირატესობის აღდგენა. განსაკუთრებული სიმამაცით იბრძოდა პონტოელთა არმიის მარჯვენა ფლანგი, რომელსაც არქელაოსის ვეჟი დიოგენე მეთაურობდა. პონტოელ მოისართ საქირო მანძილის უქონლობის გამო ისრის სროლა არ შეეძლოთ და მტრებს ისრის კონებს მახვილივით აძვრებდნენ. დაღამებისას მათ დაიხიეს თავისი ბანაკებისაკენ. მეორედღეს რომაელები ისევ იწყებენ მტრის გარშემო თხრილების თხრას. პონტოელებმაც ახალი შეტევით სცადეს მათი გეგმის ჩაშლა. სულა კონტრშეტევაზე გადავიდა. ბრძოლის ამ უკანასკნელ დღეს ორივე მხარე განსაკუთრებული სიმამაცითა და სიციხისათი იბრძოდა. ბოლოს რომაელებმა მოახერხეს მოწინააღმდეგის სიმამაცითა განგრევა. მაშინ პონტოელები, მასჯრლებით ხელში, ერთიმეორესთან მიჯრით შეკრულნი, სსჯრებში გამაგრდნენ და იქედან იცავდნენ თავს, ვიდრე ერთერთმა ლეგიონის უფროსმა, ბახლიმ. თავისი პირადი მაგალითით წაქეზებული მეომრებით არ ვარღვია მათი რიგები და შეიჭრა ბანაკში. პონტოელებს უკვე აღარ შეეძლოთ შეეკავებინათ ბანაკში შემოჭრილი რომაელების მძვინვარება. ბევრი მათგანი მტრის მახვილს წაჰოგო,

ბევრიც კაობებში ჩაიხრჩო. არქელაოსი ქალკიდაში გაიქცა და იქ შეუდგა გადარჩენილ მეომართა თავმოყრას. ბრძოლის ველზე დარჩა 15.000 პონტოელი მეომარი. რომაელთა ზარალის შესახებ კი ანტიკური ავტორები ჩვეულებრივად სდუმან.

მიუხედავად იმისა, რომ სულამ ორქომენის ბრძოლაც მოიგო და აზიაში მეფის წინააღმდეგ მღელვარებაც დაიწყო, მითრიდატეს ძლიერება მაინც ფეხზე იდგა. გენერალურ ბრძოლებს გენერალური შედეგები არ მოსდევდა. სულას კვლავ არც-ერთი ხომალდი არ გააჩნდა, რომ ფლოტის საშუალებით ზღვა გადაელახა და თავს დასხმოდა პერგამონში მყოფ „აღმოსავლეთის ჰანიბალს“. დრო კი დაყოვნების საშუალებას არ იძლეოდა. რომიდან საშინელი ამბები ერთმანეთს მოსდევდნენ; მასთან მორბოდნენ მარიუსელთაგან დევნილები; ახლობლები უთვლიდნენ, სასწრაფოდ დაბრუნებულყო და ეშველნა მათთვის; მისი ვილები და კარმიდამო ნაცრად იყო ქცეული. ამიტომ სულამ თავისი უმაღლესი იდეალის (ერთპიროვნული დიქტატურა!) განხორციელებისათვის საკმარისად მიიჩნია ის, რაც უკვე მოპოვებული ჰქონდა აღმოსავლეთში ამ პირველი შეტევების შედეგად. ე. ი. მას ამ მონაპოვრის შესანარჩუნებლად ზავი სწყუროდა. მან იცოდა, რომ აზიაში მითრიდატეს პოლიტიკური მდგომარეობა საგრძნობლად იყო შერყეული და საზავო მოლაპარაკების დაწყების ინიციატივასაც მისგანვე მოელოდა. მითრიდატემაც იცოდა სულას მდგომარეობა და საზავო წამოწყებას მოპირდაპირისაგან ელოდა.

ასე უცდიდნენ ერთიმეორეს მეომარნი და ზავის მოსურნენი, ვიდრე ვალერიუს ფლაკუსის მოქმედებამ „წილი არ ჰყარა“.

ბოპულარების არმია თესალიიდან მაკედონიაში გადავიდა და ბიზანტიონთან ბოსფორის სრუტეს მიაღწა. აქ ერთ ინციდენტს მსხვერპლად შეეწირა კონსული ვალერიუს ფლაკუსი. აპიანეს ცნობის მიხედვით. ნადარცვის გაყოფაზე წაიჩხუბნენ გაიუს ფლავიუს ფიმბრია და ქვესტორი, ხოლო შუამავლად მოწვეულმა ფლაკუსმა ქვესტორის მხარე დაიჭირა. როცა ამის შემდეგ კონსულმა ბოსფორის სრუტე გადალახა და ქალკედონისაკენ გაეშურა, ფიმბრიამ ლიქტორის ფასკები ჩამოართვა ფლაკუსის ლეგატს. გაბრაზებულმა ფლაკუსმა ამ თავხედობისათვის ფიმბრიას დასჯა სცადა, მაგრამ ჯარისკაცები მთავარსარდალს წინაღუდგნენ და ფიმბრიას დაუჭირეს მხარი. უმწეო მდგომარეობაში ჩაყარდნო ფლაკუსი ქალკედონში გაიქცა, ხოლო აქედან ნიკომედიაში. აქ ჰაში დამალული ფლაკუსი ფიმბრიანელებმა ამოიყვანეს და მოკლეს, თავი მოპკვეთეს და ზღვაში გადააგდეს, ხოლო ტანი დაუმარხავად დააგდეს.

ფიმბრიამ ხელთ იგდო მთავარსარდლობა და ლაშქრობა განაგრძო.

პონტოს მეფემ მის წინააღმდეგ გაგზავნა არმია თავისი შვილის, კოლხეთის მმართველის, მითრიდატეს სარდლობით. მითრიდატე უმ-

ეროსს ამ ლაშქრობაში თან ახლდნენ ცნობილი სარდლები — დიოფანტე, ტაქსილე და მენანდრე. მოწინააღმდეგეები ერთმანეთს შეხვდნენ მილეტოპოლისთან, მდინარე რინდაკზე. პონტოელებმა ბრძოლა წააგეს.

მეფის ჯარების ამ ახალი დამარცხების შემდეგ ქალაქების უმრავლესობა რომაელების მხარეზე გადავიდა. ფიმბრიელებმა ხელი მიჰყვეს¹ აზიური ქალაქებისა და ადგილობრივი მცხოვრებლების ძარცვა-გლეჯასა და ხოცვა-ჟლეტას. ასე, ფიმბრიამ კიზიკოსის მდიდარ მოქალაქეთაგან რამდენიმე სამაგალითოდ ვააქოსენა და შემდეგ თავები დააყრევინა. შეშინებულმა სხვა მოქალაქეებმა სიცოცხლის შესანარჩუნებლად აღარაფერი დაზოგეს და დიდძალი გამოსასყიდი მიაართვეს სარდლობის უზურპატორს. ამის შემდეგ ფიმბრიას ლეგიონები უეცრად ვაზინდნენ პერგამონის კედლებთან, სადაც იმეამად იმყოფებოდა თვითონ მითრიდატე ევპატორი. მეფემ სასწრაფოდ დასტოვა ქალაქი და გაეშურა ასლო ნავსადგურ პიტანეში. აქ ჩაქდა გემში და გაემზადა გასაქცევად. ფიმბრიას ფლოტი სჭირდებოდა, რომ მეფეს გამოსდევნებოდა და დაეტყვევებინა. სწორედ ამ დროს გამოჩნდა სულასგან ფლოტისათვის გაგზავნილი ლუკულუსი, რომელსაც მართლაც შეეგროვებინა ხომალდები და სასწრაფოდ მიეშურებოდა სულას მისაშველებლად. ფიმბრიამ თხოვნით მიმართა ლუკულუსს, მიეშველებინა ფლოტი მითრიდატეს შესაპყრობად. მაგრამ ლუკულუსმა ყური არ ათხოვა რომაელი „შანტაჟისტის“ თხოვნას. მითრიდატემ დატოვა პიტანე და არხეინად ჩავიდა ლესბოსზე, მიტილენაში. იმედგაცრუებული ფიმბრია მიუბრუნდა აზიის ქალაქებს და ხელი მიჰყო მათ აოხრებას. იგი მიადგა სახელოვან ილიონს და ათი დღის ალყის შემდეგ შეიჭრა მასში. „ქალაქში შესვლისთანავე ყველანი დახოცა, ვინც კი შემოხვდა და ყველაფერი ცეცხლს მისცა... მან არ დაინდო არც სალოცავეები. არც ისინი, ვინც ათენის ტაძარში შეიხიზნენ და დასწვა ისინი ტაძართან ერთად. მან დაანგრია ქალაქის კედლები და მეორე დღეს თვითონ შემოუარა ქალაქს, რათა დარწმუნებულიყო, რომ მისგან აღარაფერი იყო გადარჩენილი. ილიონი, რომელმაც უარესი განიცადა. ვიდრე აჯამენონის დროს, დაიღუპა „ნათესავის“ ხელით; არ გადარჩა დაუნგრეველი არც-ერთი საკურთხეველი, არც-ერთი სამლოცველო, არც-ერთი ქანდაკება...“¹ ასე შეუბრალებლად დაინგრა სახელოვანი ილიონი, რომელსაც ამჟერად არ აღმოაჩნდა „ჰექტორი ქალაქის დამცველად“.

ფიმბრიას წარმატებებმა გაზარდეს ზავისათვის მისწრაფება როგორც მითრიდატეს, ისე სულას მხრივ.

მცირე ხნის მანძილზე არქელაოსი შუამავლობდა მეფესა და რომაელ სარდალს შორის. ამასობაში სულამ ისარგებლა ამ შესვენებით და ძარცვით შემოიარა ენეტების, დარდანების, სინტების ტომთა ქვეყნე-

¹ App., Mithr., 53

ბი, რომლებიც მაკედონიას ემეზობლებოდნენ და მას მუდამ თავს ესხ-
მოდნენ. ამით იგი თავის ჯარსაც ავარჯიშებდა და კიდევაც ამღიღრებ-
და, ერთსა და იმავე დროს.

ბოლოს, მითრიდატე და სულა ერთმანეთს შეხვდნენ დარდანში და
ასეთი პირობით დაზავდნენ:

ტერიტორიალურად წესდებოდა status quo ante bellum. მით-
რიდატეს უნდა დაეთმო მის მიერ დაპყრობილი ოლქები მცირე აზიასა
და ბალკანეთზე. უნდა დაებრუნებია: რომაელებისათვის პროვინცია აზია
(ყოფილი პერგამონის სამეფო), არიობარზანისათვის — კაპადოკია და
ნიკომედესათვის — ბითინია; გაეთავისუფლებია პაფლაგონია და დას-
ჯერებოდა მემკვიდრეობით მიღებულ სამეფოს;

მითრიდატეს სულასათვის უნდა გადაეცა 70 გემი მთლიანად შე-
კურვილი და 500 მოისრის თანხლებით;

მითრიდატეს სულას სასარგებლოდ უნდა გადაეხადა 2.000 ტალან-
ტი;

მითრიდატეს რომაელთა ბანაკში უნდა დაებრუნებია ტყვე ჯარის
უფროსები (ლუციუს კასიუსი და ქვინტუს ოპიუსი), ტყვეები, პოლა-
ტენი და გაქცეული მონები;

მითრიდატეს თავის სამშობლოში უნდა დაებრუნებია პონტოში ძა-
ლით გადასახლებული ქიოსელები და სხვა მოსახლენი;

რომაელები ვალდებულებას კისრულობენ, არავითარი ზიანი არ მი-
აყენონ იმ ქალაქებს, რომლებიც მითრიდატეს ემხრობოდნენ;

რომი სცნობდა მითრიდატეს ყველა დანარჩენ სამფლობელოებს,
გარდა აღნიშნულისა, და აღიარებდა მას „რომაელი ხალხის მოკავში-
რედ და მეგობრად“.

ზავი წერილობით არ გაფორმებულა.



სულას იტალიაში დაბრუნება მანამ არ შეეძლო, სანამ ფიმბრია პო-
პულართა არმიით აზიაში დათარეშობდა. ამიტომ ის ზავის დადებისთან-
ავე გაეშურა მეტოქისაკენ.

ფიმბრია პერგამონის მახლობლად იყო დაბანაკებული. სულა მიუახ-
ლოვდა და თვითონაც დაიწყო დაბანაკება. ფიმბრიას ჯარისკაცები
უფრო სიმპათიურად სულას უცქერდნენ. ისინი მას სთვლიდნენ ნამ-
დვილ სარდლად და ფიმბრიას აღარაფრად აგდებდნენ. ყოველ დილით
ფიმბრიას ჯარისკაცები გამოდიოდნენ და ხმამაღლა ესალმებოდნენ სუ-
ლას მეომრებს, ეხმარებოდნენ მათ თხრილების გაქრაში და ბევრი მათ-
განი ფიმბრიასთან არც კი ბრუნდებოდა.

ბანაკის მოწყობის შემდეგ სულამ კაცი გაუგზავნა ფიმბრიას მო-

თხოვნით — გადმომეცი ჭარები, რომელთაც შენ უკანონოდ ფლობ. ფიმბრიაშაც თავის მხრივ დაცინვით უპასუხა: მე თუ უკანონო სარდალი ვარ, არც შენ ხარ კანონიერი, რადგან რომაელთაგან შენ გადაყენებული ხარ მთავარსარდლობიდან. გაცოფებული სულა შეუდგა მოპირდაპირის ბანაკის გარშემო თხრილის შემოვლებას. ფიმბრიანელებმა გაანშირეს სულას მხარეზე გადასვლა. მაშინ ფიმბრიამ შეკრიბა ლეგიონები და სიტყვით გამოვიდა მათ წინაშე — არცხვენდა იმათ, ვინც მიატოვა იგი და მოუწოდებდა ყველას, გამშალებულიყვნენ სულასთან სამორად. მაგრამ ჭარისკაცებმა ერთხმად დაიღრიალეს, რომ არ იომებენ თანამომძმეთა წინააღმდეგ. ისტერიით შეპყრობილმა ფიმბრიამ ტანსაცმელი შემოიხია და სახისა და გულმკერდის ხოკვით ფეხებში უფარდებოდა, შეპლმუოდა და ცრემლების ღაპალუპით ემუდარებოდა ყოველ მეომარს: ნუ დამლუპავთ, ნუ მიმატოვებთ, გამომყევით სულასთან საბრძოლველად. არც ამან გამოიღო ნაყოფი. მაშინ ნაბტირალებმა და ტანსაცმელშემოძარცველმა მანიაკმა ჭარის უფროსები შეკრიბა და ყოველი მათგანისაგან ერთგულების ფიცი მოითხოვა. როცა ამათგანაც უარი მიიღო და მუქარითა და მუდარით არაფერი გამოვიდა, სულას მკვლელი გაუგზავნა. ესეც გამეღაცენდა. მერე, სულასთან მოლაპარაკება გამართა, მაგრამ როცა შერიგებაზე უარი მიიღო, როგორც იქნა გაბედა და თავი მოიკლა.

სულამ შეიერთა ფიმბრიას ლეგიონები. მერე, უბრძანა კურიონს, აღედგინა ნიკომედე და არიობარზანი თავიანთ სამეფო ტახტებზე.

სულამ აზიის მცხოვრებლებს არ აკმარა ის ნგრევა და გაჩანაგება, რაც მათ ამ ომების შედეგად განიცადეს. მან თავისი მეომრები ეგზეკუციის წესით ჩაუყენა ყოველ ოჯახს, სადაც ისინი მეტისმეტი თავხედობითა და თვითნებობით იქცეოდნენ. თვით ტენდენციური პლუტარქეც კი თავის თხზულებაში თავს ველარ იქერს რომაელთა აღვირახსნილობის გამო. სულამ ბრძანა, რომ ყოველი სახლის უფროსს, მის ოჯახში მდგომი რომაელი რიგითი მეომრისათვის ყოველდღიურად გადაეხადა ოთხი ტეტრადრაქმა, თანაც უნდა გამოეკვება ის უფასოდ და თუ მეომარი მოსურვებდა, პატივი ეცა მისი მეგობრებისთვისაც, რამდენიც არ უნდა ყოფილიყვნენ ისინი რიცხვით; ხოლო ცენტურიონისათვის მოსახლოეს ყოველდღიურად უნდა ეხადა 15 დრაქმა და წელიწადში ორი ხუცილი ტანსაცმელი — ერთი საშინაო და მეორეც საგარეო.

სულამ ანგარიში არ გაუწია მითრიდატესთან დადებული ზავის იმ პუნქტს, რომლის ძალითაც მას ვნება არ უნდა მიეყენებია პონტოს მეფის მომხრე ქალაქებისათვის“. „მან მწარედ დასაჯა“ პონტოური ორიენტაციის მომხრე ცალკეული პირები და მთელი ქალაქები, მათგან განსაკუთრებით, ეფესოს მცხოვრებლები“.

აზიის მოსახლეობას ყველაზე მძიმე ტვირთად დააწვა ის კონტრი-

ბუცია, რომელიც მათ დააკისრა სულამ. მან მოითხოვა დაუყოვნებ-
ლივ გადაეხადათ მთელი სუთი წლის გადასახადი, რაც უდრიდა 20.000
ტალანტს. აი, როგორ ახსიათებს აპიანე ამ უზარმაზარი გადასახადის
აყრების სცენებს: სულა „შეუდგა ხალხის გაგზავნას ფულის გადასახ-
დევინებლად: რადგან ჯარისკაცები თავისი თავხედობით ძალიან ავიწ-
როვებდნენ, ქალაქები, რომლებსაც არ ჰქონდათ გადახდის საშუალე-
ბა, მევასშეებთან ავირავებდნენ ზოგი თეატრებს. ზოგი გიმნაზიებს.
ზოგი თავიანთ სიმაგრეებსა და სხვა ყოველგვარ საზოგადოებრივ ქო-
ნებას, იღებდნენ რა სესხს დიდი პროცენტით. ასე შეაგროვეს და მიუ-
ტანეს ფული სულას: და უსაზღვრო უბედურებით იყო აღვსილი აზია“¹.

მაგრამ რომელი მძარცველები მაინც გულნაკლულად გრძნობდნენ
თავს. სიმღიდრეზე და ძარცვა-გლეჯაზე შეეყარებულებმა შურით აღე-
სილი თვალი გააყოლეს მითრიდატეს. რომელიც მდიდარი ნადავლით
დატვირთული გავიდა პერგამონიდან.

სულამ აზიაში დატოვა ლუციუს მურენა, რომელსაც დაუტოვა ფი-
ზიკისეული ორი ლეგიონი, ხოლო თვითონ რომისაკენ დაიძრა.

ამგვარად, რომისა და პონტოს პირველი შერკინება თითქმის უშედე-
გოდ დამთავრდა. სანამ მითრიდატე ცოცხალი იყო, რომელსაც დაჰპყრობ-
ლებს აღმოსავლეთში მშვიდი ძილის საშუალება არ ექნებოდათ.
პონტოს სამეფო აზიის ჩაგრული მასების მედროშე იყო რომაელებ-
ის წინააღმდეგ ბრძოლაში. ახლაც მითრიდატე დაბრუნდა თავის სა-
მეფოში, როგორც ბრძოლაში დაკრძალი ნადირი თავის ბუნავში ქრი-
ლობების მოსაშუშებლად. და ახალი უფრო მძლავრი სარევიანო ნახ-
ტომისათვის სამზადისს შეუდგა.

მაგრამ, რაც მთავარია, სულამ თავის უმაღლესი იდეალის განსა-
ხორციელებლად აუცილებელი რესურსები უკვე მოიპოვა აღმოსავ-
ლეთში. იგი ახლა, როგორც „dictator orientalis“ („აღმოსავლეთის
დიქტატორი“) მიეშურებოდა დასავლეთისაკენ...

6. „აღმოსავლელი დიქტატორი“ დასავლეთში

მიუხედავად იმისა, რომ სულამ ვერ შესძლო პონტოს მეფის მთლი-
ანად განადგურება, მისი წარმატებანი აღმოსავლეთში საეხებით საკმა-
რისი აღმოჩნდა იმისათვის, რომ იგი რომში უაღრეს დიდ ძალად მიეჩ-
ნიათ — მტრებისათვის საშინელი შურისმგებელი ნემეზიდა, მომხრე-
ებისათვის — უძლეველი, მხსნელი და ქომაგი.

¹ App., Mithr., 63.

ასეთად იქნა მიჩნეული კაცი, რომელსაც ოფიციალური ხელისუფლებისაგან ყოველგვარი თანამდებობრივი რწმუნებანი წართმეული ჰქონდა. იგი ოთხი წლის განმავლობაში (87—83), სავსებით კერძო კაცი, გადაყენებული და სიკვდილმისჯილი, წარმატებით ებრძოდა აღმოსავლეთის ყველაზე დიდ მბრძანებელს: სულა (და მასთან ყველა — მტერიც და მოყვარეც) გრძნობდა, რომ ეს მისი აგონია იყო სიკვდილსიციოცხლის მიჯნაზე. თუ აქ, აღმოსავლეთში დამარცხდებოდა, აქვე მისი კარიერაც და სიციოცხლაც გათავდებოდა; ხოლო თუ აქ გაიმარჯვებდა, რომშიც გამარჯვება ხელთ ჰქონდა.

სწორედ ყველაზე მძიმე აღმოსავლურ ლაშქრობაში გამარჯვებამ მისცა სულას ის ძალა, რომლის წინაშეც მტრები შიშით ცახცახებდნენ, ხოლო მოყვრები სიხარულით თრთოდნენ. ხოლო ეს, ასერიგად ანგარიშგასაწევი ძალა, რომელიც გადაყენებულ და სიკვდილმისჯილ კაცს აღმოსავლეთიდან მოჰყვებოდა, იყო მრისხანე არმია და აურაცხელი ნაძარცვი, ნატყვევნი, ნაალაფარი, ნახარკალი ოქრო და ვერცხლი.

მისი არმია დაახლოებით 40.000 მეომრისაგან შედგებოდა (ამთავან 6.000 ცხენოსანი), სულ რჩეული, ერთგული, დისციპლინირებული, მამაც პონტოელებთან და საერთოდ აღმოსავლეთის ხალხებთან ბრძოლით ნაწრთობი ჯარისკაცები. მისი საზღვაო ძალები მოითვლიდა 1.600 გემს.

ახლა, ფული და ნაძარცვი. სულამ აღმოსავლეთის ძარცვა-გლეჯის მასშტაბში ყველა წინამორბედს გადააქარბა. ხომ დიდი თ.ნხა იყო 64.800.000 მან. ოქრო, რომელიც წინა აღმოსავლურმა ლაშქრობებმა (ყველამ ერთად აღებულმა) მისცა რომის ხაზინას; მარტო ერთი სულას ანგარიშზე კი 52.800.000 მან.! თანამედროვეთა შორის სულას ტრაიუმფი, მითრადატებზე გამარჯვებისათვის, ყველაზე დიდად და უბრწყინვალესად ითვლებოდა ყველა მანამდე ტრაიუმფთა შორის.

ამრიგად, აღმოსავლეთში პოპოვებული და ორგანიზებული საშენდრო და ეკონომიური რესურსებით აღჭურვილი ლუციუს კორნელიუს სულა იტალიას მიადგა.

ამ დროს ცნა უკვე ცოცხალი აღარ იყო. 85/84 წ. ზამთარში იგი ჯარებს ამზადებდა სულას წინააღმდეგ სალაშქროდ, მაგრამ ჯარისკაცები აჯანყდნენ და პოპულართა ბელადი მათთან შეტაკებაში დაიღუპა. რაც მთავარია, ცოცხალთა შორის აღარ იყო გაიუს მარიუსი.

პირველნი, ვინც სათავეში უნდა ჩასდგომოდნენ სულას წინააღმდეგ ბრძოლას, იყვნენ ყოვლად უნიჭო და უსუსური კონსულები გაიუს ხორბანუსი და ლუციუს კორნელიუს სციპიონი. თუმცა მათ 225.000-მდე მეომარი შეჰყარეს, მაგრამ ამ უზარმაზარ 80 კომორტიან არმიამ

სარდლებმა ვერ მოახერხეს დისციპლინისა და ორგანიზებულობის შეტანა. რომელი და იტალიელი მეომრები მტრული თვალთ შიშვერდნენ ერთმანეთს. საერთოდ, დემოკრატ-ქარისკაცებს არავითარი რწმენა და პატივისცემა არ ჰქონდათ მათი უნიკო მეთაურებისადმი. უთანხმოება, უნდობლობა და დაბნეულობა სუფევდა თვით მეთაურთა შემადგენლობაში. როგორც ითქვა, მათ შორის არ იყო არცერთი ღირსეული მეტოქე აღმოსავლეთიდან მოსული მრისხანე მხედართმთავრისა, რომლის ნიჭიერსა და ბოროტ სუბიექტში თავი მოეყარა ლომის სიმძლავრესა და მელას ცბიერებას. ყველა, ვინც კი რომში სარდლად ვარგოდა, თავიანთი ჯარებით მაშინვე სულას მხარეზე გადავიდნენ: მარკუს ლიცინიუს კრასუსი, გნეუს პომპეუსი, ქვინტუს მეტელუსი და სხვ. ერთადერთი, ვისთანაც სულას სერიოზული ბრძოლა ელოდა, იყო ცხრამეტი წლის გაიუს მარიუს უმცროსი, სახელოვანი მარიუსის მამაცი მემკვიდრე.

პირველი შეტაკებისთანავე კონსულები დამარცხდნენ, ხოლო მათა არმიები სულას მხარეზე გადავიდნენ.

82 წლისათვის კონსულებად გავიდნენ კარბონი და მარიუსი. მათ საშველად მოვიდნენ სამნიტები, რომლებიც პოპულართა გამარჯვებას უკავშირებდნენ თავიანთ მომავალ ბედს იტალიაში.

საკრიპორტის მახლობლად გამართულ სისხლიან ბრძოლაში სულამ გაანადგურა მარიუსი. ამასობაში მეტელუსმა და პომპეუსმა ეტრურიაში დაამარცხეს კარბონი. ბოლოს, 87 წლის შემოდგომის მიწურულში, კოლინის კარებთან გაიმართა ფინალური ბრძოლა სულანელებსა და მარიუსელებს შორის. ამ უკანასკნელთა ძირითად ბირთვის შეადგენდნენ სამნიტები, რომელთაც მეთაურობდნენ მამაცი პონტიუს ტრეზინუსი და მარკუს ლამპონიუსი. ერთდღელამიანი უწყვეტი სისხლისღვრა კვლავ „ფელიციტას“ კუმირის გამარჯვებით დამთავრდა.

იგი შეიქმნა ერთპიროვნული მბრძანებელი მთელი რომის სახელმწიფოსი. ამომწურავი გამარჯვების დღესვე მან ბელონის ტაძარში შეჰყარა სენატი, და იგი გახსნა სწორედ იმ წუთში, როცა მისი, პირადი (sic!) ბრძანებით მარსის მოედანზე 6.000 სამნიტს ყელები დასჰრის. განწირულთა ბლავილით შეძრწუნებული სენატორები სულამ ჯარისის მაუწყებელი სიტყვებით „დაამშვიდა“: ჩემის ბრძანებით ქვესა აწაველიან გარეწრებს. ამიერიდან ყველამ უნდა იცოდეს, რომ სულასეული „კვების სწავლება“ ნიშნავს სიკვდილს, ხოლო „გარეწარი“ -- სოლას მოწინააღმდეგეს. „იქვე, ყველაზე მიუხვედრელი რომაელისთაოც კი, ნათელი შეიქნა, რომ მოხდა მხოლოდ ტირანთა შეცვლა და არა ტირანიის დამხობა“¹.

მაგრამ ხალხიც და სენატიც უფრო ადრე მიხვდნენ, რომ სიტყვები

¹ Plut., Sul 30.

„სულა“ და „ტირანი“ სინონიმები იყვნენ. მაგალითად, ხალხმა წინასწარ იცოდა, სულას ხელისუფლება გაცილებით უფრო დიდი ბოროტება იქნებოდა, ვიდრე უნიკო კონსულების — ნორბანუსისა და სციპიონისა. ამიტომ რომაული საზოგადოების განწყობილება თავიდანვე მიმართული იყო „რესპუბლიკელ“ კონსულთა სასარგებლოდ და „ტირანი“ სულას საწინააღმდეგოდ. სენატიც მზ წელსვე მიხვდა, რომ აღმოსავლეთიდან სულას მოსვლასთან ერთად, მისი ფაქტიური ხელისუფლების აღსასრულიც მოდიოდა.

რა გზას უნდა დასდგომოდა სენატი? რა გზით უნდა ცდილიყო იგი თავისი უმაღლესი ხელისუფლების გადარჩენას ერთპიროვნული დიქტატურის ზედ ყელზე მომდგარო საშიშროებისაგან? ერთადერთი საშუალება მხოლოდ არმია იყო, მაგრამ სენატს, სახელმწიფოს მეთაურს, არმიები უკვე აღარ გააჩნდა. აღარ ჰყავდა მას სამოქალაქო ლაშქარი, რომელიც ბრძოლაში მიდიოდა სენატის ნების გამომხატველი დროშით: senatus populusque Romanus! არმიები ახლა სწორედ სენატის მოწინააღმდეგეებს ჰყავდათ — დიქტატურის მაძიებელ ინდივიდუუმებს; ხოლო ამ „ტირან-ინდივიდუუმთაგან“ ყველაზე ძლიერი იყო სულა, აღმოსავლეთის დაპყრობებით მოპოვებული საომარი რესურსებით ფესვგამაგრებული და გაღონიერებული.

ამრიგად, სენატი სავსებით უსუსური იყო თავისი უმაღლესი ხელისუფლების გადარჩენისათვის ბრძოლაში. მას ერთადერთ საფარველად შერჩენოდა უკვე გაცვეთილი და გახუნებული ფარატინა — „რესპუბლიკური კონსტიტუცია“. გაბედავს კი სულა, გამოაცხადოს გაუქმება რესპუბლიკისა?

არა, სულამ რესპუბლიკა გაუქმებულად ვერ გამოაცხადა, მაგრამ ფაქტიურად კი გააუქმა. მან სენატს დაუტოვა მისი ფარატინა კონსტიტუცია, ხოლო თავისთვის, იგივე ფარატინა კონსტიტუციით მონათლული, ნამდვილი ერთპიროვნული დიქტატურა შექმნა. მას სკირდებოდა მხოლოდ მოჩვენებითი არჩევითობა, ვითომდა რესპუბლიკისაგან ნაბოძები; სენატმაც „უბოძა“ იგი. ეს პოლიტიკური ფარსი საუკეთესოდ აქვს წარმოდგენილი აპიანეს:

„იგი (სულა, ლ. ს.) საქმით ნამდვილად იყო მეფე ანუ ტირანი, არა არჩევით, არამედ ძალითა და ძალდატანებით. მას სკირდებოდა მხოლოდ მოჩვენებითობა, რომ თითქოს არჩეულია“¹. ეს „მოჩვენებითობაც“ განხორციელდა რესპუბლიკური პრინციპების მიხედვით: კონსტიტუცია კონსულების დაღუპვის შემთხვევაში ითვალისწინებდა თავისებური დროებითი მთავრობის — „მეფეთშორისის“ (interrex) არჩევას. რაკი ამგვარადაც ორივე კონსული (კარბონი და მარკუს უმპროსი)

¹ App. Bel. civ. I, 98.

სულასთან ბრძოლას ემსხვერპლნენ, სულამ უპირველესად ყოვლისა წორედ ეს მოიმიზეზა და სენატს უბრძანა აერჩიათ ეგრეთწოდებულ მიფეთშორისი. სენატმა interrex-ად აირჩია პირველი სენატორი ვალერიუს ფლაკუსი. სენატს ეგონა, როგორც წესი, ფლაკუსი კონსულთა არჩევნებს დანიშნავდა, მაგრამ „მიფეთშორისმა“ სულასაგან ფიცხელი ბრძანება მიიღო, რომლის ძალითაც უნდა გამოცხადებულიყო შემდეგი:

ლუციუს კორნელიუს სულას რომისათვის სასარგებლოდ მიაჩნია დიქტატურული მმართველობის შექმნა; ის ვინც დიქტატორი იქნება, ქვეყანა უნდა მართოს არა ჩვეულებრივი (კონსტიტუციური) ექვსი თვით, არამედ განუსაზღვრელი ვადით.

მერე, ვინ უნდა ყოფილიყო ასეთი, მანამდე უპრეცედენტო dictator perpetuus legibus scribundis et rei publicae constituendae? რასაკვირველია, თვითონ სულა.

იგი თვითონ მიუთითებდა, პირდაპირ, უბოდიშოდ, ჩიქურად, — მიუთითებდა თავის თავზე, როგორც dictatura perpetua-ს ერთადერთ კანდიდატურაზე.

ვინ გაბედავდა უარი ეთქვა თუნდაც ასეთი უბოდიშო მოთხოვნის ავტორისათვის, რომლის ვერცხლოვან არწივთა ქვეშ უკვე 120.000 მეომარი იღგა?

სენატი დათანხმდა. ყოველ შემთხვევაში, სენატისათვის და საერთოდ ნობილიტეტისათვის, ოლიგარქიული რესპუბლიკის გაუქმების აუცილებლობის პირობებში, სულას დიქტატურა უკეთესი ვარიანტი უნდა ყოფილიყო, ვიდრე, ვთქვათ, გრაქუსების „ტირანია“, რომელიც დემოკრატიულ ძალებს მოუძღოდა ხელისუფლებისაკენ. ოპტიმატთა ოლიგარქიისათვის სულას dictatura perpetua უფრო ნაკლები ბოროტება იყო, ვიდრე gracchana seditio. ამიტომ სახალხო მასები ყველაზე უფრო განიცდიდნენ სულას მონარქიული ხელისუფლების სიმძიმეს. სულას ხელით სენატორულმა ოლიგარქიამ გაანადგურა დემოკრატია, მათ შორის მხედართა წოდებაც, მაგრამ სულ მალე სენატიც დარწმუნდა, რომ სულას ხელისუფლება ერთპიროვნული სამხედრო დიქტატურა იყო. სენატს სხვა არჩევანის საშუალებაც არა ჰქონდა: რაკი მას თავისი უმაღლესი ძალაუფლება აუცილებლად უნდა დაეკარგა, ერჩივნა, იგი თავისივე ნებით „მიებარებინა“ ნათესავი დიქტატორისათვის“, ვიდრე დაეთმო მოსისხლე პოპულარებისათვის.

ამგვარად, ლუციუს კორნელიუს სულა „არჩეული“ იქნა დიქტატორად უვადოდ: „დადგენილ იქნა, რომ იგი არავითარ პასუხს არ აეგებს ყველა იმისათვის, რაც უკვე მოხდა. სოლო მომავლისათვის ღებულობს სრულ უფლებას დასაჯოს სიკვდილით, ჩამოართვას ქონება, დააარ-

სოს კოლონიები, ააშენოს და დაანგრიოს ქალაქები, წაართვას სამეფოები და გააჩუქოს ისინი მასზე, ვიზედაც მოისურვებს“¹.

დაიწყო საშინელი ანგარიშსწორება სულას პოლიტიკურ მოწინააღმდეგეებთან. მარიუსის რეჟიმი სულ გაფერმკრთალდა სულას ბესტიალურ სისასტიკესთან. იტალია სისხლის აბანოდ იქცა. სულანური მხეცობის, ადამიანებზე ნადირობის, უწყალო, განუკითხავი ხოცვა-ჟლეტის სისხლიან ოკეანეში იძირებოდა რომი და აპენინი. დიქტატურის მიერ შემოღებულ „პროსკრიპციებს“ ათასობით რომაელი ეწირებოდა. პროსკრიბირებულთა ქონებით ივსებოდა დიქტატორისა და მის თანამოსაქმეთა სახლ-კარი. სულასაგან სპეციალურად ხოცვა-ჟლეტვისათვის განთავისუფლებული მონა-კორნელიები — ეს „გაბორბლებული პაიკები“ — რაფინირებული სისასტიკით ასრულებდნენ გამძვინვარებული დიქტატორის სისხლიან საქმეებს.

განსაკუთრებით ზარალი ნახა დემოკრატია. სულამ გააუქმა უფასო პურის დარიგება; სახალხო ტრიბუნთა უფლებები ნულამდე დაიყვანა — წაართვა მათ კანონის გამოტანის, ან გაუქმების ინიციატივა და დაუმორჩილა ისინი სენატის „მოწონებას“; ტრიბუნატის გავლის შემდეგ კაცს უფლება აღარ ჰქონდა დაეკავებინა რომელიმე კურულური მაგისტრატურა და სხვ. ერთი სიტყვით, დემოკრატია განადგურებული იქნა „წყალობითა სიბრძნისა, იმპერიუმისა, ბედნიერისა ლუციუს სულასი“². სულანური რეფორმის დედაარსი აბსოლუტური უარყოფა იყო გრაკხანულ-დემოკრატიული საბრძოლო დევიზისა: „მთელი ძალაუფლება სახალხო კრებას“.

ამრიგად, სულას დიქტატურა მთელის სისავსით შევიდა ძალაში. ფ ა ქ ტ ი უ რ ა დ მონარქია, ერთპიროვნული სამხედრო იმპერია დამკვიდრდა, ხოლო რესპუბლიკა... რესპუბლიკა მაინც დარჩა, მაგრამ დარჩა მხოლოდ და მხოლოდ „ლ ა მ ა ზ ი ს ი ტ ყ ვ ი ს ა თ ვ ი ს“ („cis euprepeian tu rematos“)³.

¹ Plut. Sul. 33.

² Cic. Pro. Ros. Am., XI VII, 136.

³ App. Bel. civ. I, 99.

რომის აღმოსავლური პოლიტიკა პირველი საუკუნის 80-70-იან წლებში

1. „მითრიდატის მეორე ომი“

მითრიდატესთან წარმოებულ პირველ ომში მიღებული სამარცხვინო ლაქა, რომლის შესახებ ლოგიკური ხაზგასმით გაჰყვიროდა რომაელი ორატორი¹, რომაელთათვის ნამდვილად სამარცხვინო გახდა აზიის ახალი მმართველის წამოწყებათა შედეგად.

პროვინცია აზიის ახალმა პროპრეტორმა, პატივმოყვარე და ხარბმა ანგარმა ლუციუს ლიცინიუს მურენამ გაითვალისწინა ის პოლიტიკური სიტუაცია, რომელიც აზიასა და რომში შეიქმნა დარდანის სიტყვიერი ზავის შემდეგ და გადაწყვიტა განეგრძო სულასაგან დაწყებული საქმე პონტოს სახელმწიფოს წინააღმდეგ. მას იმედი ჰქონდა, საბოლოოდ გაანადგურებდა მითრიდატეს, რომელმაც პირველ ომში ნახევარი მილიონი კაცი დაჰკარგა.

მურენას კიდევ მეტი ხელსაყრელი მომენტი გაუჩნდა მითრიდატეს წინააღმდეგ ომის გასაახლებლად. აპიანეს ცნობიდან ირკვევა,² რომ მითრიდატე პონტოში დაბრუნებისთანავე იძულებული ხდება მთავარი ყურადღება მიაქციოს მღელვარე კოლხეთს: კოლხებს, პონტოს ნეფისათვის თავიანთ მმართველად მოუთხოვიათ მისი მემკვიდრე მითრიდატე, რომელმაც თავი გამოიჩინა ფიმბრიას წინააღმდეგ ბრძოლაში. ევპატორმა დააკმაყოფილა კოლხების თხოვნა და მათი ზღაპრული ქვეყანა სამმართველოდ გადასცა თავის შვილს. მაგრამ სულ მალე, დალატში დაეპყვებულმა მეფემ, რომ მისი მემკვიდრე ძველი სახელოვანი კოლხეთის სამეფოს აღდგენას აპირებდა, გაიწვია ის კოლხეთიდან და რამდენიმე ხანს ოქროს ბორკილებით ჰყავდა შეკრული, ხოლო ამის შემდეგ სიკვდილითაც დასაჯა.

კოლხებთან ბრძოლის პარალელურად მითრიდატე პონტოელი ამზადებს ფლოტს ბოსფორთან საომრად, სადაც უკვე დაწყებულია რაღაც მღელვარება პონტოელთა ძალაუფლების წინააღმდეგ.

ერთადერთ წყაროში მოკლედ მოხსენებული პასაჟი საშუალებას არ გვაძლევს ნათელი წარმოდგენა ვიქონიოთ ამ მეტად საინტერესო

¹ Cic. Lex Manil. IX.

² App., Mithr. 64.

მოვლენების — კოლხეთისა და ბოსფორის აჯანყებათა შესახებ. ის კი ცხადი უნდა იყოს, რომ მითრიდატეს პირველი ომის უკანასკნელ პერიოდში შავი ზღვის აღმოსავლეთ და ჩრდილოეთ პროვინციებში პონტოს მეფის ძალაუფლება საკმაოდ შერყეულა.

მურენამ უთუოდ ისარგებლა პონტოს მეფის ამ გართულებული მდგომარეობით და გადაწყვიტა მანამ დაეწყო, სანამ ევპატორი კოლხეთსა და ბოსფორში აწეწილ საქმეებს დააღაგებდა. იგი „მასხრად აგდებით ეძებდა ომის საბაბს“¹ და საბაბად სრულიად საკმარისი იყო ის, რომ მითრიდატე ჯერ კიდევ არ ფიქრობდა, დაეტოვებინა კაპადოკიის მნიშვნელოვანი ჩრდილოეთი ნაწილები. საბაბად შეიძლებოდა გამოეყენებინა, აგრეთვე, მითრიდატეს ახალი ძლიერი საომარი სამზადისი, რომელიც თითქოს მხოლოდ ბოსფორელების წინააღმდეგ იყო მიმართული. ამ დროს არქელაოსის თავზედაც მოიქუფრა მითრიდატეს ავისმაუწყებელი ექვიანობის ღრუბელი: მეფის ახრით, მან „ელადაში მოლაპარაკების დროს სულას გაცილებით მეტი დაუთმო, ვიდრე საქირო იყო“², არქელაოსი იძულებული იყო გაქვეუდრიყო მურენასთან. პონტოელი სარდალყოფილი რომაელს აქეზებდა, პირველი დანხმობდა თავს მითრიდატეს.

რომაელებმა 83 წელს პირველად შედგეს ფეხი საკუთრივ პონტოს ტერიტორიაზე. მურენამ გაიარა კაპადოკია, აქ ტახტზე განამტკიცა არიობარხანის შერყეული მდგომარეობა და გადალახა პონტოს საზღვარი. მურენამ დაარბია მითრიდატეს 400 სოფელი. მიადგა ქალაქ კომანას და გაფანტა იქ მდგარი მხედართა რაზმი. ამის შემდეგ იგი უამრავი ნადავლით ავსებული დაბრუნდა ფრიგიასა და გალატიაში.

მითრიდატემ აშკარად დაინახა, რომ ომს მართო მურენა არ აწარმოებდა თავისი ინიციატივით, არამედ მას საამისოდ რომის სენატის სანქციაც კჭონდა. მას ისლა დარჩენოდა, საომარი წინდი მიეღო.

ბრძოლა მოხდა მდინარე ჰალისის პირზე. რომაელები სასტიკად დამარცხდნენ. „გამარჯვებულმა მითრიდატემ გადალახა მდინარე, აღმოჩნდა რა სხვაშიც ყველაფერში მურენაზე ძლიერი. მურენა გაიქცა ძლიერ გამაგრებულ ბორცვზე, ხოლო მეფემ, როცა აქაც სცადა მასზე თავდასხმა, დიდი ზარალის შემდეგ მთებით გაიქცა ფრიგიაში. მიდიოდა რა გაუვალი გზებით, მტრის ისრების ქვეშ, დიდი გაჭირვებით“³.

მითრიდატეს ბრწყინვალე გამარჯვების ამბავი სწრაფად გავრცელდა და ბევრი აზიური და აზიურ-ბერძნული ქალაქი კვლავ მისი საბრძოლო დროშის ქვეშ დადგა. პონტოელებმა კაბადოკიიდანაც განდევნეს რომაელთა გარნიზონები. ამას მოჰყვა სულას მტკიცე ბრძანება,

¹ App. Milhr. 64.

² ibid.

³ ibid, 65.

დაუყოვნებლივ შეეწყვიტა მურენას მითრიდატესთან ომი, რომელსაც რომაელთათვის ასეთი სამარცხვინო შედეგი მოჰყვა. რომის ეს ახალი ბრძანება აზიაში ჩამოიტანა აელუს გაბინიუსმა, რომელსაც ევალე-ბოდა შეერიგებინა რომაელი სარდალი და პონტოელი ხელმწიფე. ამ შერიგების პირობების მიხედვით, „მითრიდატემ თავისი ოთხი წლის ქალი დაწინა არიობარზანთან და ამ საბაბით დათანხმდნენ, რომ მის გამგებლობაში დარჩებოდა კაპადოკიის ის ნაწილი, რომელიც მის ხელში იმყოფებოდა, და ამას გარდა ამ ქვეყნის სხვა ნაწილებიც მითვისა“¹.

ამგვარად, მითრიდატემ შეინარჩუნა მასთვიის სასურველი კაპადოკიის მნიშვნელოვანი ნაწილი და ამით პლატდარმიც გაიმზადა შემდგომი შეტევისათვის სამხრეთისა და სამხრეთ-დასავლეთისაკენ. შესაძლოა, მითრიდატეს, ამ გამარჯვების საფუძველზე, უფრო მეტი პრეტენზიებიც განეცხადებია, მაგრამ ამაში მას აღბათ ხელს უშლიდა კოლხეთსა და ბოსფორში ჯერ ისევე მოუწყვსრიგებელი მდგომარეობა. ეს ჩანს იქიდან, რომ მურენასთან ომის შეწყვეტისთანავე მითრიდატე მიუბრუნდა „ქვეყნებს ფასისისა და კავკასიონის გარშემო“², „კოლხების ჩრდილოეთით მცხოვრებ აქეელებსა“ და ხელი მიჰყო ბოსფორის ხელახალ დაბრუნებას.

2. როგორ დაიწყო „მითრიდატეს მესამე ომი“

რომსა და პონტოს შორის აღმოსავლეთში ბატონობისათვის გამართული მრისხანე ღუელი დროებით შეწყდა. ბრძოლა ყაიმით დამთავრდა. მოწინააღმდეგენი ჯერჯერობით შინაური საქმეების მოწესრიგებასა და ომში მიღებული კრილობების მოშუშებას შეუდგნენ. თანაც ერთმანეთს ფხიზლად უთვალთვალეზდნენ, რომ ომის განახლების ხელსაყრელი დრო მხედველობიდან არ გაეშვათ.

გადამწყვეტი ბრძოლის განახლებამდე შვიდი-რვა წელი გავიდა. ამ ხნის მანძილზე რომშიც და პონტოშიც მრავალი საინტერესო მოვლენა გაჰყვა უამთა სრბოლის ეტლს. ამ მოვლენებმა განაპირობეს ახალი ომის წამოწყება, მისი შინაარსი და ხანგრძლივობა.

უკვე ითქვა, მითრიდატეს მონარქიის ცენტრ-გამსწრად ძალთა განოჩენის შესახებ. მისი სიმპტომები ყველაზე მკვეთრად აღმოსავლეთ

¹ App. Mithr., 66.

² Memn. 36.

და ჩრდილო-აღმოსავლეთ პროვინციებში გამოიხატა. ადვილად შესაძლებელია, რომ კოლხეთსა და ბოსფორში — ისე როგორც მცირე აზიაში — მითრიდატეს საწინააღმდეგო ოპოზიციის სულისჩამდგმელნი და მამოძრავებელნი მაღალი ფენები იყვნენ, რადგან ისინი საერთოდ ყველგან მტრულად ხვდებოდნენ რომაელთა წინააღმდეგ დაწყებულ მძლავრ სოციალურ და პოლიტიკურ მოძრაობას, რასაც პონტოელი მბრძანებელი ოსტატურად იყენებდა საკუთარი ბატონობის გასაფრთხილებლად და აზიიდან რომაელთა გასაძევებლად. უაღრესად აქტიურობდნენ მითრიდატეს ფიზიკურად გასანადგურებლად მის გვერდით მდგომი აზიელი წარჩინებულები და ამის გამო მუდამ ფხიზელთვალისანი მეფე უწყალოდ ხოცავდა მის სასახლეში სიკვდილის კომპარის შემქმნელ შეთქმულებს. ასეთივე შეთქმულების სუნი ასლიოდა კოლხეთში პონტოელი უფლისწულის გამეფებას, რისთვისაც ამ უკანასკნელმა მამისგან ჯილდოდ ოქროს ბორკილი და სიკვდილი დაიმსახურა.

მურენასთან ომის გათავებისთანავე, მითრიდატე ხელახლა დაეუფლა ბოსფორს, დაუნიშნა ბოსფორელებს მეფედ ერთ-ერთი თავისი ვაჟი. სახელად მანარე, შეძლევ შემოიმტკიცა აქველთა ქვეყანა ევქსინის პონტის ჩრდილო-აღმოსავლეთის სანაპიროზე.

ქვეყნის შიგნით პოლიტიკური და ეკონომიური მდგომარეობის გასამტკიცებლად მითრიდატეს საკმაოდ ხანგრძლივი პერიოდი ესაჯიროებოდა, ხოლო მურენას ავანტურამ და მასზე სენატის თანხმობამ ის დაარწმუნა, რომ რომაელთა მხრიდან დარდანის სიტყვიერი ზავის დარღვევა ყოველთვის მოსალოდნელი იყო. ამიტომ 79 წელს ევპატორმა ზავის წერილობით გასაფორმებლად ელჩები გაგზავნა რომში, სულასთან. მაგრამ, ამავე დროს, მრისხანე დიქტატორთან არიობარზანის ელჩებიც გამოცხადდნენ. სულამ უარი განაცხადა დარდანის ზავის რატიფიკაციაზე, იმ მიზეზით, რომ რომანოფილ არიობარზანს მითრიდატესაგან ჯერ კიდევ არ მიუღია კაპადოკიის ჩრდილოეთი ნაწილები: თან პონტოელ ელჩებს ბრძანება გამოატანა, დაუყოვნებლივ გაეწმინდა კაპადოკია მითრიდატეს. მეფემ ეს ბრძანებაც შეასრულა და ხელახლა გაგზავნა ელჩები დარდანის ხელშეკრულების რატიფიკირებისათვის. მაგრამ ელჩები რომში იმ დროს შევიდნენ (78 წ.), როცა სულა ცოცხალი აღარ იყო და „მსოფლიო კლოაკაში“ ლევიდეს მეთაურობით ახალი აჯანყება მძვინვარებდა, ხოლო ესპანეთიდან შეტევისათვის ემზადებოდა ბობოქარი სერტორიუსი. მითრიდატეს ელჩების მოსასმენად რომში ვერავინ მოიცალა.

ევპატორი დარწმუნდა, რომ ახალი ომი გარდუვალა ხდებოდა. საჭირო აღარ იყო ახალი დელეგაციის გაგზავნა და პასუხისათვის ლოდი-

ნი. აუცილებელი იყო მხოლოდ ომისათვის სამზადისი და მისი დაწყებისათვის ხელსაყრელი დროის შერჩევა.

აზიაში რომაელთა წინააღმდეგ ახალი აჯანყების დაწყებისათვის ნიადაგი მზად იყო. სულას ლაშქრობისა და მისგან აზიაში მოწყობილი რბევა-გაჩანაგების წყალობით მოსახლეობა საშინელ სიღატაკეში ჩავარდა. სულას ბრძანებამ, რომ მოსახლეობას დაუყოვნებლივ გადაეხადა 5 წლის ვალი, სამხედრო კონტრიბუციამ და ათიათასობით აზიელთა მონად გარეკვამ, საშინლად დასცა ხალხის ეკონომიური შესაძლებლობა და გააპარტახა მეურნეობა. როგორც ითქვა, რომში აღმოსავლური კულტურითა და ბრწყინვალეებით ცხოვრება მოდად იყო ქცეული და ასეთი ცხოვრების უზრუნველსაყოფად რომაელები აზიიდან მიერეკებოდნენ ყოველგვარი განათლებისა, პროფესიისა და შესაძლებლობის მქონე ხალხს — დახელოვებულ მიწათმოქმედთ, მოქანდაკეებს, პარფიუმერებს, მხატვრებს, მკედლებს, ზარაფებს, მუსიკოსებს, ინჟინრებს, ხუროთმოძღვრებს, მწიგნობრებს, გრამატიკოსებს, ექიმებს, მდივნებს და აქცევდნენ მათ მონებად; ამავე მონებისაგან სწავლობდნენ კარგ მიწათმოქმედებას, ყაირათიანობას, გრძნობების დახვეწას, მეცნიერებისა და ხელოვნების დაუფლებას.

ვერესის მსგავსი ტიპური რომაელი მძარცველები ერთმანეთს ეჩიბრებოდნენ აზიური პროვინციების აბსოლუტური ექსპლოატაციის „მეთოდოლოგიის“ სრულყოფაში. თვითონ ვერესმა, რომლის საოცრად „დახვეწილი“ და „რაფინირებული“ პროვინციალური ძარცვა-ყვლეფა მთელი მაშინდელი მსოფლიოსათვის თითოთ საჩვენებელი შვიქნა, აზიის სიმდიდრეთა დატაცებით დაიწყო თავისი მძარცველური კარიერა. აგი აზიისა და პამფილიის მმართველად ყოფილა დანერმული. ციცერონი მას იხსენიებს როგორც „მტანჯველსა და მათრახს მთელი აზიისა და პამფილიისა“.

აქვე ციცერონი ხაზს უსვამს საერთოდ აღმოსავლურ სიმდიდრეთა დაგროვებას რომაულ-ოლიგარქიული ნობილიტეტის ხელში:

„...ყველა ხალხთა ყველა ქონება რამდენიმე კაცის ხელში დაგროვდა. განა მოიძებნება ჩვენს ბრწყინვალედ და ფუფუნებით მორთულ-მოკაზმულ ქალაქში თუნდაც ერთი ქანდაკება, თუნდაც ერთი სურათი, რომელიც არ წაგვერთმიოს ჩვენგან დამარცხებულ მტერთათვის. არ გამოგვეტანოს მათი ქვეყნიდან? ხოლო, აი, ამ მომხვეპელთა კარმიდამო მორთულია და გავსებული სიმრავლით მშვენიერი საგნებისა, რომლებიც მათ წაართვეს ჩვენს ერთგულ მოკავშირეებს. სად იმყოფება, თქვენი აზრით, სიმდიდრენი ყველა უცხო ხალხისა, ამაჟამად სიღატაკეში ჩავარდნილებისა, როცა ჰხედავთ, რომ ათენი, პერგამოსი, კიზიკოსი, მილეტი, ქიოსი, სამოსი, ერთი სიტყვით, მთელი

აზია, აქერა, სპერძნეთი, სიცილია ერთად არიან მოქცეულნი ამ რამდენცნე კარმადამოში?¹

გამკრისავი არაინ იყო: აზია ხელთ ეპყრათ ისეთ მბრძანებლებს, რომელთა ქვეყანაში დიდხანია დაივიწყეს „ბოროტმოქმედებათა გამოძიება“.

რომაული ექსპლოატაციით დაუღლული აზიის მოსასლეობა მუდამ მზად იყო გაპყოლოდა თავიანთ მჩაგვრელთა წინააღმდეგ ბრძოლაში ყველას, ვინც ასეთი ლოზუნგით აღმართავდა საბრძოლო დროშას. ასეთ ბელადად კვლავ მითრიდატე ევპატორი რჩებოდა.

პონტოელი საომრად ემზადებოდა. მას რომაელებთან ბრძოლის დიდი გამოცდილება ჰქონდა, საიდანაც დარწმუნდა, რომ ომების ბედს სწყვეტენ არა მრავალრიცხოვანი არმიები, არამედ დისციპლინირებული და საბრძოლო ორგანიზებულობით გაწვრთნილი ლაშქარი, თუნდაც იგი მცირერიცხოვანი ყოფილიყოს. მითრიდატე ჯარს რომაული ყაიდით წვრთნიდა და რაზმავდა, ამაში მას იტალიელი ემიგრანტები ეხმარებოდნენ. მეფის ბრძანებით, დღე და ღამე შეუსვნიებლივ იქედებოდა რომაული ყალების საომარი საქურველი — მახვილები, შუბები, მტკიცე და მძიმე ფარები; მან აკრძალა ოქროთი და ძვირფასი ქვებით მოოქვილი იარაღის ტარება; ამის უფლება დაუტოვა მხოლოდ წარჩინებულებსა და თავდადებულ მეომრებს. ამით მეფე მებრძოლთა ყურადღებას ამახვილებდა არა გარეგნულ ბრწყინვალეებაზე, რასაც ბრძოლაში არავითარი მნიშვნელობა არ ჰქონდა, გარდა მტრის გახელებისა (განსაკუთრებით ქონებაზე დახარბებულ რომაელებთან ბრძოლაში), არამედ სადა, მაგრამ ბრძოლაში საიმედო საქურველით შეიარაღებაზე. მითრიდატე აგებდა ძლიერ ფლოტს. მან აკრძალა ხომალდებზე მოოქროვილი სადგომების, მხევალთა აბანოებისა და ქალთა მდიდრული კაიუტების გაკეთება. ამის ნაცვლად, ბრძანა, გამოყოფილი ფული გემების შეიარაღებაზე დახარჯულიყო. ბრძოლის წინ მითრიდატეს ოთხასამდე გემი (ტრირემა) ჰყავდა. მეფე განსაკუთრებულ ყურადღებას აქცევდა სურსათ-სანოვავით მომარაგებას, არმიის ფურაჟირებას. მას ორი მილიონი მედიმნი პური მოუპარაგებია.

მითრიდატეს ახსოვდა, მისი წინანდელი მარცხის ერთ-ერთი მიზეზი რომის ორივე პარტიასთან — ოპტიმატებთან და პოპულარებთან — ბრძოლა იყო. რომის ძლიერების აქილევსის ქუსლი სოციალურ წინააღმდეგობეაში, პარტიათა და ცალკე პოლიტიკურ დაჯგუფებათა შორის განუწყვეტელ ბრძოლებში მდგომარეობდა. ამიტომ მას შეეძლო თავის სასარგებლოდ გამოეყენებინა რომში გამართული სოციალურ-პოლიტიკური კიდილი და ამით საშუალება ჰქონოდა ერთ-ერთი მათ-

¹ Cic., in Verrem act. XLVIII, 127.

განი, რომელსაც საჭიროდ სცნობდა, თავის მოკავშირედ გაეხადა.

ასეთ მოკავშირედ მითრიდატეს გამოუჩნდა ქეინტუს სერტორიუსი, რომელიც 82 წელს გაეშურა პროვინცია ესპანეთის სამმართველოდ და აქის შემდგომ რომში აღარ დაბრუნებულა. იგი ესპანეთში სათავეში ჩაუდგა სულას რეჟიმისაგან დევნილ ემიგრანტებს, მარტუსელებსა და საერთოდ პოპულართა წარმომადგენლებს. ვისაც რომში სიკვდილი ელოდა. ყველა ესპანეთში გარბოდა. სერტორიუსის ბანაკი თავშესაფარი იყო ყველასათვის, ვინც მზად იყო ებრძოლა სულასა და, საერთოდ, რომაული ოლიგარქიის წინააღმდეგ. სერტორიუსმა გააერთიანა რომაელთა ძალმომრეობით უკმაყოფილო მამაცი ესპანელი ტომები, შექმნა ძლიერი არმია და შეუდგა რომის ხელისუფლების წინააღმდეგ ბრძოლას. 77—74 წლებში სერტორიუსი ძლიერების მწვერვალზე იყო. იგი რომისაგან დამოუკიდებლად მართავდა მთელს ესპანეთს და ზედიზედ ამარცხებდა ყველა რომაულ არმიას, რომელიც კი ალპებსა და პირენეებს გადაღმა გასაჩნდებოდა. მასთან კიდელში სრულიად უძლეური ჩანდა ასლად დაწინაურებული ვინტუს პომპეუსიც, რომელიც 76 წელს ძლიერი არმიით გაეშურა სერტორიუსის წინააღმდეგ. სერტორიუსმა რამდენჯერმე კვლავ გაიმარჯვა და მდინარე სუკრონთან კილამ ტყვედ ჩაიგდო თვითონ ამპარტაიანი „მაგნუსი“. ვერც მეტელუსისა და პომპეუსის გაერთიანებულმა არმიებმა შეძლეს სერტორიუსის დამარცხება. ომი ქიანურდებოდა და პომპეუსის ძლიერებაც დნებოდა: სურსათ-სანოვავე და საჭურველი ილეოდა. პომპეუსი სენატს სწერდა: „თუ თქვენ არ მომეშველებით, მაშინ ჩემი ნებასურვილის წინააღმდეგ, მაგრამ ჩემგან გაფრთხილების შემდეგ, არმია და, მასთან ერთად, ესპანეთის მთელი ომი გამოიჭრება იტალიაშიო“¹.

მამაცი სერტორიუსის მქუხარე სახელმა შორეული სინოპის სასახლის კარამდეც მიადწია. მითრიდატეს ირგვლივ მყოფებმა კარგად იცოდნენ მისი სურვილი, ჰყოლოდა ძლიერი მოკავშირე სენატის წინააღმდეგ ბრძოლაში თვითონ რომაელთა შორის. ისინი მეფეს ეუბნებოდნენ, რომ სერტორიუსი ეს პანიბალია, ხოლო მითრიდატე — პიროსი, და თუ გენიალური სარდალი და მეფეთა შორის უძლიერესი მეფე გაერთიანდებიან, რომაელები იძულებული გახდებიან ბრძოლა აწარმოონ ორ ფრონტზე — დასავლეთისა და აღმოსავლეთის ფრონტებზე, და რომის მბრძანებლობასაც სამუდამოდ მოეღება ბოლო. ამ დროს, მითრიდატეს სასახლის კარზე იმყოფებოდნენ ცნობილი რომაელი მოქალაქენი ლუციუს მაგიუსი და ლუციუს ფანიუსი, რომლებიც მეფეს ეხმარებოდნენ რომის წინააღმდეგ საომარ სამზადისში. ლუციუსები მითრიდატეს არწმუნებდნენ, შეეკრა კავშირი სერტორიუსთან.

¹ Sallust. Hist. fragm. II, 6, 98.

78 წ. მოკავშირეებმა ფიცი დადეს ხელშეკრულების შემდეგ პირობებზე: მითრიდატე სერტორიუსს ესპანეთში უგზავნის ფულს 3.000 ტალანტის რაოდენობით და ფლოტს 40 ხომალდის შედადგენლობით; მითრიდატე დაეუფლება ბითინიასა და კაპადოკიას; სერტორიუსი მითრიდატეს უგზავნის ჯარს სარდლითურთ. ხელშეკრულება სულ მალე კმედიითი გახდა.

ასე ჩამოართვეს ხელი ერთმანეთს აღმოსავლეთისა და დასავლეთის ძლიერმა მბრძანებლებმა და შეუდგნენ მზადებას რომის კონსერვატიული ხელისუფლების წინააღმდეგ ერთობლივი შეტევისათვის.

არც რომაელები თვლიდნენ მითრიდატესთან ანგარიშსწორებას დამთავრებულად. მათ მუდამ ახსოვდათ, რომ სანამ პონტოს სამეფო ფეხზე იდგა, რომაულ ექსპანსიას აღმოსავლეთში გასაქანი არ ექნებოდა. ამიტომ რომიც, თავის მხრივ, ომის განახლების ხელსაყრელ დროს ეძებდა.

75 წლისათვის მითრიდატეს მესამე ომის პროლოგი — ექსპედიცია მეკობრეთა წინააღმდეგ — უკვე დამთავრებულიყო და ყოველ წუთს შეიძლებოდა მოწინააღმდეგეთა უშუალო შეტაკება. საკმარისი იყო მხოლოდ საბაბის გამოჩნება. ესეც მალე გამოჩნდა.

74 წელს გარდაიცვალა ბითინიის სამეფო დინასტიის უკანასკნელი წარმომადგენელი, პონტოს მეფის მოსისხლე მტერი და რომის ყურმოჭრილი ყმა, ნიკომედე მესამე-ფილოპატორი, და მაშინვე გამოჩნდა ანდერძი, რომლის მიხედვით, ბითინია რომს უნდა გადასცემოდა. ეს იყო უკანასკნელი ანდერძი აზიაში, როგორც რომაული „აბვიდონიანი“ ექსპანსიის ფორმა. აქამდე ბითინია ფაქტიურად რომაელი ფინანსისტებისა და მეფავშე-პუბლიკანების კოლონიურ სარბიჯს წარმოადგენდა. რომაელი ხარკისმკრეფელები და შესყიდვილები, როგორც საკმლის დამტაცებელი ჰარპიები, ისე ძარცვავდნენ ქვეყანას. თვითონ ნიკომედე მესამეც ისე მომკვდარა, რომაელ ფინანსისტთა ვალისაგან თავი ვერ დაუსხნია. საკირო იყო მხოლოდ რომის სამფლობელოებში ბითინიის ჩარიცხვის ოფიციალური გაფორმება; საამისოდ სწორედ რომ მისწრება იყო ნიკომედეს ანდერძი.

როგორ უნდა შესვედროდა ამ ამბავს მითრიდატე პონტოელი? ბითინია თავის ნოყიერი მიწებით, მდიდარი მთამადნეულით, თევზით მდიდარი ზღვის სანაპიროებითა და ტბებით, დიდებული ქალაქებითა და მოხერხებული ნავთსაყუდლებით, პონტოელთა მოსისხლეებს ჩაუჯარდათ ხელთ. ბითინიის დაპყრობით რომის სახელმწიფო უშუალოდ პონტოს მოსაზღვრე გახდა. რომს ახლა ხელთ ეპყრა შავი და ხმელთაშუა ზღვების მკერთი მაგისტრალეები, სრუტეები: ამით ის დაეუფლა პონტო-ბოსფორის მდიდარი ქალაქების ეკონომიკის სასიცოცხლო

არხებს; თუ მოისურვებდა, ისიც შეეძლო, შეექმნა მათთვის გამა-
კორტრებელი და დამლუპველი სავაჭრო კრიზისი.

მითრიდატეს კიდევ რომ შეეკავებინა თავი ბითინიასთან ომის და-
წყებისაგან, რომს ეს ომი უკვე დაწყებული ჰქონდა.

აღმოსავლეთის ახალი ლაშქრობის ხელმძღვანელობა, კონსულო-
ბასთან ერთად, მოიპოვეს მარკუს ავრელიუს კოტამ და
ლუციუს ლიცინიუს ლუკულუსმა. იმავე 74 წელს გარდა-
იცვალა კილიკიის მმართველი ოქტავიუსი და ლუკულუსმა უპატიურა
სრიკების მეოხებით ხელთ იგდო კილიკიისა და აზიის მმართველობა,
მიატოვა რა მის გამგებლობაში მყოფი ცისალპიური გალია. ბითინია
კი, ასეთივე პოლიტიკური თაღლითობის გზით, ჩაიბარა მეორე კონ-
სულმა, მარკუს ავრელიუს კოტამ.

74 წლის ზაფხულში კონსულები გაეშურნენ აღმოსავლეთისაკენ.



3. ლუკულუსის ლაშქრობის პირველი წლები

ავრელიუს კოტა სახმელეთო ჯარების ერთი ნაწილითა და ძლიერი
ფლოტით ბითინიაში ჩავიდა. მას ევალებოდა ახლად შემოერთებული
ქვეყნის შემომტკიცება და სრუტეების ჩაკეტვა.

მითრიდატეს წინააღმდეგ გენერალური შეტევების წარმოება და-
ვალებული ჰქონდა მეორე კონსულს. ლუკულუსმა რომიდან აზიაში
ჩამოიყვანა ერთი ლეგიონი, შეიერთა აზიაში მყოფი ოთხი ლეგიონი
და ამრიგად თავისი საომარი დროშის ქვეშ თავი მოუყარა 30 000
ქვეით მეომარს და 2.500 ცხენოსანს. ლუკულუსის მთავარი შეტევა
უნდა წარმართულიყო ჩრდილო-აღმოსავლეთის მიმართულებით, დი-
დი ფრიგიისა და კაპადოკიის გავლით, პონტოს წინააღმდეგ.

ქვეითი ჯარების სარდლებად ლუკულუსს ჰყავდა: სულს ყოფილი
ლეგატი ლუციუს მურენა, ვალერიუს ტრიარიუსი, ბოკონიუსი, ბარბა,
სექსტილიუსი, ფაბიუსი, მარკუს პომპეუსი და სორნაციუსი; კავალე-
რიას მეთაურობდნენ: პომპონიუსი, პუბლიუს კლოდიუსი და აპიუს
კლაუდიუსი. კონსულმა, უპირველესად ყოვლისა, ხელ მოჰკიდა არმი-
აში მკაცრი სამხედრო დისციპლინის დამყარებას. სასამართლო-
რი უურადლება მიაქცია ფიშხრისეულ ლეგიონებს. მხოლოდ დრი-
დანვე (აზიაში გადმოსვლის დღიდან). თვითნებობდნენ და ღრმობ-
დნენ. მათ თავიანთი ინიციატივით სარდლობის ცვლილება და ვაოაყენების
ცნობილი ტრადიცია ჰქონდათ და, რო ორც ეყუბ არც ხალი სარ-

დღის წინაშე აპირებდნენ ქედის მოხრას. ლუკულუსმა უდისციპლი-
ნობისათვის მკაცრი სასჯელი დააწესა და მოკლე ხანში აგრძნობინა მათ.
თავისი ენერგია და სიმკაცრე ყოველგვარი დარღვევისა და ანარქიის
წინააღმდეგ.

ლუკულუსმა აზიაში გადმოსვლისთანავე ხელი მოჰკიდა მეორე, კი-
დეე უფრო მზიმენელოვანი ღონისძიების გატარებას, რამაც დიდი როლი
შეასრულა იის წარმატებათა საქმეში. კონსერვატორ სულას გაზრდილ-
მა, ამპარტავანმა და ფულით დაწინაურებულმა პლუტოკრატიის მო-
ძულე პატრიციუსმა კარგად აუღო ალლო რომაელების მიმართ აზიის
მოსახლეობაში შექმნილ საერთო განწყობილებას. ლუკულუსმა იცო-
და, როგორ უსინდისოდ ყვლეფდნენ აზიას მისი თანამემამულე მდი-
დარი ფინანსისტები; ლიცინიუსების წარჩინებული გვარის წარმომად-
გენელს, რომელიც, თავის მხრივ, გამდიდრებისა და ანგარებისად-
მი დიდ სიხარბეს იჩენდა, ზიზღს ჰგვრიდა პლებეების წრიდან კა-
პიტალებით დაწინაურებულ „უგვარო“ მხედართა წოდების წარმო-
მადგენლები, რომელთა ჯიბე პროვინციათა ძარცვა-გლეჯის ნიადაგზე
სქელდებოდა. ლუკულუსი რომში ყოფნისას კარგად ხედავდა, რო-
გორ იისობდა რომი აზიაში ნაძარცვით: შემდეგ კი, როცა ის სუ-
ლასთან ერთად აზიაში დასწრებდა, თავის თვალთ ნახა, რას სჩადი-
ოდნენ იქ რომაელი „ჰარპიები“. ლუკულუსმა იცოდა, ამის ნიადაგზე
აზიელ მოსახლეობას რომაელები საშინლად სძულდა და ამ სიძულ-
ვილს ხშირად საშინელი შურისძიებაც მოსდევდა (მაგალითად, ეფე-
სოს ედიქტი). და აი, ლუკულუსმა სცადა აელაგმა რომაელი ფინანსის-
ტების თავგასულობა აზიაში და ამით გაშმაგებული ადგილობრივი
მოსახლეობის გული დასავლეთიდან მოსული დამპყრობელისაკენ მო-
ებრუნებია. ამით, ის, აგრეთვე, განხეთქილებას შეიტანდა იმ კავ-
შირსა და ურთიერთგაგებაში, რაც პონტოელ ხელმწიფესა და აზიის
მკვიდრთა შორის არსებობდა.

თუ როგორ წარიმართა ლუკულუსის აღნიშნული ღონისძიებანი
და როგორი შედეგები მოჰყვა მას როგორც ერთი, ისე მეორე
მხრიოთ, ამას ნათლად დაგვანახებს გზადაგზა მოვლენათა მსვლე-
ლობა.

... ემ აომია ორად გაჰყო; ერთი ნაწილი, გადასცა დიოფანტეს და
გაგზა ნ კავ დოკიის დასაცავად და ლუკულუსის მოსალოდნელი შემო-
ტევიბის უნებებლსაყოფად. მეორე ნაწილით თვითონ დაიძრა დასავ-
ლეთ ს ონ ნან გაიარა პაფლაგონია, გალატია და მეცხრე დღეს შევი-
და ბიზონ შში. „ქალაქები მას სიხარულით ეგებებოდნენ“, რადგან „არა
მარტო ბ თიას, არამედ მთელს აზიას ჰქონდა მოდებული წამებისა-
გან გამწვეული ძველი სენი და მზად იყო განდგომოდა რომს, ვინაიდან

რომელი მევახშეები და გადასახადთა ამკრეფნი მეტისმეტად სტანჯავდნენ მას¹.

მითრიდატე სწრაფად უახლოვდებოდა ქალკედონს. სადაც მთელი თავისი ძალებით გამაგრებული იყო ავრელიუს კოტა. ამ უკახსკეღმა გადაწყვიტა, არ დაეცადა ლუკულუსის შეტევის დაწყებისათვის და ტრიუმფის სურვილით შეპყრობილმა საბრძოლველად განაღო სახმელეთო ჯარები, ხოლო ფლოტის უფროსს. პუბლიუს რუტილიუს ნუტას უბრძანა მოეზადებინა ხომალდები მოახლოვებულ პონტოურ ფლოტთან სამხრად.

ბრძოლები ხმელეთზე და ზღვაზე ერთსა და იმავე დროს მოხდა. კოტამ ველარ გაუძლო მითრიდატეს მდგარ შეტევებს და სწრაფად დაიწყო უკანდახევა. რუტილიუს ნუტამ სცადა თავისი მეზღვაურებით ვაემარებინა კონსულის ზურგი. მაგრამ მითრიდატემ უფრო ძლიერად შეუტია. თავგანწირვითა და სიმამაცით მიიწვიდნენ პონტოელები, განსაკუთრებით ცხენოსანი ბასტარნები. რომაელები სასტიკად დამარცხდნენ. კოტამ ძლივს შეასწრო ქალკედონის კარებში. მისი ლეგიონერები და რუტილიუსის მეზღვაურებიც ქალკედონის კარიბჭეს მიაწყდნენ, პონტოელთაგან ნასროლი ისრები მიზანს არა სცდებოდა და რომაელთა სისხლი უხვად იღვრებოდა. მსხვერპლი კიდევ უფრო გადიდდა, როცა კარები შიგნიდან ჩაკეტეს და ბევრი რომაელი, კედლებს გარეთ დარჩენილი, მტრისაგან განადგურდა. ძლივს გადარჩნენ რუტილიუსი და ზოგი სხვა სამხედრო მეთაური, რომლებიც თოკებით გადაათრიეს ქალაქის შიგნით. იმავე დღეს პონტოელებმა ბრწყინვალედ გაიმარჯვეს ზღვაზეც. მათ დაამსხვრიეს ნავსაყუდელის სპილენძის ჯაჭვებისაგან აგებული ჯებირი და დასწვეს რომაელთა ოთხი ხომალდი, ხოლო დანარჩენი სამოცი ხომალდი მთელი თავისი ეკიპაჟით ბუქსირზე გამოიბეს და წაიყვანეს. რასაკვირველია, დიდი იქნებოდა რომაელთა საერაო მსხვერპლი.

მითრიდატემ ქალკედონს ალყა შემოარტყა. ახლა კოტა ხსნას მხოლოდ ლუკულუსისაგან ელოდა.

ლუკულუსი მდინარე სანგარიასთან იდგა ფრიგიაში, როცა მან თავისი კოლეგის საშინელი მარცხის ამბავი შეიტყო. ლუკულუსის მეომართა სულიერი განწყობილება საკმაოდ შეარყია თანამემამულეთა პირველმა მარცხმა. სარდალმა ძლივს გაამხსნევა არმია.

მებრძოლები ურჩევდნენ მას, წაეყვანა ისინი პირდაპირ პონტოს სამეფოსაკენ, სადაც ამ დროს არ იდგა არც ერთი ძლიერი სამხედრო ნაწილი ქვეყნის დასაცავად. განსაკუთრებით არქელაოსი, მითრიდატეს ყოფილი სარდალი და ახლა რომაელთა მეგზური და მრჩეველი. ლუკულუსს აქეზებდა დაუყოვნებლივ დაძრულიყო პონტოში სალაშქროდ და არა კოტას მისაშველებლად. თუ პლუტარქეს დავუჯერებთ, რომაელ-

² Plut., Luc. 7; ასევე, App. Mithr. 71.

თა სარდალმა ეს რჩევა ასეთი სიტყვებით უარჰყო: „მე არ ვიქნები ჩვეულუბრივ მონადირეებზე მშიშარა, რომ გვერდი ავუარო მხეცებს და შევიდე მათ ცარიელ ბუნაგში“. მან დაუწყო დაშოშმინება აღშფოთებულ მეომრებს და მათ თხოვნას, მდიდარი პონტოს გასაძარცვად წასვლაზე, უპასუხა: „ის შირჩენია, გამოვგლიჯო მტერს ერთი რობელი, ვიდრე დავეუფლო მთელს მის საგანძურს“.

ლუკულუსის შეჩერება სცადა სერტორიუსისაგან გამოგზავნილმა ჯარმა, რომელსაც მარკუს მარიუსი სარდლობდა. მაგრამ ამ ცდას არავითარი ნაყოფი არ მოუტანია მითრიდატესათვის. მარიუსმა უეცრად გადაიფიქრა ბრძოლად გასვლა და ლუკულუსთან მოლაპარაკებაზედაც კი დაიწყო ზრუნვა.

ლუკულუსმა შეიტყო, რამდენი ჯარისკაცი ითვლებოდა მითრიდატეს ბანაკში და რამდენი ჰქონდათ სურსათ-სანოვაგის მარაგი. „შემდეგ შეადარა დამზარებული მარაგის რაოდენობა მჭამელთა რიცხვთან და დასკვნა, რომ სამ-ოთხ დღეში მოწინააღმდეგეს მარაგი აღარ ექნებოდა. ამის გამო ის კიდევ უფრო მტკიცედ დაადგა აზრს, რომ გაუქმანურებინა ომი და დაეგროვა სურსათის მარაგი თავის ბანაკში, რათა ჰქონოდა ის ჭარბად, და არხეინად მოეცადა ხელსაყრელი შემთხვევისათვის, როცა მტერს სურსათი შემოეღოდა“. ლუკულუსი სულას მოწაფე იყო და ისე, როგორც მასწავლებელმა, ადრე კარგად გამოიყენა პონტიელი სარდლების წინდაუხედაობა არმიის ფურაჟირების საქმეში, ახლა მოწაფემაც ყურადღება მიაქცია მტრის იმავე სუსტ მხარეს და ომის გაჭიანჭრების ტაქტიკურ ვზას დაადგა. ქალკედონის მოალყე მეფეს რომაელებმა აღმოსავლეთიდან გზა მოუჭრეს.

მაგრამ ლუკულუსს დაბანაკებაც ვერ მოესწრო, რომ მითრიდატემ მწვლ და წვიმიან ღამეში ბანაკი აპყარა და გადაინაცვლა კიზიკოსისაკენ. მან არნია ათ ნაწილად განჯდა და სხელეთიდანაც და ზღვიდანაც გარს შემოერტყა ქალაქს.

ლუკულუსი ფეხდაფეხ გამოედევნა მტერს. იგი დინდიმის მთიდან დაადგა პონტიელთა ბანაკს და კვლავ სასმელეთო გზა გადაუჭრა კიზიკოსის მოალყეებს. მთელი ზამთრის განმავლობაში პონტოელები ებრძოდნენ კიზიკელებს, რომაელებს, შიმშილს, ეპიდემიას და ლალატს. მითრიდატეს ყოველი ცდა ქალაქის აღებისა და ალყის ვარღვევისა უნაყოფოდ დამთარდა; ყველა მისი განზრახვა მოლალატეების წყალობით ლუკულუსმა ყოველთვის იცოდა და საჭირო კონტროლისძიებებით შლიდა მტრის „სტრატეგემატებს“. მეფემ გადაწყვიტა განეტვირთა ბანაკი უკვე ზედმეტი, გამოუსადეგარი და ხელისშემშლელი ნაწილებისაგან. მას, ქალაქის ალყისათვის, კავალერია აღარ სჭირდებოდა; ასევე „ზედმეტი“ გახდა ბრძოლაში დაჭრილთა, დაავა-

¹ Plut. Luc. 2.

დებულთა და დასუსტებულთა ბრბოები. ამიტომ მეფემ დრო შეაჩინა და ყველა ისინი ბანაკიდან პირდაპირ ბიზინისაკენ გაგზავნა. ლუკულუსს ეს შეუმჩნეველი არ დარჩენია. მან დილით ადრე ხუთი კოჰორტა და მთელი კავალერია გამოიყვანა და დაედევნა გაქცეულთროცა ინვალიდთა და დამძეულთა ბრბოებმა მდინარე რინდაკს მიადწიეს, რომის „გაუთლელი ჯარისკაცები“ მათ წამოეწივნენ და უწყალოდ დაუწყეს ელვება. ლუკულუსმა ამ ყაჩაღური თავდასხმის შედეგად ხელთ იგდო 15.000 ტყვე, 6.000 ცხენი და მრავალი სატვირთო პირტუტყვი. ამის შემდეგ რომაელი სარდალი კვლავ შებრუნდა კიზიკოსისაკენ.

73 წელი დადგა. მითრიდატეს „ჯარი მთლად მშვიერი იყო, ბევრი იხოცებოდა, ზოგნი... ადამიანის შიგნეულს სკამდნენ, სხეები კი ბალახით იკვებებოდნენ და ავად ხდებოდნენ. იქვე დაუსაფლავებლად გადაყრილმა მათმა გვამებმა, შიმშილის დამატებად, შავი ქირი გააჩინა“¹. მითრიდატემ მიწისქვეშა ხერულით სცადა ქალაქში შეჭრა, მაგრამ ეს გეგმაც ჩაეშალა.

როცა ყოველი ცდა უნაყოფოდ დამთავრდა, მითრიდატემ კიზიკოსის ალყა მოხსნა, სახმელეთო არმია ჰერმეოსსა და მარიუსს გადასცა და ქალაქ ლამპსაკის დასაუფლებლად გაგზავნა, თვითონ ფლოტით ჰელესპონტისაკენ გაეშურა.

ლუკულუსი ლამპსაკისაკენ მიმავალ პონტოელთა არმიას წამოეწია და დამარცხა. დამარცხებულებმა ლამპსაკს მიადწიეს და თავი მის კედლებს შეაფარეს. რომაელებმა ლამპსაკს ალყა შემოარტყეს. მითრიდატემ ზღვიდან მოახერხა თავისი არმიის ნაშთებისა და ლამპსაკელი წარჩინებულების გადაყვანა.

მითრიდატე ხმელეთიდან განდევნილი იყო. მცირე აზიის დასავლეთი და ჩრდილო-დასავლეთი ზღვისპირეთი რომაელებს ეპყრათ და ბოსფორის ყელთანაც ლუკულუსის მეომრები დარაჯობდნენ, რათა პონტოს მეფისათვის სამშობლოსაკენ მიმავალი ეს ერთადერთი გზაც დაეკეტათ. მაგრამ მითრიდატე იარაღის დაყრას არ ფიქრობდა. მას დიდ იმედს აძლევდა ძლიერი ფლოტი, რომელიც პროპონტიდის ბატონ-პატრონი იყო, ხოლო რომაელებს, რომელთა ფლოტი ქალკედონთან განადგურდა, ჯერჯერობით არც ერთი ხომალდი აღარ ჰყავდათ, რომ როგორმე მითრიდატესთვის „ზღვის მეფობაც“ წაერთმიათ.

მითრიდატემ 50 გემზე 10.000 მძიმედ შეიარაღებული მეომარი დასვა და მარკუს მარიუსის, ალექსანდრე პავლაგონელის და დიონისე ევენუსის მეთაურობით გაგზავნა ეგეოსის ზღვისაკენ. თვითონ მეფე ფლოტის უდიდესი ნაწილით გაეშურა ბოსფორის სრუტისაკენ.

ლუკულუსმა, რომელსაც საზღვაო ბრძოლების დიდი გამოცდი-

¹ App. Mithr. 76.

ლება ჰქონდა, კარგად იცოდა ფლოტის ფასი, განსაკუთრებით მაშინ, როცა მტრის უმთავრეს საყრდენად ზღვა იყო შემორჩენილი. მან ფლოტი ააგო და მისი ორგანიზების პროცესში რომიდან ახალი დამსმარე ძალებიც მიიღო ბარბას სარდლობით. საზღვაო ძალთა უფროსობა თვითონ ლუკულუსმა ჩაიბარა, ხოლო სახმელეთო არმიები დაუნაწილა ხელქვეით სარდლებს, რომელთაც დაუყოვნებლივ უნდა დაეწყოთ შეტევები იმ ქალაქთა მიმართ, რომლებიც ჯერ კიდევ არ ღალატობდნენ პონტოელ მეფეს. ლუკულუსმა თავის ერთ სარდალს, ბოკონიუსს, ფლოტის ნაწილიც გადასცა და ნიკომედიისაკენ გაგზავნა მითრიდატეს შესაპყრობად.

რომაელი მთავარსარდალი ლამპსაკის აღების შემდეგ გამოედევნა ეგეოსის ზღვაში გასულ პონტოურ ხომალდებს და გაანადგურა ისინი ტენედოსთან და ლემნოსთან. ამ გამარჯვების შესახებ მან დაფნით შემკული ეპისტოლე გაუგზავნა სენატს; შემდეგ შემობრუნდა და ბითინიისაკენ გაეშურა, სადაც მისი სარდლები ბრძოლებს ეწეოდნენ ცალკეულ ქალაქებთან და დარაჯობდნენ პროპონტიდაში მომწყვედულ მეფეს.

ვალერიუს ტრიარიუსმა აიღო აპემეა და საშინელი ხოცვა-ჟლეტა გააჩაღა. მცხოვრებლები ტაძრებში მირბოდნენ და იქ ცდილობდნენ თავის გადარჩენას, მაგრამ რომაული მახვილი იქაც შეუბრალებლად ჰღვრიდა მათ სისხლს. იტალიიდან ახლად ჩამოსულმა ბარბამ აიღო ქალაქი პრუსია, ხოლო ამის შემდეგ — ნიკეა. ამ დროს ლუკულუსიც მოვიდა ბითინიაში. მას იმედი ჰქონდა რომ მითრიდატეს შეპყრობილს დაახვედრებდნენ.

მითრიდატეს ზღვაზე ქარიშხალმა მოუსწრო და ხომალდთა უმრავლესობა სულ დაეღუპა. თვითონ დიდის ვაი-ვაგლახით ძლივს მიაღწია ნიკომედიას და იქ ჩაიკეტა.

როგორც კი ეს ამბავი ავრელიუს კოტამ შეიტყო, სასწრაფოდ გამოვიდა ქალკედონიდან და ნიკომედიას მიაშურა. მას უნდოდა ნიკომედიაში თავშეფარებული ფრთებდამსხვრეული პონტოელი არწივის შეპყრობით ჩამოერეცხა ქალკედონთან მიღებული სამარცხვინო ლაქა. კოტას კვალდაკვალ გაჰყვა ტრიარიუსი, რომელსაც სურდა წილი დაედო ომის ფინალის დიდებულად ჩატარებაში. ორივე სარდალმა ნიკომედიასთან დაიბანაკა და ქალაქის გარემოცვას შეუდგნენ. სწორედ ამ დროს შეიტყო მითრიდატემ ეგეოსის ზღვაზე მისი ხომალდების დაღუპვის ამბავი და დარწმუნდა, რომ მისთვის იმჯერად დასავლეთის ყოველი პუნქტი დაკარგული იყო. იგი სასწრაფოდ გამოიქრა ნიკომედიიდან, ფიცხლავ გასცურა ბოსფორის სრუტე და შავ ზღვაში გავიდა. ვერც კოტამ, ვერც ტრიარიუსმა და ვერც ბოკონიუსმა ვერ შესძლეს მისი შეჩერება.

პითრიდატე ჰერაკლეაში შევიდა და იქაური გავლენიანი მოქალაქის ლამაქის ხელშეწყობით ქალაქი უბრძოლველად ჩაიგდო ხელში. ჰერაკლეაში მან დასტოვა გარნიზონი—4.000 მეომარი — კონაკორიქსის მეთაურობით. თვითონ მეფე გაეშურა სინოპში, შემდეგ კი გადავიდა ამისოსში.

ლუკულუსმა ნახა, რომ მის ხელქვეითებს და კოლეგებს თითქმის ძირს დაცემული მტერი ხელიდან გასსლტომოდათ. მართალია, ეს ჯერ კიდევ მძიმე დღეების მომასწავებელი იყო, მაგრამ რომაელთა გამარჯვების შედეგი მაინც დიდად მოჩანდა. რომაელთა ხელში იყო მთელი პროვინცია აზია და ბითინიის ყოფილი სამეფო. მითრიდატე კვლავ თავის სამემკვიდრეო საზღვრებში ჩაკეტილიყო. როგორ უნდა მოქცეულიყო ახლა ლუკულუსი?

ლუკულუსმა თავის სარდლებს ახალი შეტევების გეგმა გააცნო და თითოეულ მათგანს საბრძოლო ამოცანა მისცა. თვითონ მთავარსარდალი ძირითადი ძალებით ბითინიისა და გალატიის გავლით, შეიჭრებოდა პონტოს საზღვრებში; აგრელიუს კოტა უნდა დაძრულიყო ჰერაკლეის წინააღმდეგ; ტრიარიუსმა ჩაიბარა ფლოტი და დავალებად მიიღო სრუტეების ჩაქეტვა და ესპანეთიდან მომავალი პონტიკური გემების ხელში ჩაგდება.

4. რომაელთა ლაშქრობა პონტოში

პონტოსაკენ მიმავალმა ლუკულუსმა გალატიაში სურსათ-სანოვავე მოიმარაგა. მის არმიას 30.000 გალატიელი მისდევდა, ყოველ მათგანს თითო მედიმნი ხორბალი მიჰქონდა რომაელი ჯარისკაცისათვის.

73 წლის ზაფხულის მიწურულში ლუკულუსის არმიამ გადალახა პონტოს დასავლეთი საზღვარი და ჰალისის გადასვლის შემდეგ, შეიჭრა ქვეყნის ცენტრალურ ნაწილში. დიდი ხანი იყო გასული მას შემდეგ, რაც ნიკომედე ბითინიელმა და ლუციუს მურენამ ააოხრეს პონტოს სანაპირო რაიონები. ქვეყნის ცენტრალურმა ნაწილმა ხომ დიდი ხანი აღარ აცოდა უცხოელთა შემოსევა, განსაკუთრებით იმ პერიოდში, როცა პითრიდატე ევპატორი სხვათა მიწებს იპყრობდა და თავის ქვეყანას აყვავების გზით წარმართავდა. ახლა კი პონტოს ნაყოფიერი და მდიდარი მიწები რომაელთა ძარცვა-გლეჯის ასპარეზად იქცა. დამპყრობლებს შიში აღარ ჰქონდათ, რომ შორეულ ქვეყანაში შიმშილის მსხვერპლნი გახდებოდნენ. თითქმის უპატრონოდ მიტოვებულ ქვეყანას განუეითხავად ძარცვავდნენ და მონებად ჰყიდდნენ.

მიუხედავად ამისა, სიმდიდრისათვის ჰკუთავადასული რომაელი

მეომრები ძაინც უკმაყოფილებას გამოსთქვამდნენ, რომ ლუკულუსი ქალაქების აღებას ულტიმატუმების გზით ცდილობდა და ამით მეომრებს ნაკლებ საშუალებას აძლევდა ძარცვის უფრო ფართო მასშტაბით წარმოებისათვის.

ლუკულუსმა, როგორც კი პონტოს ცენტრალური რაიონების დაპყრობა დაასრულა, მხარმარცხნივ ჩამოიტოვა სინოპი და შეუდგა ამისოსის, ევპატორიისა და თემისკირას ალყას. პონტოს სოფლებსა და ველ-მინდვრებს რომაელები დაუბრკოლებლად აოხრებდნენ, ქალაქები კი მტერს თავგანწირულ ბრძოლას უმართავდნენ.

ლუკულუსის ძირითად მიზანს უპირველესად თვითონ მითრიდატეს შეპყრობა წარმოადგენდა. ამიტომ მიაშურა მან ისე სწრაფად ამისოსს, სადაც მას მეფე ეგულებოდა; მაგრამ მეფემ ამისოსი დატოვა და ქაბეირაშე წავიდა. ლუკულუსმა სცადა ერთის დარტყმით აეღო პონტოს ზღვისპირა ქალაქები და მერე მიბრუნებოდა მითრიდატეს; მაგრამ ქალაქების თავგამოდებულმა წინააღმდეგობამ ის წაღე დაარწმუნა, რომ ასე ხმლის ერთი მოქნევით ომის დამთავრება შეუძლებელი იყო. საპირო გახდა ქალაქთა ხანგრძლივი ალყის წარმოება, მაგრამ მოსალოდნელი იყო, რომ ლუკულუსის მდგომარეობა მალე კრიტიკული გახდებოდა, თუკი მითრიდატეს ახალი ღონისძიებები და ცდები სასურველ შედეგს მოიტანდა; ქაბეირაში მითრიდატე კონტრშეტევისათვის ემზადებოდა.

ბრძოლის ველიდან თითქმის მარტოდმარტო დაბრუნებულ მეფეს თავისი ძლიერების აღორძინებისა და მოწინააღმდეგის პირისპირ ხელახალი გამოსვლის იმედი მაინც არ დაუკარგავს. მან დიდი აზიური კოალიციის შექმნას მოჰკიდა ხელი. იგი ფიქრობდა, რომ რომაელთა სწრაფი წინსვლა უპირველესად შეაშფოთებდა სომხეთის ხელმწიფეს და შემდეგ, არც პართიისათვის უნდა ყოფილიყო სასიამოვნო რომაული იარაღის ასეთი წარმატებანი აღმოსავლეთში. აღმოსავლეთის ყველა დესპოტის ძალაუფლებას ემუქრებოდა რომის სწრაფი წინსვლა აზიაში. მითრიდატემ ელჩი გაგზავნა ტიგრან მეორესთან და ფრაატ მესამესთან და სამხედრო დახმარება ითხოვა. იმავე დროს ევპატორმა კაცი გაგზავნა ბოსფორში, სადაც მისი შვილი მახარე მეფობდა, და მასაც სთხოვა დამხმარე ძალები. მეფემ ძღვენითა და ოქროთი დატვირთული კაცი, ვინმე დიოკლე, გაგზავნა სკვითებთან დამხმარე ჯარებისათვის. მითრიდატეს ამ კარგად მოფიქრებული ღონისძიებების უშედეგო პერსპექტივის პირველი სიმპტომი ის იყო, რომ დიოკლემ, სკვითებთან გატანებული ოქროვერცხლითა და საჩუქრებით დატვირთულმა, გზიდან გადაუხვია და ლუკულუსის ბანაკს ჩაბარდა. ქაბეირაში ჩაკეტილი მეფე მხნეობას არ ჰკარგავდა; ალყაშემორტყმულ ქალაქებს ბლომად იარაღს, სურსათსა და ჯარს უგზავნიდა

და თან მოუთმენლად ელოდა პასუხებს პართიიდან, სომხეთიდან, ზოს-ფორიდან. ნოვიდა პასუხი მხოლოდ ტიგრანისაგან, რომელიც მას დახმარებას აღუთქვამდა. მაგრამ აღთქმა მხოლოდ აღთქმად დარჩა. ტიგრანს არ სურდა საშიში ომი დაეწყო რომთან, რადგან მის ყოველ უბრალო გასაჰირს გაფაციცებით უთვალთვალებდა მისადმი რევანშის წყურვილით შეპყრობილი პართია. პართიისაგანაც არ ჩანდა დახმარება, რადგან ფრაატს არ სურდა კავშირი მოსისხლე მტერთან, სომხეთის მეფესთან. რა იმედი უნდა ჰქონოდა მითრიდატეს პართიისა და სომხეთის მეფეთაგან, როცა მისი ღვიძლი შვილი, მახარე, მის წინააღმდეგ ლალატს აშზადებდა?

ასე, რომ რომაელთა წინააღმდეგ მითრიდატესეული კოალიციის შექმნის ცდა მარცხით დამთავრდა. პონტოელი ვერც ამან დააბნია და დაიწყო ჯარების შეგროვება ჯერ კიდევ მის ხელქვეით დარჩენილ ქვეყნებში. გაზაფხულისათვის მას ქაბეირასთან მზად ჰყავდა 40.000 ქვეითი და 4.000 ცხენოსანი მეომარი.

73—72 წლის სუსხიანმა ზამთარმა ლუკულუსის ლეგიონები ბანაკებში ჩაჰკეტა. რომაელები ჯერჯერობით მხოლოდ პონტოურ ქალაქთა ალყას განაგრძობდნენ. ლუკულუსი მოუთმენლად ელოდა გაზაფხულს, რათა განეგრძო ლაშქრობა უშუალოდ მითრიდატეს წინააღმდეგ. ჯარისკაცები დრტვინავდნენ და მოითხოვდნენ, მთავარსარდალს ხელი აეღო „ტიბარენებისა და ხალდების ველებში მითრიდატესთან საბრძოლველად“ წასვლაზე¹. მაგრამ სარდალი უურადღებას არ აქცევდა მათ ბუზღუნს და იმაზე ფიქრობდა, თუ როდის შესძლებდა მის წინ თეთრად დაფენილი მთების გადალახვას.

გაზაფხულის დადგომისთანავე ლუკულუსმა ამისოსის ალყის გასაგრძელებლად დატოვა ლუციუს მურენა, ხოლო თვითონ ძირითადი ძალებით დაიძრა ქაბეირას მიმართულებით. მას თან ჰყავდა 40.000 ქვეითი მეომარი და 3.000 მხედარი.

მთების გადასასვლელებთან მითრიდატესგან ჩაყენებულმა ვინმე ფენიქსმა მეფეს უღალატა და მასზე გაპიროვნებული ჯარით ლუკულუსს ჩაბარდა. მითრიდატემ მთის ძირში მტერს კავალერია დაახვედრა. რომაელთა ავანგარდმა, რომელსაც პომპონიუსი სარდლობდა. პონტოელთა ელვისებურ შეტევას ვერ გაუძლო და სასტიკად დამარცხდა. ლუკულუსმა უკან დახევის ბრძანება გასცა. რომაელებმა ისევ მთებს შეაფარეს თავი. პირველ მსხვერპლთა შორის იყო ბრძოლაში დაქრილი პომპონიუსი, რომელიც ცოცხლად მიჰგვარეს მითრიდატეს.

ამას მოჰყვა ორი მცირე მასშტაბის ბრძოლა, რომელთაგან ერთი რომაელთა სასარგებლოდ გათავდა, ხოლო მეორე — პონტოელთა გამარჯვებით. ბოლოს ქაბეირასთან, მითრიდატეს სარდალთა წინდაუხე-

¹ Plul. Luc. 14.

დავობისა და უნიკობის წყალობით, პონტოელთა არმია განადგურდა. რომაელებმა აურაცხელი სიმდიდრე და დავლა ჩაიგდეს ხელში. მითრიდატე 2.000 მხედრის თანხლებით გაიქცა სომხეთში.

ლუკულუსი ახალი მონარქიის საზღვრებთან იდგა. იმ საზღვრებს იქით მიეფარა რომაელთა დაუძინებელი მტერი. მთავარსარდლის წინაშე ახალი ომის პერსპექტივა წამოიჭრა.

ლუკულუსმა ტიგრანთან გაგზავნა თავისი ცოლის ძმა და სარდალი აპიუს კლავდიუსი მოთხოვნით — დაუყოვნებლივ ჩაებარებინა მითრიდატე რომაელებისათვის. ამ დროს მითრიდატე სომხეთის ერთ-ერთ პროვინციაში იმყოფებოდა. ტიგრანმა ბრძანა, მისი დევნალი სიმამრისათვის მეფური პატივი ეცათ და მცველი ამაღაც დაენიშნათ. მაგრამ მის პირად მიღებაზე უარი განაცხადა. ამით ტიგრანს სურდა ნეიტრალური პოზიცია დაეჭირა რომსა და პონტოს შორის.

როცა აპიუს კლავდიუსი სომხეთის სამფლობელოში შევიდა, ამ დროს ტიგრანი ნაკლებად ფიქრობდა რომაელთა ზრახვებზე და ფინიკიის ქალაქთა დაპყრობით იყო გაართულს. მისი სიფხიზლის მოდუნება რომაელ ელჩს საშუალებას აძლევდა კარგად მიმოეხილა უცხო ქვეყნის ყოველი კუთხე, გეოგრაფიული ვარემო, გზები და ქალაქთა ადგილმდებარეობანი, რათა ამის საფუძველზე მომავალი ომისათვის საჭირო ცნობები ჩაეტანა თავისი ხელისუფალისათვის.

საინტერესოა ცნობა ლუკულუსის ელჩის აუდიენციის შესახებ სომხეთის სასახლის კარზე: „როგორც კი აიტყვა აპიუსს მიეცა, მან ტიგრანს პირდაპირ განუცხადა, რომ მისი მოსვლის მიზანია მითრიდატეს ვაცემის მოთხოვნა, რომელიც საჭიროა ლუკულუსის ტრიუმფისათვის: ხოლო, უარის შემთხვევაში, მას რწმუნება აქვს, გამოუცხადოს ტიგრანს ომი“. აპიუსი აუდიენციის დროს ყოველნაირად ცდილობდა თავისი უტიფარი ქცევებით მოთმინებიდან გამოეყვანა ზვიადი მბრძანებელი. ეტყობა, აპიუსს ამ შემთხვევაშიც ლუკულუსის სანქცია ჰქონდა, რაც იქედანაც დასტურდება, რომ თვითონ რომაელი მწერლართმთავარიც პირად წერილში ცდილობს დაამციროს ტიგრანი: მას იგი უბრალოდ უწოდებს „მეფეს“ და არად ავდებს სომეხთა ხელმწიფის მქუხარე ტიტულს — „მეფეთა მეფე“.

ერთი სიტყვით, რომაელი სარდალი ცდილობდა მოწინააღმდეგისათვის საომარი საბაზი გამოეტყუა.

ეს საბაზიც ხელთ ჰქონდათ რომაელებს: ტიგრანმა უარი განაცხადა მითრიდატეს ვაცემაზე.

ამგვარად, 71 წლისათვის, პონტოს მეფის მარცხის მეორე დღეს, აღმოსავლეთში კიდევ ახალი ომის აჩრდილი წამოიშარათა. ლუკულუსმა ხელი ვერ მოავლია ნანატრ მიზანს: სისხლისგან დაკლილმა ევა-

ტორმა სომხეთის კალთას შეაფარა თავი. მაგრამ რომაელმა სარდალმა სომხეთთან ომის დაწყებისათვის ზოგიერთი პირობათაგანი მაინც მოაგვარა. აპიუსმა მთლიანად ვერა, მაგრამ სომხეთიდან ნაწილობრივი ცნობები მაინც წამოიღო ამ ქვეყნის შესახებ. რაც უფრო მნიშვნელოვანი იყო, — ლუკულუსმა ტიგრანის მონარქიაში მოკავშირეები გაიჩინა და წინასწარ გაიმავრა ბაზა, რომელსაც ადგილზე უნდა დაყრდნობოდა, როცა იგი ტიგრანის სამფლობელოთა საზღვრებს გადალახავდა. უახლოესი ამოცანა ახლა იყო პონტოს ზღვის სანაპირო ქალაქების დამორჩილების დასრულება. რის შემდგომ რომაელებს აღარაფერი აღარ დააბრკოლებდათ სომხეთისაკენ სალაშქრო გზაზე.

ლუკულუსი ჯერ მიადგა ამისოსს, სადაც მან პითრიდატეს გამოდევნების წინ ორი ლეგიონით დატოვა ლუციუს მურენა. მთავარსარდალმა ნახა, რომ ქალაქის აღებისათვის მისი ლეგატის ყოველ ცდას უნაყოფოდ ჩაუვლია. ამისოსის სტრატეგოსი კალიმაქე, — რომელიც საომარ მანქანათა და საბრძოლო „სტრატეგემების“ შესანიშნავ ოსტატად ითვლებოდა, ქალაქის დაცვას წარმატებით ხელმძღვანელობდა. მოსახლეობის თავგანწირულება ამისოსის კედლებს ძალას ჰმატებდა და მურენას ყველა შეტევას უვნებელს ხდიდა. ლუკულუსმა ქალაქის მოსახლეობას სიტყვით მიმართა, მაგრამ ვერც მისმა დემაგოგიამ გამოიღო ნაყოფი. მაშინ სარდალმა პროვოკაციულ მანევრს მიმართა: სინოპიდან ძირითადი ძალები მოხსნა და უეცრად თავს დაესხა ევპატორიას, მითრიდატეს საპატივემულოდ და მის სარეზიდენციოდ აგებულ ქალაქს. ევპატორიამ მოიგერია რომაელთა პირველი იერიშები. ლუკულუსმა ისევ ცბიერებას მიმართა: თითქოს აღარ აინტერესებდა ქალაქის ალყა და უკანდახევა დაიწყო; ქალაქის დამცველებმა ყურადღება მოადუნეს და რომაელებმა მოულოდნელად დაიწყეს იერიშები. მათ ისარგებლეს გუშაგთა დაუდევრობით, კედლები გადალახეს და ქალაქში შეიჭრნენ. რომაელებმა ევპატორია გაძარცვეს და საძირკველამდე დაანგრიეს.

ლუკულუსი ისევ ამისოსს მიუბრუნდა. თითქმის იმავე წესით (შეტევა მოაწყო იმ დროს, როცა ჩვეულებრივ უკან იხევდა და ამით მოადუნა ქალაქის დამცველთა ყურადღება) დაეუფლა ამისოსის კედლებს. კალიმაქემ ბრძოლა წაგებულად ჩასთვალა და ბრძანა ქალაქისათვის ცეცხლი წაეკიდებინათ, რათა ის მტერს ხელში დავლად არ ჩავარდნოდა. რომაელები, ცდილობდნენ მოესწროთ ცეცხლმოდებულ ქალაქის გაძარცვა. ლუკულუსმა კი ბრძანა ჯერ ძარცვისაგან თავი შეეკავებინათ და ხანძარი ჩაექროთ, მაგრამ ჯარისკაცები ღრიალითა და იარაღის უღარუნით მოითხოვეს ძარცვა-გლეჯის ნებართვას. ლუკულუსი დათანხმდა: დაიწყო ქალაქის ბარბაროსული რბევა და ნგრევა. გამხეცებული მეომრები არავის ინდობდნენ, შეუწყალებლად ხო-

ცავდნენ ყველას, იტაცებდნენ ყველაფერს; ცეცხლმოკიდებული ქალაქის კატასტროფას კიდევ უფრო აჩქარებდნენ იმით, რომ სახლებში ნივთების მოსაძებნად და დასატაცებლად ანთებული მაშხალები შეჰქონდათ, ანთებულსვე იქვე სტოვებდნენ და ამრიგად ხანძრებს ახალ-ახალი კოცონებით აძლიერებდნენ. ქალაქი თითქმის მთლიანად დაიფერფლა; მხოლოდ მისი მცირე ნაწილი გადაარჩინა ბედად მოსულმა კოკისპირულმა წვიმამ.

იმავე წელს რომაელებმა აიღეს ჰერაკლეა და სინოპი.

ჰერაკლეს დამორჩილება, როგორც ზემოთ ითქვა, დავალებული ჰქონდა ავრელიუს კოტას, რომელმაც აზიაში ერთი სამხედრო ოპერაცია ვერ მოიგო და ახლა ყოველნაირად ცდილობდა უმოკლეს დროში ჰერაკლეს ალებით ჩამოერეცხა სამარცხვინო ლაქა, მაგრამ იგი ჰერაკლეს კედლებთან ძალიან დიდხანს დარჩა. იერიშით არაფერი გამოვიდა და ალყა დაიწყო. როგორც ვიცით, მითრიდატეს ქალაქში დაყენებული ჰყავდა 4.000 კაციანი გარნიზონი, რომელსაც უნდა დაეცვა ქალაქი რომაელთაგან. მაგრამ მითრიდატეს გარნიზონი მართო არ იყო. ქალაქის მთელი მოსახლეობა მტკიცედ იდგა მშობლიური ქალაქის სადარაჯოზე. ამიტომ კოტას პირველივე იერიშები დიდ ზარალად დაუჯდა. ალყაც კიანურდებოდა. ჰერაკლეელებმა მოახერხეს დელეგაცია გაეგზავნათ თავიანთ კოლონიებში — ხერსონესსა და თეოდოსიაში — სურსათ-სანოვაგისათვის. კოტა ხშირად გზავნიდა ქალაქის კედლებზე საიერიშოდ ბითინიელებს, ხოლო რომაელებს უფრთხილდებოდა. როცა ყველა მისი იერიში ჰარალიზებულ იქნა. გაცოფებული სარდალი ქალაქის გარეუბნებს შეესია და სულ ერთიანად იავარჰყო. განსაკუთრებით გააპარტახა პურით მდიდარი ლიკეიონის გელი, რათა ქალაქს გადამწვარი და აოხრებული გარეუბნისაგან ვერავითარი საარსებო წყარო ვერ მიეღო. გატიალებულ გარემოს ცენტრში მდგარი ქალაქი შიმშილის მსხვერპლი უნდა გამხდარიყო. ჰერაკლეელებმა კვლავ გაგზავნეს ელჩები ხერსონესსა და თეოდოსიაში სურსათით დახმარების სათხოვნელად. მართლაც ჰერაკლეაში მალე შევიდნენ სანოვაგით დატვირთული გემები. მაგრამ დამშეული მოსახლეობის დასაპურებლად ეს მარაგი დიდხანს ვერ იკმარებდა. ამას ისიც დაერთო, რომ კონაკორიქის ნებართვით მისი მეომრები ქალაქის მცხოვრებლებს სცემდნენ და ლუქმაპურს ართმევდნენ. რომაელთა ალყას შედეგი მაინც არ მოსდევდა, რადგან ქალაქს ზღვა გახსნილი ჰქონდა და რაკი ბოლოფორელები დასმარებასაც არ იშურებდნენ, იქედან ყოველთვის შეიძლებოდა სურსათის მიღება. კოტამ კიდევ რაიმედენიმე უნაყოფო იერიშის შემდეგ ფლოტის უფროსს ტრიარიუსს სათხოვა ზღვიდან ჩაეკეტა ჰერაკლეა. მართლაც ტრიარიუსი ჰერაკლესას 43 გემით მიაღდა ზღვიდან. იმავედროულად კოტაც დაიძრა სმე-

ლეთიდან საიერიშოდ. მტრის ფლოტის მოულოდნელმა გამოჩენამ და ზღვიდან საარსებო საშუალების მოსპობის საფრთხემ კიდევ უფრო გაამძაფრა ჰერაკლეელთა თავგანწირვა. მათ სასწრაფოდ გაამზადეს 30 გემი და გაგზავნეს მტრის ფლოტთან შესახვედრად; თანაც კედლებთან გამაგრდნენ კოტას სახმელეთო იერიშის მოსაგერიებლად. ტრიარიუსის ფლოტს გამოეყვნენ საზღვაო ბრძოლაში დახელოვნებული როდოსული ხომალდები და პირველნი ეკვეთნენ ჰერაკლეელთა გემებს. სამი როდოსული და ხუთი ჰერაკლეული ხომალდი ჩაიძირა; შემდეგ ბრძოლაში ჩაება 23 რომაული გემი და ამჯერად ჰერაკლელებმა დაჰკარგეს 14 ხომალდი; დანარჩენებმა პირი იბრუნეს ქალაქისაკენ. ჰერაკლეამ ზღვიდან პურის მიღების იმედი დაჰკარგა. მალე ქალაქში საშინელი შიმშილობა დაიწყო. ამას ზედ მოჰყვა ეპიდემია — ქირი. ხალხი ბუზივით იხოცებოდა. მოკვდა ლამაქი, რომელმაც ადრე მითრიდატეს დახმარება გაუწია ჰერაკლეს დაუფლებაში. კონაკორიქის გარნიზონიდან ათასმა მეომარმა განუტევა სული. რომაელებმა ყველაფერი ეს იცოდნენ. სულიერად დაცემულმა კონაკორიქსმა გადაწყვიტა ქალაქის ჩაბარება და, რადგან კოტას ვერაგ და დაუნდობელ ადამიანად სთვლიდა, მოლაპარაკება გამართა ტრიარიუსთან, რომელმაც ნება დართო პონტოურ გარნიზონს, უვნებლად გასულიყო ქალაქიდან. კონაკორიქსმა ღამით დასტოვა ქალაქი. რომაელები მიტოვებულ ჰერაკლეაში შეიჭრნენ.

რომაელთაგან ჰერაკლეს აწიოკების შესახებ მემნონის ცნობებში ვკითხულობთ: „მოქალაქეთაგან ერთნი ნებდებოდნენ, მეორენი იღუპებოდნენ. განძეულობა და ქონება იძარცვებოდა. მხეცური სისასტიკე დაატყდა თავს ხალხს, რადგან რომაელებს ახსოვდათ, თუ რამდენი რამ გადაიტანეს მათ საზღვაო ბრძოლის დროს და რა გაჭირვებანი ნახეს ალყის დროს. ისინი არ ინდობდნენ იმათაც, ვინც ტარებისაკენ ვარბოდნენ, არამედ ხოცავდნენ მათ საკურთხევლებთანაც და ქაშაყებებთანაც. ამიტომ გარდაუვალი სიკვდილის შიშით ბევრი გარბოდა ქალაქის კედლებს გარეთ და იფანტებოდნენ ყველგან, საითაც მოუწდებოდად. ზოგიერთები იძულებული იყვნენ კოტასთან გაქცეულიყვნენ“¹. კოტამ ახლა შეიტყო, რომ აქაც წაერთვა საშუალება თავის გამოჩენისა. ამდენი ხნის ტანჯვა-წამების ნაყოფი სხვამ წაიღო და თვითონ ისევ შერცხვენილ, პატივდაკარგულ სარდლად რჩებოდა. ამიტომ „ის, შეიტყო რა მათგან (ტრიარიუსის მეომართაგან, ლ. ს.) ამბავი ქალაქის აღებისა, ხალხის დაღუპვისა და სიმდიდრის დატაცების შესახებ, აღინთო რისხვით და სწრაფად დაიძრა ქალაქისაკენ მასთან ერთად, აღელვებული იყო ჯარით. რადგან მას

¹ M. 51.

წარმეული ჰქონდა არა მარტო გამარჯვების დიდება, არამედ მათ იგივე ხალხისაგან წარმეული ჰქონდათ ყოველნაირი სასარგებლო დოვლათი“. კოტა კიდევ და კოტასა და ტრიარიუსის მეომრები ნაძარცვის დასაკუთრებისათვის ერთმანეთს დაერეოდნენ, მაგრამ ტრიარიუსმა დაამშვიდა აღელვებული კოტა და მისი ლეგიონები, და მტაცებლები შერიგდნენ ფეხქვეშ გართხმული ქალაქის ნაალაფევის გაყოფაზე. მაგრამ კოტა მაინც ვერ ინელებდა იმას, რომ ჰერაკლეს ძარცვაში მოცილე ჰყავდა. მალე მას საბედნიერო შემთხვევა მიეცა, მეტოქე თავიდან მოეშორებინა. მოვიდა ცნობა, რომ კონაკორიქს ტიოსი და ამასტრისი დაუჭერია და იქ გამაგრებულა. კოტამ დრო იხელთა და ტრიარიუსი ამ ქალაქთა დასაპყრობად გაგზავნა. თვითონ კი ჰერაკლეს ძარცვის სრული მონოპოლისტი შეიქნა. „თვითონ ხელთ იგდებდა მათ, ვინც მიდიოდა მასთან. და ხალხს, ვინც ტყვედ იყო ჩავარდნილი. სხვა მხრივ ის მბრძანებლობდა მეტისმეტი სისასტიკით. ფულის ძებნის დროს ის იმასაც კი არ ერიდებოდა, რომ წმინდა ტაძრებში არსებულს შეხებოდა. იტაცებდა მრავალ მშვენიერ ქანდაკებასა და საღვთო გამოსატულებას. მან აგორადან და პირამიდებიდან აიღო ჰერაკლეს ქანდაკება და შეიარაღება, რომელიც სიმღირით, სიდიადით, აღნაგობით, სიკოხტავითა და სინატიფით არ ჩამოუყვარდებოდა არაფერს, რასაც კი საერთოდ სოტბას ასხაჰენ. აქ იყო ლომის ტყავში ჩასმული ბაჯალლო ოქროს კვერთხი და ასევე ბაჯალლო ოქროს კაპარკი მშვილდითა და ისრებით. გემებზე აიტანეს სხვა მრავალი ნაძარცვი და ტაძართა ბრწყინვალე შესაწირავნი. ბოლოს კოტამ ჯარისკაცებს უბრძანა ცეცხლი წაეკიდებინათ ქალაქისათვის“¹.

ასე ბარბაროსული და ველური ბესტიალური სიშმაგით იავერპყვეს რომაელმა დამპყრობლებმა მდიდარი და მშვენიერი ქალაქი ჰერაკლეა.

კოტამ, რაკი უზარმაზარი სიმდიდრე იგდო ხელთ, თავისი ამოცანა ამოწურულად ჩასთვალა. მან თავისი ჯარებიდან ბითონიელები სახლებში დააბრუნა, ხოლო დანარჩენები, — რომაელი ლეგიონერები და ცხენოსნები გაუგზავნა ლეკულუსს, რომელიც ამ დროს, ამისოსის ალების შემდეგ, სინოპისაკენ მიემართებოდა. თვითონ კი, ნაძარცვით მძიმედ დატვირთული გემებით იტალიისკენ გაეშურა. მაგრამ კოტას „აღმოსავლურ ბედუქუდმართობას“ ბოლო მაინც არ ეღებოდა: როგორც კი ჰერაკლეს ნაპირებს გამოორდა, მისი გემების ნაწილი ზედმეტი გადატვირთვისა გამო ჩაიძირა, ხოლო დანარჩენები ქარიშხალმა გაჰფანტა და აზიაში სკრესელობით მონაპოვრის დიდი ნაწილი ზღვის ტალღებმა შთანთქმეს.

ამასობაში ტრიარიუსი მიადგა დიოსსა და ამასტრისს. კონაკო-

¹ Memn. 52.

რჩქმა რომეღლის პირობა მიიღო: სიცოცხლის შენარჩუნების ფასად ორივე ქალაქი მტერს გადასცა.

პონტოს ზღვის სანაპირო ქალაქებიდან ჯერ კიდევ მედგრად იცავდა თავს პონტოელი არწივის ბუნდე — ამაყი სინოპი.

სინოპის დაცვა მითრიდატესაგან დავალებული ჰქონდათ მის სტრატეგოსებს — ლეონიპეს, კლეოხარეს და სელევკოსს. სინოპელები მამაცურად ებრძოდნენ ლუკულუსს, განსაკუთრებით ზღვაზე, მაგრამ როცა რომეღლებმა ალყა ყოველის მხრიდან გააძლიერეს, ლეონიპემ მტერთან მოლაპარაკება გაიართა ქალაქის ჩაბარების თაობაზე.

ეს ამბავი შეიტყვეს მისმა კოლეგებმა, კლეოხარემ და სელევკოსმა, და სასწრაფოდ მოწვეულ სახალხო კრებაზე ლეონიპეს დასჯა მოითხოვეს. როგორც ეტყობა, კრება არც მათ მიმართ ყოფილა ნდობით განწყობილი; ამიტომ ის არ ერწმუნა ლეონიპეს მიმართ წაყენებულ ბრალდებას. მაგრამ ღამით კლეოხარეს კაცები ლეონიპეს ჩაუსაფრდნენ და მოჰკლეს. ამის შემდეგ, კლეოხარე და სელევკოსი ხალხის ნებასურვილს ანგარიშს აღარ უწევდნენ და ქალაქს თვითნებურად განაგებდნენ. ამ დროს, სინოპთან გამოჩნდა რომეღლთა 15 გემი ცენზორინის მეთაურობით, რომელსაც პური მიჰქონდა ქალაქის კედლებთან დაბანაკებული რომეღლებისათვის. საზღვაო ბრძოლებში დაოსტატებულმა სელევკოსმა სასწრაფოდ გამოიყვანა სინოპის ფლოტი და რომეღლებს შეუბა. მან მალე დაამარცხა ცენზორინის ფლოტი და მტრის ბანაკისათვის განკუთვნილი პროდუქტული დატვირთული გემები სინოპის პორტში მიატურა. მეგრე, თვით სტრატეგოსთა შორის განხეთქილება ჩამოვარდა: სელევკოსი მოითხოვდა სინოპის მოსახლეობის გაჟლეტას და დიდი საფასურით ქალაქის მტერზე მიყიდვას, ხოლო კლეოხარე ბრძოლის გაგრძელების მომხრედ რჩებოდა. თანაც ორივე მათგანმა თავიანთი გემები ქონებით დატვირთეს და ბოსფორში, მახარესთან, საიდუმლოდ გაგზავნეს. ამ დროს სინოპის კედლებთან გამოჩნდა ლუკულუსი, რომელმაც ამდენი ხნის უშედეგო ალყით თავგაბეზრებულ და დაქანცულ რომეღლებს ახალი ენთუზიაზმისა და ენერჯიის სული შთაბერა, მან გააძლიერა ალყა და საიერიშო სამზადისს შეუდგა. მაგრამ სინოპს, მისი შესანიშნავი გეოგრაფიული მდებარეობის გამო, ყოველთვის შეეძლო საარსებო წყაროთა მიღება, ხმელეთს გარდა, ზღვიდანაც თუ კი არ იქნებოდა გარშემორტყმული. ლუკულუსს იმოდენა ფლოტიც არ ჰყავდა, ნასევარკუნძული მთლიან ბლოკადაში მოექცია. სინოპის მცხოვრებთა სურსათ-სანოვაგითა და სხვა საომარი საჭურველით მომარაგების მთავარი იმედი ყირიმის ბოსფორი იყო. და, სანამ ბოსფორის მმართველი მახარე თავის მამას ერთგულებას უწევდა, მანამ სინოპსაც შეეძლო იმედი ჰქონოდა, რომ შიმშილის

მსხვერპლი არ გახდებოდა. მაგრამ როგორც კი მითრიდატეს ძლიერება უფსკრულისაკენ დაქანდა, მასმა მემკვიდრემ გადასწყვიტა მოსალოდნელი საფრთხე შამისადმი ღალატით აეშორებინა თავიდან. და იმ დროს, როცა ლუკულუსი საგონებელში იყო ჩაეარდნილი, თუ რა გზით დაეჩოქებინა ამაყი სინოპი, მასთან გამოცხადნენ მასრეს ელჩები; მათ რომაელ სარდალს მითრიდატეს მემკვიდრისაგან ნაძღვნევი ოქროს გვირგვინი მიართვეს და ითხოვეს. ეცნოთ იგი რომაელთა მეგობრად და მოკავშირედ. ამაზე უკეთესს რაღას ინატრებდა ლუკულუსი: ის, ვინც აქამდე ხელს უშლიდა სინოპის დამოაზილებას საქმეში, ახლა მას წინაშე დაჩოქილიყო და მეგობრობა-მოკავშირობას მათხოვრობდა. რომაელმა სარდალმა ელჩები აღერსიანად მიიღო, და მასარეს აცნობა: კავშირი მაშინ იქნება მტკიცე, თუ მახარე სინოპელებს სურსათ-სანოვავებს არ გაუგზავნის. მაღე ამის შემდეგ ყირიმულა პროდუქტებით სინოპელთათვის დატვირთული გემები ლუკულუსთან გამოცხადდნენ და მას ჩაბარდნენ. ამრიგად, სინოპს სულ მაღე შიმშილით დაღუპვა ელოდა. კლეობარემ და მისმა ასლობლებმა წინააღმდეგობის გავრძელება უაზროდ ჩასთვალეს; ღამით მრავალი ძვირფასეულობითა და ქონებით დატვირთეს ხომალდები; მერე, ქალაქში ხანძარი გააჩაღეს და ჯარისკაცებს ნება დართეს რომაელთა მოსვლამდე ეძარცვათ ქალაქი. ბოლოს, ის გემები, რომლებიც ქონების წასაღებად აღარ სჭირდებოდათ, დასწვეს, ხოლო თვითონ გაეშურნენ კოლხეთისაკენ. ლუკულუსმა, როგორც კი ხანძარი შენიშნა, იერიშის დაწყება ბრძანა. რომაელები შეიქრნენ ქალაქში და შეუდგნენ ხალხის უწყალო ქლევას. პირველსავე წუთებში რვაასი სინოპელი გამოესალმა წუთისოფელს. სარდალმა ბრძანა, შეეჩერებინათ ხალხის ხოცვა. რომაელებმა სინოპიც ძვლებამდე გააშიშვლეს და გაძარცვეს. თვითონ ლუკულუსმა მიითვისა ცნობილი ანტოლიკეს ქანდაკება, რომელიც ქალაქის მცხოვრებლებს სათაყვანო კერპად ჰქონდათ.

უკანასკნელად პონტოს ქალაქთაგან ლუკულუსმა დაიპყრო ამასია, რომელმაც მარტოდმარტო ბრძოლა უაზროდ ჩათვალა და იარაღი მალე დაჰყარა.

ამგვარად, ლუკულუსმა დაიმორჩილა პონტოს ბრწყინვალე ქალაქები, რომლებიც მითრიდატე ევპატორის სამეფოს დამოუცილებლობის უკანასკნელ თავშესაფარს წარმოადგენდნენ. მცირე აზიაში აღარ არსებობდა არც ერთი უმნიშვნელო პუნქტიც კი, რომაელთა ბატონობის გარეშე. ამრიგად, პონტოს სრული დაპყრობით ლუკულუსმა დაასრულა ომი მითრიდატესთან.

ლუკულუსმა, როგორც კი პონტოურ ქალაქთა დაპყრობა დაამთავრა, მაშინვე ხელი მოჰკიდა რომაელი ფინანსისტების უფლებათა შეზღუდვას და ადგილობრივი მოსახლეობის მდგომარეობის გაუმჯობესებას.

სულას მიერ აზიის მოსახლეობაზე 20.000 ტალანტის რაოდენობით დადებული კონტრაბუცია რომელი პუბლიკანებისა და მევახშები-საგან, აბსოლუტური ექსპლოატაციის წყალობით, მეტისმეტად გაიზარდა; პროვინცია აზიაში მარტო ვახში 120.000 ტალანტს აღწევდა, ე. ი. აზიას ახლა 140.000 ტალანტი (336.000.000 მან. ოქრ.) უნდა გადაეხადა. ხალხი ყოველნაირ ჩეპრესიებს და ტანჯვა-წამებას განიცდიდა ამ გრანდიოზული თანხის გადახდის გამო. და აი, ლუკულუსმა ვახში მთლიანად გააუქმა; გაათავისუფლა ყადაღადადებული ქონება და დაუბრუნა ისინი წინანდელ პატრონებს, გადასახადი დააწესა ერთი მეოთხედი მიწის მოსავლიდან; გადასახადი დაწესდა მონებზე და სახლებზედაც; გადამყიდველს დღეიდან უნდა ესარგებლნა მოვალის შემოსავლის მხოლოდ ერთი მეოთხედიდან.

ლუკულუსის ამ ღონისძიებებს, როგორც მოსალოდნელი იყო, მისთვის ორი, ერთიმეორისადმი სრულიად საწინააღმდეგო შედეგი მოჰყვა. ერთი ის, რომ მის წინააღმდეგ ამხედრდნენ მდიდარი და გავლენიანი პლუტოკრატები; ისინი რომში ფულს აძლევდნენ ისედაც მათ კაბალაში ჩაცეხილ დემაგოგებს და მათი საშუალებით სენატში, თუ ფორუმზე უხვად აფრქვევდნენ ლუკულუსის საწინააღმდეგო ინვექტივებს. მის მიმართ ასეთი გამოსვლები ჯერჯერობით მხოლოდ იწყებოდა და დიდი გავლენა მაინცა და მაინც არ ჰქონია, რადგანაც მითრიდატეს ომში დიდი გამარჯვებები ჩრდილში აყენებდა მის წინააღმდეგ გამოხდომებს. რომი მოხიბლული იყო იმით, რომ ის, რასაც ვერ მიაღწია მძლავრმა „ფელიქსმა“ კორნელიუს სულამ, უკვე მოპოვებული იყო ლუკულუსისაგან. **ჯ ე რ ა ე რ ო ბ ი თ** ეს ასე იყო.

მეორე მხრივ, ლუკულუსმა ნაწილობრივ მაინც მიაღწია იმას, რაც მას განსაკუთრებით აინტერესებდა. შესაძლოა, გადაჭარბებული იყოს პლუტარქეს ცნობა, რომ „ლუკულუსი არა მარტო მისგან ვალმერთებული ხალხისათვის იყო საყვარელი, არამედ სხვა პროვინცი-ალებსაც სურდათ ჰყოლოდათ ის თავის უფროსად, სთვლიდნენ რა ბედნიერად მათ, ვისაც ბედმა აჩუქა ასეთი ხელმძღვანელი“, — მაგრამ ის კი ფაქტი უნდა იყოს, რომ მან თავისი ღონისძიებებით აზიის მოსახლეობაში გარკვეული პატივისცემა დაიმსახურა. ახლა რომაული ექსპლოატაციისაგან განაწამებ მცხოვრებლებს შეეძლოთ რაიმე-ნიმედ მაინც დაენახათ ზღვარი რადიკალურ სიბოროტესა და ზომიერ სიკეთეს შორის. უეჭველია, ლუკულუსის ეკონომიური ღონისძიებები წმინდა დემაგოგიური ხასიათისა იყო, მაგრამ ამ დემაგოგიის წყალობით მან თავის მიზანს, აზიის მოსახლეობის გულის მოგებას, მაინც მიაღწია. **ჯ ე რ ა ე რ ო ბ ი თ** ესეც ასე იყო.

ამგვარად, ლუკულუსს ყველა პირობა მზად ჰქონდა იმისათვის, რომ

თავისი განზრახვის განხორციელებას შესდგომოდა. იგი სომხებთან ომის დაწყებისათვის ნიადაგს სავსებით მომზადებულად თვლიდა.

მაგრამ ლუკულუსი, მის წინააღმდეგ რომში დემაგოგების გამოსვლათა უგულვებელყოფის გარდა, კიდევ ერთ მნიშვნელოვან გარემოებას არ აქცევდა ყურადღებას, რაც შემდგომში მისი გრანდიოზული გეგმის კრახის ერთ-ერთი ძირითადი მიზეზი გახდა. საქმე იმაშია. რომ მთავარსარდალი სრულებითაც არ ფიქრობდა მეომართა სულიერ განწყობილებაზე. მისი ლეგიონერები და განსაკუთრებით ისინი, რომლებიც ჯერ კიდევ ადრე სულას, ფლავუსისა და ფიმბრიას დროშების ქვეშ იბრძოდნენ, ამდენი გაუთავებელი მძიმე ბრძოლებით უაღრესად იყვნენ დაქანცულნი და დემორალიზებულნი. ამას ზედ ისიც ერთვოდა, რომ ლუკულუსი როგორც სასტიკი და გულზნეიანი სარდალი თავის მებრძოლებს არ უყვარდათ. ჯარისკაცები დასვენებასა და ჭრილობების მოშუშებას მოითხოვდნენ. ისინი წინააღმდეგი იყვნენ ელამპტრნათ უცხო ქვეყანაში, მაგრამ ლუკულუსი ამაზე ფიქრით თავს არ იწუხებდა. 69 წლის გაზაფხულზე სომხეთის წინააღმდეგ ლაშქრობა დაიწყო.

5. რომაელთა პირველი ლაშქრობა სომხეთში

ლუკულუსმა პონტოში საგარნიზონო სამსახურისათვის დატოვა. 6.000 მეომარი სორანციუსის სარდლობით, რომელსაც უნდა უზრუნველყო პონტოს შენარჩუნება და საერთოდ ზურგის უშიშროება. თვითონ ლუკულუსი 18.000 ლეგიონერით, 3.000 მხედრით და 1000 მსუბუქად შეიარაღებული ჯარისკაცით, ე. ი. სულ 22.000 მეომრით, 69 წლის გაზაფხულზე ეფესოდან გაემურა და შევიდა კაპადოკიაში, საიდანაც უნდა შექრილიყო სომხეთში.

ლუკულუსმა მოუხმო არიობარზანს და მისი მეოხებით კაპადოკიაში მოიმარაგა სალაშქრო ფურაჟი და ალალი. მისივე თანხლებით მან გადალაზა მდინარე ევფრატი და შევიდა ტიგრანის პირველ სამფლობელოში — სოფენაში. აქ რომაელებმა აიღეს ქალაქი ტომისა, რომელიც ადრე კაპადოკიას ეკუთვნოდა და შემდეგ იგი ას ტალანტად შეუქმნია სოფენის მმართველს. ტომისა ლუკულუსმა არიობარზანს გადასცა და ამით კაპადოკიის მუხლსუსტი გამგებელი კიდევ უფრო გაიერთგულა.

რომაელი სარდალი ფრთხილად მიიწევდა წინ; ადგილობრივი მოსახლეობის გადამტერებას უფრთხოდა და მეომრებს უბრალო ხალხის ხოცვა-ჟლეტისა და რბევისაგან აკავებდა. გულხარბი ჯარისკაცები

დრტინავდნენ, მაგრამ სარდალს მათი ჯერჯერობით არ ესმოდა. რომაელებმა გაიარეს სოფენა, გადალახეს ტიგრი და შევიდნენ საკუთრივ სომხეთის ტერიტორიაზე. ტიგრანისათვის სავსებით მოულოდნელი იყო რომაელთა შემოჭრა, ხოლო როცა დარწმუნდა, სასწრაფოდ გაგზავნა მათ შესახებდრად სარდალი მითრობარზანი 1600 ცხენოსნითა და ანდენიეუ მსუბუქად შეიარაღებული მეომრით. სომეხთა ეს რაზმი შეეცაბა რომაელთა ავანგარდს, რომელსაც სექსტილიუსი სარდლობდა: სომხები დამარცხდნენ; მითრობარზანი მოკლულ იქნა. რომაელებმა დაუყოვნებლივ მიაშურეს სომხეთის ახალ სატახტო ქალაქს ტიგრანოკერტს. ლუკულუსს იმედი ჰქონდა, რომ სომხეთის მეფე ტიგრანოკერტის საფრთხეში ჩაგდებას ვერ შეურიგდებოდა და მთელი ძალებით გამოვიდოდა მის გადასარჩენად. რომაელსაც ის უნდოდა, რომ ბარემ მომხდარიყო გენერალური ზრძოლა. შორეულ უცხო ქვეყანაში შეკრილ ლუკულუსს ომის გაუიანურება აშინებდა.

ტიგრანმა ქალაქის დაცვა დაავალა თავის სარდალს მანკეიოსს. თვითონ ქალაქიდან მოსახლეობის ნაწილი გაიყვანა, სასურველთა ერთი ნაწილიც გაიტანა და გაეშურა სომხეთის სიღრმეში, რათა დაუყოვნებლივ შეეკრიბა ჯარები და მიშველვებოდა ტიგრანოკერტს. რომაელებმა ტიგრანოკერტს ალყა შემოარტყეს. მეფემ სახელდახელოდ გამოჰყო 6.000 მეომარი ტიგრანოკერტიდან განძისა და ჰარამხანის გამოსატაცებლად. სომხებმა მეფის ბრძანება შეასრულეს. მათმა ერთმა ნაწილმა ისრის სეტყვა დაუშინა რომაელთა ბანაკის ყველა კარს, ხოლო მეორე ნაწილი შეიჭრა ქალაქში, სადაც მანკეიოსის გარნიზონი იცავდა თავს, და შუალამისას გამოიტაცეს იქედან განძი და მეფის ცოლები. როცა გათენდა და ღამეული თავდასხმისაგან დაზნეული რომაელები გონზე მოვიდნენ, მაშინვე მტერს გამოედევნენ, წამოეწივნენ და გაჰფანტეს, მაგრამ სომეხთა მოწინავე ნაწილმა, რომელსაც ტიგრანის განძეულობა და ქალები მიჰყავდა, უვნებლად მიადწია მეფის ბანაკს.

ლუკულუსმა ქალაქის ალყა კიდევ უფრო გააძლიერა. ტიგრანოკერტის გარშემო ღრმა თხრილები ამოთხარეს, და კედლებთან საიერიშო მანქანები მიაგორეს. მანკეიოსის გარნიზონი მამაცურად უმკლავდებოდა მტერს. ასე გაგრძელდა რამდენიმე თვეს.

ამასობაში ტიგრანი გამალებით ამზადებდა არმიას. ამავე დროს იგი მიხვდა, რომ, ბოლოს და ბოლოს, საჭირო იყო მითრიდატესთან შეხვედრა და გეგმის ერთობლივად შემუშავება.

მეფეების თათბირი სამ დღეს გაგრძელდა. პირველად სიძე-სიმამრმა ერთიმეორის წინაშე მოიბოდიშეს მათ შორის არსებული ეჭვიანობისა და ურთიერთუნდობლობისათვის, მერე ერთმანეთს აღუთქვეს მეგობრობა და შეთანხმდნენ რომაელთა წინააღმდეგ ერთობლივი

ბრძოლის შესახებ. მითრიდატემ ტიგრანისაგან მიიღო ათი ათასი მე-
დარი და გაეშურა პონტოსკენ. რომაელთა წინააღმდეგ საომარი გეგმა
მეფეებს ასე ჰქონდათ მოფიქრებული: მითრიდატე უნდა წასულიყო
პონტოში, გაენადგურებია იქ მდგარი სორნაკიუსი, კვლავ ფესზე და-
ეყენებია თავისი ქვეყანა და რომაელთაგან დამორჩილებული პროვინ-
ციები, მერე შემოუბრუნდებოდა სომხეთში შეჭრილ ლუკულუსს და
ზურგიდან დაეცემოდა მას. სანამ თვითონ ტიგრანი მტერს გაუმკლავ-
დებოდა თავის ქვეყანაში. გეგმა, როგორც ეტყობა, კარგად ყოფილა
მოფიქრებული, თუ კი მის განხორციელებას სხვა არაფერი შეუშ-
ლიდა ხელს. ამგვარად, მითრიდატე ათი ათასი მხედრით გაეშურა თა-
ვის დაკარგულ ქვეყანაში, ხოლო ტიგრანს სამხედრო მრჩევლად და-
უტოვა თავისი გამოცდილი სარდალი ტაქსილე.

ტიგრანმა მოუხმო თავს თანამემამულეებს, მოკავშირეებსა და
ქვეშევრდომებს და ძლიერი არმიით დაიძრა რომაელებისაკენ. სო-
მხეთა ბანაკში ტაქსილეს და სხვა ელჩების პირით მითრიდატე მო-
ითხოვდა, რომ სომხეთის მეფეს ჯერჯერობით არ დაეჩქარებინა გე-
ნერალური შეტევა. მითრიდატეს და ტაქსილეს რომაელებთან ბრძო-
ლაში სრულყოფილი წრთობა ჰქონდათ მიღებული და კარგად იცოდ-
ნენ, რაში მდგომარეობდა მათი სუსტი და ძლიერი მხარეები; როგორი
იყო მათი საბრძოლო ტაქტიკა და რა იქნებოდა მათთვის ხელისშემშ-
ლელი, ამა თუ იმ დროსთან და პირობებთან დაკავშირებით. მითრი-
დატემ და ტაქსილემ იცოდნენ, რომ ლუკულუსს, შორეულ ქვეყნებში
მოლაშქრეს, გაქიანურებული ომის გაძლება გაუპირდებოდა. ამიტომ
ტაქსილე არწმუნებდა ტიგრანს, ჯერჯერობით გენერალურ ბრძო-
ლას მორიდებოდა და ეწარმოებინა სათარეშო ხასიათის ბრძოლები —
ნოესპოთ მტრისათვის სურსათ-სანოვაგით მომარაგების ყოველგვარი
საშუალება, შიმშილითა და ხშირი, მფრინავი თავდასხმებით დაუძ-
ლურებინათ იგი და შემდეგ კი მთელის ძალებით დასხმოდნენ თავს.

მავრამ ტიგრანი, რომელიც თავისი დიდი არმიის იმედით სრულიად
დარწმუნებული იყო განარჯვების მოპოვებაში, სიცილს აყრიდა პონ-
ტოელთა ასეთ ფრთხილ საომარ პოლიტიკას. მან უკუავდო მითრიდა-
ტესა და ტაქსილეს სამხედრო გეგმა და 69 წლის ოქტომბრის პირველ
რიცხვებში დაიძრა ტიგრანოკერტისაკენ. ის შედგა მახლობელ მალ-
ლობზე და გადახედა ქალაქს, რომელიც რომაელებს მტკაცე მარწუ-
ნებში ჰყავდათ მომწყვდეული.

აქ დაიბანაკა ტიგრანმა. მას თან ჰყავდა 70—80.000-იანი არმია,
აქედან დაახლოებით 30.000 ცხენოსანი და 40.000 ქვეითი. მეფე გან-
საკუთრებულ იმედებს ამყარებდა მხედრებზე, რომელთაგან 17.000
გეომარი თავიანთი ცხენებითურთ მთლიანად ჯავშანში იყვნენ ჩამ-
ჯდარი.

როგორც კი ტიგრანის არმია ბორცვზე გამოჩნდა, ტიგრანოკერტში ჩაკეტილებმა სისარულის ყიეინა და ტაშის ცემა ასტეხეს. ისინი მტრებს მიუთითებდნენ სომეხთა არმიას და მუქარას უთვლიდნენ მათ.

რომაელთა მთავარსარდალმა სერიოზულად შეაფასა მოსალოდნელი საფრთხე და სასწრაფოდ მოიწვია სამხედრო საბჭო. სამხედრო თათბირზე ორი სხვადასხვა აზრი წარმოიშვა; ერთნი ლუკულუსს ურჩევდნენ, მოესხნა ალყა ქალაქისათვის და მთელი ძალებით წასულიყო ტიგრანის წინააღმდეგ, ხოლო მეორენი ამტკიცებდნენ: არ შეიძლება ზურგში ჩამოვიტოვოთ ტიგრანოკერტი, რომელიც საესეა მტრების მეომრებით. საკიროა დაერჩიე ქალაქთან და აქ დავუცადოთ სომეხთა არმიის შეტევაზე გადმოსვლასო. ლუკულუსმა ორივე ეს აზრი უარჰყო. მან ქალაქის ალყის გასაგრძელებლად 6.000 მეომარი ჩააბარა ლუციუს მურენას, ხოლო თვითონ დანარჩენი ჯარის ნაწილებით, 10.000 ქვეითი მეომრით, 3.000 ცხენოსნით და 1.000 მსუბუქად შეიარაღებული ჯარისკაცით გაემართა ტიგრანთან შესახვედრად.

ამრიგად, სომეხებს გაცილებით ჰარბი ძალები ჰყავდათ, ვიდრე რომაელებს. ამან ტიგრანსა და მის ქვეშევრდომ სარდლებს საბაბი მისცა იმისა, რომ მტრის სიძლიერე ღირსეულად არ შეეფასებინათ და მისთვის სიცილიც კი დაეყარათ: „თუ ელჩები არიან — ძალიან ბევრია, ხოლო თუ მტრები არიან, — შეტისმეტად ცოტააო“, სიცილით თქვა ტიგრანმა, როცა მან ლუკულუსის მცირერიცხოვანი ჯარი დაინახა. ქვეშევრდომი სარდლები კი ტიგრანის წინაშე მოიქვენლობაში ერთიმეორეს ეჩიბებოდნენ და თვითეულად თხოვდნენ, რომ მხოლოდ მისთვის ებრძანებინა მეფეს თავხედი რომაელის გაცამტვერება.

ასე და ამნაირი მკვეხარობითა და მეტირობით ირთობდნენ ისინი თავს მთელი დღის განმავლობაში 69 წლის 5 ოქტომბერს(ძვ. წ.), მაშინ, როდესაც ლუკულუსი მეორე დღის ბრძოლისათვის გულმოდგინედ იკრებდა ძალას, უთვალთვალებდა მტრის ბანაკის განლაგებას, სწავლობდა მის სუსტ და ძლიერ მხარეებს და ადგენდა შეტევის გეგმას.

მოწინააღმდეგეებს მდინარე ბათმან-სუ ჰყოფდათ. ტიგრანს თავისი არმიის მარჯვენა ფლანგზე, მდინარესთან ახლოს დაყენებული ჰყავდა ჯავშნოსანი მხედრები, რომლებზედაც ის განსაკუთრებულ იმედებს ამყარებდა. ერთი შეხედვით მათი წყობა აუღებელი რკინის კედლის შთაბეჭდილებას სტოვებდა, მაგრამ მათ სუსტ მხარეს ის წარმოადგენდა, რომ ნაკლებ მოძრავნი და ბრძოლაში სწრაფ მანევრირების უნარმოკლებულნი იყვნენ. ჯავშნოსანთა მარცხნივ იდგნენ ტიგრანის არმიის დანარჩენი ნაწილები. საკმაოდ განიერი ფრონტითა და სიღრმით. არმიის ზურგში იდგა მთელი ალალი, სატვირთო საქონლითა და მრავალრიცხოვანი მომსახურე პერსონალით, ხოლო ამ უკანასკნელთა უკან აღმართული იყო 180--200 მ სიმაღლის ბორცვი.

6 ოქტომბერს დილას ლუკულუსმა შეტევის ბრძანება გასცა. მას შემოეხვივნენ თანაშემწე სარდლები და დაუწყეს ხვეწნა: დღეს ბრძოლის დაწყებას ნუ ინებებ, რადგან 6 ოქტომბერი რომაელთათვის შავი დღე არისო, იმიტომ, რომ სწორედ 6 ოქტომბერს (105 წ. ძვ. წ.) დაამარცხეს გერმანელმა ტომებმა, კიმბრებმა და ტევტონებმა არაუზიონთან რომაელი კონსული სერვილიუს ცეპიონი და მისი 80.000 მეომრის ლეშით მიწა გააპოსტრესო. მაგრამ ლუკულუსმა უარწყო მათი თხოვნა: მართალია, აქამდე 6 ოქტომბერი რომაელთათვის შავ დღედ ითვლებოდა, მაგრამ ამ დღეს ჩემი თანამემამულეებისათვის ბედნაერ დღედ ვაქცევო... გაისმა საბრძოლო ნალარა.

ლუკულუსმა აპყარა თავისი ბანაკი და მდინარის გასწვრივ დაიძრა, რათა მტრის ადგილსამყოფელსა და ფონს გასწორებოდა. სომეხთა ბანაკში ისეთი შთაბეჭდილება შეიქნა, თითქოს, მტერმა პირი იბრუნა, რადგანაც ამ ადგილზე მდინარე დასავლეთისაკენ იხრება და მის გასწვრივ მიმავალი ლუკულუსიც დასავლეთისაკენ, კაპადოკიისაკენ უკუქცეულად მიიჩნის. ამიტომ ტიგრანმა და მისმა ქვეშევრდომებმა კვლავ სიცილი დააყარეს ლუკულუსს. მეფემ მოიხმო ტაქსილე და დასცინა მას, აჩვენა რა „გაქცეული“ რომაელები, მაგრამ გამოცდილმა პონტოელმა სარდალმა კარგად იცოდა, საქმე ასე იოლად არ დამთავრდებოდა და თავისი რწმენა კვლავ გაუზიარა მეფეს.

მათ შორის კამათი ჯერ კიდევ არ დამთავრებულყო, რომ მართლაც რომაელები უეცრად შემოტრიალდნენ და დაიწყეს მდინარის გადმოლახვა. ამ მოულოდნელობამ დაბნეულობა შეიტანა სომეხთა ბანაკში: „ისინი ნუთუ ჩვენზე მოდიანო?“ — ორ-სამჯერ წამოიძახა დაბნეულმა მეფემ. მაგრამ მან კვლავ მოიკრიბა გონი და განკარგულება გასცა მომზადებულები მტრის დასახვედრად.

როგორც კი რომაელებმა მდინარე გადალახეს, ლუკულუსის ბრძანებით მისი მსუბუქი კავალერია სწრაფად გვერდიდან დაესხა თავს სომეხ ჯავშნოსნებს. ამავე დროს ლუკულუსმა ორი კოჰორტი სწრაფად შემოუარა მოწინააღმდეგეს ზურგიდან, ავიარდა ბორცვზე, რომელიც მტრის ზურგში იდგა, გაიძრო მახვილი და დაიქუნა: „გამარჯვება ჩვენია, ჩემო მამაცო მებრძოლებო!“ და იგი თავისი კოჰორტებით საბრძოლო ყიყინით გადაერია სომეხთა ალაღსა და მსახურთა ჯგუფებს, რომლებმაც თავის შესაფარებლად მიაშურეს თავისიანების რეგულარულ რიგებს. ამავე დროს, რომაელთა დანარჩენი ლეგიონერები შეტევაზე გადავიდნენ მთელს ფრონტზე. ყველაფერი ეს — რომაელთა ძირითადი ძალების შეტევა ფრონტით, რომაელთა მსუბუქი კავალერიის თავდასხმა ჯავშნოსნებზე მარჯვენა ფლანგიდან და თვითონ ლუკულუსის თავდასხმა მტრის ზურგში — მოხდა ერთსა და იმავე დროს. ე. ი. ტიგრანის არმიას თავს ესხმოდნენ სამი მხრიდან. ლუ-

კულუსის მსუბუქმა კავალერია, როგორც კი ის გვერდიდან თავს და-
ესხა ჯავშნოსნებს, რაკი ამათი რიგების გარღვევა ძნელი იყო, ლუ-
კულუსისაგან წინასწარ მიცემული მითითების თანახმად, უეცრად
პირი იბრუნეს და გაიქცნენ; მაშინ ჯავშნოსნები შუბშემართულნი
უკან გამოუდგნენ მათ და არივ-დარიეს თავისი რიგები. ამ დროს ლუ-
კულუსი ორი კოპორტით დაბნეულ ალაღთან ერთად შეიჭრა მტრის
ზურგში; მან ბრძანება გასცა, ბარძაყებში დაეკრათ ლითონში ჩას-
მული „რაინდები“. ამასობაში რომაელთა კავალერია კვლავ მოუბრუნ-
და უკვე არეულ-დარეულ სომეხთა მხედრობას, და ლუკულუსის ძი-
რითადი ძალები. ფრონტით მომავალი ლეგიონერებიც ჩაებნენ ბრძო-
ლაში. ტიგრანის კავალერია დამარცხდა; ახლა ისინი ცდილობდნენ გაქ-
ცევას, მაგრამ საით? ფრონტიდან რომაელთა ქვეითები გადმოდიოდნენ
შეკვებაზე. გვერდიდან მტრის კავალერია და მასთან მდინარეც, ხო-
ლო ზურგიდან თვით რომაელი სარდალი. ამიტომ მათ პირი იბრუნეს
ისევ თავისიანებისაკენ. ისინი შეიჭრნენ ტიგრანის ფეხოსანთა რაზმებ-
ში და არივ-დარიეს მათი რიგებიც.

ახლა კი სომეხთა მეფემ მდგომარეობის გამოსწორება ველარ შეს-
დლო. მისი კავალერია დამარცხებული იყო და ქვეითი არმია პანიკით
მოკლული. ტიგრანის მხედრები და ქვეითი მებრძოლები, ერთიმეორე-
ში არეულნი, ერთმანეთს ბრძოლაში ხელს უშლიდნენ და ერთიმეორეს
ფეხით სთელავდნენ. ყველა გასაქცევ ვზას ეძებდა; გაქცევა შეიძ-
ლებოდა მხოლოდ მარცხნივ, ვიწრო და ძნელადსავალი ერთადერთი
გზით, საიდანაც ორი დღის წინათ ტიგრანმა ამ საბედისწერო ადგილზე
ჩამოიყვანა თავისი არმია.

როცა ტიგრანმა შეამჩნია, ბრძოლა წაგებული იყო და საქმის გა-
მოსწორება აღარ შეიძლებოდა, მოიგლიჯა სამეფო დიადემა და ცრემლ-
მორეულმა გადასცა იგი თავის შვილს; თან უბრძანა მას, ეშველნა თა-
ვისათვის, რა გზითაც კი შესძლებდა; თვითონ კი თავისი ამაღლის თან-
ხლებით გაიქცა ბრძოლის ველიდან.

უფლისწულმა ვერ გაბედა სომხეთის სამეფო დიადემის თავზე და-
ხურვა და შესანახად გადასცა ის ერთ-ერთ თავის მსახურს, და თვი-
თონაც სასწრაფოდ დატოვა ბრძოლის ველი.

ტიგრანის მეომრები გარბოდნენ როგორც შეეძლოთ და საიზაც
წოუხდებოდათ. რომაელები სდევნიდნენ მათ. ბრძოლის ველზე მეფის
ნეომართაგან ბევრი დაიხოცა, ბევრი ტყვედ ჩავარდა. რომაელებს
ხელში ჩაუვარდათ ისიც, ვისაც ტიგრანის სამეფო დიადემა ჰქონდა ჩა-
ბარებული; ამრიგად, ლუკულუსს შეეძლო თავისი მომავალი ტრიუმ-
ფი ამ ძვირფასი ნივთითაც დაემშვენებია. სომეხთა მდიდარი ბანაკი
რომაელთა ძარცვის კერძად გადაიქცა.

ასე დაიმსხვრა ამ ბრძოლაში ის იმედები, რომლებსაც ტიგრანი და ჩისი ქვეშევრდომი სარდლები ამყარებდნენ თავიანთ არმიებზე.

სომეხთა მეფე მოტყუვდა, როცა თავისი სიძლიერე გადაფხასა და მტრის ბრძოლისუნარიანობა სათანადოდ ვერ აწონ-დაწონა. ლუკულუსმა კი აღმოსავლურ ლაშქრობათა ამ ეტაპზე თავი აჩვენა როგორც შესანიშნავმა სარდალმა და პოლიტიკოსმა. ლუკულუსი კარგად უღებდა ალღოს ამა თუ იმ დროსა და ადგილზე შექმნილ საერთო და კონკრეტულ მდგომარეობას, — სწავლობდა მას, მოხერხებულად უფარდებდა თავის საბრძოლო ტაქტს და ამის მისეღვით ახალისებდა თავის საომარ სტრატეგიას. თანამედროვე სამხედრო თეორეტიკოსები სწორედ იმიტომ აფასებდნენ ლუკულუსს, რომ მან ორი სრულიად სხვადასხვა სტრატეგიულ მოსაზრებათა ნიადაგზე დაამარცხა ჯერ მითრიდატე და მერე ტიგრანი. მან კიზიკოსთან მტერი ომის გაქიანურებითა დაამარცხა. ის მაშინ ფიქრობდა, რომ ომს წააგებდა, თუ გადამწყვეტ ბრძოლაში ბონტოელთა მრავალრიცხოვან არმიას შეებმებოდა, ხოლო მოგებდა, თუ შეეცდებოდა ომი გაქიანურებინა და მოწინააღმდეგისათვის არმიის მომარაგებისა და შენახვის საშუალება მოესპო. მაშინ ლუკულუსი მანამ იჭერდა და იცავდა თავს, სანამ მტერი თვითონ არ მოემწყვდა ჩიხში და მაშინაც კი, მან დროის გაქიანურებითა და შიმშილით განადგურა მოპირდაპირე მხარე. ახლა კი, როცა ის სომხეთში დიდ ომს იწყებდა, მდგომარეობაც შეცვლილი იყო და დროც. რომში დემაგოგები გაჰყვიროდნენ: ლუკულუსის იმპერიუმს ვადა ვაუვიდა და უფლებადარაქვს კვლავ სარგებლობდეს ამ მაღალი უფლებამოსილებით. ასე, რომ რომიდან რაიმე დახმარების მიღების იმედი მას ნაკლებად უნდა ჰქონოდა. სანამ დრო იყო და სანამ რომში მოწინააღმდეგე პარტია ლულოს გაიტანდა, ლუკულუსს მანამ უნდა მოესწრო სომხეთის განადგურება. ახლა ლუკულუსისათვის საშიშროება დაყოვნებაში, გაქიანურებაში მდგომარეობდა. „რომაელ ქსერქსეს“ როგორმე მოკლე დროში უნდა განადგურებინა სომხეთი. ამიტომ მან თავისი ადრინდელი საბრძოლო ტაქტიკა, რომელიც ძირითადად ომის გაქიანურების გენერალურ ხაზს ეყრდნობოდა, ახალ ლაშქრობასთან დაკავშირებით შესცვალა ახალი საბრძოლო ტაქტიკით, რაც მტრის ელვისებურ განადგურებას ითვალისწინებდა.

ტიგრანი მარცხის შემდეგ მიხვდა თავის შეცდომას და მითრიდატეს მოსაზრების სიმართლეს. მან მითრიდატე სასწრაფოდ გამოიხმო პონტოდან. მეფეები ახალი ენერგიითა და ახალი საომარი ტაქტიკით შეუდგნენ საომარ სამზადისს.

ლუკულუსი მოპოვებული გამარჯვების შემდეგ შეუერთდა ტიგრანოკერტის მთაყუეებს — მურენას კოპორტებს და გააფთრებული იერი-

შეზღვევის მიზნით ქალაქის კედლებზე. ტიგრანოკერტის დამცველები, მიუხედავად იმისა, რომ მათ საკუთარი თვალთ დაინახეს თავისიანთა მარცხი ბათმან-სუს მალლობზე, მხნეობას მაინც არ ჰკარგავდნენ. ლუკულუსი კი ტიგრანოკერტთან ალბათ დიდხანს შეყოვნდებოდა. მაგრამ გარნიზონის არასომხურმა ნაწილმა, ბერძენმა დაქირავებულებმა, როცა დაინახეს რომაელთა უპირატესობა, გადაწყვიტეს სომხებისათვის ელაღატნათ და მტრისათვის ქალაქის კარი გაეღოთ. მალე სომხებსა და ბერძენებს შორის შეიარაღებული შეტაკებაც მოხდა. ბერძენებმა ქალაქის კედლის ერთი უბანი ხელთ იგდეს. ამ უბანზე რომაელებმა იერიშები გააძლიერეს და ქალაქის აჯანყებულ ბერძენთა დახმარებით ტიგრანოკერტში შეიჭრნენ.

რომაელმა სარდალმა თავის მეომრებს ნება დართო, გაეძარცვათ და გაენადგურებინათ ქალაქი. რომაელებმა ტიგრანოკერტში, რომლის აშენებისა და გამშენიერებისათვის ამდენს ზრუნავდა სომხეთის მეფე, დიდძალი დავლა დააგროვეს. თვით ლუკულუსი დაეპატრონა სახელმწიფო ხაზინის იმ ნაწილს, რომლის წაღებაც ტიგრანის მეომრებმა ვერ მოასწრეს. აქ ლუკულუსმა ხელთ იგდო 8.000 ტალანტი. ბარკვისაგან იმდენად დიდი სამხედრო დავლა დაგროვდა, რომ ლუნწმა სარდალმაც კი თითოეულ ჯარისკაცს 8.000 დრაქმა დაურიგა. მან დარბეულ და დანგრეულ ქალაქში, გამარჯვების აღსანიშნავად იღვრისასწაულა კიდევ იმ მსახიობებისა და ხელოვანთა მეშვეობით, რომლებიც ტიგრანს შეკრებილი ჰყოლია თავისი სატახტო ქალაქის კულტურული დონის ამაღლებისათვის. ლუკულუსმა ტიგრანოკერტში მცხოვრები ბერძენები სამეზავრო ფულით მოამარაგა და თავიანთ სამშობლოში გაისტუმრა. თვითონ ტიგრანოკერტი რომაელებმა საესეებით დაანგრიეს.

ტიგრანოკერტთან მოპოვებულმა გამარჯვებებმა ლუკულუსი ახალი სამხედრო დიდებით შემოსეს და, რაც მთავარია, ამის საფუძველზე მისმა მდგომარეობამ რომში დროებით სტაბილიზაციას მიაღწია. ხოლო ადგილზე ამ გამარჯვებათა შედეგი ის იყო, რომ სომხეთის მონარქიამ ნგრევა დაიწყო. ტიგრანს გადაუღვინ ცალკეული დინასტიები, რომლებიც აქამდე უთვალთვალდნენ, ვის მხარეზე დაქანდებოდა ბრძოლის სასწორი. მათ მიიჩნიეს, რომ რომაელები საბოლოოდ დაეუფლნენ აზიაში ბატონობის კვერთხს და თვითონაც გამარჯვებულის ბანაკს მიაშურეს. ლუკულუსს მორჩილება გამოუცხადეს სოფენისა და გორდიენის მმართველებმა; შემდეგ, არაბთა მთავრებმა, ანტიოქე კომაგენელმა და სხვ.

უკვე ზამთარი დგებოდა და მომავალი 68 წლისათვის მოწინააღმდეგენი გამალებით ემზადებოდნენ. ლუკულუსი გამოსაზამთრებლად გორდიენაში დაბანაკდა.

მეფეები თავგამოდებით ემზადებოდნენ რევანშისათვის. ტიგრანმა მთელი საომარი ორგანიზაციის ხელმძღვანელობა ჩააბარა მითრიდატეს, რომელსაც რომაელებთან ხანგრძლივი ომებისა და გაჭირვებათა დიდი სკოლა ჰქონდა გავლილი.

ასეთ კრიტიკულ დროს დიდი მნიშვნელობა ჰქონდა პართიის პოზიციის საკითხს. თუ კი ტიგრანი და მითრიდატე პართიას ლუკულუსთან ბრძოლაში ვერ ჩააბამდნენ, მაშინ ამ ქვეყნისაგან მტკიცე ნეიტრალიტეტის გარანტია მაინც უნდა მოეპოვებინათ. ამ მიზნით მითრიდატემ ელჩები გაგზავნა ფრაატ III-სთან. მეფეები მეფეს დახმარებისა და კავშირის საკომპენსაციოდ სთავაზობდნენ ტიგრანისაგან აღრე დაპყრობილ ჩრდილოეთ მესოპოტამიას, ადიაბენას და დიდ ავღონს; თანაც მითრიდატე ფრაატს წერილობით არწმუნებდა რომაელთა გაუმძღარი დამპყრობელური ბუნების შესახებ; რომ ისინი შურთანობით არიან გამსკვალული ყოველი ძლიერი მეფის მიმართ და მუდამ მეფეთა ძალაუფლების დამხობისაკენ მიილტვიან; ასე გაანადგურეს მათ ფილიპე, ანტიოქე, ეემენი, არისტონიკე, თვითონ იგი (მითრიდატე) და ახლა ტიგრანსაც მიდგნენ. მითრიდატე პართიის მეფეს არწმუნებდა, რომ როგორც კი რომაელები ჩვენ, მე და ტიგრანს, ბოლოს მოგვიღებენ. მაშინვე შენ მოგადგებიან კარსო. მითრიდატემ იცოდა, მხოლოდ ამ გზით თუ შეიძლებოდა სომხეთის მოსისხლის გადმობირება რომაელთა წინააღმდეგ საბრძოლველად. ფრაატი უნდა მიმხედარყო, რომ აზიის გამგებელთა შორის კინკლაობა მათი ქვეყნის დაღუპვის მომტანი იქნებოდა; აზიელ მონარქებს ასლა მაინც უნდა ეზრუნათ ერთი საერთო მტრის, რომის ასალაგმავად.

მაგრამ ლუკულუსმაც კარგად იცოდა, რა დამოკიდებულებაც არსებობდა ტრადიციულად სომხებსა და პართიას შორის. მას შეეძლო ჩვეულებრივი რომაული დიპლომატიური მანევრით გამოეყენებინა ამ ქვეყნებს შორის არსებული უთანხმოება და პართიის საკითხი თავის სასარგებლოდ გადაეჭრა. და, აი, პართიის სასახლის კარზე რომაელი დესპანებიც გამოჩნდნენ, რომლებმაც ფრაატს წინადადება მისცეს: ან შეუყავშირი ლუკულუსს, ან არ ჩაერიო სომხებსა და რომაელებს; შორის ატეხილ ბრძოლაშიო. პართიელი მეფე არჩევანში ჩადგა. იგი აყოვნებდა პასუხის მიცემას, როგორც ერთ, ისე მეორე მხრისადმი. მას მითრიდატესაგან აღთქმული ქვეყნებიც ხიბლავდა, სომხეთისადმი მტრობაც და ამასთან ერთად რომაელების წინაშე შიშიც ხელ-ფეხს უკრავდა. ფრაატს უპირატესობა მაინც ბოლოს და ბოლოს, რომაელებისათვის მიუნიჭებია. ლუკულუსმა კავშირის საბოლოოდ გასაფორმებლად, ფრაატთან სექსტილიუსი გაგზავნა, მაგრამ როგორც

ეტყობა, ხელშეკრულების დადების პარალელურად სექსტილიუსი ლუკულუსისაგან ინსტრუქტირებული ყოფილა პართიისა და მისი სატახტო ქალაქის დაზვერვაში; ე. ი. მას უნდა შეესრულებინა ის მისია, რაც ადრე ლუკულუსისაგან დავალებული ჰქონდა აპიუს კლავდიუსს სომხეთში წარგზავნის დროს.

ამგვარად, გათვალისწინებული ყოფილა და წინასწარ მზადდებოდა ნიადაგი იმასათვის, რომ სომხეთის განადგურების (რაშიც ლუკულუსს ეჭვიც არ ეპარებოდა) შემდეგ უნდა დასმულიყო აზიაში კიდევ ერთი პოლიტიკური შენაერთის ყოფნა-არყოფნის საკითხი. ფრაატი მიხვდა საქმის გარემოებას და, თუმცა რომაელთა წინააღმდეგ აშკარა გამოსვლაზე არ უფიქრია, მათ დახმარებაზე მიცემულ პირობა უკანვე წაიღო და გადაქრათ დადგა ნეიტრალურ პოზიციაზე.

ასე მოიხსნა „პართიის საკითხი“. მითრიდატე და ტიგრანი ნაწილობრივ კმაყოფილი მაინც უნდა დარჩენილიყვნენ, პართიის ნეიტრალიტეტი რომ მოიპოვეს. მეფეები საკუთარ ძალებს მიუბრუნდნენ. სომხეთში და მის ქვეშევრდომ ქვეყნებში მიაბილიზაცია გამოცხადდა და დიდძალი ლაშქარი შეიკრიბა. ქვეშევრდომთა გარდა მოკავშირეებიც გამოცხადნენ. ტიგრანის ახალ ჯარებში სომხებს გარდა მოხსენიებულნი არიან მოკავშირე იბერელები, მარდები, ატროპატენელები და სხვ.

მითრიდატემ და ტიგრანმა იცოდნენ, რომ მთავორიან სომხეთში მრავალრიცხოვანი არმია მოუქნელი და ძნელადგამოსაყენებელი იქნებოდა; თან მისი მომარაგებაც მეტად გაჭირდებოდა. ამიტომ მათ ქვეითი არმია შეამცირეს, რომაული წესით რაზმეულებად და კოჰორტებად დაჰყვეს და გასაწვრთნელად გამოცდილ პონტოელ ვეტერანებს ჩააბარეს. იმავე დროს, ყველა ქალაქში საომარ საკურველს ამზადებდნენ და სურსათ-სანოვაგეს იმარაგებდნენ. ტიგრანიც, მითრიდატეს მსგავსად, დარწმუნდა, რომ ერთადერთი გზა რომაელთა განადგურებისა ომის გაჭიანურების „კუნქტატორული“ გზა იყო. ამიერიდან რომაელთა წინააღმდეგ უნდა ეწარმოებინათ თარეშული ხასიათის ომები; კავალერიული ესკადრონებით ხშირ-ხშირად დასხმოდნენ თავს მტერს, არ მიეცათ მისთვის მოსვენება, მოესპოთ მათთვის ადალით საზრდოობის წყაროები და ა. შ.

ლუკულუსიც დიდის ამბით ემზადებოდა. მან ბრძანება გაუგზავნა პონტოში საგარნიზონო სამსახურისათვის დატოვებულ სორნაციოსს. სასწრაფოდ წამოეყვანა მისი განკარგულების ქვეშ მყოფი 6.000 მეომარი და სომხეთში შეერთებოდა მას.

მაგრამ ლუკულუსი სახტად დარჩა, როცა შეიტყო, რომ სორნაციუსის მეომრებმა უარი განაცხადეს ლუკულუსთან სომხეთში გამგზავრებაზე და თანაც თურმე იმუქრებოდნენ კიდევ, რომ მიატოვებდნენ

პონტოს და დაბრუნდებოდნენ იტალიაში. სორნაციუსმა და მისმა ხელქვეითმა ტრიბუნებმა ველარ შესძლეს მათი დამორჩილება და იძულებული შეიქნენ ლუკულუსის ბრძანებაზე უარყოფითად ეპასუხნათ. ინდომარეობა კიდევ უფრო რთულდებოდა იმით, რომ პონტოში მყოფი ქარისკაცების მოჯანყე განწყობილებამ და აშკარა ურჩობამ უეცრად ააფეთქეს თვით ლუკულუსის უშუალო სარდლობის ქვეშ მყოფი მეომრების აქამდე შეკავებული გულისწყრომის ცეცხლი. ისინი ქება-დიდებას ასწამდნენ პონტოში მიმსახურე თანამებრძოლების გაბედულ გამოსვლას და ერთი მეორეს აქეზებდნენ. მიუბაძნათ მათთვის, გაბედული ვაჟკაცებისათვის, რადგან მათი ამდენი ხნის საბრძოლო გზა და გამოვლილი გაჭირვებანი ბრძოლის შეწყვეტითა და დასვენებით უნდა შეიცვალოს.

ამას გარდა, ლუკულუსს კიდევ სხვა არანაკლებ მნიშვნელოვანა გარემოება აბრკოლებდა და ძირს უთხრიდა აღმოსავლეთში მოპოვებული მენარჩუნებისა და შემდგომი წინსვლის გზაზე. ეს იყო მისი პოლიტიკური მოწინააღმდეგეების გააფთრებული გამოსვლები თვით რომში. ვნახეთ, რომ ლუკულუსის წინააღმდეგ ჯერ კიდევ სომხეთში ლაშქრობის დაწყებამდე რომში იწყება ლუკულუსის აზიური ეკონომიური ღონისძიებებით დაზარალებული პლუტოკრატების ინტრიგები. რომში მომხდარმა მძლავრმა სოციალურმა ძვრებმა კონსერვატიული პარტიისა და მისი ბირთვის — სენატის — მფარველობის კალთა ლუკულუსს ჩამოჰგლიჯეს და მისი სამხედრო და პოლიტიკური კარიერა დაღუპვის პირზე დააყენეს. გამძლავრებული პლუტოკრატია დასუსტებულ არისტოკრატას ხელიდან ართმევს რომის ეკონომიური და პოლიტიკური მმართველობის სადავეებს და განადგურებით ემუქრება „მტკიცე ოპტიმატს“ ლუციუს ლიცინიუს ლუკულუსს, რომელმაც მას აზიაში დიდი ეკონომიური ზარალი მიაყენა. პოპულარტა იერიშების წინაშე, სენატის ერთ დროს ძლიერი მახვილ ახლა დაშლენგებული იყო. ხელისუფლების სათავეში ახლად მოსული პარტია ვერ მოითმენდა, რომ აღმოსავლეთის მეტად საპასუხისმგებლო სამმართველო პოსტები მისი პოლიტიკური მოწინააღმდეგის, ოპტიმატური ოლიგარქიის შვილს სჭეროდა. ამ მდგომარეობით და განწყობილებით კარგად სარგებლობდნენ იმ დროის რომში ძლევამოსილი ავტორიტეტები, რომლებიც ცდილობდნენ თავიანთი თავი გაპლივირებული პოპულარტების შესახურებად და ბელადებად გამოეცხადებინათ, რათა ამ გზით დაეჭირათ ლუკულუსის შემკვიდრეობა და იქმნის მიერ დათესილი მოსავალი თვითონვე მოემკოთ. ასეთ კანდიდატად, რომელსაც მაშინ მეტოქეობას იშვიათად თუ ვინმე გაუწევდა, იყო გნეუს პომპეუსი, რომელიც თავისი მაქსილი პოლიტიკით ყოველთვის ასერნებდა მძაფრ სოციალურ და პოლიტიკურ

ორბრძოლაში გაძრომ-გამოდრომას და, სხვის გამარჯვებათა მითვისების წყალობით. მალა ამოტივტივებს. ახლა ის სულანური კონსტიტუციის გადმონაშთების წინააღმდეგ ბრძოლითა და სახალხო პარტიის ინტერესების დაცვით ახერხებს დაწინაურებას. საერთოდ, მძიმე საშიშროებების პირველ დღეთა წინაშე მხალ პომპეუსს ახლა ეჩვენებოდა, რომ აღმოსავლეთში ყველაზე მძიმე ოპერაციები ჩატარებული იყო და საბოლოო გამარჯვების მიღწევამდე ერთი ნაბიჯი იყო დარჩენილი. ლუკულუსს მხოლოდ ის აბრკოლებდა, რომ მისი დასაყრდენი სოციალური ბაზა სუსტდებოდა და ძალას ველარსაიდან ღებულობდა. აი, ახლა პომპეუსს შეეძლო თავისი მეტოქისათვის ძლევამოსილების კვერთხი ხელიდან გამოეგლიჯა და თავის მძლავრ ბაზაზე (პოპულარები) დაყრდნობით, საბოლოოდ მძლავრად მოექნია... პომპეუსი ლუკულუსის წინააღმდეგ საბრძოლველად კიდევ უფრო უსისინებდა პლუტოკრატთაგან ისედაც გახლებულ დემაგოგებს. შესაძლებელია, ის მხედრებსაც აღუთქვამდა, რომ გააუქმებდა ლუკულუსის მკაცრ ეკონომიურ ღონისძიებებს, რომლებმაც შეასუსტეს რომაელი ფინანსისტების ეკონომიური ბაზისი აღმოსავლეთში.

ორატორები ტრიბუნაზე ერთმანეთს სცვიოდნენ და ხალხს უსურათებდნენ აღმოსავლეთის მართალ ამბებს: აღმოსავლეთში ომი საშინლად გაჰიანურდა, ლუკულუსმა თავისი გამარჯვებები ვერ გამოიყენა რომის მოსისხლე მტერი მითრიდატე, რომელსაც ჩვენ ამდენხანს შეპყრობილს მოველოდით სომხეთის მეფესთან ერთად, ახალი ძლიერი შეტევისათვის ემზადება; მთავარსარდალი თავის რწმუნებებს უკანონოდ ახანგრძლივებს; ფულის, სიმდიდრისა და პატივმოყვარეობისათვის ომს აჰიანურებს, და სხვა ამგვარები, მათი პირიდან ლუკულუსის წინააღმდეგ რომის ფორუმზე ნიაღვარივით მოედინებოდა. ხალხი ხედავდა, ყველაფერი ეს მართლაც ასე იყო, მაგრამ ყურადღებას არავინ აქცევდა რამდენად იყო თვითონ ლუკულუსი დაინტერესებული აღმოსავლეთში ომის სწრაფად დამთავრებაში. რამდენს ცდილობდა ის უმოკლეს დროში გაენადგურებია ტიგრანი და მითრიდატე, მაგრამ მისი ძლიერება სისხლისაგან იცლებოდა; რომში მისი მფარველი კონსერვატიული პარტია თავის თავს ძლივს იცავდა და მისთვის ხომ აღარ ეცალა. საერთოდ, ახლა ლუკულუსის დახმარებაზე კი არ ფიქრობდა ვინმე, არამედ ისმებოდა საკითხი აღმოსავლეთში მისი განუსაზღვრელი ძალაუფლების შეზღუდვისა და, ბოლოს, გადაყენების შესახებაც კი.

ჯერ, ლუკულუსმა შეიტყო, რომ მას პროვინცია აზია ჩამოართვეს და საგანმგებლოდ გადასცეს ვილაც პრეტორს. მთავარსარდალმა კვლავ არაფრად ჩააგდო თანამემამულეთა ასეთი უმადურობა და ისევ განაგრძო 68 წლის განაფხულზე ახალი შეტევისათვის სამზადისი. მაგრამ

ამავე წელს მას პროვინცია კილიკიაც ჩამოართვეს და მის ნაცვლად იქ პროკონსულად დანიშნეს ქვინტუს მარციუს რექსი. ამგვარად მას ჯერჯერობით მარტო პონტო-ბითინიის გამგებლობა და უმაღლესი მთავარსარდლობა რჩებოდა. და ლუკულუსის ამ უკანასკნელ რწმუნებებსაც ყოველდღე გაცამტვერება მოელოდა...

რომში შექმნილ ასეთ მძაფრ სიტუაციას არ შეიძლებოდა გავლენა არ მოეხდინა აღმოსავლეთში მყოფ არმიასზე. არმიები, როგორც ითქვა, იმ დროს ისეთ მძლავრ სოციალურ ძალებს წარმოადგენდნენ, რომელთაც შეეძლოთ ეპოქალური ცვლილებები შეეტანათ საზოგადოებრივ ცხოვრებაში. ხოლო, ლუკულუსის სარდლობის ქვეშ მყოფი არმია იმ სოციალური ძალის პირმშო იყო, რომელიც მაშინდელი რომის სახელმწიფოს პოლიტიკური საკის ხელში ჩასაგდებად შეუჭრებელი ნაბიჯებით მიიწეოდა წინ. ეს ძლიერი სოციალური ძალა მრავალრიცხოვან პოპულართა პარტია იყო და რომაული ლეგიონერებიც ძირითადად მათ რიგებს ეკუთვნოდნენ.

ლუკულუსის ჯარისკაცების ყურამდე უკვე მიადწია ხმებმა, რომ აღმოსავლეთში მალე ახალი მთავარსარდალი ჩამოვიდოდა, რომელიც შეეცლიდა ქედმაღალ და მიუყარებელ პატრიციუსს. ბრძოლისაგან და ამდენი ტანჯვა-წამებისაგან ქანცდალეული მეომრები ისედაც უკმაყოფილონი იყვნენ ლუკულუსის სისასტიკითა და შეუბრალებლობით. მართალია, ლუკულუსი ბრძოლის ველზე სიმამაცესა და ვაჟაკობას მოკლებული არ ყოფილა, მაგრამ ის მაინც არ ჰგავდა მის წინაპარ სახელოვან სარდლებს — სციპიონებს, გაიუს მარიუსს, კორნელიუს სულას და სხვ., რომლებიც რიგით მებრძოლთა ჭირსა და ღზინს თანასწორად იზიარებდნენ, მათთან ერთად „ჰამდნენ უბრალო პურს, ეძინათ მწირ ლოგინზე, თხრიდნენ თხრილებსა და ოფლს ღვრიდნენ ბანაკის გამაგრებისათვის“. ლუკულუსს კი, მებრძოლები, როგორც სარდალს, მხოლოდ ბრძოლის ველზე ზედავდნენ; დანარჩენ დროს კი იგი თავის კარავში იჯდა და მეომრებთან შეხვედრას მხოლოდ მათ დასასჯელად თუ მოისურვებდა. არმიასში, საერთოდ, პატივისცემისა და სიყვარულის დამსახურების ნაცვლად ლუკულუსი ყოველნაირად ცდილობდა, თავისი არისტოკრატიული უკადრისობისა და უკიდურესი სისასტიკის მეოხებით, მიწასთან გაესწორებინა ამაყ რომაელ ჯარისკაცთა პირადობა და თავმოყვარეობა. ლუკულუსის მეხოტბე პლუტარქეც ასე ახასიათებს მის ქედმაღლურ და გულმანკიერ დამოკიდებულებას თავის ქვეშევრდომთა მიმართ: იგი არ იყო თავისი ჯარისკაცებისადმი ალერსიანი და მოსიყვარულე. ის თვლიდა, რომ უველაფერი, რაც გაკეთდება ქვეშევრდომთა სასარგებლოდ, არის ძალაუფლების დამცირება და უპატიოსნება. ამიტომ იყო, რომ ლუკულუსი მის ჯარისკაცებს არ უყვარდათ და სომხეთში სალაშქროდ

უხალისოდ მისდევდნენ. დრტინვა კიდე უფრო გაძლიერდა, როცა რომიდან სოციალური ბრძოლების შორეული გრგვინის ხმამ მოატანა და დემაგოგები ლუკულუსის ბანაკებშიც ამოქმედდნენ. პირველად ხმა აღიმალღეს სორნაციუსის ლეგიონერებმა და მათ გაბედულ ნაბიჯს ქება-დიდებათ შეხვდა ლუკულუსის ბანაკიც.

მაგრამ პატივმოყვარე და ამპარტავანმა პატრიციუსმა ძაღლონე მოიკრიბა და უკანასკნელად გაიბრძოლა. მისი ხსნა ახლა მხოლოდ და მხოლოდ ახალ ძლევამოსილ ლაშქრობას შეეძლო. ის არ უწყევდა ანგარიშს იმას, რომ ამიერკავკასიაში ამ ძლევამოსილი ლაშქრობისათვის კოლოსალური ძალები იყო საჭირო.

ლუკულუსს დიდი შრომა დასჭირდა, ახალ ლაშქრობაზე დაეთანხმებინა გაჭიუტებული მეომრები. ამას ზედ ისიც ერთვოდა, რომ 62 წლის გაზაფხულიც მეტისმეტად სუსხიანი იყო და სურსათ-სანოვავის საკითხიც საშიშროების წინაშე იდგა. ამიტომ „ელვისებური ომის“ მოსურნე სარდალმა შუა ზაფხულში ძლივს შესძლო ლეგიონების სალაშქრო გზაზე გამოყვანა.

რომაელები ვორდინადან დაიძრნენ ჩრდილოეთისაკენ -- სომხეთის სიღრმისაკენ. ტავრზე შემდგარი ლუკულუსი განცვიფრდა, როცა დაინახა, სომხეთის ზეგნებზე პური ჯერ ისევ მწვანედ ბიბინებდა, ხოლო მის დამწიფებამდე და მოწვევამდე სომხეთში დარჩენას არც თვითონ ფიქრობდა და არც მეფეები ვარაუდობდნენ მის დატოვებას.

ლუკულუსი მთიდან დაეშვა, რათა, რაც შეიძლება, მალე შეხვედროდა მტრის ძირითად ძალებს, მაგრამ მან ნახა, რომ მეფეები ერიდებოდნენ გენერალურ ბრძოლას და მტკიცედ იცავდნენ ევპატორის მიერ შემუშავებულ საომარ გეგმას.

სომეხთა არმია ორად იყო განაწილებული. ქვეითი ლაშქარი და კავალერიის ერთი ნაწილი ემორჩილებოდა მითრიდატეს, ხოლო დანარჩენი მხედრობის სარდალი იყო ტიგრანი. მითრიდატე დაბანაკდა ერთ-ერთ მაღლობზე, საიდანაც მას ხელსაყრელ მომენტში შეეძლო დაშვებულიყო და თავს დასხმოდა მტერს. რომაელები შეიქრნენ სომეხთა სოფლებში და დაიწყეს მათი აოხრება, ძარცვა და აწიოკება. ევპატრონებოდნენ სომეხთა არმიის სურსათ-სანოვავის საწყობებს. მაგრამ ამასობაში ტიგრანი ჩამდენჯერმე დაესხა მათ თავს მსუბუქი კავალერიით. როგორც კი ლუკულუსი ტიგრანის წინააღმდეგ გაეშურებოდა, მაშინვე მითრიდატე დაეშვებოდა მაღლობიდან, მის ზურგზე დასაყვამად. მცირედი შეტაკებანი და მეფეები კვლავ თავიანთ საფრებისკენ გაქუსლავდნენ. ლუკულუსი იძულებული იყო მოეთმინა ასეთი განუწყვეტელი და გულისგამწყალებელი თარეში.

ასე გაგრძელდა ორი თვე: მითრიდატე სალ კლდესავით იდგა, ტიგრანი უეცრად დაჰკრავდა და კვლავ გაუჩინარდებოდა; რომაელთა რი-

გები თანდათან თხელდებოდა; შემოდგომისპირზედვე აღრიანი სიცივეები დაიჭირა: რომაულ ლეგიონებში მღელვარება ძლიერდებოდა.

ლუკულუსს გენერალური ბრძოლის წყურვილი ახრჩობდა; თუ ამას ვერ მიაღწევდა, ჩინიდან ვერ გამოვიდოდა. მან თითქოს მიაგნო გზას.

ტიგრანოკერტის ამბებიდან ლუკულუსმა დაასკვნა, რომ ტიგრანი ვანსაკუთრებით უფრთხილდება სატანტო ქალაქებს, სადაც იმყოფება სამეფო სახლი, სახლობა და საჭურჭლე. ახლა ყველა ისინი სომხეთის ძველ დედაქალაქში არტაქსატასში იმყოფებოდა. ლუკულუსმა ივარაუდა, — თუ არტაქსატასაკენ გაემართებოდა, ტიგრანი მთელის ძალებით გამოვიდოდა სატანტოს გადასარჩინად. მართლაც, სომხეთმა მეფე სწრაფი მარშით გაეშურა არტაქსატასაკენ დაძრულ რომაელთა თავდასავლელად.

ტიგრანი და ლუკულუსი ერთმანეთს შეხვდნენ მდინარე არსანიასთან. ცხარე, თავგანწირული შეტაკების შემდეგ, მეფე დამარცხდა და უქუიქვა. რომაელებს არტაქსატასაკენ გზა გაეხსნათ. მაგრამ გზაზე დამპყრობლებს სუსხიანმა ამინდებმა, თოვლმა და ყინვამ მოუსწრო. „ცის მოწმენდისას დგებოდა ყინვები და სიპები. ცხენები გაპირვებით სვამდნენ ყინულს წყალს: ძნელი ხდებოდა მდინარეების გადალახვა; ყინვა ტყდებოდა და ცხენებს ფეხებზე ძარღვებს აჭრიდა. ამ ქვეყნის დიდი ნაწილი დაფარულია ტყეებით და აქვს ცუდი გასასვლელები. მეზობლები მუდამ წყლით იყვნენ დასველებული: მათ ათოვლათ (მთებზე) გადასვლების დროს: მეტად მოუსვენარ დაძვებს ატარებდნენ ისინი სველ ადგილებზე“¹. ამას გარდა ლუკულუსის წინსვლას მეტისმეტად აფერხებდა დაჭრილ მეომართა სიმრავლე და სურსათის ნაკლებობა, ლუკულუსი კი მაინც მიიწევდა წინ, ანგარიშმიუცემლად, ფანტიკურად.

და აი, იგი წააწყდა კიდევ ერთ წინააღმდეგობას, დაუძლეველსა და დამღუპველ დაბრკოლებას. ეს იყო მისივე მეომრების ამბოხება.

მთავარსარდლის სოციალური საყრდენის ხელმოცარულობამ და რომში მის წინააღმდეგ პოპულარების მოქმედებამ, მისდამი მეზობლთა სიძულვილმა და აპათიურმა განწყობილებამ, დაჭრილთა სიმრავლემ და სურსათ-სანოვავის ნაკლებობამ, მითრიდატეს ბრწყინვალე მოფიქრებულმა საომარმა ტაქტიკამ და უცხო ქვეყნის მედგარმა წინააღმდეგობამ, უსასრულო ომებისაგან მიყენებულმა ტანჯვა-წამებამ და უცხო ქვეყნების მკაცრმა კლიმატმა, და ბოლოს, თვით არმიაში სარდლის წინააღმდეგ გამოსული დემაგოგების აგიტაციამ — საბოლოოდ

¹ Plut. Luc. 32.

აავსეს მეომართა მოთმინების ფიალა და ამდენი ხნის დაგუბებული რისხვა შეუკავებელ ნიაღვარად გადმოანთხიეს.

პლუტარქესთან აღწერილია ლუკულუსის მეომრებში მომხდარი ჯანყის ამბავი. ჯარისკაცები პირველად ვერ ბედავდნენ უშუალოდ მთავარსარდლისათვის გაემყლაფნებიათ თავიანთი უკმაყოფილება და მოთხოვნები და მოციქულად უგზავნიდნენ მას სამხედრო ტრიბუნებს, სოლო ღამით იკრიბებოდნენ კარვებში და განუწყვეტელი ღრიალით პროტესტსა და მუქარას უცხადებდნენ შეუბრალებელ სარდალს. ლუკულუსს უკვე აღარ შეეძლო თვალდასუქული შეხვედროდა მეომართა გამოსვლას. იგი იძულებული გახდა ქედი დაედრიკა და მეომართათვის ხეწუნა-მუდარა დაეწყო. სარდალი ლეგიონებს მოუწოდებდა აღჭურვილიყვნენ სიმტკიცითა და მოთმინებით მანამ, სანამ დაანგრევდნენ არტაქსატას — სომხეთის კართაგენს, მაგრამ ჯარისკაცები მტკიცედ იდგნენ თავიანთ გადაწყვეტილებაზე და დაჟინებით მოითხოვდნენ უკან დაბრუნებას.

და აი, ლუკულუსი, რომელმაც აღმოსავლეთში 7 წლის განმავლობაში თავისი საბრძოლო მახვილი ბევრი სახელოვანი გამარჯვებით შეამკო, აქ სომხეთის სატახტოდან ორიოდ დღის სავალზე, იძულებული გახდა უკან დაბრუნებულიყო.

რომაელები დაბრუნდნენ, უკანვე გადაიარეს სომხეთის ტაკრი, გორდიენა და გაჩნდნენ ტიგრის მარჯვენა მხარეზე. აქ, მესოპოტამიის ჩრდილოეთ რაიონში, რომაელები მიადგნენ ქალაქ ნისიბისს. სომხეთში სიცივისაგან და შიმშილისაგან განაწამები მებრძოლები ამ თბილ და ნაყოფიერ ოლქში რამდენიმედ გამოცოცხლდნენ. ამით ლუკულუსმა ისარგებლა და ნისიბისზე იერიში მიიტანა.

ეს ქალაქი ადრე ტიგრანმა პართიელებს წაართვა და ახლა ამ უკანასკნელთა წინააღმდეგ სომხეთის მეფის საიმედო ციხე-სიმაგრეს წარმოადგენდა. ქალაქის დაცვა და მმართველობა ჩაბარებული ჰქონდა მეფის ძმას გურასს, რომელსაც სამხედრო-ტექნიკურ მრჩეველად ჰყოლია ამისოსის ცნობილი დამცველი კალიმაქე. ქალაქს ორრიგად შემოვლებული ჰქონდა აგურის სქელი კედლები, ხოლო კედლებს შორის ღრმა, ფართო თხრილი იყო გავლებული.

ლუკულუსმა თავისი ურჩი და დამშეული მეომრების ყურადღება მიაქცია ნისიბისის სიმდიდრესა და სიუხვეზე და ამ გზით დაიყოლია ისინი ქალაქზე საიერიშოდ. პირველ შეტევებს შედეგი არ მოჰყვა და რომაელები ალყაზე გადავიდნენ. ქალაქის დამცველები პირველ ხანებში არაჩვეულებრივ სიმტკიცეს იჩენდნენ: მოალყეებს ისარს აყრიდნენ და იერიშზე წამოსვლის შემთხვევაში კედლებიდან ცეცხლმოკიდებულ კუპრს ასხამდნენ. მაგრამ როგორც კი დაზამთრდა და ცივი, ქარიშხლიანი ამინდები დაიჭირა, გურასის მეომრებს იმედი მიეცათ,

რომ რომაელები ნისიბისთან ჩამომდგარ სუსხიან ზამთარს ვერ გაუძლებდნენ და ალყას მოხსნიდნენ. ამიტომ მათ ქალაქის დაცვა შეასუსტეს და უზრუნველობას მისცეს თავი. ლუკულუსმა ისარგებლა მათი უყურადღებობით და ერთ უკუნეთ, ქარიშხლიან ღამეს, — როცა ქალაქის დამცველები არავითარ თავდასხმაზე არ ფიქრობდნენ და საგუშაგო პოსტები მიტოვებული ჰქონდათ, შეუმჩნეველად გადაიყვანა თავისი მეომრები ქალაქის პირველ კედელზე და მიადგა თხრილს. რომელიც მას მეორე, შიდაკედლისაგან ჰყოფდა. რომაელებს ხიდები აყრილი დახვდათ; დაიწყეს თხრილების ამოხერგვა და ზედ გადასვლა. მეციხოვნეებმა გვიან გაიგეს და სცადეს შეცდომის გამოსწორება, მაგრამ გვიანდა იყო. რომაელებმა მეორე კედელიც გადალახეს და ქალაქში შეიჭრნენ. ნისიბისის მოსახლეობა, სიმდიდრე და საგანძური რომაელთა რბევა-ნგრევის მსხვერპლი შეიქნა.

ნისიბისის გამარჯვება ლუკულუსის სამხედრო წარმატებათა უკანასკნელი აკორდი იყო. ამ ბრძოლას მისი ძლიერების დაისი მოჰყვა და მალე მის ცაზე სრულად ჩამობნელდა. ამის შემდეგ, თითქოს. მართლაც „მოშორდა კეთილსასიამოვნო სიო“, თუმცა „ყველაფერს აკეთებდა ძალდატანებით. ის ცდილობდა ეჩვენებინა სიმტკიცე და სიმამაცე, ღირსებანი დიდი სარდლისა, მაგრამ მის საქმეებს უკვე აღარ ჰქონდა არავითარი დიდება და აღმატება“¹. მეომრები სრულებით აღარ სცნობდნენ ლუკულუსს როგორც სარდალს და უაღრესად თვითნებობდნენ. მათი დემორალიზაციის ბირთვად ისევ ფიშპრიანელი ჯარისკაცები რჩებოდნენ, რომელთაც სარდლების წინააღმდეგ ბრძოლის მდიდარი გამოცდილება ჰქონდათ. ლუკულუსის მდგომარეობას კიდევ უფრო ართულებდა არმიაში მოქმედება დემაგოგებისა, რომელთა რიცხვს მისი უახლოესი პირებიც ეკუთვნოდნენ. მაგალითად, პუბლიუს კლოდიუსი ცხოველი სიტყვებით, მართალი მდგომარეობის დასურათებით აჩანყებდა მეომრებს: „ნუთუ არასოდეს აღარ ექნება ბოლო ამდენ გაკირვებასა და ბრძოლებს? ნუთუ მთელი ჩვენი სიცოცხლე უნდა გავატაროთ ყველა ხალხთან ბრძოლებში, მთელს ქვეყანაზე ხეტიალში. ამდენი შრომისა და საქმიანობის შემდეგ, ნუთუ არ უნდა მივიღოთ ღირსეული ჯილდო? თუ მხოლოდ უნდა ვაცილებდეთ ლუკულუსის ალაღსა და ოქროებითა და ძვირფასი ქვებით შემკულ საგნებით დატვირთულ აქლემებს, ხოლო პომპეუსის მებრძოლები, ქცეულნი მშვიდ მოქალაქეებად თავიანთი ცოლ-შვილით ესახლებოდნენ ბედნიერ მიწაზე და ქალაქებში ცხოვრობდნენ: ისინი არ სდევნენ არც მითრიდატესა და არც ტიგრანს დაუსახლებელ ფართო უდაბურებში; არ ამხობენ აზიის სამეფოებს, არამედ მხოლოდ ეომებიან დევნილებს იბერიაში (ესპანეთში) და გაქცეულ მონებს იტალიაში. ამ-

¹ Plut. Luc. 33.

გვარად, თუ კი არასდროს არ უნდა შეეწყვიტოთ ბრძოლა, მაშინ ჩვენთვის განა უკეთესი არ იქნება შევენახოთ ჩვენი სხეული და სული იხეთ სარდალს, რომელიც თავის საუკეთესო მართულობად თვლის თავისი ჯარისკაცების გამდიდრებას?«¹

ასე, ლუკულუსის მეომრები დარჩნენ გორდიენაში და ელოდნენ პომპეუსს. ან სწავა მეთაურს, რომელიც დანიშნული იქნებოდა ლუკულუსის შემკვიდრედ.

ეს ამბები მაშინ ხდებოდა, როცა მითრიდატემ და ტიგრანმა სწრაფი ტემპით დაიწყეს კონტრშეტევაზე გადასვლა და თავიანთი სამფლობელოების უდიდესი ნაწილი კვლავ დაიბრუნეს. მეფეებმა დაინახეს თავიანთი საბრძოლო გეგმების ბრწყინვალე ნაყოფი: ლუკულუსი საესებით დაუძღვრებული იყო. ამიტომ მათ ახლა საჭიროდ ჩასთვალეს „კუნტატატორული“ საომარი გეგმა სწრაფი კონტრშეტევებით შეეცვალათ. მითრიდატე პონტოელი 6.000 მეომრით შეიჭრა მცირე სომხეთში და შეუდგა პონტოურ სამფლობელოთა განთავისუფლებას რომაული გარნიზონებისაგან. მის საბრძოლო მოწოდებას რომაული კორპორაციის ქვეშ მგმინავი ხალხი კვლავ აღფრთოვანებით შესვდა და დამპყრობელთა წინააღმდეგ ისევ საომრად შეიარაღდა. ევპატორის შეტევის პარალელურად ტიგრანიც თავისი ჯარებით დაიძრა სამხრეთისაკენ, სომხეთის სამფლობელოების ძველი საზღვრების აღსადგენად. აქ ტიგრანი თავს დაესხა ლუკულუსის ლევატს ლუციუს ფანიუსს, რომელიც სერტორიუსის სიკვდილის შემდეგ ლუკულუსთან ერთად ებრძოდა მეფეებს.

ამ დროს ქაბერიასთან მითრიდატესა და მარკუს ფაბიუს ადრიანეს შორის სისხლისმღვრელი შეტაკება მოხდა. ადრიანე დამარცხდა და ბრძოლის ველზე 500 მეომარი დასტოვა. მაგრამ მან უკიდურესი გაპირვების პირობებში მონებს თავისუფლება მიანიჭა და მათი საშუალებით ბრძოლა განააზღვა. მონების გამოსვლამ ბრძოლა გაახანგრძლივა და გააცხარა. მითრიდატე მძიმედ დაიჭრა ფეხსა და თვალში. ფაბიუსმა დაჭრილთა და მოკლულთა სიმრავლის გამო ბრძოლა შესწყვიტა; პონტოელებიც შეტევას აჩერებენ მეფის მძიმე მდგომარეობას გამო. დაჭრილ მითრიდატეს სკვითი ექიმბაშები მკურნალობდნენ გველის შხამით. იგი მალე დაღვა ფეხზე და ალყა შემოარტყა ქაბერიას, სადაც თავი შეაფარა ფაბიუსმა.

ფაბიუსის საშველად სასწრაფოდ გაეშურნენ ტრიარიუსი და სორნაციუსი მთელი თავისი ძალებით. ვალერიუს ტრიარიუსმა ბრძოლის საერთო ხელმძღვანელობა ჩაიბარა და საბრძოლველად მოემზადა ბრძოლა იყო უადრესად სანტიკი და თავგანწირული. ბოლოს, მით-

¹ Plut. Luc. 34.

რიდატემ გატეხა მტრის წინააღმდეგობა და მათი ქვეითი ლაშქარი მდინარე ირისის ღრმა ჭაობებში შერეკა. მკერდამდე ჩაფლული რომაელები პონტოელთა ისრისაგან თითქმის სრულიად გაიყლიტნენ. ტრიარიუსის კავალერიამ ბრძოლის ველიდან მოჰკურცხლა. მითრიდატე მას თავისი მხედრობით გამოედევნა. ალბათ, ტრიარიუსის კავალერიაც დალუპვას ვერ გადაურჩებოდა, რომ რომელიდაც ცენტურრიონს, რომელსაც მეფის მცველებში შესვლა მოუხერხებია, გვერდში ჰქრილობა არ მიეყენებია ამხედრებული მითრიდატესათვის. თავგანწირული რომაელი პონტოელებმა იქვე აჰკუწეს და დაჭრილი მეფე ბრძოლიდან გაიყვანეს. ამ შემთხვევამ მითრიდატეს სარდლები შეაძრწუნა. მათ მტერზე გამოდევნებული მხედრები უკანვე გაიწვიეს. მეფემ საყვედურებით აავსო ისინი და იმავე დღეს ფეხზე დამდგარმა კვლავ დასძრა ჯარი მტრის ბანაკისაკენ. განსაცდელს გადაჩენილმა, დაშინებულმა რომაელებმა გაქცევით უშველეს თავს. რომაელთა მსხვერპლი დიდი იყო. ტრიარიუსმა მოკლულთა სახით 7.000 მეტი მეომარი დაჰკარგა. დახოცილთა შორის აღმოჩნდა 24 ტრიბუნი და 150 ცენტურიონი. პონტოელებმა ხელთ იგდეს დიდძალი დავლა.

ვამარჯვებული პონტოელი, მცირე სომხეთიდან კაპადოკიაში გადავიდა და იქ, ტალავრის მთაზე გამაგრდა. გამოჩნდა ლუკულუსი, რომელმაც ერთხელ კიდევ ძლივს დაიყოლია მეომრები ბრძოლად გასვლაზე. მითრიდატე არ ჩქარობდა, რადგან იგი ელოდა ტიგრანს, რომელიც ძლიერი ჯარით მოეშურებოდა მასთან შესაერთებლად. მართლაც მალე გამოჩნდა სომეხთა ავანგარდიც, რომელსაც მეთაურობდა ტიგრანის სიძე, ატროპატენის მეფე მითრიდატე. სომხები გზადაგზა სპობდნენ ნათესებს, რათა რომაელებს შიმშილი დადგომოდათ და ანადგურებდნენ ჩამორჩენილ რომაელ მეომრებს.

ლუკულუსმა არმია გამოაბრუნა და ტიგრანთან შესახვედრად გაეშურა. მაგრამ გზაზე უკანბრუნებული ჯარისკაცები ისევ აჯანყდნენ და კატეგორიული უარი სთქვეს მორჩილებაზე და შემდგომ ბრძოლებში მონაწილეობაზე. ისინი აღსაყვებდნენ, რომ სახალხო კრების გადაწყვეტილების თანახმად პროკონსულის მმართველად სხვა არის დანიშნული და თვითონაც განთავისუფლებული არიან ლუკულუსის სარდლობისაგან. დამცობული და პატივყრილი მთავარსარდალი ყოველნაირად ცდილობდა აჯანყებულთა დაყოლიებას. ის ცრემლმორთული დადიოდა კარავიდან კარავში და სათითაოდ ემუდარებოდა მათ, ხელით ეწეოდა და ეაჭმებოდა სოფელ ჯარისკაცს. მაგრამ გაჭიქებული მეომრები არაფერსაც არ აცდებდნენ მის მუდარას; ისინი სარდალს ფეხებში ესროდნენ ცარიელ ქისებს და ეუბნებოდნენ: დაე, მან მარტო იბრძოლოს, რაკი მარტო მან ერთმა დაინასაზურა გამდიდრება!

ლუკულუსი დარწმუნდა, რომ მებრძოლებმა სამუდამოდ აქციეს

ზურგი. ამიტომ მან ტიგრანისა და მითრიდატეს წინააღმდეგ საომრად ლეგიონები სთხოვა კილიკიის ასალ მმართველს, თავის ქვისლს, ქვინტუს მარციუს რექსს, რომელიც სამი ლეგიონით იყო ჩამოსული კილიკიაში. ლუკულუსი აქაც ხელცარიელი დარჩა: რექსმა დახმარებაზე უარი შემოუთვალა იმის მომიზეზებით, რომ ჩემი მეომრები უარს აცხადებენ ბრძოლაში გამოსვლაზეო...

თ ა ვ ი მ ა თ ო რ მ ე ა ვ

იბერიისა და კოხისისა

1. მანილიუსი და ციცერონი

ეს ის ღრო იყო, როცა ხმელთაშუა ზღვაზე მოთარეშე მეკობრეთა კატარღებმა რომი აღმოსავლური სამყაროდან მთლიანად გამოთიშეს და თვით იტალია შიმშილით დაღუპვის საფრთხეში ჩააგდეს. სახალხო ტრიბუნმა ავლუს გაბინიუსმა კომიციებს წარუდგინა კანონ-პროექტი, რომლის ძალითაც მეკობრეთა წინააღმდეგ საბრძოლველად ხალხს უნდა აერჩია დიქტატორი სამი წლის ვადით. ასეთი დიქტატორის განკარგულების ქვეშ უნდა ყოფილიყო დიდი არმია. 200 გემისაგან შემდგარი ფლოტი, 15 ლეგატი, 6000 ტალანტი, მას უნდა ჰქონოდა ჯარებისა და ფულის შეკრების უფლება ყველა პროვინციაში ზღვის სანაპიროდან ოთხასი სტადიუმის მანძილზე.

ამნაირი უჩვეულო, ყოველმხრივ უპრეცედენტო უფლებებით აღჭურვილი დიქტატორის კანდიდატურად გაბინიუსი ითვალისწინებდა თავის პატრონსა და მეუფეს, გნეუს პომპეუსს.

კონსერვატორები. ცდილობდნენ არ დაეშვათ გაბინიუსის კანონ-პროექტი, რომელიც კიდეც უფრო აქვეითებდა ისედაც ფესვმორყეული სენატის ავტორიტეტს, მაგრამ პოპულარტა ოპოზიცია იმდენად ძლიერი იყო, რომ კანონ-პროექტი კანონად იქცა. პომპეუსი მასზე მიანიჭებული უფლებებითაც არ დაკმაყოფილდა: მან შეკრიბა 120,000 ქვეითი მეომარი, 4000 ცხენოსანი, 270 ხომალდი (ნაცვლად 200-სა) და

25 ლეგატი (ნაცვლად 15-სა). პომპეუსმა ეს მანამდე არ ნახულა და არ გაგონილი ძალები გაუნაწილა თავის ლეგატებს და შეუდგა მეკობრეთაგან ხმელთაშუა ზღვეთის გაწმენდას.

სანამ პომპეუსის ლეგატები ზღვებში გაბნეულ მეკობრეთა ბუდეებს ანგრევდნენ, აზიიდან ზედიზედ მოდიოდა ახალ-ახალი ამბები მითრიდატესა და ტიგრანის ახალ-ახალი მიღწევებისა და რომაელთა დამარცხების შესახებ. იქმნებოდა საშიშროება, რომ დღე-დღეზე მეფეები ხმელთაშუა ზღვას მოადგებოდნენ და მხარს მისცემდნენ რომის წინააღმდეგ მებრძოლ ზღვის ყაჩაღებს. იმავე წელს გაბონიუსმა (66 წ.) ახალი კანონ-პროექტი გამოაქვეყნა, რომელიც ლუკულუსს ათმევედა აღმოსავლურ რწმუნებებს (ბითინია-პონტოს მმართველობა და მთავარსარდლობა) და გადასცემდა მათ კონსულ მარკუს აკილიუს გლაბრიონს. სენატის სუსტმა გაბრძობებამ კანონ-პროექტის დამტკიცება ვერ შეაფერხა. ამას ხელი შეუწყო იმ გარემოებამაც, რომ ლუკულუსის პატაჟი სენატის წინაშე. — პონტოს დაპყრობასა და მითრიდატეს საბოლოოდ დამარცხების შესახებ — არ გამართლდა: ახლად შემოერთებული პროვინციების ჩასაბარებლად და მოსაწესრიგებლად რომიდან აზიაში ჩამოსულმა სპეციალურმა კომისიამ დაინახა, რომ ლუკულუსი არამც თუ პონტოს ვერ ფლობდა, არამედ მას სხვა რომაული ქვეშევრდომი ტერიტორიებიც დაუქარავს.

ბითინიაში ჩამოსული კონსული გლაბრიონი მხოლოდ იმით დაკმაყოფილდა, რომ დაგზავნა ედიქტები, რომელთა მიხედვით ლუკულუსის სამსახურისაგან თავისუფლდებოდა ყველა მისი მეომარი, უპირველესად კი ისინი, ვისაც სამხედრო სამსახურის ვადა უკვე გასვლოდა (ასეთები კი ლუკულუსის არმიის უმრავლესობას შეადგენდნენ): წინააღმდეგ შემთხვევაში, ცხადდებოდა ლუკულუსის სამსახურში დარჩენილ მეომართა ქონების კონფისკაცია. ეს მოწოდება საკნარისი გახდა იმისათვის, რომ არმიის უდიდეს ნაწილს ლუკულუსის ბანაკი მიეტოვებინა. ლუკულუსი მცირეთა თანხლებით უმწეოდ იდგა მოიერიშე მტრების (როგორც გარე ისე შინა მტრების) წინაშე.

მაგრამ როგორც ადრე კილიკიის მმართველმა რექსმა უარი თქვა მეფეთა წინააღმდეგ გამოსვლაზე, ასევე გლაბრიონმაც ვერ გაბედა შებოღა იმ მძიმე უღელს, რომლის გაწვევაც მასზე გაცილებით ქედლონიერ ლუკულუსს უჭირდა. გლაბრიონი მართლაც არ იყო მომზადებული ასეთი საშიში ომის ხელმძღვანელობისათვის, ხოლო აზიის მაშინდელი მდგომარეობა ოდნავ დაყოვნებასაც ვერ ითმენდა.

თუ როგორი მნიშვნელობა ჰქონდა აზიას რომისათვის და რა საფრთხეში იდგა ზაშინ ის, ამის შესახებ ნათელ სურათს გვაძლევს მარ-

ეკუს ტულიუს ციცერონის სიტყვა მანილიუსის კანონის შესახებ (Pro lege Manilia — De imperio Gnci Pompei):

1. განუზომლად დიდი მნიშვნელობა აქვს აზიას რომის ეკონომიური სიძლიერისათვის. ის რომის სახელმწიფო ხაზინის ძირითად სასიცოცხლო წყაროს წარმოადგენს. რომაელები საგადასახადო სისტემაში ხედავენ თავიანთი სახელმწიფოს ეკონომიური სიმპლავრის სასიცოცხლო არტერიებს და ამ არტერიების უზშირესი ქსელი სწორედ აზიიდან მოედინება. შემოსავალი სხვა პროვინციებიდან აზიასთან შედარებით იმდენად უმნიშვნელოა, რომ ძლივს ყოფნის იმავე პროვინციების სამმართველო გასაყლებს. აზია, პირიქით, ქვეყანა მეტად მდიდარი და დოვლათიანი, შორს იტოვებს უკან სხვა მიწებს მინდვრების ნაყოფიერებით, ხილისა და ბოსტნეულის ნაირსახეობით, საძოვრების სივრცით და საექსპორტოდ ვარგისი პროდუქტების სიჭარბით. რომაული ფულის კურსი, რომაული ფულადი ოპერაციები, წარმოებულნი რომის ფორუმზე. არიან მტკიცე ორგანულ კავშირში აზიის ფულად ბრუნვასთან. ამ უკანასკნელის მოშლამ არ შეიძლება დაღუპვის მორევში არ ჩაითრიოს პირველი.

2. აზიაში რომაელი მდიდარი ფინანსისტ-მხედართა მრავლად დაბანდებული კაპიტალები იღუპებიან. აღმოსავლეთიდან განუწყვეტლივ მოედინება ეპისტოლეთა ნაკადი, რომელიც იტყობინება, რომ ორი უძლიერესი მეფე, მითრიდატე და ტიგრანი შეუჩერებლად მოიწევენ წინ. ბითინიის აღმოსავლეთი ოლქები უკვე მითრიდატეს ეკუთვნის: კაპადოკიაც მეფეებს უქირავთ და სადაცაა ხელთ იგდებენ პროვინცია აზიასა და მთელ ბითინიას, რომლებიც რომაელი ბანკირების ეკონომიური სიძლიერის ძირითად წყაროს წარმოადგენს.

3. აზიის რომაული ექსპლოატაციის მესაქეები მდიდარი რომაელი მხედრები არიან. რომის სახელმწიფო ხაზინის (რომლის ძირითად წყაროს აზია წარმოადგენს) უპირველესი ხაზინადარები სწორედ მხედრობის წარმომადგენლები არიან. ამიტომ თუ კი აზიაში მათი ფინანსური ოპერაციები დაიღუპება, ეს იმას ნიშნავს, რომის სახელმწიფოს მთელი ეკონომიკა გააკოტრდება. ფაქტი: რომაელებს უნდა ახსოვდეთ, როცა მითრიდატეს ომები დაიწყო და ამის შედეგად მრავალმა რომაელმა მოქალაქემ აზიაში დიდძალი კაპიტალი დაჰკარგა, რომში გადახდა შეწყდა და ფულის კურსი დაეცა.

4. განსაკუთრებული ყურადღება უნდა მიექცეს იმასაც, რომ მხედართა წოდების წარმომადგენელთა გარდა სხვა (ex ceteris) მოქალაქეებმაც გააბეს აზიასთან ურთიერთობა და იქ საკმაოდ დიდი ფულადი თანხები დააბანდეს. ახლა ამ მოქალაქეთა ეკონომიური სიძლიერეც

საფრთხის წინაშე დგას, რაც საერთოდ ქვეყნისათვის საზიანო სიტუაციას ქმნის.

5. უყურადღებობას ვერ ითმენს აგრეთვე ისიც, რომ საკითხი მართლ პროვინცია აზიის გადარჩენას კი არ ეხება, არამედ ადვილად მოსალოდნელია, რომ თვითონ ეს პროვინცია ჩვენს საწინააღმდეგო ბრძოლის კერად გადაიქცეს. მითრიდატეს წინააღმდეგ ადრეულ ომებიდან რომაელებს ახსოვთ, როგორ დგებოდა პროვინცია აზია რომთან თავგანწირული ბრძოლის დროშის ქვეშ. საკმარისია, მეფეთა ჯარი ახლოს იდგეს, და ხალხი არ დაუცდის მათ შემოჭრას; ისინი უმაღლეს მიატოვებენ რომაელთა სამსახურს და შეუერთდებიან მათ. ძალიან ძნელია აღწერა რომაელების მიმართ აზიელების სიძულვილისა, რაც გამოწვეულია მათი (რომაელების) თვინებობითა და უსამართლობით. ამ მძულვარების საფუძველია; საერთოდ, რომაული ექსპლოატაცია აზიის ქვეყნებში. აზიურ პროვინციებში არ დარჩენილა არც ერთი ქალაქი, არც ერთი ტაძარი, არც ერთი სახლიც კი, რომ რომაელებს არ გაეძარცვათ. ისინი ამდენი ნაძარცვითაც არ კმაყოფილდებიან და ცდილობენ რაიმე საბაბით დაიწყონ ომი ახალი ქალაქების საძარცვ-საყვლეფად. ამიტომ „აზიური სიძულვილი“ არ იძლევა იმის გარანტიას, რომ უმოკლეს დროში აზია თავისი სურვილით არ დადგება მტრების ბანაკში.

6. არანაკლებ მძიმეა რომაელთათვის ის სამარცხვინო ლაქა, რომელიც მათ მიიღეს მეფეებთან ამდენი ხნის წარმოებულ ომებში. რომაელთა პატივი და დიდება, მათი სახელრვანი იარაღის სიძლიერე ლაფში ისვრება აზიელებთან ბრძოლებში განცდილი ხშირი დამარცხებებისაგან (აქ ციციერონი ხშირად ღუმილითა და მიფუჩეჩებით ცდილობს გვერდი აუაროს რომაელების სამარცხვინო დამარცხებებს აზიაში, მაგრამ მის მიერ აღნიშნულიდანაც კარგად ჩანს, სად ლალატობს იგი სინამდვილეს).

ასე წარმოგვიდგენს რომაელი ორატორი და პოლიტიკოსი თანამედროვე აზიის ეკონომიურ, პოლიტიკურ და მორალურ მნიშვნელობას რომის სახელმწიფოსათვის. ასე გვიხატავს იგი მაშინდელ აღმოსავლეთში რომაელთათვის შექმნილ კრიზისულ მდგომარეობას.

თითქმის ოცდახუთი წელი გავიდა მას შემდეგ, რაც რომი და პანტო სამკედრო-სასაცოცხლოდ შეებნენ ერთმანეთს, მაგრამ შედეგი მაინც არ ჩანდა. რომის ისტორიას არ ახსოვდა ასეთი ხანგრძლივი, სასტიკი ომები, არც ერთ მანამდე სერიოზულ მოწინააღმდეგესთან. რამდენი მძიმე ბრძოლა ჩაატარეს რომაელებმა აზიელების წინააღმდეგ. რამდენი დადი გამარჯვებით შეამკეს თავიანთი საბრძოლო დროშები. მაგრამ შედეგი მაინც არ სჩანდა და არა! ყველაფერი ყოველთვის

თავიდან დასაწყები ხდებოდა. ის კი არა და ახლა. თითქოს აღმოსავლეთში რომაელთა ბატონობის სრული აღსასრულიც ასლოვდებოდა... ამგვარად, კიდევ უფრო აშკარა შეიქნა, რომ რომის პოლისის თარგზე მოპირილი პრიმიტიული არისტოკრატიულ-მონათმფლობელური რესპუბლიკა თავს ვეღარ ართმევდა აღმოსავლეთის დამორჩილებისა და შემომტყიცების საქმეს. რომის კონსერვატული პარტია, ოპტიმატები, სენატი თავიანთი „რესპუბლიკური“ შეზღუდულობით, პასიურობითა და სიზნანტით ვერ ახერხებენ შორეული ქვეყნების მტკიცედ შემოერთებას. რაც უფრო შორს მიიწევდა რომაული ექსპანსიის სანძღვრები, მით უფრო უსუსური ხდებოდა სენატი. მისი საგარეო პოლიტიკის ყველაზე სუსტი ადგილი შორეული პროვინციების მმართველობისა და შემომტყიცების საკითხები იყო. უფრო სუსტი იყო რომის რესპუბლიკის ბატონობა ესპანეთში, სადაც გერილიების მუდმივად ჩაუშვრალი ცეცხლი ენთო, ვიდრე აფრიკაში ანდა თვითონ იტალიაში. ფაქტები უჩვენებდნენ, რომ სენატი სრულიად უძლური ჩანდა აღმოსავლეთის დაპყრობის საქმეში. მიუხედავად იმისა, რომ აღმოსავლეთის ქვეყნები მთელ თავიანთ ძალღონეს ურთიერთჭიშშსა და მტრობას ალევდნენ და ამის ნიადაგზე „მესამე განარებული“ რომი რჩებოდა, მაინც რომელი კონსერვატორების ბირთვი, რომელიც ყოველთვის ახალსა და უცხოს უფრთხილდა, აღმოსავლეთის ქვეყნების საბოლოო დაპყრობისათვის არ იყო მოწოდებული. რომის რესპუბლიკური კონსტიტუციის ინსიგნიებით აღკუთრვილ უბრალო მოკვდავ სარდლებსა და მათ არმიებს არ შეეძლოთ აღმოსავლეთის საბოლოო დამორჩილება. სენატს თავისი კარდარაზულობისა და კონსტიტუციური სივიწროვის გამო არ შეეძლო, მიეცა მისი „პრინციპებისათვის“ ის კოლოსალური ძალები და უფლებები, რასაც აღმოსავლეთის უმძიმესი ლაშქრობები მოითხოვდნენ. ახლა კიდევ უფრო აშკარა გახდა, რომ აღმოსავლეთის დასაპყრობად საჭირო იყო საგანგებოდ შექმნილი პირობები. აუცილებელი შეიქნა ექსტრა-ორდინალური უფლებებით აღკუთრვილი მაგისტრატის დანიშვნა, რომლის იმპერიუმიც რომის რესპუბლიკის კონსტიტუციის არტახებში ვერ ჩაეტეოდა. რა თქმა უნდა, იგივე კონსტიტუციით გათვალისწინებული ექსტრანი დიქტატურა ასეთი სერიოზული საქმისათვის სავსებით არასაკმარისი იქნებოდა. ხშირად სარდლები თვითნებურად აგრძელებდნენ თავიანთ რწმუნებების ვადებს (სციპიონები, მარკუსი, სულა), რაშიც კონსერვატორები „ტირანიის“ მუდმივ საფრთხეს ხედავდნენ, მაგრამ არც ერთ მათგანს ორ-სამ წელზე მეტ ხანს არ გაუგრძელებია თავისი „ტირანია“, რადგან ეს დრო საკმარისი ყოფილა მტრის დასამარცხებ-

ლად და რომისთვის სასიკეთო მდგომარეობის აღსადგენად. მაგრამ აღმოსავლეთში ასეთი ხანმოკლე „ტირანია“ ლელოს ვერ გაიტანდა. ეს მშვენიერად დაადასტურა ლუკულუსის მაგალითმა. ენერგიულმა და ნიჭიერმა სარდალმა თავისი სიჯიუტითა და რომაული კონსტიტუციის მიმართ თვითნებობით ყველა სარდალს გადააჰარბა, მაგრამ გავიდა წლები — ერთი, ორი, სამი... და შვიდი — და მისი ძალით მიკუთვნიებული იმპერიუმი უფსკრულში ჩაიღუპა: აზია კვლავ აზიელებს რჩებოდა. ახლა ყველამ იწაზა ზოგისთვის სასურველი და ზოგისთვის არასასურველი ა უ ც ი ლ ე ბ ლ ო ბ ა: რომაული კონსტიტუცია უნდა დარღვეულიყო და აღმოსავლეთის საქმეების მოწესრიგება გადასცემოდა ოფიციალურად(!) ხანგრძლივი უფლებებით აღჭურვილ მაგისტრატს. მაგრამ რაკ კონსერვატული კონსტიტუციის დარღვევას თვითონ კონსერვატორები არ მოისურვებდნენ, საჭირო იყო სახელმწიფოს უფრო ცენტრალიზებული სისტემისათვის და აქტიური საგარეო პოლიტიკისათვის მებრძოლი პოპულარტა პარტიის დაწოლა. ეს კი ძნელად გასარღვევ ფრანტს უკვე აღარ წარმოადგენდა, რადგან რომაულ-რესპუბლიკური კონსტიტუცია დიდი ხანია, ძალიან ხშირად ირღვეოდა (უმეტეს წილად აღმოსავლეთის საკითხებთან დაკავშირებით) და სენატიც აღარ იყო ისეთი „მეფეთა საბჭო“, როგორაც იგი ერთ დროს წარმოიდგინა პიროსის ელჩმა კინეასმა. ამ დროს ანტაგონიზმი populi-
!is-სა და senatus-ს შორის უმაღლეს საფეხურს აღწევდა და ამ წინააღმდეგობაში პოპულუსი აშკარად სჯაბნიდა თავის მოპირდაპირეს. პოპულარტა ფენას შეუძლია სენატს უკარნახოს ის კანონები, რომლებიც კონსერვატულ კონსტიტუციას დაარღვევენ და ამით არისტოკრატიულ ოლიგარქიასაც დააზიანებენ.

რაკი ეს ინიციატივა პოპულარტებს ეკუთვნოდა, ეს საგანგებო მაჯისტრატიც მათი პროგრამისათვის მებრძოლი უნდა ყოფილიყო. უპირველესად სწორედ ეს იყო ლუკულუსის დაცემის მიზეზიც. რატომ არ შეიძლებოდა გათვალისწინებული summus imperium მინიჭებოდა ლუკულუსს? მას ხომ რომაელ სარდალთაგან ნიჭით, სიმამაცით, შორსმჭვრეტელობით და აზიელებთან ხანგრძლივი საბრძოლო წრტობით ტოლი არ ჰყავდა? მას, ასეთი უფლებებით აღჭურვილს, ხომ ყველაზე უკეთ შეეძლო აღმოსავლეთის საქმეთა დავვირგვინება? მაგრამ საქმე ის იყო, რომ ლუკულუსი თავისი კონსერვატული ბუნებითა და ქმედებით პოპულარტების პირდაპირ მოწინააღმდეგეს წარმოადგენდა. ამიტომ ის სახალხო პარტიათა კანდიდატად არ გამოდგებოდა. ესევენებოდა სენატის მზე და მასთან ერთად ქრებოდა მისი ნაშიერის ვარსკვლავიც. ლუკულუსის სიძლიერეს მისი არისტოკრატიული პრინციპულობა ლუჰავდა. მას თავისი პარტიისათვის არასოდეს არ უღალატნია

და ახლაც, როცა სენატი იერიშზე გადმოსული პოპულარების დაწო-
ლისაგან იწინებოდა, ისიც პოლიტიკურ სარბიელს უთმობდა მოწი-
ნაღმდევე პარტიის ლიდერს. მხოლოდ და მხოლოდ ამ მხრივ ჩამორ-
ჩებოდა ლუკულუსი გნეუს პომპეუსს, რომელიც სხვა მხრივ ყველა-
ფერში უინიციატივობასა და ინერტულობას იჩენდა. პომპეუსის უნა-
რი მხოლოდ იმაში მდგომარეობდა, რომ რომში განუწყვეტელი სო-
ციალური და პოლიტიკური შეხლა-შემოსლის ყოველი ნიუანსი იშვი-
ათი ალღოთი დაეყნოსა და მასთან დაკავშირებით, პოლიტიკური
მრწამსის მერყეობის საფუძველზე, იმ დაჯგუფების პოზიციაზე დამ-
დგარიყო, რომლისკენაც გამარჯვების მეტა მანსები ჩანდა. როცა
კორნელიუს სულას ძლიერება დაუძლეველი შეიქნა, ახალგაზრდა პომ-
პეუსი, მასთან ერთად, პოპულარტა დაუძინებელ მტრად იქცა, მაგრამ
ახლა, როცა გამარჯვების პერსპექტივამ პოპულარებს გაუღიმა, მან
უყოყმანოდ აქცია ზურგი ოპტიმატთა პარტიას და თავისი თავი სახალ-
ხო მასების ერთგულ მსახურად გამოაცხადა. მისთვის მთავარი იყო
არა პოლიტიკური მრწამსი და პრინციპულობა, არამედ პატივმოყვა-
რეობა, დიდებისმოყვარეობა და ანგარება. ამით სანაცვლოდ ის სი-
ამოვნებით წირავდა ყველაფერს.

ამგვარად, აღმოსავლეთის საქმეთა მოსაწყესრიგებელი საგანგე-
ზო მაგისტრატურისათვის ნიადავი მომზადებული იყო.
პომპეუსი ახლა სახალხო პარტიის ლიდერად ითვლებოდა და მხოლოდ
მას შეეძლო ყოფილიყო ლუკულუსის შემცვლელი.

პომპეუსის ავტორიტეტი კიდევ მეტად გაიზარდა მას შემდეგ, რაც
მეკობრეებმა იარაღი დაყარეს და რომს დაანებდნენ. მეკობრეთა და-
მარცხებამ, რაც საგანგებო მაგისტრატურის წყალობით
ადვილად და სწრაფად მოხერხდა, კიდევ უფრო გაამხნევა და
თავის ძალაში დაარწმუნა პოპულარების პარტია. სინამდვილე და
ფაქტები ამართლებდნენ კონსერვატული კონსტიტუციის დრომოკმუ-
ლობას. მომწიფდა აზრი იმის შესახებ, რომ აქტიური საგარეო პოლი-
ტიკის წარმოება და უზარმაზარი, ძალით შეკოწიწებული სახელმწიფოს
მართვა-გამგეობა შეიძლებოდა არა პოლისის ვიწრო რომაულ-ოლი-
გარქიული კონსტიტუციით, არამედ მტკიცედ ცენტრალიზებული
პოლიტიკური ზედნაშენით.

პოპულარებმა ასეთი სიტუაციით ისარგებლეს და ახალი კანონ-
პროექტით „რესპუბლიკურ კონსტიტუციას“ ახალი მომაკვდინებელი
ლახვარი ჩასცეს. 66 წლის დამდეგს სახალხო ტრიბუნმა გაიუს მანი-
ლიუსმა წამოაყენა კანონ-პროექტი, რომლის ძალითაც რამდენიმე მა-
გისტრატს შორის განაწილებული აზიის საქმეები თავმოყრილი უნდა
ყოფილიყო ერთი კაცის ხელში; უნდა ჩამორთმეოდათ: მარ-
ციუს ტუქს კილიკია, გლაბრიონს ბითინიისა და პონტოს მმართველო-

ბა (თუმცა ფაქტიურად მას უკვე პონტო ჩამორთმეული ჰქონდა მით-რიდატესაგან) და ლუკულუსს აღმოსავლეთის მთავარსარდლობა (თუმცა ოფიციალურად ლუკულუსს მთავარსარდლობა წართმეული ჰქონდა გაბინიუსის კანონით, მაგრამ გლაბრიონი მის ჩაბარებას ვერა ბედავდა). ყველა ეს უფლებანი უნდა გადასცემოდა პროკონსულს, რომელიც განუსაზღვრელი უფლებებით განაგებდა ზღვებსა და მის საზღვრებს. მას უფლება ენიჭებოდა და მოუკიდებლად ეწარმოებინა ომი და ჩამოეგდო ზავი; სენატის დაუკითხავად ეცნობოდა მის მებრძოლ მოკავშირეებად ან მტრებად ისინი, ვისაც თვითონ საჭიროდ ჩასთვლიდა და მოისურვებდა. თავის ნებაზე გამოეყენებინა ყველა არმია და ყოველგვარი საბრძოლო რესურსები, რომლებიც იმყოფებოდნენ იტალიის გარეთ.

ასეთი იყო მანილიუსის კანონი.

კონსერვატორები აშკარად ხედავდნენ კანონის „ტირანულ“ შინაარსს. ისედაც ყველამ იცოდა, საერთოდ დიქტატურა და საგანგებო პროკონსულატი წარმოადგენენ ხილს მონარქიისაკენ, მაგრამ მანილიუსის კანონის დამტკიცების წინააღმდეგ მხოლოდ ორიოდე თანამედევარმა არისტოკრატმა სცადა ხმის ამოღება, მაგრამ არაფერი გამოვიდა—მანილიუსის კანონის დასაცავად გამოვიდა მარკუს ტულუს ციკერონი. მან ნათლად დაუსურათა „ქვირიტებს“ ანიაში შექმნილი მძიმე მდგომარეობა და, სხვათა შორის, ლუკულუსის მარცხის მიზეზად ისიც მოიხსენია, რომ რომაელებმა შეზღუდეს მისი უფლებები, გააუქმეს მისი იმპერიული. ამით ციკერონი საბუთებდა აღმოსავლეთის საქმეთათვის საგანგებო იმპერიული აუცილებლობას, რასაც დასაბუთება უკვე ნაკლებად ესაჭიროებოდა.

რომის ისტორიამ აქამდე არ იცოდა ერთი კაცის ასეთი უფლებებით აღჭურვის შემთხვევა. ერთი კაცი ცხადდებოდა მთელი რომაული სახელმწიფოს დამოუკიდებელ, სრულუფლებიან და ვადანუსაზღვრელ განმგებლად. მხოლოდ თვით რომში და იტალიის ცენტრალური ნაწილი რჩებოდნენ რომაული კონსტიტუციის მოქმედების არენად. ასე რომ პომპეუსის უზარმაზარი იმპერიუმის ცენტრში რომის „რესპუბლიკა“ მხოლოდ პატარა წერტილადღა ჩანდა და ეს წერტილიც მალე უნდა გამქრალაყო იმპერიის თვალუწყვდენელ სივრცეში. ამ პროცესს ამიერიდან ხელს უწყობდა ის ფაქტი, რომ სენატსა და პომპეუსს შორის აქვსილი ხანგრძლივი, მძინვარე ბრძოლა ძირითადად დამთავრდა. ამ ბრძოლის უკანასკნელი აკორდი მანილიუსის კანონი იყო, რასაც შედეგად პომპეუსთან სრული გამარჯვება მოჰყვა.

რესპუბლიკური კონსტიტუცია თითქმის სრულ დავიწყებას მიეცა. ამიერიდან რომის სახელმწიფოს განაგებდნენ ერთპიროვნული მაგი-

სტრატეგია: პრინციპები, დიქტატორები. იმპერატორები. მართალია, რესპუბლიკური ტრადიცია მათ ჯერ კიდევ გასაქანს არ აძლევთ. რომ რესპუბლიკა ხელაღებით დამხობილად გამოაცხადონ, მაგრამ მათი უმაღლესი ძალაუფლების განუსაზღვრელობის პირობებში, რესპუბლიკა მხოლოდ არის და არ განაგებს; ფაქტიური გამგებელი ექსტრაორდინალურ რწმუნებებით შეიარაღებული მაგისტრატები არიან.

განსაკუთრებული ყურადღება უნდა მიექცეს იმას, რომ მანილიუსის კანონი, რომელიც რომის მონათმფლობელური რესპუბლიკის დაცემისა და სამიპერატორო-ერთპიროვნული ძალაუფლების de facto და de jure-დ აღიარების საფუძვლად იქცა. შედეგად იყო აზიის მუდმივად გართულებული მდგომარეობისა. თუ რომს სურდა აზიის დაპირჩილება, მას ხელი უნდა აეღო ოლიგარქიულ პოლიტიკაზე და მის ნაცვლად, იმპერიულებითა და დიქტატატურებით მთელი ძალების მობილიზაცია მოეხდინა აღმოსავლეთთან საომრად.

ამიერიდან აღმოსავლეთში სერიოზული საქმეების მოსაგვარებლად აღარ გამოჩენილა არც ერთი კონსული. ან პრეტორი, ან „რესპუბლიკური“ კონსტიტუციით უფლებამოსილი რომელიმე მაგისტრატი. მხოლოდ და მხოლოდ დიქტატორები და იმპერატორები გამოჩნდებოდნენ ხოლმე თავიანთი უზარმაზარი არმიებით აღმოსავლეთის პირობონტზე. ამის შემდეგ მხოლოდ და მხოლოდ „იმპერია“ უტყდა აღმოსავლეთს.

ეს პირველი, მანამდე უჩვეულო იმპერიუმი, რომლის წარმოშობაც აზიის საქმეებმა დააჩქარეს, ხელში ჩაუვარდა მ:პინდელ რომაელ სამხედრო და პოლიტიკურ მოღვაწეთა შორის ყველაზე მხალსა და მერყევ სუბიექტს. პომპეუსი უკვე ბრწყინავდა თავისი დაუმსახურებელი დიდებამოსილებით; მას თავი მოჰქონდა პოპულარებისადმი თავდადებულობით და მანილიუსის კანონმაც სწორედ მას დაადგა თავზე რომის სენატისაგან სრული დამოუკიდებლობის პრწყინვალე გვირგვინი.

2. პომპეუსის ლაშქრობა კონტოში

„პომპეუსი კი ნამდვილი ნაგავია. მან დაუშაბურებლად გაითქვა სახელი იმის გამო, რომ მიითვისა ლუკულუსის წარმტებები...“
მარქსი

პომპეუსი კილიკიაში იმყოფებოდა, როცა შეიტყო თავისი ახალი დანიშნის შესახებ. ის სასწრაფოდ შეუდგა მეფეებთან საომარ სამზადისს

უპირველესად მას აზიიდან უნდა მოეშორებინა ლუკულუსი, რომელიც სამხედრო ნაჯიბი და მეომრული სიმამაცით გაცილებით მასზე მაღლა იდგა. სულას „ემანჯილი კაცი“ ყოველი ხერხით ცდილობდა დაემცირებინა ლუკულუსის სამხედრო დამსახურებანი და მიღწევები აღმოსავლეთში, რათა ამით თავისი მომავალი გამარჯვება მისი ახალი განდიდების საფუძვლად გადაექცია. პომპეუსმა დააწყო ედიქტების გამოცემა, რომლებითაც ის აუქმებდა ლუკულუსის ყველა ღონისძიებას აზიაში. თავის მხრივ, პატივყარილი ლუკულუსიც ცდილობდა დაებრკოლებინა პომპეუსის სამზადისი.

ბოლოს, ისინი ერთმანეთს შეხვდნენ დანალეში, გალატიაში. ჯერ, სარდლებმა სცადეს ურთიერთსიძულვილი დაეფარათ და მეგობრული საუბარი გაებათ, მაგრამ მალე ლანძღვაზე გადავიდნენ და ერთიმეორეს პირში ახლიდნენ მათთვის დამახასიათებელ სიმდაბლებს. ასე, პომპეუსი ლუკულუსს ბრალს სდებდა ანგარებისმოყვარეობაში, ხოლო ლუკულუსი თავის მხრივ მეტოქეს განუზომელ პატივმოყვარეობას აყვედრდა. ორივენი მართალნი იყვნენ: მაშინდელ რომაელებში ფართოდ განვითარებული ჩვეულება განძის შეგროვებისა არც ლუკულუსისათვის ყოფილა უცხო. ხოლო პომპეუსი ხომ თავისი პატივმოყვარეობისათვის ყველაფერს სწირავდა. პომპეუსი აცხადებდა, რომ მას ახლა ბრძოლა მოუხდება უფრო ძლიერ, რომაელებთან ბრძოლებში ნაცად მტრებთან, ხოლო ლუკულუსი შედარებით სუსტ და გამოუცდელ მოწინააღმდეგეებს ებრძოდა. ლუკულუსი უფრო მართალი იყო, როცა, თავის მხრივ, მიუგებდა: პომპეუსი, როგორც ზარმაცი ფრინველი, მიჩვეულია დააფრინდეს სხვისგან მოკლულის გვამს და კენკოს ომის ნარჩენები: ასე მიითვისა მან გამარჯვებები სერტორიუსზე, ლეპიდზე და სპარტაკზე, მაშინ როცა ამ გამარჯვებათა პატივი ეკუთვნოდა მეტელუსს, კატულუსსა და კრასუსს. ამიტომაც საკვირველი არ არის, რომ პომპეუსმა აღმოსავლეთში ლუკულუსის გამარჯვებათა ნაყოფიც მიითვისოს. რა თქმა უნდა, ლუკულუსს არ შეეძლო თავისი თავი მითრიდატესა და ტიგრანზე გამარჯვების ავტორად გამოეცხადებინა, მაგრამ ის კი ცხადი იყო, რომ მისმა შვიდწლიანმა ომმა საკმაოდ დაასუსტა საერთო მტრის წინააღმდეგ თითქმის ყოველთვის ცალკე, შეუთანხმებლად მეომარი პონტო და სომხეთი. ახლა პომპეუსს, ახალი ძლიერი ძალებითა და განუსაზღვრელი უფლებებით აღჭურვილს. მართლა შეეძლო ლუკულუსის მიერ გაპოხიერებულ ნიადაგზე კარგი მოსავალი მოეწია.

ახალმა იმპერატორმა ლუკულუსს მხოლოდ 1.600 მეომარი დაუტოვა და ისიც ისეთები, რომლებიც ურჩობისა და ედისციპლინობის გამო ბრძოლაში გამოუსადეგარი იყვნენ. ამ პატარა ამალით უნდა აღენერშნა თავისი ტრიუმფი პატივყარულსა და შეურაცხყოფილ „რომაელ

ქსერქსეს“. ლუკულუსს შეეძლო თავი იმით დაენთეუებინა, რომ მან აღმოსავლურიდან აურაცხელი ნაძარცვი წაიღო. ადვილი წარმოსადგენია რამდენი სიმდიდრე უნდა ყოფილიყო რომაელი ხარბი სარდლის მიერ წაღებული, როცა უბრწყინვალესი და უმდიდრესი პონტოური, სომხური და საერთოდ აზიური ქალაქების 30-მდე „რომაული გაძარცვის“ (!) შემთხვევიდან მხოლოდ ერთხელ არის პირდაპირ მითითებული, რომ მან მარტო რიგრიგობრივად 8.000 ტალანტი (19.200.000 მანეთის ოქრო) წაიღო. ლუკულუსი თითოთ საჩვენებელი ვახდა, როგორც აღმოსავლური სიმდიდრეებით ზღაპრულად ნეტოვრები; მაგალითისათვის კმარა მარტო ყბადაღებული „ლუკულიები“ — საოცარი ფუფუნებით გამართული ნადიმ-ღრეობანი. ამერიიდან ლუკულუსს უფრო მისი აღმოსავლეთში მონახვევ სიმდიდრეთა ფლანგვით იცნობდნენ, ვიდრე აღმოსავლური სამხედრო დიდებით...

პომპეუსმა მცირე აზიაში 50.000-ზე მეტი მეომარი გამოიყვანა. მას შეუერთა რექსის სამი ლეგიონი (18.000 ჯარისკაცი) და ადგილობრივ დინასტთა სხვა საბრძოლო ძალები. ამგვარად, თუ ადგილობრივ შეკრებილთა რიცხვს სულ მცირე 30.000 კაცით ვავარაუდებთ, პომპეუსის განკარგულებაში ყოფილა დაახლოებით 100.000 მებრძოლისაგან შემდგარი სახმელეთო არმია. ამას გარდა, პომპეუსმა იცოდა აღმოსავლეთში მანამდე მოლაშქრე რომაელთა სისუსტე, რაც ფლოტის უქონლობაში ან მის სიმცირეში მდგომარეობდა. ანლა კი ის უზარმაზარი ფლოტის ადმირალიც იყო. ამ ფლოტს პირატებთან ბრძოლაში საუკეთესო წრთობა ჰქონდა მიღებული. იგი სავსებით ბატონობდა „მსოფლიო ურთიერთობის დიდი წყლის გზაზე“. ამასთანავე, როგორც ითქვა, პომპეუსს უფლება ჰქონდა, რომის ყველა პროვინციიდან ახალ-ახალი საომარი ძალები გადაესროლა აღმოსავლეთის ფრონტებზე.

ასეთი კოლოსალური ძალებით მანამდე არც ერთ რომაელ სარდალს არ ულაშქრნია აღმოსავლეთის წინააღმდეგ.

პომპეუსმა ფლოტი განსაღა ფინიკიიდან ბოსფორამდე, ზღვებზე სადარაჯოდ და ამით მოპირდაპირეს საშუალება მოუსპო ეგეოსის ზღვისკენ გაჭრისა. შემდეგ იგი დაიძრა აზიის სიღრმისაკენ. თან ელჩები აფრინა პართიაში და ფრატტ მესამეს საზავო პირობები გაუგზავნა. რომაელი სარდალი პართიის მეფეს იმავე ზავის პირობებს უთვლიდა, რასაც ნმ წელს მითრიდატე და ტაგრანი სთავაზობდნენ პართიას, ესე იგი მესოპოტამიასა და სხვა ოლქებს, რომლებიც დაპყრობილი ჰქონდა ტაგრანს. სამაგიეროდ პომპეუსი მოითხოვდა, პართიელებს სომხეთის წინააღმდეგ შეტევა დაეწყოთ სამხრეთ-აღმოსავლეთიდან. ალბათ, ფრატტი ნაკლებად ფიქრობდა რომაელებსა და პართიელებს შორის იმ მომავალ გაუთავებელ ხოცვა-ჟლეტაზე, რაც შედეგად უნ-

და მოპყლოდა პომპეუსის კავშირზე მის დათანხმებას და, მასთან ერთად, ერთ ტაფაში მყოფი მეზობლების ამხედრებას. divide et impera კვლავ ზუსტად ხვდებოდა მიზანს.

ალარკ მითრიდატესა და ტიგრანს შორის არსებობდა წინანდელი შეთანხმებულობა და ურთიერთნდობა. მეფეების ახალი გათიშვის ერთ-ერთი მიზეზი სომხეთის სასახლის კარზე მოწყობილი შეთქმულება ყოფილა. ტიგრანს სჯეროდა, რომ სომეხ დიდებულთა შეთქმულებაში კლეოპატრასთან შეძენილი უფლისწულების მონაწილეობა მისი სიამამის შთაგონებით იყო გამოწვეული. ტიგრანმა უფროსი მემკვიდრეების დალატი გამოამეჯღანა და ისინი სიკვდილით დასაჯა. მაგრამ მამის საწინააღმდეგო ახალი შეთქმულების მონაწილეთა შორის მესამე უფლისწული ტიგრან მცირე აღმოჩნდა. მეფემ დაამარცხა აჯანყებული შვილი, რომელიც პართიაში გაიქცა. ფრაატმა სიამოვნებით მიიღო იგი და თავის ქალიშვილზედაც დააქორწინა. ფრაატს კარგად შეეძლო გამოეყენებინა სომხეთის სასახლის კარზე დატრიალებულ ამბები. მალე ფრაატმა და ტიგრან მცირემ მართლაც დაიწყეს ომ-სომხეთის წინააღმდეგ. ტიგრანს ეჭვი შეჰქონდა, რომ მემკვიდრის აჯანყების საქმეში ხელი ერიბა მითრიდატეს; თითქოს ის აქვსებდა თავის შვილიშვილს მამის წინააღმდეგ ბრძოლაში. შესაძლოა ეს ეჭვი საფუძველსმოკლებული არ იყოს, რადგან მითრიდატესთვის უფრო ხელსაყრელი იქნებოდა თვითნება და ჯიუტი ტიგრანის მაგივრად სომხეთის ტახტზე მკდარიყო მისი შვილიშვილი, რომელსაც ის თავისი სურვილისამებრ მოიხმარდა. ასე, რომ ის ეფემერული კავშირიც, რომელმაც ამას წინათ ლუკულუსს თავბედი აწყევლინა, უკვე დაშლილი იყო.

მაშასადამე, 66 წლისათვის შექმნილ პოლიტიკურ მდგომარეობას პომპეუსისთვის ყოველნაირე სასარგებლო პირი უჩანდა. მას შეეძლო თავისი მძლავრი ძალებით ცალ-ცალკე დაემარცხებინა გათიშული შიველი გვირგვინოსნები.

მარტოდ დარჩენილმა მითრიდატემ თავის ქვეყანაში. სადაც გეშინდელი ომების ნაშანძრავები ჯერ კიდევ არ ჩამქრალიყა, მხოლოდ 20.000 ქვეითისა და 2.300 მხედრის შეგროვება მოახერხა. აზიელი დესპოტისათვის, რომელსაც ადრე უზარმაზარი არმიის გამოყვანა შეეძლო, ასეთი ჯარი მხოლოდ მცარერიცხოვან ამაღას წარმოადგენდა. შეუძლებელი იყო ამ ძალებით პომპეუსის მრავალრიცხოვან და მშვენივრად გაწყურთნილ არმიებთან შებმაზე ფიქრიც კი. მითრიდატეს ერთი გენერალური ბრძოლის გამართვაც არ შეეძლო. განადგურებული და გადაბუფული ქვეყანა არც სურსათით მომარაგებულ იმედს იძლეოდა.

ამიტომ მეფემ მოისურვა მოლაპარაკების გამართვა მოწინააღმდე-

გესთან. მან გაგზავნა პომპეუსთან ელჩები, რათა გაეგო, თუ რა პირობებში შეიძლებოდა ომის დამთავრება. პომპეუსმა უპასუხა: თუ გადამოგვცემ მოლაპატრებს და თვითონაც დაგვინებდებიო. ასეთ პასუხზე, სისხლისაგან დაცლილმა ევატორმა, რომელი ემიგრანტების დასტურით, გადასწყვიტა, არასოდეს შერიგებოდა რომაელებს და ეწარმოებინა მათთან ომი უკანასკნელ ამოსუნთქვამდე...

პომპეუსმა გალატიის გავლით გადალახა პონტოს საზღვრები. მითრიდატე მტრის ჯარბეძვლებს ჩვეული ტაქტიკით დახვდა და გადამწყვეტ შებრძოლებას განერიდა. უკან იხევდა თავის სამფლობელოთა აღმოსავლეთ პროვინციებისაკენ და გზადაგზა ანადგურებდა ისედაც აონრებულ ქვეყანას, რათა იქნებ შიმშილი დასტყდომოდა მტერს. პომპეუსი დიდხანს ფეხდაფეხ მისდევდა მას. მაგრამ ბოლოს, უშედეგო დევნისაგან მოთმინებადაკარგულმა მთავარსარდალმა თავი მიანება მეფის დევნას და შეიჭრა მცირე სომხეთში. მითრიდატე შემოტრიალდა და გამოედევნა. იგი მიუახლოვდა რომაელებს აკილისენას ოლქში და ციხე-სიმაგრე დასტეირას მახლობლად ერთ-ერთ მალლობზე გამაგრდა. აქედან მეფის კავალერია ხშირად თავს ესხმოდა პომპეუსის ბანაკს, შეჰქონდა მასში პანიკა და აბრკოლებდა მის მომარაგებას. რომაელმა სარდალმა მალლობის აღებისათვის თავი უძლურად ჩასთვალა, მანამ, სანამ კილიკიაში დატოვებული რექსისეული სამი ლეგიონი არ გამოიწვია და მათი დახმარებით პონტოელთა ბანაკის ბლოკადა არ მოახდინა. რომაელებმა მთის გარშემო ღრმა თხრილები გაქრეს. პონტოელები 50 დღის განმავლობაში ებრძოდნენ შიმშილსა და წყურვილს. ბოლოს შუალამისას მითრიდატემ მოახერხა ალყიდან თავის დაღწევა.

რომაელები გამოედევნენ მეფეს. დღისით პონტოელები თავს აფარებდნენ მიუვალ ტყე-ღრეებს, ხოლო ღამით შეუსვენებლად გარბოდნენ. პომპეუსი ღამით ვერ ბედავდა ხელი შეეშალა მოწინააღმდეგის გაქცევისათვის. მესამე დღეს რომაელები მითრიდატეს წამოეწივნენ მდინარე ლიკოსის ერთ-ერთ ხეობაში.

ღამით, როცა რომაელებმა მითრიდატეს გასაქცევი გზები გადაუქრეს, პომპეუსი მისმა ლეგატებმა მტრის მიმართ მოულოდნელ თავდასხმაზე დაითანხმეს. პონტოელები შეეჩვივნენ იმას, რომ რომაელები ღამით შებრძოლებას ვერ ბედავდნენ და მტერს მძინარენი დახვდნენ. მოულოდნელი თავდასხმით გამოწვეულმა პანიკამ პომპეუსს გამარჯვება არგუნა. მითრიდატემ ათი ათასი მეომარი და მთელი ალალი დაჰკარგა.

პონტოელმა სამი ათასი კაცის თანხლებით თავი შეაფარა სომხეთის საზღვართან მდებარე ციხე-სიმაგრე სინოროიას. მან აქ შენახული ძვირფასი საკუთრებები თავის ერთგულ მხლებლებს დაურიგა. შემ-

დეგ მეფემ ელჩები გაუგზავნა ტიგრანს და თავშესაფარი ითხოვა.

მაგრამ, როგორც ითქვა, ტიგრანი უკვე მტრულად იყო განწყობილი თავისი სიმამრისადმი. მან არამც თუ უარი თქვა ლტოლვილი მეფის მიღებაზე, არამედ შეიპყრო და ბოროტები დაადო მის ელჩებს. ხოლო თვითონ მითრიდატეს მოკვლისათვის ჯილდოც კი განიაცხადა. 100 ტალანტის რაოდენობით.

ამგვარად, მითრიდატე ევპატორი კიდევ მეტი საფრთხის წინაშე დადგა. მას აღარ გააჩნდა საკუთარი სამეფო და არც თავშესაფარი. ერთადერთი იმედი — ტიგრანი. — თვითონ ლეპავდა მის სასიკვდილო მახვილს. პონტოში ახალი ჯარების შეკრებაზე ფიქრიც ზედმეტი იყო. მიუსაფარი მეფის ერთ-ერთი გზა ჩრდილოეთისაკენ მიდიოდა.

მითრიდატემ არ დაუცადა ტიგრანთან გავზავნილო ელჩების დაბრუნებას. მან სინორიადან წაიღო 6.000 ტალანტი და პატარა ამაღლის თანსლებით გაქუსლა კოლხეთისაკენ. „მიემართებოდა რა დიდი სისწრაფით, მან უკვე მეოთხე დღეს გადალახა ევფრატი. შემდგომი სამი დღის განმავლობაში ის ადგილზე იყო გაჩერებული და გართული იყო იმათი შეიარაღებით, ვინც მას თან ახლდა მასთან. შემდეგ იგი შეიკრა ხოტენურ არმენიაში, გარეკა ხოტენელები და იბერები, რომლებსაც სწადდათ ხელი შეეშალათ მისთვის ისრებისა და შერდულის სროლით და გადალახა მდინარე აპსარი.. მითრიდატემ ზამთარი ვაატარა დიოსკურიაში“¹.

დიოსკურიაში ლტოლვილმა და გაცამტვერებულმა მეფემ „განიზრახა შემოევლო ირგვლივ პონტოს და პროპონტოდან სკვითებისათვის და, მეოტიის ტბაზე გადასვლით, თავს დასცემოდა ბოსფორს, ჩამოერთმია ის ქვეყანა მისი მმართველი მახარესათვის, რომელიც მის მიმართ უმადური აღმოჩნდა, ამით იგი კვლავ რომაელთა პირისპირ დადგებოდა და იბრძოლებდა მათთან უკვე ევროპიდან, მაშინ, როცა ისინი აზიაში იქნებოდნენ... ფიქრობდა წასულიყო თრაკიითა და მაკედონიით, მაკედონიიდან პეონიით და შემდეგ ალპების გადალახვით შეჭრილიყო იტალიაში“¹, „მან განიზრახა კელტების ქვეყანაზე გავლით, რომლებთანაც ამ მიზნით დიდი ხანია დამკარებული ჰქონდა კავშირი და მეგობრობა, ერთად შეჭრილიყო იტალიაში. ამასთან იმედოვნებდა, რომ იტალიიდან მას ბევრი მიემხრობოდა რომაელთადმი სიძულვილის გამო...“².

მაშასადამე, მითრიდატე პონტოელმა დიოსკურიაში შეინუშავა რომის საწინააღმდეგო ახალი ომების გრანდიოზული გეგმა. ოდესღაც ბერძენი თემისტოკლე „ევროპაში აზიის დამარცხებას“ დიქრობდა,

¹ App. Millir 102.

² ibid, 109.

ახლა კი სიკვდილთან წილნაყარი აზიელი გვირგვინოსანი აპირებდა „აზიაში ევროპის დამარცხებას“: მითრიდატე ალპების გადალახვაზე — ჰანიბალობაზე ფიქრობდა. მას ოდნავადაც არ აფიქრებდა აღნიშნული გეგმის ფანტაზიურობა. როგორი კოლოსალური ძალები სჭირდებოდა ამ გეგმის განხორციელებას! ევატორს მამაპაპეული სამეფოდან ერთი მტკაველა მიწაც აღარ ჰქონდა შერჩენილი და როგორც ერთ დროს სახელოვანი ჰანიბალი, ისე მითრიდატე საძულველი რომის დასწობას სხვა ქვეყნებისა და სხვა უცხო ტომების დახმარებით აპირებდა. რომაელთა წინააღმდეგ პონტოში ხანგრძლივად მოგიზგიზე ბრძოლის კერა ჩამქრალი იყო და სად უნდა გაეჩაღებინა მას ახალი ბრძოლის ცეცხლი? ამეამად ის კოლხეთში იყო და იქვე აღგენდა ამ გრანდიოზულ გეგმას. მაგრამ კოლხეთი საამისოდ არ გამოდგებოდა. რაღვან. როგორც აპიანეს მცირე ცნობიდანაც კარგად სჩანს. ეს ქვეყანა არც ათე ისე კეთილი გრძნობებით უნდა ყოფილიყო გამსჭვალული სასტიკი დესპოტიზმადმი. რჩებოდა ბოსფორის სამფლობელოები. მაგრამ არც იქიდან ისმოდა საიმედო ამბები: მითრიდატეს შვილი მასარე, რომელიც მამამ ადრევე ბოსფორის მმართველად გაგზავნა, მამისადმი მტრულად იყო განწყობილი და თავის თავს რომაელთა ყურმოპრილ კასალად თვლიდა.

მაგრამ მითრიდატემ მაინც ბოსფორიდან ამჯობინა ახალი საბრძოლო დროშის აღმართვა; იქ და მის მოსაზღვრე ოლქებში უნდა შეეკრიბა მას ძირითადი საომარი ძალები; იქ, შავი ზღვის ჩრდილო სანაპიროებზე, შორს პომპეუსისაგან, შორს რომაელი მღევრებისაგან, „ალმოსავლეთის ჰანიბალი“ შედარებით ადვილ საქმედ სთვლიდა საომარ სამზადისს. მითრიდატეს კოლხეთში დიდხანს მაინც არ დაედგომებოდა. ზღვიდან ახლოვდებოდა რომაელთა ფლოტი, ხოლო სამხრეთიდანაც ყოველდღიურად მოსალოდნელი იყო პომპეუსის გამოჩენა. ის 65 წლის დამდეგს ხმელეთის გზით გაემურა ყირიმისაკენ. გზადაგზა, თავის მხარეზე იმსრობდა შავი ზღვის ჩრდილო-აღმოსავლეთ სანაპიროებზე მესოპრებს ტომებს და ანაირად, მეფე კარგად მოზრდილი ძალებით ჩავიდა ყირიმში. მითრიდატეს მოულოდნელმა გამოჩენამ თავზარი დასცა მის მტრებს და მათ შორის მოღალატე შეიღსაც. მახარესა და მისი მიმდევრებით უკმაყოფილო ხალხი და მეზობელი სკვითები გულთბილად შეხვდნენ მოხუც მეფეს. ამის ნიადაგზე მან ადვილად დაანარცხა მოღალატე შვილი და, მის მომხრეებთან ერთად, სიკვდილით დასაჯა.

მითრიდატე ორი წლის განმავლობაში საკვირველი ენერჯითა და ენთუზიაზმით ემზადებოდა სარევანშო ბრძოლებისათვის. თავისი ძალაუფლების ქვეშ იკრებდა შავი ზღვის სანაპიროებს, იერთებდა ზოგს ფარწმუნებით და ზოგსაც ძალით; უმოყვრდებოდა სკვითთა ბელადებს,

აგროვებდა ჯარებს „თავისუფალთაგან და მონათაგან“; აგებდა ფლოტს, კედლა საომარ საქურევლს, აწყობდა საბრძოლო-საფორტიფიკაციო მანქანებს და სხვ. მაგრამ რომთან ახალი ომის ფანტასმაგორიით შეპყრობილი მოხუცის გეგმა დასალუბავად იყო განწირული. ჯერ ერთი, გადასახადები, რომლებიც მან ახალი ომის საქიროებისათვის დააწესა, სულს ხდიდა მოსახლეობას და მღელვარებას იწვევდა მასში: „ყველას დაადვა გადასახადი, თვით უკიდურეს ღარიბსაც კი. გადასახადის შემკრები მოხელეები დიდად ავიწროვებდნენ ხალხს“¹. ასე, რომ ადგილობრივ მოსახლეობაში, რომელიც ახალი დიდი ომისათვის მითრიდატეს ძირითადი ბაზა და დასაყრდენი უნდა ყოფილიყო, მისი გეგმები არამც თუ პოპულარობით არ სარგებლობდა, არამედ უკმაყოფილებასაც იწვევდა და აჯანყების საშიშროებას ქმნიდა. მეორეც, ახალი ლაშქარი, რომელიც მეფემ შეკრიბა, ახალი წამოწყების მიმართ ძალიან პესიმისტურად იყო განწყობილი. ბუნებრივია, ჯარების ცუდი განწყობის მთავარი მიზეზი მოსახლეობის მძიმე დაბეგვრით გამორწყვეული საერთო უკმაყოფილება იქნებოდა, რასაც თვითონ მითრიდატეც გრძნობდა. როგორც ეტყობა, აღარც ძველი, ერთგული, რომაელებთან ბრძოლებში ნაწრთობი ვეტერანი სარდლები და თანამემწეები ჰყოლია მითრიდატეს, ხოლო ახალი სარდლები ჯარისკაცებში პატივისცემითა და ნდობით ვერ სარგებლობდნენ.

ამრიგად, მითრიდატე ევპატორი, მისი ბედუქულმართი ავანტიურებისა და უკვე მიწურულა ასაკის მიუხედავად, თითქმის სრულიად ნარტოხელა და მარტოსულად დარჩენილი, საოცარი ენერჯითა და ფანატიზმით შეპყრობილი ცდილობდა განუხორციელებლის განსორციელებას.

მეფისა და მისი პოლიტიკისადმი ასეთი საერთო უკმაყოფილებით ისარგებლა მითრიდატეს ვაჟმა, ფარნაკემ, და სათავეში ჩაუდგა მამის წინააღმდეგ წამოწყებულ აჯანყებას. 63 წელს მითრიდატე პონტოელი ამ აჯანყების მსხვერპლი შეიქნა. აპიანეს დაწვრილებით აქვს გადმოცემული რომაელების წინააღმდეგ აღმოსავლეთის ხალხთა საბრძოლო ეპოპეის მთავარი პერსონაჟის დაღუპვის ამბავი:

„ფარნაკემ, რომელსაც მითრიდატე თავის ვაჟთაგან ყველაზე მეტად იყვარებდა, და ფიქრობდა, რომ მისი ხელისუფლების შემკვიდრე იქნებოდა, მოაწყო შეთქმულება მამის წინააღმდეგ... მან იცოდა, ჯარი შეშინებული იყო მომავალი ლაშქრობით; ღამით მივიდა პირველად იმ რომაელ მოკლავატეებთან, რომლებიც ყველაზე ახლოს იყვნენ მითრიდატესთან დაბანაკებულნი და გადაჰარბებით წარმოუდგინა ის საფრთხე, რომელიც მათ მოელის, თუ ისინი წაველენ იტალიაზე.“

¹ App. Mithr. 107.

რომელსაც ისინი თვითონ კარგად იცნობდნენ, და აღუთქვა მათ ბევრი რამ. თუ კი ისინი მასთან დარჩებოდნენ, გადააწყვეტინა მათ განდგომოდნენ მის მამას. შაოი გადაბირების შემდეგ, ფარნაკემ იმავე ღამეს გაგზავნა თავისი მომხრეები ახლო-მახლო საბანაკო სადგომებში. როდესაც იგი ამათაც მოელაპარაკა, გათენებისთანავე ჯერ რომაელმა მოლალატეებმა დასცეს სამხედრო ყოყინა და მათ ხმა მისცეს აგრეთვე იმ სადგომებმა, რომლებიც მახლობლად იდგნენ. ფლოტიდანაც ასეთივე ხმაურით უპასუხეს... ხმაურზე გამოღვიძებული მითრიდატემ გაგზავნა გამოსარკვევად. რა სურდათ მათ. მათ კი დაუფარავად განუცხადეს: „გესურს მეფედ იყოს მისი ვაჟი ახალგაზრდა, ნაცვლად მოხუცისა, რომელიც საჭურისთა ნებასურვილებს მისდევს და, რომელმაც მრავლად დახოცა თავისი შვილები, წინაძეგლები და მეგობრები.“

„ამის გამგონე მითრიდატე გამოვიდა მათთან მოსალაპარაკებლად. მისი პირადი გვარდიის დიდი ნაწილი რომაელ მოლალატეთა მხარეზე გადავიდა. ამათაც უარი უთხრეს მიღებაზე. ვიდრე ისინი (გვარდიელები) ერთგულების დასამტკიცებლად არ წაიღენდნენ რაიმე გამოუღწორებელს, მითრიდატეს წინააღმდეგ ასამხედრებელს. და აი, მათ მოასწრეს მითრიდატეს ცხენის მოკვლა, როცა იგი გაქცევას აპირებდა, და როცა თავს გამარჯვებულად თვლიდნენ, ფარნაკე მეფედ გამოაცხადეს. ვიღაცამ ტაძრიდან გამოიტანა ბრტყელი ღერო და გვირგვინის ნაცვლად ამით შეამკეს ფარნაკე. ყველაფერს ამას მითრიდატე ხედავდა მალალი, ღია ადგილიდან და ერთი მეორეზე გზავნიდა კაცებს ფარნაკესთან და მოითხოვდა თავისუფლად და უვნებლად წასვლის უფლებას. რაკი გაგზავნილთაგან უკან აღარავინ ბრუნდებოდა, იგი შეშინდა, არ გადაეცათ რომაელთათვის და შეაგულიანა თავისი პირადი მცველები და მეგობრები, რომლებიც ჯერ კიდევ მასთან იყვნენ, გაუშვა ისინი ახალ მეფესთან: ზოგი მათგანი ჯარმა დახოცა გაუგებრობის ნიადაგზე. თვითონ მითრიდატემ გახსნა ის შხამი, რომელსაც მუდამ თან ატარებდა ხმალ-ქარქაშთან ერთად და დაუწყო განზავება. მაშინ მისმა ორმა ქალმა... მითრიდატისამ და ნისამ, — რომელთაგან ერთი ეგვიპტის მეფეზე და მეორე კვიპროსის მეფეზე იყვნენ დანიშნულნი, განაცხადეს, რომ ჯერ ისინი დალევდნენ შხამს, ამას ისინი დაეინებით მოითხოვდნენ და მანამ უშლიდნენ ბამას შხამის დალევას, სანამ თვითონ არ დალიეს იგი. შხამმა დაუყოვნებლივ იმოქმედა მათზე, ხოლო მითრიდატეზე მიუხედავად იმისა, რომ იგი განგებ დადიოდა წინ და უკან — შხამი არ მოქმედებდა, რადგან მიჩვეული იყო შხამსაწინააღმდეგო წამლების სისტემატურ მიღებას. (ამ შხამს ახლაც „მითრიდატეს საშუალება“ ეწოდება). მითრიდატემ დაინახა ვინმე ბიტოიტი, გალების ჯარის უფროსი და უთხ-

რა მას: „დიდ დახმარებას მიწევდა შენი ხმალი ომში, მაგრამ ყველაზე დიდი დახმარება იქნება ჩემთვის, თუ ახლა შენ მე სიცოცხლეს მომიბოძებ; მე ხომ მელის საფრთხე იმისა, რომ ტრიუმფალურ სვლაში გამატარებენ, მე რომელიც ასე დიდხანს ვიყავი ამ ქვეყნის თვითმპყრობელი მეფე! მე ვერა მკლავს შხამი იმის გამო, რომ მე უგუნური. თავის დაზღვევისათვის, წინასწარ ვიღებდი თავის დაცვის საშუალებებს სხვა საწამლავთა სახით. ხოლო ყველაზე საშინელი და მეფეთა ცხოვრებაში ესოდენ ჩვეულებრივი საწამლავი — ჯარის. შვილებისა და მეგობრების ღალატი მე ვერ გავითვალისწინე, მე, რომელმაც გავითვალისწინე ყოველგვარი შხამსაწამლავი საქმლის მიღების დროს და მოვახერხე მათგან თავის დაცვა“. ბიტოიტს შეებრალა მეფე, რომელიც ასეთ შველას საჭიროებდა და შეასრულა „თხოვნა“¹.

ასე დაიღუპა მითრიდატე ევპატორი, რომელსაც ათეულო წლების მანძილზე სამკვდრო-სასიცოცხლო იერიშებზე მიჰყავდა თავისი პატარა სამეფო რომის იმპერიალისტური ვეშაპის წინააღმდეგ. „გმირების სიკვდილი მზის ჩასვლას ჰგავს, და არა ბაყაყის სიკვდილს, რომელიც გაქინთვით გასკდა“². „აღმოსავლეთის ჰანიბალმა“ თვითმკვლელობაც ჰანიბალსავეთ სცადა, მაგრამ ბრძოლებში გულადობით და სიკისკასით შეუდარებელი ტიტანი საკუთარი სიცოცხლის უკანასკნელი წუთების გასანადგურებლად იძულებული გახდა. გაიუს გრაკუსის მსგავსად, გაბედულებას თავის ერთგულ მსახურს დასესხებოდა.

მოკვდა მითრიდატე მეექვსე და სამარეში თან ჩაიყოლა პონტოს ძღვევამოსილების მშვენიერი ისტორია. მას შემდეგ რომის იმპერიის ძლიერი მახვილი შემხუთველად ებჯინება აღმოსავლეთს, რომელსაც უკვე აღარა ჰყავს თავგანწირული მოსარჩლე. უფრო გვიან, ნიკოპოლისთან დომიციუს კალვინიუსის სასტიკი მარცხი და ფარნაკე მითრიდატეს ძის ბრწყინვალე გამარჯვება რომაული იმპერიალიზმის წინააღმდეგ პონტოს უკანასკნელი გაბრძოლება — მისი გედის სიმღერა იყო. მოვიდა კეისარი და პონტოს პოლიტიკური დამოუკიდებლობაც რომაული ექსპანსიის ბრწყალებში სასიკვდილოდ გაირინდა...

8. კომპაუსის ლაშქრობა სომხეთში

იმ ორი წლის განმავლობაში, როცა მითრიდატე ევპატორი ახალი ლაშქრობების მზადებაში თავის აღსასრულს უახლოვდებოდა, სამხრეთში — ამიერკავკასიაში, რომაულ-აღმოსავლურ ურთიერთობის ისტორიაში ახალ-ახალი ფურცლები იშლებოდა.

¹ App. Mithr. 110—111.

² მარკსი და ენგელსი ანტიურობის შესახებ, 1937, 2.

პომპეუსმა სცადა განეგრძო დამარცხებული მითრიდატეს დევნა. ნაკრამ როცა მეფემ კოლხეთისაკენ გადაუხვია, თავი მიანება და პონტოსთან ომიც დამთავრებულად ჩასთვალა. მან პონტოს სახელმწიფო მთლიანად ჩაიბარა და მასთან ბრძოლის დამთავრებისა და მითრიდატეზე საბოლოო გამარჯვების აღსანიშნავად, უკანასკნელი ბრძოლის ადგილზე დააარსა ქალაქი ნიკოპოლისი. რომაელმა სარდალმა, პირველ ყოვლისა, იქ დაასახლა დაქრილი და ხანდაზმული მეომრები; მათთან ერთად, ახლად დაარსებულ ქალაქში ბევრი ახლო-მახლო მცხოვრებლებიც დასახლდნენ.

ნიკოპოლისის დაარსება აღმოსავლეთში რომის ვაბატონების თავისებურ ხერხთა ერთი კონკრეტული გამოვლენა იყო. ასეთი ქალაქები პროვინციებში რომაელთა ბატონობის დასაყრდენი უნდა ყოფილაყენენ.

აღმოსავლეთის ქვეყნებთან რომის ურთიერთობათა კომპლექსის ორი ძირითადი საკითხი — პართიასთან ურთიერთობა და პონტოს შემოღობვა — რომაელებმა უკვე გადასჭრეს. დღის წესრიგში ხელახლა აღდგა სომხეთის საკითხი.

სანამ პომპეუსი მითრიდატეს დასდევდა და პონტოს იპყრობდა, მანამ სომხებსა და პართიას შორის ურთიერთობა იმდენად გამწვავდა, რომ საქმე შეიარაღებულ შეტაკებამდე მივიდა. ბუნებრივია, ამის ხელშემწყობი მიზეზები რომაელ-პართიელთა შორის ახლახან დამყარებული კავშირი და ტიგრან მრწემის ღალატი იყო. ფრატი და სომეხი უფლისწული სომხეთში შეიჭრნენ და არტაქსატას მიაღდნენ. ტიგრანმა მიატოვა ქალაქი და მთებს მიაშურა. პართიელებმა ალყა შემოარტყეს სომეხთა სატახტოს, მაგრამ რაკი მისი აღება ხანგრძლივ ალყას მოითხოვდა, ფრატიმ არტაქსატას კედლებთან დატოვა ტიგრან მრწემი, ხოლო თვითონ ქტესიფონში დაბრუნდა. ამით ტიგრან მეორემ ისარგებლა და სწრაფად დაამარცხა თავისი ძე. დამარცხებულმა უფლისწულმა სიმამრთან დაბრუნება ვეღარ გაბედა და თავის ბაბუა მითრიდატეს მიაშურა. მაგრამ როცა შეიტყო, რომ დამარცხებული მითრიდატე თვითონ საჭიროებდა დახმარებას, იგი გაიქცა პომპეუსთან და შორჩილება გამოუცხადა მას.

პომპეუსმა ამ ახალი ბედნიერი შემთხვევითაც კარგად ისარგებლა. — სომეხი უფლისწული მეგზურად აიყვანა და არტაქსატასაკენ დაიძრა (66 წელი).

ტიგრანმა დაინახა, რომ მისი ქვეყნის შიგნით შემოჭრილ და სატახტო ქალაქთან მოახლოებულ რომაულ ლეგიონთა წინააღმდეგ გამოსვლა ვერავითარ ნაყოფს ვერ მოიტანდა. ყოველწუთს მოსალოდნელი იყო პართიელების შემოჭრაც. ტიგრანს უნდა ეფიქრნა, რომ პომპეუსი და ფრატი ერთდროულად შევიდოდნენ არტაქსატაში და, მო-

ღალატე შვილთან ერთად, გაიყოფდნენ მის სამფლობელოს, არტაქსატა მათი შესაკრები პუნქტი უნდა ყოფილიყო. ამიტომ მან სომხეთის სამეფო ტახტ-გვირგვინის შენარჩუნების მიზნით გადაწყვიტა თავი ეცნო რომის ვასალად. საინტერესო კიდევ ის არის, რომ ტიგრანს პომპეუსის წინაშე მორჩილებისაკენ უბიძგებდა ამ უკანასკნელის არჩევნული ბრძოლის რწმუნებანი, როგორც არ ჰქონდა ლუკულუსს ან სხვა რომელიმე რომაელ სარდალს. როგორც მალე მათი შეხვედრიდან გამოიჩვენა, ამპარტავანი და ამაყი „მეფეთა მეფე“ სმარცხვინოდ არ თვლიდა დამორჩილებობა ისეთ კაცს, რომლის „ბედმაც ყველა მოკვდავთ გადააპარბა“. ე. ი. ტიგრანის დესპოტური თავმოყვარეობა და პატივმოყვარეობა არ შეილახებოდა, თუ იგი დაემორჩილებოდა პომპეუსს, რომელიც თავისი ახალი საიმპერატორო ძალაუფლებებით აღჭურვილი, ყველა მანამდე სახელოვან რომაელ სარდლებზე მაღლა იდგა. მხოლოდ ასეთი იმპერატორი (დიახ, იმპერატორი, მხოლოდ იგი!) უნდა ყოფილიყო „მეფეთა მეფის“ ბადალი და ღირსეული მეტოქე. ასეთ მეტოქეობაში მარცხი ტიგრანისათვის უფრო ნაკლებ სათაკილო იყო, ვიდრე უფლებააყრილი ლუკულუსის წინაშე.

ტიგრანმა ელჩები გაგზავნა პომპეუსთან და მათ თან გააყოლა მითრიდატეს კაცები, რომლებიც შეპყრობილი ჰყავდა. ამით მან ნიადაგი მოამზადა პომპეუსთან უფრო ლოიალური ზავის მისაღწევად. როცა პომპეუსი არტაქსატას მიუახლოვდა, ტიგრანმა იქ რომაელთა გარნიზონი მიიღო. პომპეუსმა ბანაკი დასცა არტაქსატადან 16 მილის მანძილზე.

ტიგრანი რომაელი სარდალის წინაშე გამოცხადდა და მისი ტახტის წინ გვირგვინმონდელი აღმოსავლური წესით დაემხო. პომპეუსმა იგი გულთბილად და დიდსულოვნებით მიიღო, კვლავ მორთო იგი სამეფო ინსიგნიებით და დასვა სავარძელზე თავის გვერდით.

ტიგრანმა აღიარა პომპეუსის უფლებები სომხეთის მიმართ და განაცხადა, რომ ის არ თაკილობს მორჩილებას ისეთი კაცის წინაშე, რომელსაც სიძლიერითა და ძალაუფლებით ტოლი არა ჰყავს.

მწარედ გაუცრუვდა იმედი ტიგრან მრწემს, როცა პომპეუსმა მის მეფე-მშობელს უთხრა: შენ არამცთუ სომხეთის მეფობა არ დაგიკარგავს, არამედ რომაელთა მეგობრობაც კი მოიპოვეო.

ზავი ასეთი პირობებით გაფორმდა:

ტიგრანს სომხეთის სამეფო რჩებოდა იმ საზღვრებში, რომელშიც მან იგი ჩაიბარა ტახტზე ასვლისას; ე. ი. ერთმეოდა და რომაელებს გადაეცემოდა სირია, ფინიკია, კილიკიის ნაწილი, გალატია, კაპადოკია, ტიგრანს რომაელთა სასარგებლოდ უნდა გადაეხადა სამხედრო კონტრიბუცია 6.000 ვერცხლის ტალანტის რაოდენობით; საჩუქრების სა-

ხით უნდა დაერიგებინა ყოველი რომაელი ჯარისკაცისათვის 150 დრაქმა. ყოველი ცენტურიონისათვის 1000 დრაქმა და ყოველი სანხედრო ტრიბუნისათვის თითო ტალანტი. პომპეუსს არ შეეძლო დაეეციყებინა მის წინაშე ტიგრან მრწემის დამსახურებაც, ამიტომ მას სამმართველოდ გადასცა სოფენა და გორდიენა, აგრეთვე იგი რჩებოდა სომხეთის სამეფო ტახტის მემკვიდრედ მოხუცი ტიგრანის გარდაცვალების შემდეგ. მაგრამ, ზავის პირობებით ყველაზე უფრო ნაწყენი ტიგრან მცირე რჩებოდა. ის აღრე, პომპეუსის ბანაკისაკენ მიმავალი. სრულიად დარწმუნებული იყო, მამისადმი ლალატისა და რომაელთადმი მიმხრობის წყალობით სომხეთის მბრძანებელი შეიქნებოდა, მაგრამ, როგორც ვნახეთ, მისი იმედები გაცრუვდა. მართლაც და, რატომ უნდა მომხდარიყო ასე? თუ კი სომხეთში მეფობის გაუქმება აუცილებლობას არ წარმოადგენდა, მაშინ ვინ უნდა ყოფილიყო ვასალური სომხეთის მეფე, თუ არა ტიგრან მრწემი, რომელმაც საქმით დაამტკიცა რომაელთადმი ერთგულება? რატომ უნდა დარჩენილიყო მეფედ ტიგრან უფროსი, რომელმაც ამდენი ვნება მიაყენა აღმოსავლეთში რომაული იარაღის წარმატებას?

ჭაბუკი ტიგრანისადმი პომპეუსის უმადურობა, პირველყოვლისა, პართიასთან მისი ურთიერთობით უნდა აიხსნას. ახალგაზრდა უფლისწულის ძალაუფლებისმოყვარეობა, მისი მერყევი ხასიათი და პართიის მეფესთან ნათესაურ-მოყვრული დამოკიდებულება არ იძლეოდა იმის გარანტიას, რომ მისი გამეფების შემთხვევაში, რომის აღმოსავლური მონაპოვრები საფრთხის წინაშე არ დადგებოდა. ყოველთვის მოსალოდნელი იქნებოდა, რომ სომხეთისა და პართიის მეფეები ერთმანეთს მხარს მისცემდნენ რომის წინააღმდეგ ომის წამოწყებაში. ამიტომ რომაელთათვის უფრო საიმედო ისევ ტიგრან უფროსი იყო. ტიგრანი არავისთან აღარ იმყოფებოდა კავშირში. ის მტრულად იყო განწყობილი მითრიდატესთან, ფრაატისა და საკუთარი შვილის მიმართაც კი. ასე რომ, ტიგრანი აღმოსავლეთში რომაელთა წინააღმდეგ რაიმე კოალიციის ხელისშემშლელი იქნებოდა და არა ხელისშემწყობი. ამ პერიოდში, როცა სომხეთი ძალზე დაუძლურდა და პართია გაძლიერდა, რომაული დიპლომატია ჩვეული ტაქტით ცვლის ამ ქვეყნებისადმი დამოკიდებულების კურსსაც. სანამ სომხეთი საშიში იყო, რომაელები მის წინააღმდეგ პართიას უკავშირდებოდნენ, ხოლო ახლა, როცა პართია გაძლიერდა, უფრო ხელსაყრელი ხდება კავშირი სომხებთან. პართიის წინააღმდეგ. სომეხ მოკავშირედ რომაელებს ახლა უფრო ტიგრან უფროსი გამოადგებოდათ, ვიდრე პართიის სასახლის კარზე გაშინაურებული სომეხი უფლისწული.

ტიგრან მრწემმა რომაულ-დიპლომატიურ ღონისძიებათა წინააღმდეგ გალაშქრება სცადა. მან უარი განაცხადა მამისათვის დაეთმო

სოფენაში შენახული განძეულობა, საიდანაც ტიგრან მეფეს კონტრი-ბუცია უნდა გადაეხადა პომპეუსისათვის. ამის გამო, რომელი სარ-დლის ბრძანებით გაურჩებულ უფლისწულს განძი მთლიანად ჩამოერ-თვა, ხოლო თვითონ მას ბორკილები დაადევს და შეუერთეს ძვირფასი ტყუცთა რიცხვს. რომელსაც უნდა დაემშვენებია პომპეუსის ტრიუმფი რომში. მართალია, ფრაატმა სცადა გამოსარჩლებოდა თავის სი-ძეს, თანაც მოითხოვა რომაა და პართიას შორის საზღვრების გად-სინჯვა, მაგრამ ამას არავითარი შედეგი არ მოჰყოლია. პომპეუსმა უპასუხა, რომ პართიასთან შეკავშირებაზე და უფლისწულზე უფლებ-ბა აქვს მანას და არა არამკითხე ფრაატს. ჩანდა, რომ პართიასთან შეკავშირებაზე და მშვიდობიან შეთანხმებაზე ლაპარაკი დამთავრებუ-ლი იყო.

სომხეთის ნომინალურ-ფორმალური დამოუკიდებლობის შენარ-ჩუნებას პომპეუსისათვის კიდევ სხვა მხრივაც ჰქონდა მნიშვნელობა. პომპეუსი ემზადებოდა ამიერკავკასიის ჩრდილოეთ ნაწილების დასა-ლაშქრავად და მისთვის ხელსაყრელი არ იქნებოდა, ზურგში დამო-ნებული და მტრულად განწყობილი ქვეყანა ჰყოლოდა. მან უთუოდ იცოდა, რომ ლუკულუსთან ბრძოლებში სომხების გვერდით მათი ჩრდილოელი მეზობლებიც იბრძოდნენ. მოსალოდნელი იყო, სამა-გიეროდ სომხებსაც ძმური ხელი გაეწოდებინათ თავისი მეზობლები-სათვის იმ დროს, როცა რომაელები სომხეთიდან ჩრდილოეთისაკენ გაიჭრებოდნენ. ამიტომ თუ პომპეუსს სურდა, ქართველთა მიწაწყალ-ზე ლაშქრობისას სომხეთიდან ზურგში მახვილი არ დასცემოდა, არ უნდა დაემვა კავკასიელი ხალხების — სომხების, ალბანელების, იბე-რიელებისა და კოლხების გაერთიანება. ამ მიზნის მიღწევა პომპეუსს კვლავ *divide et impera*-ს საშუალებით შეეძლო. ამიერკავკასიის ხალ-ხების გასათიშავად პომპეუსმა ჩვეულებრივ რომაულ დემაგოგიას მი-მართა: სომხეთი „რომაელი ხალხის მოკავშირედ და მეგობრად“ გამო-აცხადა. ტიგრანი გრძნობდა ამ იძულებითი „მეგობრობის“ ნამდვილ შინაარსს, მაგრამ ქვეყნის დამოუკიდებლობის სრულ დაკარგვას ისევ ნაბრძანები „მოკავშირეობა და მეგობრობა“ სჯობდა. ამ გზით პომ-პეუსმა იბერია-კოლხეთში ლაშქრობისას სომხეთის მხრივ არამარტო ნეიტრალურ პოზიციას მიიღწია, არამედ ტიგრანისაგან საჭირო დახ-მარების აღთქმაც მიიღო. საომარი მარაგისა და ფულის სახით.

4. პომპეუსის ლაშქრობა იბერია-კოლხეთსა და ალბანეთში

როგორც ვნახეთ, პომპეუსმა მითრიდატესთან ომი დამთავრებუ-ლად ჩასთვალა. განადგურებული მეფე ისეთი საშიში აღარ სჩანდა,

რომ მისი დევნისათვის რომაელებს ძლიერი მეომარი ტომების წინააღმდეგ ბრძოლებში ახალი დიდი მსხვერპლი გაეღოთ. ევპატორს აღარც არმია ჰყავდა, აღარც მოკავშირეები და მეგობრები; მას ყველგან მტრულად ჰვებოდნენ; ბოსფორის სამეფოც მის მოლაღატე შვილს ეპყრა და ზღვებზე გასაქცევი გზებიც რომაული ფლოტით იყო ჩაკეტილი. პომპეუსს ყოველგვარი გარანტია ჰქონდა იმისა, რომ მითრიდატემ სამუდამოდ დატოვა რომთან ხანგრძლივი ომების ასპარეზი.

მაგრამ პომპეუსს არ სურდა, მარტო პონტოს შემოერთებითა და სომხეთის დაყმევებით დაესვა ზღვარი აღმოსავლეთში რომაული ექსპანსიისათვის.

რომში საშინელი განგაში ატყდა. მამინ როცა ლუკულუსი არ შეჩერდა და პონტოს აღმოსავლეთ საზღვართან ახალი ომი წამოიწყო სომხეთის წინააღმდეგ. ეს მოგანგაშენი მსხვილი ფინანსისტებისა და მექრთამე-მეევანშეებისაგან მოსყიდული დემაგოგები იყვნენ. მაგრამ განა ეს „სასტიკი, ფულხარბი ვიგინდარები“ სომხეთისა და საერთოდ ახალი ქვეყნების დაპყრობის წინააღმდეგნი იყვნენ? რა თქმა უნდა. არა. პირიქით, ისინი სწორედ იმიტომ ებრძოდნენ სენატს, რომ ის საგარეო პოლიტიკის გააქტიურებაში დიდ უნარს ვერ იჩენდა და ბორკავდა ახალი ბაზრებისა და ეკონომიური ძარცვა-გლეჯის ასპარეზთა გაფართოების საქმეს. სომხეთთან ომის დაწყების უარყოფითობის დასურათება მათ მხოლოდ არისტოკრატ ოპტიმატი ლუკულუსის დასამარცხებლად სჭირდებოდათ. ხოლო როცა მათმა კანდიდატმა „აღმოსავლეთში ლუკულუსის წარმატებანი მიითვისა“ და სომხეთამაც თავი რომის ვასალად სცნო, დაისვა საკითხი: შეჩერდეს, თუ არა აქ პოპულარების სარდალი და მოახდინოს მხოლოდ მიღწეულის შემოძკიცება? დაპყრობილი იყო პონტო, დამორჩილებული იყო სომხეთი, მაგრამ ეს ქვეყნები დაუძღურებულნი იყვნენ ოპტიმატთა სარდლის მიერ ჩატარებული ხანგრძლივი ბრძოლებით. განა მარტო იმისთვის დაირღვა რესპუბლიკის კონსტიტუცია ასეთი უჩვეულო მაგისტრატურის შექმნით, რომ მხოლოდ გვირგვინი დაედგა მისი წინამორბედის მიღწევებისათვის? არა, საჭირო იყო ახალი ქვეყნების დაპყრობით ახალ მაგისტრატს ეჩვენებინა თავის რწმუნებათა შესაძლებლობანი და ყოვლისმძლეობანი. საჭირო იყო პომპეუსს სახელოვანი ლაშქრობებით გაეცამტვერებინა რომში მოარული აზრი იმის შესახებ, რომ ლუკულუსი მემკვიდრით შესცვალეს უფრო ტრიუმფისთვის ვიდრე ომისთვისო. პომპეუსს უნდა გაემართლებინა რომის ხელისუფლების სათავეში მოსული პოპულარების მიერ დაკისრებული ამოცანები, რომ ამ უკანასკნელთ, თავის მხრივ, დაესაბუთებინათ ოლიგარქიული კონსტიტუციის სიდამპლე და საიმპერატორო, „ტირანული“,

ცენტრალიზებული ძალაუფლების ყოვლისშემძლეობა. მაგრამ ეს საკითხის მორალურ მხარედ უნდა ჩაითვალოს.

პომპეუსის ახალ ლაშქრობას ძირითად მამოძრავებელ ძალად ეკონომიური მისწრაფებები ჰქონდა.

აღმოსავლეთში პომპეუსის ლაშქრობა უმთავრესად იმ სოციალური ფენების ეკონომიურ ინტერესებს ემსახურებოდა, რომლებმაც ის ექსტრაორდინალური უფლებებით აღჭურვეს. მცირე აზიისა და წინა-აზიის ბაზრები და სავაჭრო გზები უკვე რომაელთა ხელში იყო. პომპეუსის ფლოტმა სრუტეები და მთელი პონტოს ზღვა ხელში ჩაიგდო. ახლა რომაული ბატონობის ორბიტის გარეთ რჩებოდა ის სავაჭრო მაგისტრალი, რომლის ცენტრალური ნაწილიც საქართველო-ალბანეთის გავლით ინდოეთისაკენ მიემართებოდა. ამ გზას რომაელთათვის განსაკუთრებული მნიშვნელობა ჰქონდა მას შემდეგ, რაც პართიის ძლიერმა სახელმწიფომ თავისი საზღვრები გადასჭიმა ინდოეთიდან ევფრატამდე და კასპიის ზღვიდან სპარსეთის ყურემდე და ჩაექტა ინდოეთისაკენ მიმავალი სამხრეთული გზები. პომპეუსის ახალი ლაშქრობის ერთ-ერთ წინასწარ განზრახულ მიზანთან უნდა იყოს უთუოდ დაკავშირებული პლინიუსის წიგნიდან მოყვანილი ცნობა¹, „პომპეუსის ლაშქრობის დროს გამოჩვეული იქნა, რომ ინდოეთიდან შეიძღვებოდა ბაქტრიაში ჩასვლა მდინარე ბაქტრთან, რომელიც ოქსის ერთგის, და ამ მდინარიდან კასპიის ზღვით გადასვლა მდინარე მტკვრამდე და ინდოეთის საქონელი დიდი-დიდი ხუთი დღის განმავლობაში ხმელეთის გზით შეიძლება მიტანილი იქნას პონტოს ფასისთან“. არც ის ფაქტი უნდა აიხსნას პომპეუსის უბრალო ცნობისმოყვარეობით, რომ კოლხეთში ლაშქრობისას ის მეტისმეტი სიბეჯითითა და გულისყურით სწავლობდა იმ ქვეყანას, საითაც ოდესღაც გზა გაუჟაფავს ლეგენდარულ არგონაველებს. პომპეუსს წინასწარ სცოდნია ყველაფერი დიოსკურების, ჰერაკლესა, არგონაველებისა და საყოველთაოდ ცნობილი ოქროს საწმისის შესახებ. ის უთუოდ დიდ სამსახურს გაუწედა თავის თანამემამულე „იმპერიალისტებს“ თუ კი ამ ლეგენდარულ „ოქროს ქვეყანას“ მათი ეკონომიური დამონების ბრწყინებულ მოაქციერა. ამით ინდოეთიდან მომავალი ერთ-ერთი მნიშვნელოვანი სავაჭრო მაგისტრალი შეუერთდებოდა მაშინდელ „მსოფლიო ურთიერთობის დიდი წყლის გზას“ (ხმელთაშუა ზღვა), რომელიც უკვე დიდი ხანია რომაელებს ეკუთვნოდა. ყოველგვარი სიმდიდრით საღებ ქვიჩები, ძარცვისა და ხალხთა მონად წარტყვევის ასპარეზად უნდა ქცეულიყვნენ.

ამრიგად, ამიერკავკასიის მხარეში პომპეუსის გალაშქრება რომის ხელისუფლების სათავეში ახლად მოსული სოციალური ფენების ეკონ-

¹ Plin. Nat. Hist. VI. 52.

ნომიური გამდიდრების, ახალი ბაზრების, სავაჭრო გზების, ხალხთა დატყვევებისა და დამონების ვნებალძრულ მისწრაფებათა ნაყოფი იყო. მაშ, ლაშქრობის მიზეზები უმთავრესად ეკონომიური ხასიათისა იყო. მეორეხარისხოვან როლს ასრულებდა მითრიდატეს შეპყრობის იურიდიული საბურველი და თვითონ პომპეუსის პატივმოყვარეობა.

პომპეუსმა 66 წლის შემოდგომის მიწურულს, ლეგატ აფრანიუსის სარდლობით სომხეთში სამეთვალყურეოდ დასტოვა თავისი არმიის ერთი ნაწილი. თვითონ მთავარსარდალი დანარჩენი ძირითადი ძალებით დაიძრა ჩრდილოეთისაკენ. რომაელები გამოსაზამთრებლად დაბანაკდნენ მტკვრის ზემო წელზე. აქ მათ თავს დაესხნენ ალბანელები მეფე ოროისეს მეთაურობით, მაგრამ დამარცხდნენ და დაზავება ითხოვეს. პომპეუსმა ალბანთა ქვეყანაში შექრა ნაადრევად ჩასვალა და სამშვიდობო წინადადებაზე დათანხმდა.

65 წლის გაზაფხულზე რომაელები მტკვრის ხეობით შევიდნენ იბერთა მიწა-წყალზე. ამ დროს იბერიაში მეფობდა არტაგდ იბერთა მეფემ დესპანები გაუგზავნა და მეგობრული ურთიერთობის დამყარება შესთავაზა პომპეუსს. მაგრამ, როგორც ეტყობა, არტაგს პომპეუსის მხრივ დაზავებაზე ნაკლები იმედი ჰქონდა და მოლაპარაკების პარალელურად ჯარების შეკრებასა და საომარ სამზადისს შესდგომია. ჩანს, პომპეუსი ამ დროს ალბანელებზე სარევენ-შოდ ემზადებოდა, მაგრამ, როცა შეიტყო არტაგის გამალებული სამზადისის შესახებ, ალბანელებზე გალაშქრება გადადო და გადაწყვიტა მოულოდნელად დასხმოდა თავს იბერიელებს.

რომაელები არტაგისათვის სრულიად მოულოდნელად მიადგნენ მტკვართან მდებარე სატახტო ქალაქს, რომლის მახლობლად იმყოფებოდა ბუნებრივი სიმაგრეებით კარგად დაცული აკროპოლისი გარმოზიკა (არმაზ-ციხე). არტაგმა ვერ მოასწრო ჯარების გაოყვანა, ქალაქი დამცველებს მიანდო, თვითონ მტკვარზე ვაჟიდა და ხიდი დასწვა, რომ ამით მდინარის მარცხენა მხარეზე რომაელთა გადასვლა შეფერხებულაყო. რომაელებმა იბერიის სატახტო ქალაქი და მისი აკროპოლისი ხელთ იგდეს. ამგვარად, პომპეუსი დაეუფლა ქალაქს, რომელიც ალბანეთისაკენ და სომხეთისაკენ გასასვლელი მოხერხებული გზების გასაღებად ითვლებოდა. აქ რომაელმა სარდალმა გარნიზონი ჩააყენა და მტკვრის მარჯვენა სანაპიროების დაპყრობას მიჰყო ხელი. როცა ეს საქმე მოათავა, დააპირა მტკვრის გადალახვა და იბერიის დანარჩენი ნაწილების დამორჩილება. არტაგი იძულებული გახდა საზავო მოლაპარაკება განეხსენებია. მეფე მეგობრობას თავაზობდა პომპეუსს; თან სურსათით დახმარებასა და მტკვარზე ხიდის აგებას პირდებოდა. მეფემ დანაპირები შეასრულა, მაგრამ პომპეუსი ქვეყნის სრულიად დასამორჩილებლად იყო მოსული და მაინც

გადაიყვანა ჯარები მტკვრის მარცხენა სანაპიროზე. არტაგი გენერალურ ბრძოლას კვლავ განერიდა, მდინარე პელორზე გადავიდა და ხიდი აქაც დასწვა. რომაელები მდინარის გადალახვას შეუდგნენ: იბერიელები მტერს შედგრად შეებრძოლნენ, მაგრამ დიდი მსხვერპლის ფასად იძულებული გახდნენ უკან დახევა დაეწყათ. ისინი ტყე-ღრეებში გამაგრდნენ და პარტიზანულ ბრძოლაზე გადავიდნენ. იბერიელები მაღალ ხეებზე საფრდებოდნენ და მტერს მიზანაუცდენლად უშენდნენ ისარს; ხშირი ტყეებიდან მოულოდნელად გამოიჭრებოდნენ, მტერს პიესეოდნენ და კვლავ ელვისებურად გაუჩინარდებოდნენ. მაშინ რომაელებმა ტყეების გაჩეხვა და ცეცხლის წაქიშება დაიწყეს. ასეთი „სტრატეგემის“ მეოხებით მათ მოახერხეს თავგანწირული იბერი პარტიზანების განადგურება.

არტაგმა ისევ გაგზავნა დესპანები პომპეუსთან ზავის სათხოვნელად. გულხარბ რომაელს მიაართვეს არტაგისაგან გამოგზავნილი უძვირფასესი ძღვენი — ოქროს ტახტი, ოქროს სარეცელი და ოქროს მაგიდა. მაგრამ პომპეუსი იბერთა მეფის ერთგულებას სრულებით აღარ ენდობოდა და ამიტომ მძევლებად არტაგის შვილები მოითხოვა. მეფე პასუხს აგვიანებდა, მაგრამ როცა ზაფხულის სიცხიან დღეებში პელორის წყალმა დაიკლო და რომაელები მასზე გადასვლას შეუდგნენ. იგი იძულებული გახდა დათანხმებულიყო.

რაკი იბერიის მხრივ უშიშროება უზრუნველყო, პომპეუსმა არმია კოლხეთისაკენ დაძრა. რომაელებმა გადაიარეს ლიხის მთა და დაემყვინნენ მდინარე ფასისის ხეობაში. ისინი გზადაგზა ადგილობრივ ტომთაგან ზოგს იმეგობრებდნენ, ზოგსაც იარაღის ძალით იმორჩილებდნენ. ასე მიაღწიეს ქალაქ ფასისს, სადაც პომპეუსს მიეგება მის მიერ ზღვების სადარაჯოდ გამოგზავნილი ნავარქი სერვილიუსი. მისგან პომპეუსმა შეიტყო, რომ მითრიდატე ამა წლის (65) გაზაფხულზე კოლხეთიდან ბოსფორში გაიქცა. საბაბი, რისთვისაც რომაელი დამპყრობელი თავის ლაშქრობას ამართლებდა, ადგილზე აღარ არსებობდა, მაგრამ მას ახლა აღარავითარი საბაბი აღარ სჭირდებოდა. ქვეყანა უკვე დალაშქრული და დამარცხებული იყო.

პომპეუსმა, — „ივარაუდა რა, რომ იგი ვერასოდეს ვერ შეძლებდა შემოველო ირგვლივ პონტოსათვის ან მეოტიდისათვის, და ღტოლვილი მითრიდატეც ველარ გაბედავდა რომელიმე დიდი ოპერაციის დაწყებას“, გადაწყვიტა ეს წელი მოენდომებინა ამ ლეგენდარული ქვეყნის სრული დამორჩილებისათვის. მან ფასისიდან გაილაშქრა ჩრდილოეთისაკენ. პლუტოკრატის სარდალს განსაკუთრებით აინტერესებდა კავკასიონის მთებიდან ჩამომდინარე ნაკადულების ოქროს ნაწილაკები და გრძელბეწვიანი ტყავებით ამ ოქროს შეგროვების წესი. მაგრამ რომაელები, რაც უფრო ჩრდილოეთით მიიწეოდნენ. მით

უფრო მარცხდებოდნენ მამაც მთიელ ტომებთან ბრძოლებში. პომპეუსი იძულებული შეიქნა შემდგომ წინსვლაზე უარი ეთქვა. მან დაპყრობილი კოლხეთი სამმართველოდ გადასცა. ვილაც არისტარქეს. ზღვების მეთვალყურეობა ისევ სერვილიუსს დაავალა და თვითონ ალბანეთის წინააღმდეგ დაიძრა.

პომპეუსს უნდოდა ალბანეთსაც ისე მოულოდნელად დასხმოდა, თავს, როგორც იბერიელებს. იგი გაემართა ალბანელებისაკენ არა უმოკლესი გზით, არამედ სომხეთის გავლით, რათა იქედან, სამხრეთიდან, მოულოდნელად შეჭრილიყო ამ უცხო ქვეყანაში.

კოლხეთიდან სომხეთისაკენ მიმავალ გზაზე მესხეთის მთებზე: ბეხოვრებმა პეტაკომეტებმა (შკვითინები, მოსინიკები) პომპეუსს სამი რაზმი ამოუფლიტეს. სტრაბონის ცნობით¹, მათ გზაზე გამოფინეს თაფლი, რომლის მიღების შემდეგ რომაელები გაბრუნდნენ და ამიტომ მათი დამორჩილება აღვილი შეიქნა.

სომხეთიდან პომპეუსი გაემართა ჩრდილოეთით და მიადგა მდინარე მტკვარს, დღევანდელი ყაზახისა და აღსტაფის მახლობლად. მდინარის მარცხენა ნაპირი მტერს გაემაგრებინა მაღალი ხის ლობურებით, რის გამოც რომაელებმა ძლივს მოახერხეს მეორე ნაპირზე გადასვლა. რომაელები რამდენიმე დღის განმავლობაში მიემართებოდნენ სიციხიან და უწყულო კამბისენეს ველზე. მერე, დიდი გაჭირვებით, მიადგნენ მდინარე კამბისეს (იორი); აქედან, ხანმოკლე შესვენების შემდეგ, გაეშურნენ აბანტისაკენ (ალაზანი). აქ პომპეუსმა მიიღო ცნობა, რომ ახლოვდება ალბანთა მეფე ოროისე, 60.000 ქვეითი მეომრითა და 12.000 ცხენოსნით.

ეტყობა პომპეუსს გაცილებით მრავალრიცხოვანი არმია ჰყოლია, ვიდრე მოწინააღმდეგეს. ამიტომ რომაელმა სარდალმა იმისათვის, რომ მტერს მისი რიცხოვრივი უპირატესობა არ შეემჩნია და ბრძოლას არ მორიდებოდა, შემდეგნაირ ხერხს მიმართა: ფრონტის წინა ხაზზე განალაგა მთელი თავისი კავალერია და უბრძანა მას, როგორც უნდა ემოქმედნა ბრძოლის დაწყების დროს; მის უკან ფარებს ამოფარებული ქვეითი ჯარები დამალა დაჩოქილ მდგომარეობაში, რათა ისინი მტერს ეერ შეემჩნია. როგორც კი ალბანელებმა რომაელთა კავალერია შენიშნეს, მაშინვე ეკვეთნენ მას. ამ უკანასკნელებმა პომპეუსის მითითების თანახმად, უმაღლე მტერს ზურგი აქციეს და მათ უკან ჩასაფრებულ ლეგიონებს გზა გაუხსნეს. მტრის „გაქცევით“ გულმოცემულსა და შეუკავებლად გამოქანებულ ალბანთა ლაშქარს უეცრად წინ აღემართა რომაელთა მრისხანე ლეგიონები. მრავალბრძოლაში ნაწრთობი და მშვენიერად შეიარაღებული რომაელები აღ-

¹ Str. XI. 3, 10.

ვილად სძლევედნენ მხეცთა ქურქებში გახვეულსა და მყიფე შუბების-
ამარად მებრძოლ გულად ვაჟკაცებს. ასე ამოდ ჩაუარა ალბანთა მე-
ფის ძმას, კოსისს, პომპეუსის მტკიცე ფარფლებიან აბჯარზე შუბის
ძგერებამ: იმპერატორის ბასრმა იარაღმა დასცა იგი ძირს. რომელმა
მხედრებმა ფალანგებიდან დაპკრეს ოროსეს ლაშქარს. ალბანელები
საბოლოოდ დამარცხდნენ.

პომპეუსს განზრახული ჰქონდა კასპიის ზღვამდე მისულიყო. სამი
დღის განმავლობაში მიიწევდა წინ ამ მიმართულებით, მაგრამ სიცხე-
ებისაგან, უწყლობისაგან და შხამიან ქვეწარმავალთა სიმრავლისაგან
შეძრწუნებულმა მეომრებმა უარი განაცხადეს შემდგომ წინსვლაზე.

პომპეუსი იძულებული გახდა ზავი დაედო ალბანთა მეფესთან. ამა-
ვე დროს მან ხელშეკრულება დასდო კასპიის ზღვის სანაპიროებთან
მცხოვრებ სხვა ტომებთანაც და ამის შემდეგ სავსებით აიღო ხელი პირ-
კანიისაკენ წინსვლაზე.

პომპეუსი ალბანეთიდან ჯერ სომხეთში დაბრუნდა, ხოლო იქედან
მცირე სომხეთის გავლით პონტოში გადავიდა.

5. იმპერატორის „ჯამი ყოველთა“

პომპეუსი პონტოს სამეფოს მდიდარ ქალაქებსა და ციხე-სიმაგ-
რებში წლობით დაგროვილი და მტკიცედ დაცული ძვირფასი სა-
კურქლეების მფლობელი შეიქნა. რომაელებმა „ტალავრაში, სადაც
მითრიდატეს თავის საკურქლეთა საგანძური ჰქონდა, იპოვნეს 2.000
ეგრეთწოდებული ონიქსის ფიალა, ოქროთი შემკული, მრავალი ჭიქა
და მსხვილი ქურქელი და ყანწები, მოქარგული ტახტ-სავარძლები,
ცხენის აღვირები, სამკერდულები და უნაგირები, ყველაფერი ეს შემ-
კული იყო ძვირფასი ქვებითა და ოქროთი. იმდენი იყო, რომ მათ
დათვლასა და ჩაბარებას 30 დღე დასჭირდა. ზოგიერთი ნივთი დარიოს
პისტასპის დროისა იყო, ზოგი პტოლემეების სამეფოდან, რომლებაც
კლეოპატრამ დაუტოვა ქიოსელებს, ხოლო ქიოსელებმა კი მითრიდა-
ტეს მიართვეს. ზოგი კი თვითონ მითრიდატეს მიერ იყო შეკვეთილი
და აქ მოგროვილი, რადგან იგი სილამაზისა და კურქლის მოყვარული
იყო“¹.

მდიდარ ნადავლთა მეოხებით პომპეუსის ყოველმა ჯარისკაცმა სა-
ჩუქრად მიიღო 1.500 ატიკური დრაქმა, ხოლო ამის შესაბამისად, გა-

¹ App. Mithr. 115.

ცილებით მეტი საჯარისო ნაწილების უფროსებმა; სარდალს თავის თანამებრძოლთათვის სულ 16.000 ტალანტი დაურთებია.

ე. წ. ახალციხეში პომპეუსმა ხელთ იგდო მითრიდატე პონტოელის მთელი არქივი, სადაც აღმოჩნდა მეფის საიდუმლო წერილები, მემუარები, მეცნიერული ნარკვევები, წერილობითი განკარგულებანი და ლონისძიებანი. აქ ნაპოვნი დოკუმენტებიდან (რომელთაგან ჩვენამდე არაფერს მოუღწევია) ნათელი ეფინებოდა პონტოელი ხელმწიფის სამხედრო და პოლიტიკურ გეგმებს, მის ზრახვებს, ლონისძიებებს, ოჯახურ ამბებს, მეფის დარღვივებულ-ბოკემურ ავანტიურებს, რომანტიულ-ინტიმურ იდილიებსა და საერთოდ მის პირად ხასიათს.

პომპეუსი რამდენიმე ხანს შეჩერდა ამისოსში და შეუდგა მისგან დაპყრობილი და დამორჩილებული ქვეყნების ადმინისტრირებას. მან პონტოს უმეტესი ნაწილი (დასავლეთი ნაწილი) და მთელი ბითინია რომის პროვინციებად გამოაცხადა. პონტოს სამეფოს აღმოსავლეთის რაიონები,—მცირე სომხეთი, ფარნაკიისა და ტრაპეზუნტის ოლქები—გადასცა ვალატიის მმართველს, დეიოტარს, იმ დამსახურებისათვის, რომელიც მან პომპეუსს გაუწია აღმოსავლეთის ომში. ასევე, ერთგულებისათვის კაპადოკიის მეფემ არიობარზანმა მიიღო სოფენა და კილიკიის მთიანი ნაწილი, რომლებიც ადრე ტიგრანს ეკუთვნოდა. კოლხეთი, როგორც ითქვა, ცალკე დინასტს, არისტარქეს ჩააბარა და უშუალოდ რომის ხელისუფლებას დაუმორჩილა. „რომაელი ხალხის მოკავშირეებად და მეგობრებად“ აღიარებული იქნენ სომხეთი, იბერია, ალბანეთი, ატროპატენა და ოსროენა. ბოსფორის სამეფო პომპეუსმა გადასცა ფარნაკეს და ისიც რომის „მოკავშირედ და მეგობრად“ გამოაცხადა.

პომპეუსის წინაშე კვლავ მწვავედ დაისვა პართიასთან ურთიერთობის საკითხი. ჯერ კიდევ მაშინ, როცა ის ამიერკავკასიის ჩრდილოეთ ქვეყნებში იბრძოდა, პართიის მეფემ მომენტით ისარგებლა და შეიქრა ტიგრანის სამფლობელო გორდიენაში. სომხეთში დატოვებულმა აფრანიუსმა პომპეუსის ბრძანებით გაილაშქრა პართიელთა წინააღმდეგ და განდევნა ისინი გორდიენადან და მისდია არბელიტიდამდე.

პართიის მეფემ მეორედაც (64 წ.) მოახდინა სომხეთზე თავდასხმა. პომპეუსმა ვერ გაბედა გამოეყენებია შემთხვევა და დაეწყო ახალი ომი პართიის წინააღმდეგ და, როცა მასთან საჩივლელად გამოცხადდნენ ტიგრანისა და ფრაატის ელჩები, იგი მათი საზღვრების მოსაწესრიგებლად მხოლოდ კომისიის გამოყოფით დაკმაყოფილდა. პართიასთან ომის დაწყებაში პომპეუსის შიში მარტო მისი პირადი მერყეობითა და სიმხდალით არ აიხსნება. საქართველოსა და ალბანეთში ლაშქრობებმა პომპეუსის ძლიერი არმია დაასუსტა და გააჩანაგა. მართალია, მამაც კავკასიელებთან ბრძოლაში რომაელთა ზარალის შესახებ წყარო-

ები დუმან, მაგრამ ცალკეულ ბრძოლათა და უცხო ქვეყნების კლი-
მატთა შეუგუებლობის აღწერიდანაც კარგად ჩანს, რომ რომაელთა
მსხვერპლი დიდი უნდა ყოფილიყო. ახალი, „პართიული ომისაკენ“
პომპეუსის შეკავებაში არანაკლები როლი უნდა შეესრულებია იმა-
საც, რომ სომხეთისა და სხვა ახლად დალაშქრული ქვეყნების პოზი-
ცია პართია-რომის მოსალოდნელ ომში რომაელთათვის სასარგებლო
არ უნდა ყოფილიყო. შემთხვევითი არ იყო, როცა პომპეუსის მიერ
გაგზავნილმა მსაჯულებმა მთელი გორდინა და ჩრდილოეთი მესოპო-
ტამია ტიგრანს გადასცეს, ფრაატს ამის შესახებ საყვედურიც არ გა-
მოუთქვამს, რადგან იმედი ჰქონდა შემდგომში სომხეთი გამოადგე-
ბოდა, როგორც მოკავშირე რომაელთა წინააღმდეგ მოსალოდნელ
ომში. და, ბოლოს, პომპეუსს უთუოდ კარგად ახსოვდა ლუკულუსის
ბედი, რაც შედეგად მოჰყვა სომხებთან თვითნებურად ომის დაწყე-
ბას. მართალია, პომპეუსი უფლებამოსილი იყო ომისა და ზავის თვით-
ნებურად გამოცხადებაში და ახალი დიდი ომისათვის ჯარების შეკრე-
ბის უფლებაც ჰქონდა, მაგრამ ისეთი კოლოსალური ძალების შეკრე-
ბა, რასაც ძლიერი პართიის წინააღმდეგ ომები მოითხოვდა იმ პირო-
ბებში, შეუძლებელი იყო. ეს უფრო გვიანაც არ მოხერხდა, როცა ახა-
ლი, ძლიერი ძალებით პართიის საზღვრებთან გაჩნდა მარკუს კრასუ-
სი. 53 წ. კარასთან საშინელმა მარცხმა რომაელებს აჩვენა, რამდენად
ძლიერი მეტოქე გასჩენიათ მათ აღმოსავლეთში. ავგუსტუსისა და ტრა-
იანეს ეპოქებშიც ძნელი ხდებოდა პართიასთან ჭიდილი.

63 წელს პომპეუსმა შეიტყო მითრიდატე პონტოელის სიკვდილი.
რომაელებმა დიდი ზეიმით იღვესასწაულეს ეს ამბავი, „მიიჩნევდნენ
რა, რომ მეტად საშიში მტრისაგან განთავისუფლდნენ“. „ჯარისკაც-
თა სიხარული გამოიხატა, რა თქმა უნდა, მრავალ მსხვერპლშეწირუ-
ლებასა და ნადიმებში. რადგანაც ერთი მითრიდატეს სახით მათ ათა-
სი მტერი დაეღუპათ“. ფარნაკემ მამის ცხედარი სხვა მძევლებთან
ერთად პომპეუსს გაუგზავნა და სამაგიეროდ ითხოვა პონტოს ან
ბოსფორის სამეფო. პომპეუსმა, როგორც ითქვა, ფარნაკეს სამმარ-
თველოდ ბოსფორი უწყალობა, ხოლო მითრიდატეს ცხედრის ბრწყინ-
ვალე დაკრძალვა მოაწყო. მან ბრძანა, „დაემარხათ იგი სამეფოს საკ-
რძალავში, სინოპში, მეფეთა სამარხში, — ასე იყო აღტაცებული პომ-
პეუსი მისი საგმირო საქმეებით და იგი მას თავისი დროის მეფეთა
შორის ყველაზე უკეთესად მიაჩნდა“.

64—65 წლებში პომპეუსის ლეგატებმა — გაბინიუსმა, სკაერუსმა
და აფრანიუსმა — დაიპყრეს სირია და ფინიკია. თვითონ პომპეუს-
მაც მანამ, სანამ მითრიდატე პონტოელი ბოსფორში უკანასკნელ დღე-
ებს ითვლიდა, მოაწყო ლაშქრობა სირია-პალესტინის მიმართულე-
ბით. 63 წელს, ამიერკავკასიის დალაშქვრის შემდეგ, იგი მივიდა და-

ანაკოში, აქედან კი — სელევკიაში. სელევკიას მან მისცა „თავისუფლება“ ტიგრან მეორის მტრობისათვის. პომპეუსმა დაიმორჩილა ფინიკიური ქალაქები, რომელთაგან განსაკუთრებით დასარცა ბიბლოსი.

კელესირიაში პომპეუსთან გამოცხადდნენ ელჩები საბოლოოდ ქედმოსხრილი სირიისაგან, ეგვიპტისა და იუდეისაგან. ეგვიპტელებმა რომაელ სარდალს მიაართვეს ძვირფასი გვირგვინი 4000 ოქროს მონეტის ღირებულებისა, ხოლო არისტობულე იუდეველმა პორჩილებისა და ერთგულების ნიშნად პომპეუსს უძღვნა ბრწყინვალე ხელოვნებით ნაძერწი, ექვსას ტალანტად ღირებული „ოქროს ვენახი“.

ებრაელთა წარმოგზავნილებმა პომპეუსს ამაოდ შესჩივლეს, რომ მის მოსვლამდე რომაელმა სარდლებმა, გაბინიუსმა და სკავრუსმა, ქრთამის სახით დიდძალი ფული წაართვეს იუდეველებს — პირველმა სამასი, ხოლო მეორემ ოთხასი ტალანტი.

62 წლის ადრიან ფაზაფხულზე პომპეუსმა არმია საზამთრო ბანაკებიდან გამოიყვანა და ხელახლა დალაშქრა და გაძარცვა სირია-პალესტინა. მან განსაკუთრებული „რომაული სისრულით“ გაძარცვა და დაანგრია აბამეა. რომაელმა დამპყრობელმა არ იკმარა ეგვიპტელთაგან ნაძღვნევი ძვირფასი გვირგვინი და ახალ სიმდიდრეთა მოხვეჭის მიზნით ხელი მიჰყო პტოლემეაოს მეგამეტის სამფლობელოთა ახორეხას. პტოლემეაოსმა ამჯერად 10.000 ტალანტი მიათვა პომპეუსს და ამით იხსნა ქვეყანა სავსებით გაპარტახებისაგან.

პომპეუსმა ისარგებლა იუდეაში ატეხილი სოციალური და რელიგიურ-დინასტიური შეხლა-შემოხლით, რასაც სათავეში პირკანოსი და არისტობულე უდგნენ. არისტობულე რომაელებთან გამოცხადდა და პომპეუსს „ალუთქვა დიდი ფული და იერუსალიმში შეშვება“, თან დახვეწა ითხოვა. პომპეუსი დათანხმდა და გაბინიუსი რაზმით გაგზავნა იერუსალიმიდან ფულის გამოსატანად. მაგრამ არისტობულემ სტყვეა არ შეასრულა: გაბინიუსი არც ქალაქში შეუშვა და არც ფული გამოატანა.

განრისხებულმა პომპეუსმა დაუყოვნებლივ დაიწყო იერიშები იერუსალიმზე. სამი თვის ბრძოლის შემდეგ რომაელებმა იერუსალიმი აიღეს. ქალაქში პირველი შეიქრა ფაუსტუს სულა, დიქტატორის ვაჟი. პომპეუსი „გამარჯვებულის უფლებამოსილებითა და ცნობისმოყვარეობით“ უცქერდა ბრწყინვალე აზიური კულტურის ერთ-ერთი დიდი ცენტრის დარბევას. 12.000 ებრაელი გაწყდა. ქვეყანა მძიმედ დაიხარკა. დამონებული იუდეის ნომინალურ მმართველად პომპეუსმა პირკანოსი დასვა, ხოლო არისტობულე მომავალ ტრიუმფში გასატარებლად დაბორკა.



61 წელს ძლევამოსილი „მაგნუსი“ ეფესოდან იტალიისაკენ გაეშურა. აპენინს უახლოვდება იმპერატორი, რომლის საგანგებო იმპერიუმმა რომს დაუმორჩილა „ყველა ქვეყნები და ყველა საზღვრები, რომელთაც კი მზე მიმოასხივებს“¹. არაჩვეულებრივად დიდი იყო რომში ის საყოველთაო აღტაცება, რაც შედეგად მოჰყვა მითრიდატესთან ხანგრძლივი ომების დამთავრებას და საერთოდ მუდამ მოუსვენარ „აღმოსავლურ საქმეთაგან მოსვენებას“. არაჩვეულებრივი მიღება. ტრიუმფალური შეხვედრა ელოდა იმპერატორს. რომელმაც სწორედ არაჩვეულებრივი იმპერიუმით აღჭურვილმა შეძლო ამაყი და მრისხანე აღმოსავლეთის დამორჩილება.

„როდესაც იგი რომს უახლოვდებოდა, მოსახლეობა მოდიოდა და მოდიოდა მის შესახვედრად, ყველაზე შორს კი გამოეგება ახალგაზრდობა და მათ შემდეგ სხვადასხვა ასაკის ხალხი, ვისაც როგორ შეეძლო, — ყველა, მათზე უწინარეს კი სენატი. ყველას უყვირდა მისი გმირობა: წინათ ხომ არასოდეს და არავის დაუმარცხებია ესოდენ ძლიერი მტერი, არ დაუპყრია ამდენი და ესოდენ დიდი ხალხები და არავის გაუტყველებია რომაელთა ხელისუფლება ეფრატის საზღვრებამდე. დიდებითა და ბრწყინვალებით, — როგორც მანამდე არავინ, მან 36 წლის კაცმა, ორი დღის განმავლობაში იძღვსასწაულა ტრიუმფი მრავალ ხალხზე: პონტოდან და არმენიიდან, კაპადოკიიდან და კილიკიიდან, მთელი სირიიდან; აქ იყვნენ ალბანები, ჰენიონებიც, სკვითი აქელებიც და აღმოსავლეთ იბერიელებიც. მან მოიყვანა ნავსადგურებში 700 ვარგისი ხომალდი, ხოლო ტრიუმფის საზეიმო სვლაში მრავალი იყო ეტლები და ტახტრევანები, სულ ოქროთი შემკული, — და სხვა ნივთები, ნაირფერად შემკული, დარიოს ჰისტასპის საკუთრებანი და თვით მითრიდატე ევპატორის სამეფო ტახტი. მან უბრძანა გამოეტანათ აგრეთვე მისი კვერთხი და ოქროსაგან ჩამოსხმული გამოხატულება რვა წყრთის სიდიდისა; ვერცხლის მოჭრილი ფული 75.100.000 დრაქმის რაოდენობით; აქვე იყო აგრეთვე უამრავი ურემსაზიდები იარაღითა და სომალდების ცხვირებით დატვირთული და ტყვეთა და შეკობრეთა დიდი რაოდენობა; არც ერთ მათგანს ბორკილი არ ელო და ყველას თავისი ნაციონალური ტანსაცმელი ეცვა.

„თვითონ პომპეუსის ეტლის წინ მიდიოდნენ დამარცხებულ მეგვითა უმაღლესი მოხელენი, შვილები ან ჭარის უფროსნი; ზოგი მათგანი ტყვედ იყო წამოყვანილი, ზოგი მძევლად იყო მიცემული, — სულ 324 ადამიანი. აქ იყვნენ ტიგრანის ვაჟი ტიგრანი და მითრიდატეს ხუთი ვაჟი: არტაფერნი, კიროსი, ოქსათრი, დარიოსი და ქსერქსე. აგრეთვე მისი ქალები, ორსაბარისი და ევპატრა. მიდიოდა აგრეთვე კოლხთა ბატონი ოლთაკე, იუდეველთა მეფე არისტობულე,

¹ Cic. in Catilinam orat., IV, X, 21.

და კილიკიის მმართველნი, სკვითთა სეფექალები, სამი წინამძღოლი ბერძენებისა და ორი ალბანელებისა, აგრეთვე მითრიდატეს ცხენოსანი ჯარის ყოფილი სარდალი მენანდრე ლაოდიკელი. ვინც კი იქ არ იყვნენ — ტიგრანი და მითრიდატე — მათი გამოსახულებანი მოპოვნდათ: როგორ იბრძოდნენ ისინი, დამარცხდნენ და გაიქცნენ. გამოხატული იყო, როგორ ჰქონდა მითრიდატეს ალყა შემორტყმული და როგორ მოკვდა იგი. და გამოხატული იყვნენ მისი ქალები, რომლებმაც მასთან ერთად სიკვდილი ირჩიეს. იყვნენ გამოხატული აგრეთვე მისი ვაჟები და ქალები, რომლებიც მასზე ადრე გარდაიცვალნენ. იქვე გამოხატული იყვნენ ბარბაროსთა ღმერთები ადგილობრივ სამოსელში. მიჰქონდათ აგრეთვე დაფა, რომელზედაც ეწერა: „ხომალდები სპილენძის საბრძოლო ცხვირით დატყვევებულია 800: ქალაქები და არსებულია: კაპადოკიაში 8, კილიკიასა და კელესირიაში 20, პალესტინაში — ამაყამად სელევკიად წოდებული. დამარცხებული არიან მეფეები: სომხეთისა — ტიგრანი, არტაგ ბერძენი, ოროსე ალბანელი, მიდიის მეფე დარიოსი, ნაბატეის მეფე არეთა, ანტიოქე კომაგენელი“. აი, ეს ეწერა იქ. თვითონ პომპეუსი მიდიოდა ძვირფასი ქვებით მოკვდილი ეტლით, გამოწყობილი, როგორც ამბობენ, ალექსანდრე მაკედონელის ტანსაცმელში, — თუ კი ეს დასაჯერებელია. — მგონია, მან იგი იპოვნა მითრიდატეს საგანძურებში: ჭიოსელებს იგი ჰქონდათ მიღებული კლეოპატრასაგან. მისი ეტლის უკან მიდიოდნენ მისი სარდლები, რომლებიც მასთან ერთად იბრძოდნენ; ისინი ზოგი ცხენებით, ზოგი ფეხით მიდიოდნენ. იგი ავიდა კაპიტოლიუმზე. ტყვეთაგან არავან დასაჯა სიკვდილით, — როგორც ეს სჩვეოდათ ტრიუმფატორებს, — არამედ სახელმწიფო ხარჯზე ისინი სამშობლოში გაისტუმრა, გარდა სამეფო შთამომავლობის პირებისა. და იმათგანაც მხოლოდ არისტობულე იქნა სიკვდილით დასჯილი დაუყოვნებლივ, ხოლო შემდეგში ტიგრანიც. ასეთი იყო მისი ტრიუმფი“¹.



ასე დასრულდა დიდი აღმოსავლური კამპანია — მთელი დასავლეთი აზია რომს დაუმორჩილდა. 150 წლოვანი ჭიდილი აღმოსავლეთსა და დასავლეთს შორის დასავლეთის გამარჯვებით დამთავრდა. პომპეუსის ტრიუმფი, რომს მოევიწინა არა მარტო როგორც ბრწყინვალე გვირგვინი „აღმოსავლური ეპოპეის“ რომის სასარგებლოდ გადწყვეტისა, არამედ როგორც კვლავინდებური, უფრო მტკიცე, დადასტურე-

¹ App. Mithr. 116—117.

ბა „იმპერიის გონიერულობისა“ და „ოპტიმატური რესპუბლიკის“ ეამ-
გასულობისა.

მაშ, ისევ აღმოსავლურ ბაზისზე ფეხდამკვიდრებული მო-
ვიდა რომში ახალი „იმპერიული ძალა“ — ახალი dictator orientalis,
რომელმაც სატრიუმფო გვირგვინთა შორის რომის ფორუმზე გამოიტა-
ნა ყველაზე დიდი გვირგვინი — გვირგვინი იმპერიისა, დიქტატურისა,
მონარქიისა. იგი ისევ აღმოსავლეთის გზით მოვიდა რომს.
ღიახ, აომპეუსის corona triumphalis იმავე დროს იყო corona ori-
entalis.

ჯანდაცლილმა „რესპუბლიკამ“ უკანასკნელ ძალებს მოუხმო და
ერთხელ კიდევ სცადა „იმპერიის“ მოგერიება: სენატმა უარი სთქვა
პომპეუსის აღმოსავლურ ღონისძიებათა დამტკიცებაზე და მისი „უსამ-
შობლო“ ვეტერანებისადმი მიწის დარიგებაზე. ახალი „აღმოსავლელი
დიქტატორი“ არ იყო წინამორბედისებრ (სულა) შემტევი და შემმა-
რთებელი. ამიტომ ძალამ (პომპეუსი) არჩია კავშირი ნიქთან (კეისარი)
და ფულთან (კრასუსი). 60 წელს ტრიუმვირატი შეუდგა მხრებით იმ-
პერიის მძიმე და მომხიბლავ გვირგვინს. ეს უცნაური „ტრიარქია“
ეწინამძღვრა „მონარქიის“ მუდმივ აღიარებას რომის ფორუმზე. ჭერ-
ჯერობით „სამთავიან ურჩხულში“ იქნა განსახებული ფაქტიური დამ-
კვიდრება რომაული იმპერიისა...

ამგვარად, 200 წლიდან 60 წლამდე რომში არ წამოკრილა
არც ერთი მნიშვნელოვანი პრობლემა, რომელ-
საც რაიმე კუთხიდან არ დაკავშირებოდეს და
მასში რაიმე ცვლილება არ შეეტანოს აღმოსავ-
ლეთის საკითხს“. თითქმის ყოველთვის რომის „რესპუბლიკა“,
თავისი პრიმიტიულობისა და შეზღუდულობისა გამო, „აღმოსავლეთის
საკითხის“ გადაჭრისას უძლურად გვევლინება. ამიტომ იგი იძულებუ-
ლია „აღმოსავლური გორდიოსის კვანძები“ ექსტრაორდინალურად
პირაწყობილი მახვილით განკვეთოს. აღმოსავლეთთან ურთიერთობის
სისხლიანი ეპოპეის ყველა პუნქტში რომი უპირატესობის მიღწევას
ოლიგარქიულ-რესპუბლიკური კონსტიტუციის რღვევითა და საგანგებო-
საიმპერატორო ხელისუფლების შექმნით ახერხებდა. მერე, რომის
„რესპუბლიკა“, აღმოსავლეთის დაპყრობის გარდუვალი აუცილებლო-
ბისა გამო, იძულებული შეიქმნა საბოლოოდ დაეთმო „იმპერიისათვის“.
ამ „გარდუვალ დათმობათა“ ფინალური პუნქტები შეიქმნენ: ჭერ-
„პომპეუსის იმპერიუმი“, მერე — „პირველი ტრიუმვირატი“.

ბოლოს და ბოლოს, „აღმოსავლეთის საკითხის“ ზე-
გავლენით, რომში ექსტრაორდინალური გახდა ორდი-
ნალური. ამიერიდან რომაული „რესპუბლიკა“ ფაქტიურად
აღარასოდეს გაცოცხლებულა.

შინაპარსი

ნაწილი პირველი

თავი I. რომი და აღმოსავლეთი ძვ. წ. III საუკუნის ბოლოს	3
1. რომი	3
2. აღმოსავლეთი	7
ა) ელინისტური სახელმწიფოები	8
ბ) ამიერკავკასიის ქვეყნები	18
თავი II. რომის და ელინისტური სამყაროს რადიკალური ურთიერთობის დასაწყისი	23
1. როგორ დაიწყო „მეორე მაკედონური ომი“	23
2. მაკედონიის პირველი განადგურება	28
3. მაკედონიის განადგურების შემდეგ, „ელეგთერიის“ რომაული ვარიანტი	33
თავი III. რომაელთა პირველი „აზიური „წილსვლა“	46
1. როგორ დაიწყო „სირიის ომი“	46
2. ომის პირველი წლები	56
3. პირველი აზიური სახელმწიფოს განადგურება	58
თავი IV. რომაული „ტირანიის“ დასაწყისი და აღმოსავლეთის საკითხი	69

ნაწილი მეორე

თავი V. რომის აღმოსავლური პოლიტიკა ძვ. წ. II საუკუნის 70-იან წლებში	88
1. როგორ დაიწყო „მესამე მაკედონური ომი“	88
2. ომის მსვლელობა. პიდნას ბრძოლა	90
3. მაკედონიის ხელახალი განადგურების შედეგები	94
თავი VI. რომის პროვინციალური სისტემის დასაწყისი აღმოსავლეთში	99
1. მაკედონიის სრული დამორჩილება	99
2. საბერძნეთის სრული დამორჩილება	103
თავი VII. „პროლეგომენა“	107
თავი VIII. „აღმოსავლური ელემენტი“ რომის კლასობრივ ბრძოლაში	115
1. სიცილიის მონათა პირველი აჯანყება	115
2. აჯანყება მეორე აზიაში	120
3. სიცილიის მონათა მეორე აჯანყება	125
თავი IX. „აღმოსავლეთის საკითხის“ ადგილი რომის შიდაკლასობრივ ბრძოლაში	132
1. ტიბერიუს გრაკხუსის მოღვაწეობა	132
2. გაიუს გრაკხუსის მოღვაწეობა	144
თავი X. „ბიძგის მიმცემი“ აღმოსავლეთიდან	148
1. „მითრიდატული მოძრაობის“ პროლოგი	150
2. პონტოს სამეფო II-I საუკუნეების მიჯნაზე	152
3. როგორ დაიწყო „მითრიდატეს პირველი ომი“	160
4. „ბიძგის მიმცემი“ მოქმედებაში	177
5. „აღმოსავლელი დიქტატორი“ დასაველეოში	192

თ ა ვ ი XI. რომის აღმოსავლური პოლიტიკა I საუკუნის 80-70-იან წლებში	198
1. „მითრიდატეს მეორე ომი“	198
2. როგორ დაიწყო „მითრიდატეს მესამე ომი“	200
3. ლუკულუსის ლაშქრობის პირველი წლები	206
4. რომაელთა ლაშქრობა პონტოში	212
5. რომაელთა პირველი ლაშქრობა სომხეთში	223
6. ლუკულუსის ლაშქრობის ფინალი	231
თ ა ვ ი XII. იმპერიული პომპეუსისა	242
1. მანილიუსი და ციცირონი	242
2. პომპეუსის ლაშქრობა პონტოში	250
3. პომპეუსის ლაშქრობა სომხეთში	259
4. პომპეუსის ლაშქრობა იბერია-კოლხეთსა და ალბანეთში	263
5. იმპერატორის „ჯამი ყოველთა“	269

რედაქტორი: ნ ო დ ა რ ლ ო მ ო უ რ ი
გამომცემლობის რედაქტორი: ლ. თ ო დ უ ა
მხატვრული რედაქტორი: თ. კ ა რ ბ ე ლ ა შ ვ ი ლ ი
ტექნიკური რედაქტორი: ლ. ქ ე ბ უ ლ ა ძ ე
კორექტორი ლ. კ ო ბ ა ხ ი ძ ე

ხელმოწერილია დასაბუქდად 17/X11-70 წ. ქაღალდის ზომა 60×90¹/₁₆-
ნაბეჭდი თაბახი 17,5. სააღრიცხვო-საგამომცემლო თაბახი 16,17.
უე 09323. ტირაჟი 2.000. შეეკვ. 7494.
ფასი 58 კაპ.

გამომცემლობა „განათლება“, თბილისი, კამოს ქ. № 18.
Издательство «Ганатლება», Тбилиси, ул. Камо, 18.
1970

საქართველოს სსრ მინისტრთა საბჭოს ბეჭდვითი სიტყვის
სახელმწიფო კომიტეტის მთავარბოლოგრაფიკული სტამბა № 5,
ქუთაისი, ი. ჯავახიშვილის პროსპექტი, 11.
Типография № 5 Главполиграфпрома Государственного комитета
Совета Министров Грузинской ССР по печати,
г. Кутаиси, пр. И. Чавчавадзе, 11.